



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

HN 64SX P


*Pellibus caequis evolutar levis ingenio  
Quem mea vox totum Bibliotheca capit  
Martian. xiv. Clxxxv*

*Vix ingenii magis magni quam boni  
Serena dona. i. 16. P. 13*

*His too, that the entire 'Decades of Livy'  
are contained in Royal Parker's  
Library at Aston Kingspa. vide  
Epist. Swinney to Mr W. Jones. Jan.  
1778.*

*(Sign month) from. of the life and  
writings of Sir W. Jones  
Page. 162.*

*KC 16850(1)*







-99 Per privata Sea

Magna impensâ - redempta P. 224.

119 gloria sprete -  
 simili & loue ho. negatu & honor  
 gloriam. integrit  
 var. Ann. 1. 10. 26 km i  
 — pag. 206 ed. Bipon:

comp. Pag. 342 de rit. Rom. Pag. 403/393)

~~729-346-392-392-400-432~~

File Tag. 142-100-242-247.

143 *Xoclanvibion* *order* (Auron Borealy)

145 In Fortuna docent precant

157, L. Zunt. Cerninatus

vid. Pag. 158 / 159 Pag. 226

224. *Factitia* in *P. P. perniciosa*.

Page 238 Mercatores ruarii - a  
proof of little intercourse  
between the neighbouring nations  
comp. pag. 260 - pag. 342.

Libertatis custodia magna  
imperia non diuturna

- 243 Tertius Messius .

necessitas maximam telum.

- 246 Romanorum intolerantia

Phoenicem imperium -


13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

**TITI LIVII**  
**LIBRI QUI SUPERSUNT**  
**IV. TOMIS.**







Prostat AMSTELODAMI, Apud  
JACOBUM a WETSTEIN. 1752.

○ **TITI LIVII**  
**PATAVINI**  
**HISTORIARUM**

**AB URBE CONDITA**  
**LIBRI QUI SUPERSUNT,**  
cum  
**OMNIUM EPITOMIS,**  
ac  
**DEPERDITORUM FRAGMENTIS:**

*Ad optimas editiones castigati,*

*Accurante*

**THOMA RUDDIMANNO, A. M.**

**TOMUS I.**



**EDINBURGI,**

*In aedibus* **T. & W. RUDDIMANNI,**

*Prostant autem* **AMSTELÆDAMI,** apud

**JACOBUM a WETSTEIN,**

**M. DCC. LII.**



~~LC 16.166~~  
KC 16850(1)

Harvard College Library

Norton Collection,

Feb. 8, 1909

(4 vols)

# TYPOGRAPHUS LECTORI BENEVOLO

S. P. D.

**Q**UUM hanc T. Livii, Latinorum Historicorum principis, in minori forma editionem primò susciperemus, sedulo enitendum duximus, ut ea simul nitida, & ad optimas editiones castigata, atque à mendis maculisque, quantum in nobis erat, prodiret immunis: ita enim non solum pueris, quorum assiduo teritur usu, bene consultum, sed & viris ingenii cultioris rem pergratam factum iri censebamus, si scriptorem hunc nobilissimum emaculatum ac mole satis commodâ, ad manus habendi occasio subministraretur: hoc igitur ut fieret, quid à nobis præstitum sit, paucis habeto. Quantis laboribus à renatis usque literis artisque typographicæ inventione insudârint viri docti, ut nativo suo splendore restitueretur auctor à librariis multimodis malè exceptus, & quot qualesque viri in hac palæstra luctati sint, hîc loci fusiùs enarrare longum esset, ac quidem minus necessarium, quum aliunde satis notum

## AD LECTOREM.

fit. At dicere liceat quòd, post omnium qui præcesserunt curas, ante Carolum Sigonium Livius in Livio semper desiderari visus sit. Is autem multiplici eruditione imbutus, magnâque industriâ opus aggressus, labes plures sustulit, scripturamque longè quàm antea sinceriorem reddidit. Alii deinde varii varia suppeditârunt hinc inde remedia & emendationes; sed qui attentius totum quod exstat Liviani operis retractavit, lucemque & elegantiam locis quamplurimis conciliavit ac restituit, erat Jo. Frid. Gronovius, qui ex manuscriptorum & editionum vetustiorum collatione quamplurima emendavit, ac sæpius, ubi hæc auxilia eum destituebant, ex ingenio, quo pollebat acerrimo, suppetias felicissimè, ut plurimum, arcessivit; ita ut eum, tanquam de Livio optimè meritum lubenter omnes deinceps agnoverint. Filius quoque ejus Jac. Gronovius emendationes haud paucas, tam ex MSS. quàm ex ingenio, superaddidit, quibus tamen Raphaël Fabretus, tanquam somniis & titivilitiis, injuriosius obrectavit. Nuper demum doctissimus Arnoldus Drakenborch, Gronovii vestigiis inhærens, post alios varios codices, tam editos quàm manuscriptos, inter se collatos, ad in-

## AD LECTOREM.

Incudem omnia denuo revocavit; unde accuratissimam, quæ hætenus usquam lucem conspexit, editionem dedit; in qua, quod ad Gronovii laudes ampliandas magnopere confert, conjecturas ejus haud rarò pro candore suo probavit firmavitque. Ad illam igitur Drakenborchii præcipuè, non magis ex aliorum opinione, quàm ex animi nostri sententia, editionem quam damus exigere visum est: quocirca viri illius industriæ omnino ferè tribuendum venit, si hæc aliis in minori forma anteferenda fuerit. Non adeo tamen arctè nos constringi passi sumus, ut ne latum unguem ab eo recedere auderemus, ubi ratio id poscere videbatur: quædam enim mutanda monuit & ostendit cl. Kennethus Mackenzie causarum patrum, in collegio Edinb. juris civilis P.P. vir non solum in jurisprudentia, sed & in quocumque bonarum literarum genere apprime versatus, quæ absque hæsitatione in textum recepimus: v. g. lib. v. cap. 51. ubi prius legebatur, *Non, si me senatusconsulto populi-que jussu revocaretis, rediturus unquam fu-erim*; ille, ex variis lectionibus MSS. codicum per ipsum Drakenborchium notatis elicit, *Non si millies senatusconsulto populi-*

## AD LECTOREM.

*que jussu revocaretis*: codex enim Florent. habet, *Non si mille SICs.* at Voss. pr. Leid. 2. & Lovel. 1. *Non simile senatusconsulto populi que jussu.* Leid. pr. *Non simile sic populi que jussu.* Harlei. pr. *Non sim ille sic populi que jussu.* Klockian. *Non similes cum populi jussu.* Lovel. 4. *Non sine me senatusconsulti populi que jussu.* Vocabula, viz. *si millies*, ex sensu parum perspecto, in MSS. pravè divisa satis est perspicuum. Libro quoque decimo, cap. 30. legebatur, *Sed superjecere quidam augendo fidem; qui in hostium exercitu peditum quadraginta millia, trecentos triginta, equitum sex millia, mille carpentorum scripsere fuisse*; idque ex emendatione Sigonii, quam posteriores omnes huc usque amplexi sunt. Certè Livium hîc loci de numero, supra quod credi potuit ingenti, scriptores quosdam redarguere, ex ipsis ejus verbis constat. Atqui in numeris hisce nihil fidem superat: neque MSS. à Drakenborchio collati numerum peditum incredibilem exhibent. Ille verò aliter se olim habuisse codices Livianos edocuit per testes satis locupletes, Paulum, viz. Orosium, in hist. lib. iii. cap. 21, & Paulum Diaconum ad annum ab U. C. cdx. quo.

## AD LECTOREM.

quorum verba sunt, *Gallorum & Samnitium peditum CXL. millia CCCXXX. equitum verb XLVII. millia*, Livius refert, & *carpentarios mille in armis contra aciem stetisse Romanam*. Suos ergo numeros Livio restituere haud dubitavimus, ut legeretur: *Sed superjecere quidam augendo fidem qui in hostium exercitu peditum centum quadraginta millia trecentos triginta, equitum sex & quadraginta millia, mille carpentorum scripsere fuisse*: Ita Livium eorum fidei, qui tantum numerum prodiderunt, meritò derogasse palam est. In aliis quoque minutioribus, at paucis illis quidem, à Drakenborchio recessimus, in pluribus fortè recessuri, non conjecturis quidem, quod periculosum foret, sed codicum auctoritate freti, ni metueremus ne critici morosiores nobis proinde negotium facerent. Quid quod in ipso libri primi limine primo aqua nobis hærebatur, utrùm cum editis *Æneæ Antenoreque*, an verò cum manuscriptis plerisque *Æneæ Antenoreque omne jus belli Acæivos abstinuisse*, dicendum foret: variatio enim haud ejusmodi est, ut librariis referendam hanc MSS. lectionem facile suspicareris; iis enim minùs usitatam loquendi formam usitatiorē com-

## AD LECTOREM.

commutare solenne fere est, insolentiores rarissime usurpant. Quicquid sit, vulgatam retinuimus; licet cl. Crevier alteram lectionem haud temere, tot manuscriptorum praesidio suffultus, in splendidam suam editionem intulisse videatur. Denique ut textus, quoad ejus fieri posset, accurate exhiberetur, haud levem impendimus curam, immo eam quidem, ut, hac in parte nostram ipsi Drakenborchianae aequiparandam, si non anteponendam, sperare fas sit: ibi enim sphalmata quaedam irrepsisse, sed ejus generis ut nequaquam ipsi viro clarissimo, sed operarum incuriae adscribenda sint, hinc inde observavimus. Te, lector, laboribus nostris benignè faveas, oramus. Vale.

T. LF

# T. LIVII PATAVINI HISTORIARUM

## AB URBE CONDITA

### LIBER PRIMUS.

#### EPITOME.

I, II. **A** Dventus *Ænea* in *Italiam*, & res ab eo gestæ referuntur. III. *Ascanii* regnum *Alba*, & deinceps *Silviorum*. IV. *Numitoris* filiâ, à *Marte* compressâ, nati *Romulus* & *Remus*. V. *Amulius* obtruncatus. VI. Urbs à *Romulo* condita. VIII. *Senatus* lectus. XI. Cum *Sabinis* bellatum. X. *Opima* spolia *Jovi Feretrio* lata. XIII. In curias populus divisus. XIV, XV. *Fidenates* & *Vejentes* victi. XVI. *Romulus* consecratus. XVIII, &c. *Numa Pompilius* ritus sacrorum tradidit : *Jano* templum constituit ; ejusque portam, pacatis omnibus circa populis, primus clausit. cum dea *Egeria* sibi congressus nocturnos esse simulans, feroces populi animos ad religionem perpulit. XXII, &c. *Tullus Hostilius Albanos* bello petiit. XXV. Posthæc trigeminorum pagna. XXVI. *Horatius* absolutus. XXVIII. *Metti Fufetii* supplicium. XXIX. *Alba* diruta. XXX. *Albani* in civitatem recepti. *Sabinis* bellum indictum. XXXI. Ad postremum fulmine *Tullus* absumptus. XXXII. *Ancus Marcius* ceremonias, à *Numa* institutas, renovavit : XXXIII. *Latinis* victis, & ad civitatem adscitis, montem *Aventinum* assignavit : *Politorium*, urbem *Latinorum*, bello repetitam, quam *prisci Latini* occupaverant, diruit. pontem *sublicium* in *Tiberim* fecit. *Janiculum* collem urbi addidit. fines imperii protulit.

A



TITI LIVII  
HISTORIARUM

QUOD EXTAT.  
*Ex Editione T. Ruddomanni.*



Prostat AMSTELODAMI, Apud  
JACOBUM a WETSTEIN. 1752.

**TITI LIVII**  
**PATAVINI**  
**HISTORIARUM**

**AB URBE CONDITA**  
**LIBRI QUI SUPERSUNT,**

**cum**  
**OMNIUM EPITOMIS,**  
**ac**  
**DEPERDITORUM FRAGMENTIS:**

*Ad optimas editiones castigati,*

*Accurante*

**THOMA RUDDIMANNO, A. M.**

**TOMUS I.**



**EDINBURGI,**

*In aedibus* **T. & W. RUDDIMANNI,**

*Prostant autem* **AMSTELÆDAMI,** apud

**JACOBUM a WETSTEIN,**

**M. DCC. LII.**

~~LC 16.166~~  
KC 16850(12)

Harvard College Library  
Norton Collection,

Feb. 8, 1909

(4 vols)

# TYPOGRAPHUS LECTORI BENEVOLO

S. P. D.

**Q**UUM hanc T. Livii, Latīnorum Historicorum principis, in minori forma editionem primò susciperemus, sedulò enitendum duximus, ut ea simul nitida, & ad optimas editiones castigata, atque à mendis maculisque, quantum in nobis erat, prodiret immunis: ita enim non solum pueris, quorum assiduo teritur usu, bene consultum, sed & viris ingenii cultioris rem pergratam factum iri censebamus, si scriptorem hunc nobilissimum emaculatum ac mole satis commodâ, ad manus habendi occasio subministraretur: hoc igitur ut fieret, quid à nobis præstitum sit, paucis habeto. Quantis laboribus à renatis usque literis artisque typographicæ inventione insudârint viri docti, ut nativo suo splendori restitueretur auctor à librariis multimodis malè exceptus, & quot qualesque viri in hac palæstra luctati sint, hîc loci fusiùs enarrare longum esset, ac quidem minus necessarium, quum aliunde satis notum

fit. At dicere liceat quòd, post omnium qui præcesserunt curas, ante Carolum Sigonium Livius in Livio semper desiderari visus sit. Is autem multiplici eruditione imbutus, magnâque industriâ opus aggressus, labes per plures sustulit, scripturamque longè quàm antea sinceriorem reddidit. Alii deinde varii varia suppeditârunt hinc inde remedia & emendationes; sed qui attentius totum quod exstat Liviani operis retractavit, lucemque & elegantiam locis quamplurimis conciliavit ac restituit, erat Jo. Frid. Gronovius, qui ex manuscriptorum & editionum vetustiorum collatione quamplurima emendavit, ac sæpius, ubi hæc auxilia eum destituebant, ex ingenio, quo pollebat acerrimo, suppetias felicissimè, ut plurimum, arcessivit; ita ut eum, tanquam de Livio optimè meritum lubenter omnes deinceps agnoverint. Filius quoque ejus Jac. Gronovius emendationes haud paucas, tam ex MSS. quàm ex ingenio, superaddidit, quibus tamen Raphaël Fabretus, tanquam somniis & titivilitiis, injuriosius obtrectavit. Nuper demum doctissimus Arnoldus Drakenborch, Gronovii vestigiis inhærens, post alios varios codices, tam editos quàm manuscriptos, inter se collatos, ad in-

## AD LECTOREM.

In eadem omnia denuo revocavit; unde accuratissimam, quæ hætenus usquam lucem conspexit, editionem dedit; in qua, quod ad Gronovii laudes ampliandas magnopere confert, conjecturas ejus haud rarò pro candore suo probavit firmavitque. Ad illam igitur Drakenborchii præcipuè, non magis ex aliorum opinione, quàm ex animi nostri sententia, editionem quam damus exigere visum est: quocirca viri illius industriæ omnino ferè tribuendum venit, si hæc aliis in minori forma anteferenda fuerit. Non adeo tamen arctè nos constringi passî sumus, ut ne latum unguem ab eo recedere auderemus, ubi ratio id poscere videbatur: quædam enim mutanda monuit & ostendit cl. Kennethus Mackenzie causarum patrum, in collegio Edinb. juris civilis P.P. vir non solum in jurisprudentia, sed & in quocumque bonarum literarum genere apprimè versatus, quæ absque hæsitacione in textum recepimus: v. g. lib. v. cap. 51. ubi prius legebatur, *Non, si me senatusconsulto populi-que jussu revocaretis, rediturus unquam fu-erim*; ille, ex variis lectionibus MSS. codicum per ipsum Drakenborchium notatis elicit, *Non si millies senatusconsulto populi-*  
A 3 que

## AD LECTOREM.

*que jussu revocaretis* : codex enim Florent. habet, *Non si mille SICS.* at Voss. pr. Leid. 2. & Lovel. 1. *Non simile senatusconsulto populi que jussu.* Leid. pr. *Non simile sic populi que jussu.* Harlei. pr. *Non sim ille sic populi que jussu.* Klockian. *Non similes cum populi jussu.* Lovel. 4. *Non sine me senatusconsulti populi que jussu.* Vocabula, viz. *si millies*, ex sensu parum perspecto, in MSS. pravè divisa satis est perspicuum. Libro quoque decimo, cap. 30. legebatur, *Sed superjecere quidam augendo fidem; qui in hostium exercitu peditum quadraginta millia, trecentos triginta, equitum sex millia, mille carpentorum scripsere fuisse*; idque ex emendatione Sigonii, quam posteriores omnes huc usque amplexi sunt. Certè Livium hîc loci de numero, supra quod credi potuit ingenti, scriptores quosdam redarguere, ex ipsis ejus verbis constat. Atqui in numeris hisce nihil fidem superat: neque MSS. à Drakenborchio collati numerum peditum incredibilem exhibent. Ille verò aliter se olim habuisse codices Livianos edocuit per testes satis locupletes, Paulum, viz. Orosium, in hist. lib. iii. cap. 21, & Paulum Diaconum ad annum ab U. C. cdx. quo.

## AD LECTOREM.

quorum verba sunt, *Gallorum & Samnitium peditum CXL. millia CCCXXX. equitum verb XLVII. millia*, Livius refert, & *carpentarios mille in armis contra aciem stetisse Romanam*. Suos ergo numeros Livio restituere haud dubitavimus, ut legeretur: *Sed superjecere quidam augendo fidem qui in hostium exercitu peditum centum quadraginta millia trecentos triginta, equitum sex & quadraginta millia, mille carpentorum scripsere fuisse*: Ita Livium eorum fidei, qui tantum numerum prodiderunt, meritò derogasse palam est. In aliis quoque minutioribus, at paucis illis quidem, à Drakenborchio recessimus, in pluribus fortè recessuri, non conjecturis quidem, quod periculosum foret, sed codicum auctoritate freti, ni metueremus ne critici morosiores nobis proinde negotium facerent. Quid quod in ipso libri primi limine primo aqua nobis hærebatur, utrùm cum editis *Æneæ Antenoreque*, an verò cum manuscriptis plerisque *Æneæ Antenoreque omne jus belli Acæivos abstinuisse*, dicendum foret: variatio enim haud ejusmodi est, ut librariis referendam hanc MSS. lectionem facile suspicareris; iis enim minùs usitatam loquendi formam usitatiorē com-



## AD LECTOREM.

commutare solenne fere est, insolentiorum rarissime usurpant. Quicquid sit, vulgata retinuimus; licet cl. Crevier alteram lectionem haud temere, tot manuscriptorum praesidio suffultus, in splendidam suam editionem intulisse videatur. Denique ut textus, quoad ejus fieri posset, accurate exhiberetur, haud levem impendimus curam, immo eam quidem, ut, hac in parte nostram ipsi Drakenborchianae aequiparandam, si non anteponendam, sperare fas sit: ibi enim sphalmata quaedam irrepsisse, sed ejus generis ut nequaquam ipsi viro clarissimo, sed operarum incuriae adscribenda sint, hinc inde observavimus. Te, lector, laboribus nostris benignè faveas, oramus. Vale.

T. LF

# T. LIVII PATAVINI HISTORIARUM

## AB URBE CONDITA

### LIBER PRIMUS.

#### EPITOME.

I, II. **A**Dventus *Ænea* in *Italiam*, & res ab eo gestæ referuntur. III. *Ascanii* regnum *Alba*, & deinceps *Silviorum*. IV. *Numitoris* filia, à *Marte* compressa, nati *Romulus* & *Remus*. V. *Amulius* obtruncatus. VI. Urbs à *Romulo* condita. VIII. *Senatus* lectus. XI. Cum *Sabinis* bellatum. X. *Opima* spolia *Jovi* *Feretrio* lata. XIII. In *curias* populus divisus. XIV, XV. *Fidenates* & *Veientes* victi. XVI. *Romulus* consecratus. XVIII, &c. *Numa* *Pompilius* ritus sacrorum tradidit : *Jano* templum constituit ; ejusque portam, pacatis omnibus circa populis, primus clausit. cum dea *Egeria* sibi congressus nocturnos esse simulans, feroces populi animos ad religionem perpulit. XXII, &c. *Tullus* *Hostilius* *Albanos* bello petiit. XXV. Posthac trigeminorum pugna. XXVI. *Horatius* absolutus. XXVIII. *Metti* *Fufetii* supplicium. XXIX. *Alba* diruta. XXX. *Albani* in civitatem recepti. *Sabinis* bellum indictum. XXXI. Ad portum fulmine *Tullus* absumptus. XXXII. *Ancus* *Marcus* ceremonias, à *Numa* institutas, renovavit : XXXIII. *Latinis* victis, & ad civitatem adscitis, montem *Aventinam* assignavit : *Politorium*, urbem *Latinorum*, bello repetitam, quam *prisci Latini* occupaverant, diruit. pontem *sublicium* in *Tiberim* fecit. *Janiculum* collem urbi addidit. fines imperii protulit.

A

protulit. Ostiam condidit. Regnavit annos viginti quatuor. XXXIV. Eo regnante, Lucumo Damarati Corinthii filius, à Tarquinis, Etruria civitate, Romam venit; & in amicitiam Anci receptus, Tarquinii nomen ferre coepit; & post mortem Anci regnum excepit. XXXV. Centum additis, Patrum numerum auxit. Latinos subegit, Circum designavit, ludos edidit. XXXVI. Sabinorum bello petitus, equitum centurias ampliavit. Tentanda scientia causâ Atti Navii auguris, consuluisse fertur, an id, de quo cogitaret, effici posset: quod quum ille fieri posse respondisset; jussisse eum novacula cotem præcidere; idque protinus ab Atto factum. XXXVII. Sabinos præterea acie vicit, XXXVIII. Urbem muro circumdedit, cloacas fecit. XL. Occisus est ab Anci filiis, quum regnasset annos triginta octo. XLI. Successit ei Ser. Tullius, natus ex captiva nobili Corniculana; cui puero, adhuc in cunis posito, caput arsisse traditum est. XLII, XLIII. Vejentes atque Etruscos prælio fudit. Censum primus egit. Lustrum condidit, quo civium capita censa octoginta millia esse dicuntur. Classes, centuriasque descripsit. XLIV. Pomærium protulit: colles urbi, Quirinalem, Viminalem, Esquilinumque adjecit. XLV. Templum Diana cum Latinis in Aventino fecit. XLVII, XLVIII. Interfectus est à L. Tarquinio, Prisci filio, consilio filie sue Tullie, quum regnasset annos quadraginta quatuor. XLIX. Post hunc L. Tarquinius Superbus, neque patrum, neque populi jussu, regnum invasit: quo die scelerata Tullia per patris jacentis corpus carpentum egit. Armatos circa se ad custodiam corporis sui habuit. L, LI. Turnum Herdonium fraude interemit. LIII. Bellum cum Volscis gessit: LV. & ex eorum prada templum Jovi in Capitolio fecit. Terminus & Juventas non addixere: quorum ora moveri non potuerunt. LIV. Filii Sexti Tarquinii dolo, Gabios in potestatem suam redigit. LVI. Hujus filius Delphos profectus, & consulentibus, quis eorum regnaturus esset Roma, dictum est, eum regnaturum, qui primus matrem osculatus esset. Quod responsum quum ipsi aliter interpretarentur, Junius Brutus, qui cum iis profectus erat, prolapsus se simulavit, &

terrâ

terram osculatus est. idque factum ejus eventus rei comprobavit. Nam quum, impotenter se gerendo, Tarquinius Superbus omnes in odium sui adduxisset; ad ultimum, propter expugnatam nocturnâ vi à Sexto filio ejus Lucretia pudicitiam, (quæ, vocato patre ad se Tricipitino, & viro Collatino, obtestata, ne inulta mors ejus esset, cultro se interemit,) LIX. Bruti operâ maximè expulsus est, quum regnâisset annos viginti quinque. LX. Tunc consules primum creati sunt L. Junius Brutus & L. Tarquinius Collatinus.

## P R Æ F A T I O.

**F**ACTURUS NE operæ pretium sum, si à primordio urbis res populi Romani perscripserim, nec satis scio; nec, si sciam, dicere ausim: Quippe qui, quum veterem, tum vulgatam esse rem, videam, dum novi semper scriptores, aut in rebus certius aliquid allaturos se, aut scribendi arte rudem vetustatem superaturos, credunt. Utcunque erit, juvabit tamen, rerum gestarum memoriæ principis terrarum populi, pro virili parte & ipsum consuluisse; & si in tanta scriptorum turba mea fama in obscuro sit, nobilitate ac magnitudine eorum, meo qui nomini officient, me consoler. Res est præterea, & immensi operis, ut quæ supra septingentesimum annum repetatur, & quæ, ab exiguis profecta initiis, cò creverit, ut jam magnitudine laboret suâ: & legentium plerisque, haud dubito, quin primæ origines proximaque originibus, minus præbitura voluptatis sint, festinantibus ad hæc nova, quibus jam pridem prævalentis populi vires se ipsæ conficiunt. Ego contra hoc quoque laboris præmium petam, ut me à conspectu malorum, quæ nostra tot per annos vidit ætas, tantisper, certè dum prisca illa totâ mente repeto, avertam, omnis expers curæ, quæ scribentis animum, etsi non flectere à vero, sollicitum tamen efficere possit.

Quæ ante conditam condendamve urbem, poetâs magis decora fabulis, quam incorruptis rerum gestarum monumentis, traduntur, ea nec affirmare, nec refellere, in animo est. Datur hæc venia antiquitati, ut, miscendo humana divinis, primordia urbium augustiora faciat. Et, si cui populo licere oportet consecrare origines suas, & ad Deos referre auctores; ea belli gloria est populo Romano, ut, quum suum conditorisque sui parentem Martem potissimum serat, tam & hoc gentes humanæ patiantur æquo animo, quàm imperium patiuntur. Sed hæc & his similia, utcunque animadversa aut existimata erunt, haud in magno equidem ponam discrimine. Ad illa mihi pro se quisque acriter intendat animum, quæ vita, qui mores fuerint: per quos viros, quibusque artibus, domi militiæque, & partum & augmentum imperium sit. labente deinde paulatim disciplinâ, velut desidentes primò mores sequatur animo; deinde ut magis magisque lapsi sint; tum ire cœperint præcipites: donec ad hæc tempora, quibus nec vitia nostra, nec remedia pati possumus, perventum est. Hoc illud est præcipue in cognitione rerum salubre ac frugiferum, omnis te exempli documenta in illustri posita monumento intueri: inde tibi tuæque reipublicæ, quod imitere, capias: inde scdum inceptu, scdum exitu, quod vites. Cæterum aut me amor negotii suscepti fallit, aut nulla unquam respublica nec major, nec sanctior, nec bonis exemplis ditior fuit: nec in quam civitatem tam seræ avaritia luxuriaque immigraverint: nec ubi tantus ac tam diu paupertati ac parsimoniæ honos fuerit: adeò, quanto rerum minus, tanto minus cupiditatis erat. Nuper divitiæ avaritiam, & abundantes voluptates desiderium, per luxum atque libidinem pereundi perdendique omnia, invexere. Sed querelæ, ne tum quidem gratæ futuræ, quum forsitan & necessariæ erunt, ab initio certè tantæ ordiendæ rei absint. Cum bonis potius omnibus, votisque ac precationibus Deorum Dearumque,

que, si, ut poëtis, nobis quoque mos esset, libentius inciperemus; ut oris tanti operis successus prosperos darent.

I. **J**AM primum omnium satis constat, Trojâ captâ, in ceteros servitum esse Trojanos; duobus, *Æneâ* Antenoreque, & vetusti jure hospitii, & quia pacis reddendæque Helenæ semper auctores fuerant, omne jus belli Achivos abstinuisse. Casibus deinde variis Antenorem cum multitudine Hecetum, qui, seditione ex Paphlagonia pulsi, & sedes & ducem, rege Pylæone ad Trojam amisso, querebant, venisse in intimam maris Adriatici sinum; Euganeisque, qui inter mare Alpesque incolabant, pulsi, Hecetum Trojanosque eos tenuisse terras: & in quem primum egressi sunt locum, Troja vocatur; pagoque inde Trojana nomen est: gens universa Veneti appellati. *Ænean*, ab simili clade domo profugum, sed ad majora initia actum ducentibus satis, primo in Macedoniam venisse: inde in Siciliam quercatam sedes delatum: ab Sicilia classe Laurentum agrum tenuisse: Trojæ & huic loco notam est. Ibi egressi Trojani, ut quibus ab immenso prope errore nihil, postea auxilium & naves, superesset, quum prædare ex agris agerent, Latinus rex Aborigineque, qui tum ea tenebant loca, ad accendendam viam advenarum armati ex urbe atque agris concurrunt. Duplex inde fama est: alii prælio visum Latinum, pacem cum *Æneo*, deinde affinitatem junxisse tradunt: alii, quum instructæ acies constitissent, priusquam signa canerent, processisse Latipum inter primos, ducemque advenarum evocasse ad colloquium; percuactatum deinde, qui mortales essent, uade, aut quo essu profecti domo, quidve quærentes in agrum Laurentum exissent? Postquam audierit, multitudinem Trojanos esse; ducem *Ænean*, filium *Anchisæ* & *Veneris*: crematâ patriâ & domo profugos, sedem, condendæque urbi locum quærere, & nobilitatem ad-

miratum gentis virique, & animum vel bello vel paci paratum, dexterâ datâ fidem futuræ amicitiz sanxisse. Inde fœdus istum inter duces, inter exercitus salutationem factam. Ænean apud Latinum fuisse in hospitio. ibi Latinum apud penates Deos domesticum publico adjunxisse fœdus, filiâ Æneæ in matrimonium datâ. ea res utique Trojanis spem affirmat tandem stabili certâque sede finiendi erroris. Oppidum cōdunt. Æneas ab nomine uxoris Lavinium appellat. Brevi stirps quoque virilis ex novo matrimonio fuit; cui Ascanium parentes dixerunt nomen.

II. Bello deinde Aborigines Trojanique simul petiti. Turnus Rex Rutulorum, cui pactâ Lavinia ante adventum Æneæ fuerat, prælatum sibi advenam ægrè patiens, simul Æneæ Latinoque bellum intulerat. Neutra acies læta ex eo certamine abiit. victi Rutuli: victores Aborigines Trojanique ducem Latinum amisere. Inde Turnus Rutulique diffisi rebus, ad florentes Etruscorum opes Mezentiumque, eorum regem, confugiunt: qui, Cære opulento tum oppido imperitans, jam inde ab initio minimè lætus novæ origine urbis, & tum nimio plus, quàm satis tutum esset accolis, rem Trojanam crescere ratus, haud gravatim focia arma Rutulis junxit. Æneas adversus tanti belli terrorem ut animos Aboriginum sibi conciliaret, ne sub eodem jure solum, sed etiam nomine omnes essent, Latinos utramque gentem appellavit. Nec deinde Aborigines Trojanis studio ac fide erga regem Ænean cessere. fretusque his animis coalescentium indies magis duorum populorum Æneas, quanquam tanta opibus Etruria erat, ut jam non terras solum, sed mare etiam per totam Italiæ longitudinem, ab Alpibus ad fretum Siculum, famâ nominis sui implèssent; tamen, quum mœnibus bellum propulsare posset, in aciem copias eduxit. Secundum inde prælium Latinis, Æneæ etiam ultimum operum mortalium fuit. Titus est, quemcunque eum dici jus fasque est, super Numiciurn

micium flumen : Jovem indigetem appellant.

III. Nondum maturus imperio Ascanius Æneæ filius erat : tamen id imperium ei ad puberem ætatem incolume mansit. tantisper tutelâ muliebri (tanta in dolis in Lavinia erat) res Latina & regnum avitum paternumque puero stetit. Haud nihil ambigam, (quis enim rem tam veterem pro certo affirmet?) hiccine fuerit Ascanius, an major, quàm hîc, Creusâ matre Iliæ incolumi natus, comesque inde paternæ fugæ, quem Iulum eundem Julia gens auctorem nominis sui nuncupat. Is Ascanius, ubicunque & quacunque matre genitus (certè natum Æneâ constat) abundante Lavinii multitudine, florentem jam (ut tunc res erant) atque opulentam urbem matri, seu novercæ, reliquit : novam ipse aliam sub Albano monte condidit; quæ, ab situ porrectæ in dorso urbis, Longa Alba appellata. Inter Lavinium & Albam Longam coloniam deductam triginta ferme interfuerunt anni. tantum tamen opes creverant, maximè suis Etruscis, ut ne morte quidem Æneæ, nec deinde, inter muliebrem tutelam rudimentumque primum puerilis regni, movere arma aut Mezantius Etruscique, aut ulli alii accobæ ausi sint. Pax ita convenerat, ut Etruscis Latinisque fluvijs Albula, quem nunc Tiberim vocant, finis esset. Silvius deinde regnat, Ascanii filius, casu quodam in silvis natus. Is Æneæ Silvium creat. is deinde Latinum Silvium. Ab eo coloniz aliquot deductæ, Prisci Latini appellati. Mansit Silvius postea omnibus cognomen, qui Albæ regnarunt. Latino Alba ortus, Albâ Atys, Atye Capys, Capye Capetus, Capeto Tiberinus; qui, in trajectu Albulæ amnis submersus, celebre ad posteros nomen flumini dedit. Agrippa inde Tiberini filius; post Agrippam Romulus Silvius, à patre accepto imperio, regnat. Aventino, fulmine ipse ictus, regnum per manus tradidit. is, sepultus in eo colle, qui nunc est pars Romanæ urbis, cognomen colli fecit. Proca deinde regnat : is Numitorem atque Amu-



lium procreat. Numitori, qui stirpis maximus erat, regnum vetustum Silvæ gentis legat. Plus tamen vis potuit, quàm voluntas patris, aut verecundia ætatis. Pado fratre, Amulius regnat. addit scelerì scelus. stirpem fratris virilem interimit: fratris filie Rheæ Silvæ, per speciem honoris, quum Vestalem eam legisset, perpetuâ virginitate spem partûs adimit.

IV. Sed debebatur, ut opinor, satis tantæ origo urbis, maximique secundum Deorum opes imperii principium. Vi compressa Vestalis, quum geminum partum edidisset, seu ita rata, seu quia Deus auctor culpæ honestior erat, Martem incertæ stirpis patrem nuncupat. Sed nec Dii, nec homines, aut ipsam, aut stirpem à crudelitate regia vindicant. sacerdos vincula in custodiam datur: pueros in profluentem equam mitti jubet. Forte quadam divinitus super ripas Tiberis effusus lenibus sanguis, nec adiri usquam ad justum cursum poterat amnis: &c, posse quamvis languida mergi aqua infantes, spem ferentibus dabat. ita velut defuncti regis imperio, in proxima alluvie, ubi nunc ficus Ruminalis est (Romularem vocatam ferunt) pueros exponunt. Vastæ tum in iis locis solitudines erant. Tenet fama, quum fluitantem alveum, quo expositi erant pueri, tenuis in sicco aqua destituisset, lupam sitientem ex montibus, qui cineræ sunt, ad puerilem vagitum cursum flexisse: eam summissas infantibus adeò mitem præbuisse mammæ, ut linguâ lambentem pueros magister regii pecoris inveniret. Fauſtulo fuisse nomen ferunt. Ab eo ad stabula Larentiæ uxori educandos latos. Sunt, qui Larentiam, vulgato corpore, lupam inter pastores vocatam putent: inde locum fabulæ ac miraculo datum. Ita geniti, itaque educati, quum primùm adolevit ætas, nec in stabulis, nec ad pecora segnes, venando peragrarè circâ saltus. Hinc, robore corporibus animisque sumpto, jam non feras tantùm subsistere, sed in latrones, prædâ onustos, impetus facere, pastoribusque rapta dividere: &c  
cum

cum his, crescente indies grege juvenum, seria ac jocos celebrare.

V. Jam tum in Palatino monte Lupercal hoc fuisse ludicrum ferunt, & à Pallanteo, urbe Arcadica, Pallantium, deinde Palatium, montem appellatum. ibi Evandrum, qui ex eo genere Arcadum multis antè tempestatibus ea tenuerat loca, solenne allatum ex Arcadia instituisse, ut nudi juvenes, Lyceum Pana venerantes, per lufum atque lasciviam currerent. quem Romani deinde vocarunt Inuum. Huic deditis ludicre, quum solenne notum esset, insidiosos ob ipsam prædæ amissæ latrones, quum Romulus vi se defendisset, Remum cepisse; capsum regi Amulio tradidisse, ultrò accusantes. Crimini maximè dabant, in Numitoris agros ab his impetum fieri: inde eos, collectâ juvenum manu, hostilem in modum prædæ agere. sic Numitori ad supplicium Remus deditur. Jam inde ab initio Faustulo spes fuerat, regiam stirpem apud se educari; nam & expositos jussu regis infantes sciebat, & tempus, quo ipse eos sustulisset, ad id ipsum congruere; sed rem immaturam, nisi aut per occasionem, aut per necessitatem aperiri noluerat. necessitas prior venit. ita metu subactus, Romulo rem aperit. Forte & Numitori, quum in custodia Remum haberet, audissetque geminos esse fratres, comparando & ætatem eorum, & ipsam minimè servilem indolem, tetigerat animum memoria nepotum: sciscitandoque eodém pervenit, ut haud procul esset, quin Remum agnosceret. Ita undique regi dolus nescitur. Romulus, non cum globo juvenum (nec enim erat ad vim aptam par) sed aliis alio itinere jussis certo tempore ad regiam venire pastoribus, ad regem impetum facit: & à domo Numitoris aliâ comparatâ manu adjuvat Remus. ita regem obtruncant.

VI. Numitor, inter primum tumultum hostes invasisse urbem atque adortos regiam distitans, quum urbem Albanam in arcem præsidio armisque obtinendam

## AD LECTOREM.

commutare solenne fere est, insolentiorum rarissime usurpant. Quicquid sit, vulgatam retinuimus; licet cl. Crevier alteram lectionem haud temere, tot manuscriptorum praesidio suffultus, in splendidam suam editionem intulisse videatur. Denique ut textus, quoad ejus fieri posset, accurate exhiberetur, haud levem impendimus curam, immo eam quidem, ut, hac in parte nostram ipsi Drakenborchianae aequiparandam, si non anteponendam, sperare fas sit: ibi enim sphalmata quaedam irrepsisse, sed ejus generis ut nequaquam ipsi viro clarissimo, sed operarum incuriae adscribenda sint, hinc inde observavimus. Te, lector, laboribus nostris benignè faveas, oramus. Vale.

T. LF

T. LIVII PATAVINI  
HISTORIARUM  
AB URBE CONDITA

LIBER PRIMUS.

EPITOME.

I, II. **A**Dventus *Ænea* in *Italiam*, & res ab eo gestæ referuntur. III. *Ascanii* regnum *Albæ*, & deinceps *Silviorum*. IV. *Numitoris* filia, à *Marte* compressa, nati *Romulus* & *Remus*. V. *Amulius* obtruncatus. VI. *Urbs* à *Romulo* condita. VIII. *Senatus* lectus. XI. Cum *Sabinis* bellatum. X. *Opima* spolia *Jovi* *Feretrio* lata. XIII. In *curias* populus divisus. XIV, XV. *Fidenates* & *Vejentes* victi. XVI. *Romulus* consecratus. XVIII, &c. *Numa* *Pompilius* ritus sacrorum tradidit : *Jano* templum constituit ; ejusque portam, pacatis omnibus circa populis, primus clausit. cum dea *Egeria* sibi congressus nocturnos esse simulans, feroces populi animos ad religionem perpulit. XXII, &c. *Tullus* *Hostilius* *Albanos* bello petiit. XXV. Posthac trigeminorum pugna. XXVI. *Horatius* absolutus. XXVIII. *Metti* *Fufetii* supplicium. XXIX. *Alba* diruta. XXX. *Albani* in civitatem recepti. *Sabinis* bellum indictum. XXXI. Ad postremum fulmine *Tullus* absumptus. XXXII. *Ancus* *Marcus* ceremonias, à *Numa* institutas, renovavit : XXXIII. *Latinis* victis, & ad civitatem adscitis, montem *Aventinum* assignavit : *Politorium*, urbem *Latinorum*, bello repetitam, quam *prisci Latini* occupaverant, diruit. pontem *sublicium* in *Tiberim* fecit. *Janiculum* collem urbi addidit. fines imperii protulit.

A

protulit. Ostiam condidit. Regnavit annos viginti quatuor. XXXIV. Eo regnante, Lucumo Damarati Corinthii filius, à Tarquinis, Etruria civitate, Romam venit; & in amicitiam Anci receptus, Tarquinii nomen ferre coepit; & post mortem Anci regnum excepit. XXXV. Centum additis, Patrum numerum auxit. Latinos subegit, Circum designavit, ludos edidit. XXXVI. Sabinorum bello petitus, equitum centurias ampliavit. Tentanda scientia causâ Atti Navii auguris, consuluisse fertur, an id, de quo cogitaret, effici posset: quod quum ille fieri posse respondisset; jussisse eum novacula cotem præcidere; idque protinus ab Atto factum. XXXVII. Sabinos præterea acie vicit, XXXVIII. Urbem muro circumdedit, cloacas fecit. XL. Occisus est ab Anci filiis, quum regnasset annos triginta octo. XLI. Successit ei Ser. Tullius, natus ex captiva nobili Corniculana; cui puero, adhuc in cunis posito, caput arsisse traditum est. XLII, XLIII. Veientes atque Etruscos prælio fudit. Censum primus egit. Lustrum condidit, quo civium capita censa octoginta millia esse dicuntur. Classes, centuriasque descripsit. XLIV. Pomærium protulit: colles urbi, Quirinalem, Viminalem, Esquilinumque adjecit. XLV. Templum Diana cum Latinis in Aventino fecit. XLVII, XLVIII. Interfectus est à L. Tarquinio, Prisci filio, consilio filia sue Tullia, quam regnasset annos quadraginta quatuor. XLIX. Post hunc L. Tarquinius Superbus, neque patrum, neque populi jussu, regnum invasit: quo die scelerata Tullia per patris jacentis corpus carpentam egit. Armatos circa se ad custodiam corporis sui habuit. L, LI. Turnum Herdonium fraude interemit. LIII. Bellum cum Volscis gessit: LV. & ex eorum prada templum Jovi in Capitolio fecit. Terminus & Juventas non addixere: quorum ara moveri non potuerunt. LIV. Filii Sexti Tarquinii dolo, Gabios in potestatem suam redigit. LVI. Hujus filius Delphos profectus, & consulentibus, quis eorum regnaturus esset Roma, dictum est, eum regnaturum, qui primus matrem osculatus esset. Quod responsum quum ipsi aliter interpretarentur, Junius Brutus, qui cum iis profectus erat, prolapsus se simulavit, &

terræ

terram osculatus est. idque factum ejus eventus rei comprobat. Nam quum, impotenter se gerendo, Tarquinius Superbus omnes in odium sui adduxisset; ad ultimum, propter expugnatam nocturnâ vi à Sexto filio ejus Lucretia pudicitiam, (quæ, vocato patre ad se Tricipitino, & viro Collatino, obtestata, ne iniusta mors ejus esset, cultro se interemit,) LIX. Bruti operâ maximè expulsus est, quum regnâset annos viginti quinque. LX. Tunc consules primum creati sunt L. Junius Brutus & L. Tarquinius Collatinus.

## P R Æ F A T I O.

**F**ACTURUS NE operæ pretium sum, si à primordio urbis res populi Romani perscripserim, nec satis scio; nec, si sciam, dicere ausim: Quippe qui, quum veterem, tum vulgatam esse rem, videam, dum novi semper scriptores, aut in rebus certius aliquid allaturos se, aut scribendi arte rudem vetustatem superaturos, credunt. Utcunque erit, juvabit tamen, rerum gestarum memoriæ principis terrarum populi, pro virili parte & ipsum consuluisse; &, si in tanta scriptorum turba mea fama in obscuro sit, nobilitate ac magnitudine eorum, meo qui nomini officient, me consoler. Res est præterea, & immensi operis, ut quæ supra septingentesimum annum repetatur, & quæ, ab exiguis profecta initiis, eò creverit, ut jam magnitudine laboret suâ: & legentium plerisque, haud dubito, quin primæ origines proximaque originibus, minus præbitura voluptatis sint, festinantibus ad hæc nova, quibus jam pridem prævalentis populi vires se ipsæ conficiunt. Ego contrâ hoc quoque laboris præmium petam, ut me à conspectu malorum, quæ nostra tot per annos vidit ætas, tantisper, certè dum prisca illa totâ mente repeto, avertam, omnis expers curæ, quæ scribentis animum, etsi non flectere à vero, sollicitum tamen efficere possit.

Quæ ante conditam condendamve urbem, poetâs magis decora fabulis, quam incorruptis rerum gestarum monumentis, traduntur, ea nec affirmare, nec refellere, in animo est. Datur hæc venia antiquitati, ut, miscendo humana divinis, primordia urbium augustiora faciat. Et, si cui populo licere oportet consecrare origines suas, & ad Deos referre auctores; ea belli gloria est populo Romano, ut, quum suum conditorisque sui parentem Martem potissimum serat, tam & hoc gentes humanæ patiantur æquo animo, quàm imperium patiuntur. Sed hæc & his similia, utcunque animadversa aut existimata erunt, haud in magno equidem ponam discrimine. Ad illa mihi pro se quisque acriter intendat animum, quæ vita, qui mores fuerint: per quos viros, quibusque artibus, domi militiæque, & partum & augmentum imperium sit. labente deinde paulatim disciplinâ, velut desidentes primò mores sequatur animo; deinde ut magis magisque lapsi sint; tum ire cœperint præcipites: donec ad hæc tempora, quibus nec vitia nostra, nec remedia pati possumus, perventum est. Hoc illud est præcipuè in cognitione rerum salubre ac frugiferum, omnis te exempli documenta in illustri posita monumento intueri: inde tibi tuæque reipublicæ, quod imitere, capias: inde sædum inceptu, sædum exitu, quod vites. Cæterum aut me amor negotii suscepti fallit, aut nulla unquam respublica nec major, nec sanctior, nec bonis exemplis ditior fuit: nec in quam civitatem tam seræ avaritia luxuriaque immigraverint: nec ubi tantus ac tam diu paupertati ac parsimoniæ honos fuerit: adeò, quanto rerum minus, tanto minus cupiditatis erat. Nuper divitiæ avaritiam, & abundantes voluptates desiderium, per luxum atque libidinem pereundi perdendique omnia, invexere. Sed querelæ, ne tum quidem gratæ futuræ, quum forsitan & necessariæ erunt, ab initio certè tantæ ordiendæ rei absint. Cum bonis potius omnibus, votisque ac precationibus Deorum Dearumque,

que, si, ut poetis, nobis quoque mos esset, libentius in-  
ciperemus; ut oris tanti operis successus prosperos da-  
rent.

I. **J**AM primum omnium satis constat, Trojâ captâ,  
in ceteros servitum esse Trojanos; duobus, Æ-  
neâ Antenoreque, & vetusti jure hospitii, & quia pacis  
reddendæque Helenæ semper auctores fuerant, omne jus  
belli Achivos abstinuisse. Castus deinde variis Anteno-  
rem cum multitudine Hecetorū, qui, seditione ex Paphla-  
gonia pulsi, & sedes & ducem, rege Pylæone ad Tro-  
jam amisso, quærebant, venisse in intimam maris Hadri-  
atici sinum; Eugancisque, qui inter mare Alpesque in-  
colebant, pulsi, Hecetorū Trojanosque eos tenuisse ter-  
ras: & in quem primum egressi sunt locum, Troja voca-  
tur; pægoque inde Trojanæ nomen est: gens universa  
Venacti appellati. Æneam, ab similitudine domo profu-  
gam, sed ad majora iacta ætrem ducentibus fatis, primò  
in Macedoniam venisse: inde in Siciliam quærentem se-  
des delatum: ab Sicilia classe Laurentem agrum tenu-  
isse: Trojæ & huic loco nomen est. Ibi egressi Trojani,  
ut quibus ab immenso prope errore nihil, postea auxilium &  
naves, superesset, quum prædare ex agris agerent, Lati-  
nus rex Aboriginesque, qui tum ea tenebant loca, ad  
accendam vim advenarum æquati ex urbe atque agris  
concurrunt. Duplex inde fama est: alii prælio vi-  
sum Latinum, pacem cum Æneâ, deinde affinitatem  
junxisse tradunt: alii, quum instructæ acies constitis-  
sent, priusquam signa canerent, processisse Latipum in-  
ter primores, ducemque advenarum evocasse ad col-  
loquium; percuactatum deinde, qui mortales essent,  
uade, aut quo essu profecti domo, quidve quærentes in  
agrum Laurentem exissent? Postquam audierit, multi-  
tudinem Trojanos esse; ducem Ænean, filium Anchi-  
sæ & Veneris: crematâ patriâ & domo profugos, sedem  
condendæque urbi locum quærere, & nobilitatem ad-



miratum gentis virique, & animum vel bello vel paci paratum, dexterâ datâ fidem futuræ amicitiz sanxisse. Inde fœdus istum inter duces, inter exercitus salutationem factam. Ænean apud Latinum fuisse in hospitio. ibi Latinum apud penates Deos domesticum publico adjunxisse fœdus, filiâ Æneæ in matrimonium datâ. ea res utique Trojanis spem affirmat tandem stabili certâque sede finiendi erroris. Oppidum cōdunt. Æneas ab nomine uxoris Lavinium appellat. Brevi stirps quoque virilis ex novo matrimonio fuit; cui Ascanium parentes dixere nomen.

II. Bello deinde Aborigines Trojanique simul petiti. Turnus Rex Rutulorum, cui pacta Lavinia ante adventum Æneæ fuerat, prælatus sibi advenam ægrè patiens, simul Æneæ Latinoque bellum intulerat. Neutra acies læta ex eo certamine abiit. victi Rutuli: victores Aborigines Trojanique ducem Latinum amiserunt. Inde Turnus Rutulique diffisi rebus, ad florentes Etruscorum opes Mezentiumque, eorum regem, confugiunt: qui, Cære opulento tum oppido imperitans, jam inde ab initio minimè lætus novæ origine urbis, & tum nimio plus, quàm satis tutum esset accolis, rem Trojanam crescere ratus, haud gravatim focia arma Rutulis junxit. Æneas adversus tanti belli terrorem ut animos Aboriginum sibi conciliaret, ne sub eodem jure solum, sed etiam nomine omnes essent, Latinos utramque gentem appellavit. Nec deinde Aborigines Trojanis studio ac fide erga regem Ænean cessere. fretusque his animis coalescentium indies magis duorum populorum Æneas, quanquam tanta opibus Etruria erat, ut jam non terras solum, sed mare etiam per totam Italiæ longitudinem, ab Alpibus ad fretum Siculum, famâ nominis sui impleretur; tamen, quum moenibus bellum propulsare posset, in aciem copias eduxit. Secundum inde prælium Latinis, Æneæ etiam ultimum operum mortalium fuit. Titus est, quemcumque eum dici jus fasque est, super Numicium

micium flumen : Jovem indigetem appellant.

III. Nondum maturus imperio Ascanius Æneæ filius erat : tamen id imperium ei ad puberem ætatem incolume mansit. tantisper tutelâ muliebri (tanta indoles in Lavinia erat) res Latina & regnum avitum paternumque puero stetit. Haud nihil ambigam, (quis enim rem tam veterem pro certo affirmet?) hiccine fuerit Ascanius, an major, quàm hîc, Creusâ matre Ilîo incolumi natus, comesque inde paternæ fugæ, quem Iulum eundem Julia gens auctorem nominis sui nuncupat. Is Ascanius, ubicunque & quacunque matre genitus (certè natum Æneâ constat) abundante Lavinii multitudine, florentem jam (ut tunc res erant) atque opulentam urbem matri, seu novercæ, reliquit : novam ipse aliam sub Albano monte condidit; quæ, ab situ porrectæ in dorso urbis, Longa Alba appellata. Inter Lavinium & Albam Longam coloniam deductam triginta ferme interfuerunt anni. tantum tamen opes creverant, maximè suis Etruscis, ut ne morte quidem Æneæ, nec deinde, inter muliebrem tutelam rudimentumque primum puerilis regni, movere arma aut Mezentius Etruscique, aut ulli alii accollæ ausi sint. Pax ita convenerat, ut Etruscis Latinisque fluvijs Albula, quem nunc Tiberim vocant, finis esset. Silvius deinde regnat, Ascanii filius, casu quodam in silvis natus. Is Æneæ Silvium creat. is deinde Latinum Silvium. Ab eo coloniam aliquot deductæ, Prisci Latini appellati. Mansit Silvius postea omnibus cognomen, qui Albæ regnârunt. Latino Alba ortus, Albâ Atyæ, Atyæ Capys, Capyæ Capetus, Capeto Tiberinus; qui, in trajectu Albulæ amnis submersus, celebre ad posteros nomen flumini dedit. Agrippa inde Tiberini filius; post Agrippam Romulus Silvius, a patre accepto imperio, regnat. Aventino, fulmine ipse ictus, regnum per manus tradidit. is, sepultus in eo colle, qui nunc est pars Romanæ urbis, cognomen colli fecit. Proca deinde regnat : is Numitorem atque Amu-

lium procreat. Numitori, qui stirpis maximus erat, regnum vetustum Silvæ gentis legat. Plus tamen vis potuit, quam voluntas patris, aut verecundia ætatis. Pulso fratre, Amulius regnat. addit sceleri scelus. stirpem fratris virilem interimit: fratris filie Rhecæ Silvæ, per speciem honoris, quum Vestalem eam legisset, perpetuâ virginitate spem partûs adimit.

IV. Sed debebatur, ut opinor, fati tantæ origo urbis, maximæque secundum Deorum opes imperii principium. Vi compressa Vestalis, quum geminum partum edidisset, seu ita rata, seu quia Deus auctor culpæ honestior erat, Martem incertæ stirpis patrem nuncupat. Sed nec Dii, nec homines, aut ipsam, aut stirpem à crudelitate regia vindicant. sacerdos victa in custodiam datur: pueros in profluentem equam mitti jubet. Forte quadam divinitus super ripas Tiberis effusus lenibus stagnis, nec adiri usquam ad justum cursum poterat amnis: & possit quamvis languida mergi aqua infantes, spem ferentibus dabat. ita velut defuncti regis imperio, in proxima alluvie, ubi nunc ficus Ruminalis est (Romulam vocatam ferunt) pueros exponunt. Vastæ tum in iis locis solitudines erant. Tenet fama, quum fluitantem alveum, quo expositi erant pueri, tenuis in secco aqua destituisset, lupam sitientem ex montibus, qui circum sunt, ad puerilem vagitum cursum flexisse: eam summissas infantibus adeo mitem præbuisse mammæ, ut linguâ lambentem pueros magister regii pecoris inveniret. Fauſtulo fuisse nomen scrunt. Ab eo ad stabula Larentiæ uxori educandos latos. Sunt, qui Larentiam, vulgato corpore, lupam inter pastores vocatam putent: inde locum fabulæ ac miraculo datum. Ita geniti, itaque educati, quum primum adolevit ætas, nec in stabulis, nec ad pecora segnes, venando peragrarè circâ saltus. Hinc, robore corporibus animisque sumpto, jam non feras tantum subsistere, sed in latrones, prædâ onustos, impetus facere, pastoribusque rapta dividere: &

cum

cum his, crescente indies grege juvenum, seria ac jocos celebrare.

V. Jam tum in Palatino monte Lupercal hoc fuisse Judicium ferunt, & à Pallanteo, urbe Arcadica, Pallantium, deinde Palatium, montem appellatum. ibi Evandrum, qui ex eo genere Arcadum multis antè tempestatibus ea tenuerat loca, solenne allatum ex Arcadia instituisse, ut nudi juvenes, Lycaum Pana venerantes, per lussam atque lasciviam currerent. quem Romani deinde vocarunt Inuum. Huic deditis ludicra, quum solenne notum esset, insidiosos ob ipsam prædæ amissæ latrones, quum Romulus vi se defendisset, Remum cepisse; captum regi Amulio tradidisse, ultrò accusantes. Crimini maximè dabant, in Numitoris agros ab his impetum fieri: inde eos, collectà juvenum manu, hostilem in modum prædas agere. sic Numitori ad supplicium Remus deditur. Jam inde ab initio Fauſtulo spes fuerat, regiam stirpem apud se educari; nam & expositos jussu regis infantes sciebat, & tempus, quo ipse eos sustulisset, ad id ipsum congruere; sed rem immaturam, nisi aut per occasionem, aut per necessitatem aperiri noluerat. necessitas prior venit. ita metu subactus, Romulo rem aperit. Forte & Numitori, quum in custodia Remum haberet, audissetque geminos esse fratres, comparando & ætatem eorum, & ipsam minimè servilem indolem, tetigerat animum memoria nepotum: sciscitandoque eodem pervenit, ut haud præcul esset, quin Remum agnosceret. Ita undique regi dolus nescitur. Romulus, non cum globo juvenum (nec enim erat ad vim apertam per) sed aliis alio itinere jussis certo tempore ad regiam venire pastoribus, ad regem impetum facit: & à domo Numitoris alià comparatà manu adjuvat Remus, ita regem obtruncant.

VI. Numitor, inter primum tumultum hostes invasisse urbem atque adortos regiam dictitans, quum pubem Albanam in arcem præsidio armisque obtinendam

avocasset, posteaquam juvenes, perpetrata cæde, pergere ad se gratulantes vidit, extemplo advocato concilio, scelera in se fratris, originem nepotum, ut geniti, ut educati, ut cogniti essent, cædem deinceps tyranni, sequæ ejus auctorem ostendit. Juvenes, per mediam concionem agmine ingressi, quum avum regem salutassent, secuta ex omni multitudine consentiens vox ratum nomen imperiumque regi effecit. Ita Numitori Albanâ permissâ re, Romulum Remumque cupidô cepit, in iis locis, ubi expositi, ubique educati erant, urbis condendæ. & supererat multitudo Albanorum Latinorumque. ad id pastores quoque accesserant: qui omnes facile spem facerent, parvam Albam, parvum Lavinium, præ ea urbe quæ conderetur, fore. Intervēnit deinde his cogitationibus avitum malum, regni cupidô, atque inde fœdum certamen coortum à satis miti principio. Quoniam gemini essent, nec ætatis verecundia discrimen facere posset, ut Dii, quorum tutelæ ea loca essent, auguriis legerent, qui nomen novæ urbi daret, qui conditam imperio regeret. Palatium Romulus, Remus Aventinum ad inaugurandum templa capiunt.

VII. Priori Remo augurium venisse fertur, sex vultures: jamque, nunciato augurio, quum duplex numerus Romulo se ostendisset, utrumque regem sua multitudo consalutaverat. tempore illi præcepto, at hi numero avium, regnum trahebant. Inde, cum altercatione congressi, certamine irarum ad cædem vertuntur. ibi in turba ictus Remus cecidit. Vulgatiores fama est, ludibrio fratris Remum novos transiluisse muros: inde ab irato Romulo (quum verbis quoque increpitans adjecisset, *Sic deinde, quicumque alius transiliet mœnia mea*) interfectum. Ita solus potitus imperio Romulus; condita urbs conditoris nomine appellata. Palatium primum, in quo ipse erat educatus, munxit: sacra Diis aliis Albano ritu; Græco, Herculi, ut ab Evandro instituta erant, facit. Herculem in ea loca, Gery-

ona

one interempto, boves mirâ specie abegisse memorant; ac prope Tiberim fluvium, quâ, præ se armentum agens, nando trajecerat, loco herbido, ut quiete & pabulo læto reficeret boves, & ipsum fessum viâ procubuisse. ibi quam cum cibo vinoque gravatum sopor oppressisset, pastor accola ejus loci, nomine Cacus, ferrox viribus, captus pulchritudine boam, quum avertere eam prædam vellet; quia, si agendo armentum in speluncam compulisset, ipsa vestigia quærentem dominum eò deductura erant; averfos boves, eximium quemque pulchritudine, caudis in speluncam traxit. Hercules ad primam auroram somno excitus, quum gregem perlustrasset oculis, & partem abesse numero sensisset, pergit ad proximam speluncam, si fortè eò vestigia serrent. quæ ubi omnia foras versa vidit, nec in partem aliam ferre, confusus atque incertus animi, ex loco infesto agere porrò armentum occepit. Inde quum astæ boves quædam ad desiderium, ut sit, relictarum mugissent, reddita inclusarum ex spelunca boam vox Herculem convertit. quem quum vadentem ad speluncam Cacus vi prohibere conatus esset; ictus clavâ, fidem pastorum nequicquam invocans, morte occubuit. Evander tum ea, profugus ex Peloponneso, auctoritate magis quàm imperio, regebat loca: venerabilis vir miraculo literarum, rei novæ inter rudes artium homines; venerabilior divinitate creditâ Carmentæ matris, quam fatiloquam, ante Sibyllæ in Italiam adventum, miratæ hæ gentes fuerant. Is tum Evander, concursu pastorum, trepidantium circa advenam manifestæ reum cædis, excitus, postquam facinus facinorisque causam audivit, habitum formamque viri aliquantum ampliorem augustio remque humanâ intuens, rogitat, qui vir esset. Ubi nomen patremque ac patriam accepit; *Jove nate, Hercules, salve, inquit; te mihi mater, veridica interpres Deum, aucturum celestium numerum cecinit: tibi que aram hîc dicatum iri, quam opulentissima olim in terris gens Maximam vocet,*

*est, tuoque ritu colat.* Dextrâ Hercules datâ, accipere se omen, impleturumque fata, arâ conditâ atque dicatâ, ait. Ibi tum primum, bove eximiâ captâ de grege, sacrum Herculi, adhibitis ad ministerium dapemque Potitiis ac Pinariis, quæ tum familiæ maximè inclytæ ea loca incolabant, factum. Fortè ita evenit, ut Potitii ad tempus præsto essent, iisque exta apponerentur; Pinarii, extis adesis, ad ceteram venirent dapem. inde institutum mansit, donec Pinarium genus fuit, ne extis solennium vescerentur. Potitii, ab Evandro edocti, antistites facri ejus per multas ætates fuerunt: donec, tradito servis publicis solenni familiæ ministerio, genus omne Potitiorum interiit. Hæc tum sacra Romulus una ex omnibus peregrina suscepit; jam tum immortalitatis virtute partæ, ad quam eum sua fata ducebant, fautor.

VIII. Rebus divinis ritè perpetratis, vocatâque ad concilium multitudine, quæ coalescere in populi unus corpus nullâ re, præterquam legibus, poterat, jura dedit: quæ ita sancta generi hominum agresti fore ratus, si se ipse venerabilem insignibus imperii secisset, quum cetero habitu se augustiorem, tum maximè lictoribus duodecim sumptis, fecit. Alii ab numero avium, quæ augurio regnum portenderant, eum secutum numerum putant. me haud pœnitet eorum sententiæ esse, quibus & apparitores & hoc genus ab Etruscis finitimis, unde sella curulis, unde toga prætexta sumpta est, numerum quoque ipsum ductum placet: & ita habuisse Etruscos, quodd, ex duodecim populis communiter creato rege, singulos singuli populi lictores dederint. Crescebat interim urbs, munitionibus alia atque alia appetendo loca, quum in spem magis futuræ multitudinis, quàm ad id, quod tum hominum erat, munirent. Deinde, ne vana urbis magnitudo esset, adjiciendæ multitudinis causâ, vetere consilio condentium urbes, qui, obscuram atque humilem conciendo ad se multitudinem, natam è terra sibi prolem ementiebantur; locum, qui nunc septus

ptus descenditibus inter duos lucos est, Asylum aperit. eò ex finitimis populis turba omnia, sine discrimine, liber an servus esset, avida novarum rerum perfugit: idque primum ad ceptam magnitudinem roboris fuit. Quum jam virium haud posniteret, consilium deinde viribus parat. centum creat senatores: sive quia is numerus satis erat; sive quia soli centum erant, qui creari patres possent. Patres certè ab honeste, patri- cique progenies eorum appellati.

IX. Jam res Romana adeò erat valida, ut cuilibet finitimarum civitatum bello par esset; sed, penurià mulierum, hominis ætatem duratura magnitudo erat: quippe quibus nec domi spes prolis, nec cum finitimis connubia essent. Tum ex consilio Patrum Romulus legatos circa vicinas gentes misit, qui societatem connubiumque novo populo peterent: *Urbes quoque, ut cetera, ex infimo nasci: deinde quas sua virtus ac Dii juvent, magnas opes sibi magnumque nomen facere. Satis scire, origini Romana & Deos affuisse, & non defuturam virtutem. proinde ne gravarentur homines cum hominibus sanguinem & genus miscere.* Nusquam benignè legatio audita est: adeò simul spernebant, simul tantam in medio crescentem molem sibi ac posteris suis metuebant. A plerisque rogitantibus dimissi, *Ecquod feminis quoque asylum aperuissent? id enim demum compar connubium fore.* Ægrè id Romana pubes passa, & haud dubiè ad vim spectare res cœpit. cui tempus locumque aptum ut daret Romulus, ægritudinem animi dissimulans, ludos ex industria parat, Neptuno Equestri solennes: Consualia vocat. Indici deinde finitimis spectaculum jubet: quantoque apparatus tum sciebant, aut poterant, concelebrant; ut rem claram expectatamque facerent. Multi mortales convenere, studio etiam videndæ novæ urbis; maxime proximi quique, Cæninenses, Crustumini, Antemnates. Jam Sabinorum omnis multitudo, cum liberis ac conjugibus, venit. Invitati hospitaliter per domos, quum situm



fitum mœniaque & frequentem testis urbem vidissent, mirantur, tam brevi rem Romanam crevisse. Ubi spectaculi tempus venit, deditque eò mentes cum oculis erant, tum ex composito orta vis: signoque dato, juvenus Romana ad rapiendas virgines discurrit. magna pars fortè, ut in quem quæque inciderat, raptæ. quasdam formâ eccellente primoribus Patrum destinatas, ex plebe homines, quibus datum negotium erat, domos deferrebant. Unam, longè ante alias specie ac pulchritudine insignem, à globo Talassii cujusdam raptam ferunt. multisque seiscitantibus, cuiam eam ferrent, identidem, ne quis violaret, Talassio ferri clamitatum. inde nuptialem hanc vocem factam. Turbato per metum ludicro, mœsti parentes virginum profugiunt, incusantes violati hospitii foedus, Deumque invocantes, cujus ad solenne ludosque, per fas ac fidem decepti, venissent. Nec raptis aut spes de se melior, aut indignatio est minor: sed ipse Romulus circuibat docebatque, *Patrum id superbiâ factum, qui connubium finitimis negassent: illas tamen in matrimonio, in societate fortunarum omnium civitatisque, & quo nihil carius humano generi sit, liberum fore.* Mollirent modò iras; & quibus fors corpora dedisset, darent animos. *Sæpe ex injuria postmodum gratiam ortam: atque melioribus usuras viris, quod annexurus pro se quisque sit, ut, quum suam vicem functus officio sit, parentum etiam patriæque expleat desiderium.* Accedebant blanditiæ virorum, factum purgantium cupiditate atque amore: quæ maxime ad muliebrem ingenium efficaces preces sunt.

X. Jam admodum mitigati animi raptis erant. at raptarum parentes tum maxime sordidâ veste, lacrymisque & querelis, civitates concitabant. Nec domi tantum indignationes continebant, sed congregabantur undique ad Titum Tatium regem Sabinorum: & legationes eò, quod maximum Tatii nomen in his regionibus erat, conveniebant. Cæninenses Crustumini- que & Antemnates erant, ad quos ejus injuriæ pars perti-

pertinebat. Lentè agere iis Tatiùs Sabiniqùe visù fant. Ipsi inter se tres populi communiter bellum parant. Ne Crustumini quidem atqùe Antemnates, pro ardore iraque Cæninensium, satis se impigrè movent. ita per se ipsum nomen Cæninum in agrum Romanum impetum facit. Sed effusè vastantibus fit obviùs cum exercitu Romulus, levique certamine docet, vanam sine viribus iram esse: exercitum fundit fugatqùe: fuscum persequitur: regem in prælio obtruncat, & spoliat. duce hostium occiso, urbem primo impetu capit. Inde exercitu victore reducto, ipse eùm factis vir magnificus, tum factorum ostentator haud minor, spolia ducis hostium caeli suspenso fabricato ad id aptè ferculo gerens, in Capitolium ascendit: ibique ea quum ad quercum pastoribus sacram deposuisset, simul cum dono designavit templo Jovis fines, cognomenque addidit Deo: *Jupiter Feretri*, inquit, *hac tibi victor Romulus rex regia arma fero, templumque iis regionibus, quas modò animo metatus sum, dedico, sedem opimis spoliis, qua, regibus duobusqùe hostium caesis, me auctorem sequentes, posteri ferent.* Hæc templi est origo, quod primum omnium Romæ sacratum est, ita deinde Diis visum, nec irritam conditoris templi vocem esse, quâ laturos eò spolia posteros nuncupavit: nec, multitudine compotum, ejus doni vulgari laudem. bina postea, inter tot annos, tot bella, opima parta sunt spolia. adeò rara ejus fortuna decoris fuit.

XI. Dum ea ibi Romani gerunt, Antemnatum exercitus, per occasionem ac solitudinem, hostiliter in fines Romanos incursionem facit. raptim & ad hos Romana legio ducta palatos in agris oppressit. Fusi igitur primo impetu & clamore hostes: oppidum captum. duplicique victoriâ evantem Remulum Herfília conjunx, precibus raptarum fatigata, orat, ut parentibus earum det veniam, & in civitatem accipiat: ita rem coalescere concordia posse. facile impetratum. Inde contra Crustuminos profectus, bellum inferentes. Ibi minus  
etiam,

etiam, quod alienis eladibus occiderant animi, certaminis fuit. Utrouque colonis milia. plures inventi, qui propter ubertatem terræ in Crustuminiū nomina darent: & Romam inde frequenter migratum est, à parentibus maxime ac propinquis repletum. Novissimum ab Sabinis bellum ortum, multoque id maximum fuit. nihil enim per iram aut cupiditatem actum est: nec ostenderunt bellum prius, quam intulerunt. Consilio etiam additus dolus. Sp. Tarpejus Romanæ præerat arci. Hujus filiam virginem auro corrumpit Tatiū, ut armatos in arcem accipiat. aquam fortè ea tum sacris extra mœnia petutum ierat. Accepti obrutam armis necavere: seu ut vi capta potius arx videretur; seu prodendi exempli causâ, ne quid usquam fidum proditori esset. Additur fabulæ, quod vulgò Sabini aureas armillas magni ponderis brachio lævæ, gemmatosque magnâ specie annulos habuerint, pepigisse eam, quod in sinistris manibus haberent; eò scuta illi pro aureis donis congesta. Sunt, qui eam, ex pacto tradendi quod in sinistris manibus esset, directò arma petisse dicant: & fraude vitam agere, suâ ipsam peremptam mercede.

XII. Tenuere tamen arcem Sabini: atque inde postero die, quum Romanus exercitus instructus, quod inter Palatinum Capitolinumque collem campi est, complèssent; non prius descenderunt in æquum, quam, irâ & cupiditate recuperandæ arcis stimulante animos, in adversum Romani subiere. Principes utrinque pugnam ciebant; ab Sabinis Mettus Curtius, ab Romanis Hostus Hostilius. hic rem Romanam iniquo loco ad prima signa animo atque audaciâ sustinebat. Ut Hostus cecidit, confestim Romana inclinatur acies; fusaque est ad veterem portam Palatii. Romulus & ipse turbâ fugientium actus, arma ad cœlum tollens, *Jupiter, tuis, inquit, jussus avibus hic in Palatio prima urbi fundamenta jeci. arcem jam, scelere emptam, Sabini habent. inde huc armati, speratâ mediâ valle, tendunt. At tu, pater Deus hominumque,*  
*binc*

*hinc saktam arce hostes : deme terrorem Romanis, fugamque fœdam siste. Hic ego tibi templum Statori Jovi, quod monumentum sit posteris, tuâ præsentis ope servatam urbem esse, voleo. Hæc precatus, veluti si sensisset auditas preces, Hinc, inquit, Romani, Jupiter optimus maximus resistere atque iterare pugnam jubet. Resistere Romani, tanquam cœlesti voce jussi. ipse ad primores Romulus provolat. Mettus Curtius ab Sabinis princeps ab arce decucurrerat, & effusos egerat Romanos, toto quantum foro spatium est. nec procul jam à porta Palatii erat, clamitans, Vicinus perfidos hospites, imbelles hostes. Jam sciunt longè aliud esse virgines rapere, aliud pugnare cum viris. In eum, hæc gloriantem, cum globo ferocissimorum juvenum Romulus impetum facit. Ex equo tum fortè Mettus pugnabat : cò pelli facilius fuit : pulsum Romani persequuntur. & alia Romana acies, audaciâ regis accensa, fundit Sabinos. Mettus in paludem sese, strepitu sequentium trepidante equo, conjecit : adverteratque ea res etiam Sabinos tanti periculo viri. Et ille quidem, annuentibus ac vocantibus suis, favore multorum addito animo, evadit. Romani Sabinique in media convalle duorum montium redintegrant prælium. sed res Romana erat superior.*

XIII. Tum Sabinæ mulieres, quarum ex injuria bellum ortum erat, crisiibus palliis, scissâque veste, victo malis muliebri pavore, ausæ se inter tela volentia inferre, ex transverso impetu facto, dirimere infestas acies, dirimere iras ; hinc patres, hinc viros orantes, ne se sanguine nefando socii generique respergerent : ne parricidio macularent partus suos, nepotum illi, liberâque hi progeniem. Si affinitatis inter vos, si connubii piget, in nos vertite iras : nos causa belli, nos vulnèrum ac cadum viris ac parentibus sumus. melius peribimus, quàm sine alteris vestrum vidua aut orba vivemus. Movet res tam multitudinem, tum duces. Silentium & repentina fit quies. inde ad fœdus faciendum duces prodeunt : nec pacem modo, sed & civitatem

tem unam ex duabus faciunt: regnum consociant; imperium omne conferunt Romam. Ita geminatâ urbe, ut Sabinis tamen aliquid daretur, Quirites à Curibus appellati. monumentum ejus pugnae, ubi primum ex profunda emerfus palude equus Curtium in vado statuit, Curtium lacum appellârunt. Ex bello tam tristilæta repentè pax cariores Sabinas viris ac parentibus, & ante omnes Romulo ipsi, fecit. Itaque, quum populum in curias triginta divideret, nomina earum curiis imposuit. Id non traditur, quum haud dubiè aliquanto numerus major hoc mulierum fuerit, ætate, an dignitatibus suis virorumve, an forte lectæ sint, quæ nomina curiis darent. Eodem tempore & centuriæ tres equitum conscriptæ sunt: Ramnenses ab Romulo; ab Tito Tatío Tatienses appellati. Lucerum nominis & originis causa incerta est. Inde non modò commune, sed concors etiam, regnum duobus regibus fuit.

XIV. Post aliquot annos, propinqui regis Tatii legatos Laurentium pulsant. quumque Laurentes jure gentium agerent, apud Tatium gratia suorum & preces plus poterant. Igitur illorum poenam in se vertit. nam Lavinii, quum ad solenne sacrificium eò venisset, concursu facto, interficitur. Eam rem minùs ægrè, quàm dignum erat, tulisse Romulum ferunt. seu ob infidam societatem regni, seu quia haud injuriâ cæsum credebatur. Itaque bello quidem abstinuit: ut tamen expiarentur legatorum injuriæ, regisque cædes, fœdus inter Romam Laviniumque urbes renovatum est. Et cum his quidem insperata pax erat: aliud multo propius, atque in ipsis prope portis, bellum ortum. Fidenates nimis vicinas prope se convalescere opes rati, priusquam tantum roboris esset, quantum futurum apparebat, occupant bellum facere. juventute armatâ immisâ, vastatur agri quod inter urbem ac Fidenas est. Inde ad lævam versi, quia dextrâ Tiberis arcebat, cum magna trepidatione agrestium populantur: tumultusque

que repens, ex agris in urbem illatus, pro nuncio fuit. Excitus Romulus (neque enim dilationem pati tam vicinum bellum poterat) exercitum educit: castra à Fidenis mille passuum locat. ibi modico præsidio relicto, egressus omnibus copiis, partem militum locis circa densa obsita virgulta obscuris subidere in insidiis iussit; cum parte majore atque omni equitatu profectus, id quod quærebat, tumultuoso & minaci genere pugnae, adequitando ipsis prope portis, hostem excivit; fugæ quoque, quæ simulanda erat, eadem equestris pugna causam minus mirabilem dedit. & quum, velut inter pugnae fugæque consilium trepidante equitatu, pedes quoque referret gradum, plenis repente portis effusi hostes, impulsâ Romanâ acie, studio instandi sequendique trahuntur ad locum insidiarum. Inde subito exorti Romani, transversam invadunt hostium aciem. Addunt pavorem mota è castris signa eorum, qui in præsidio relicti fuerant. ita multiplici terrore perculsi Fidenates, prius penè quàm Romulus, quique cum eo equis ierant, circumagerent frenis equos, terga vertunt: multoque effusius (quippe verâ fugâ) qui simulantès paulò antè secuti erant, oppidum repetebant. non tamen eripere se hosti: hærens in terga Romanus, prius quàm fores portarum objicerentur, velut agmine uno irrumpit.

XV. Belli Fidenatis contagione irritati Vejentium animi, & consanguinitate, (nam Fidenates quoque Etrusci fuerunt) & quòd ipsa propinquitas loci, si Romana arma omnibus infesta finitimis essent, stimulabat, in fines Romanos excucurrerunt, populabundi magis quàm iusti more belli. Itaque non castris positis, non expectato hostium exercitu, raptam ex agris prædam portantes, Vejos rediere: Romanus contrâ, postquam hostem in agris non invenit, dimicationi ultimæ instructus intentusque, Tiberim transit. quem postquam castra ponere, & ad urbem accessurum Vejen-

tes

tes audivere; obviam egressi, ut potius acie decernerent, quam inclusi de testis mœnibusque dimicarent. Ibi, viribus nullâ arte adjutis, tantum veterani robora exercitus rex Romanus vicit: persecutusque suos ad mœnia hostes, urbe validâ muris ac situ ipso munitâ abstinuit: agros rediens vastat, ulciscendi magis quam prœdæ studio. Eaque clade haud minus quam adversâ pugnâ subacti Veientes, pacem petunt, oratores Romanam mittunt. Agri parte multatis in centum annos inductæ datæ. Hæc fœrunt, Romulo regnante, domi militiæque gesta: quorum nihil absconum fidei divinæ originis, divinitatisque post mortem credita fuit; non animus in regno arido recuperando, non condendæ urbis consilium, non bello ac pace firmandæ. ab illo enim profectu viribus datæ tantum valuit, ut in quadraginta deinde annos tutam pacem haberet, multitudini tamen gratior fuit quàm patribus; longè ante alios acceptissimus militum animis. trecentosque armatos ad custodiam corporis, quos Celeres appellavit, non in bello solum, sed etiam in pace, habuit.

XVI. His immortalibus editis operibus, quum ad exercitum recensendum concionem in campo ad Capræ paludem haberet, subito coorta tempestas cum magno fragore tonitribusque tam denso regem operuit nimbo, ut conspectum ejus concioni abstulerit. nec deinde in terris Romulus fuit. Romana pubes, sedato tandem pavore, postquam ex tam turbido die serena & tranquilla lux rediit, ubi vacuam sedem regiam vidit, cœsi fatigabat Patribus, qui proximi steterant, sublimem raptum procellâ; tamen, velut orbitatis metu ista, motum aliquamdiu silentium obtinuit. Deinde, à paucis initio facto, Deum Deo natum, regem parentemque urbis Romanæ salvere universi Romulum jubent. pacem precibus exposcunt, uti volens propitius suam semper sospitet progeniem. Fuisse credo tum quoque aliquos, qui disceptum regem Patrum manibus taciti arguerent:

ma-

manavit enim hæc quoque, sed perobscura, fama. Illam alteram admiratio viri & pavor præfens nobilitavit. Consilio etiam unius hominis addita rei dicitur fides. namque Proculus Julius, sollicita civitate desiderio regis, & insensâ Patribus, gravis, ut traditur, quamvis magnæ rei auctor, in concionem prodit. *Romulus*, inquit, *Quirites*, parens urbis hujus, primâ hodiernâ luce cælo repente delapsus, se mihi obvium dedit. quum, persusus bonore venerabundusque adfuissem, petens precibus, ut contra in-  
tueri fas esset; abi, nuncia, inquit, Romanis, Cælestes ita velle, ut mea Roma caput orbis terrarum sit: proinde rem militarem colant; sciantque, & ita posteris tradant, nullas opes humanas armis Romanis resistere posse. hæc, inquit, locutus, sublimis abiit. Mirum, quantum illi viro, nuncianti hæc fidei fuerit; quamque desiderium Romuli apud plebem exercitumque, factâ fide immortalitatis, lenitum sit.

XVII. Patrum interim animos certamen regni ac cupido versabat. nec dum à singulis, quia nemo magnopere eminebat in novo populo, pervenerant factiones: inter ordines certabatur. oriundi ab Sabinis, ne, quia post Tatii mortem ab sua parte non erat regnatum, in societate æqua possessionem imperii amitterent, sui corporis creari regem volebant. Romani veteres peregrinum regem aspernabantur. In variis voluntatibus regnari tamen omnes volebant, libertatis dulcedine nondum expertâ. Tîmor deinde Patres incessit, ne civitatem sine imperio, exercitum sine dace, multarum circa civitatum irritatis animis, vis aliqua externa adoriretur. & esse igitur aliquod caput placebat; & nemo alteri concedere in animum inducebat. Ita rem inter se centum Patres, decem decuriis factis, singulisque in singulas decurias creatis, qui summæ rerum præfessent, consociant. decem imperitabant, unus cum insignibus imperii & histioribus erat: quinque dierum spatio finiebatur imperium, ac per omnes in orbem ibat: annumque intervallum regni fuit. id ab re, quod nunc quoque



quoque tenet nomen, Interregnum appellatum. Fremere deinde plebs; multiplicatam servitutem, centum pro uno dominos factos: nec ultrà nisi regem, & ab ipsis creatum, videbantur passuri. Quum sensissent ea moveri Patres, offerendum ultrò rati, quod amissuri erant, ita gratiam ineunt, summà potestate populo permisà, ut non plus darent juris, quàm detinerent. decreverunt enim, ut, cum populus regem jussisset, id sic ratum esset, si Patres auctores fierent: hodieque in legibus magistratibusque rogandis usurpatur idem jus, vi ademptà. priusquam populus suffragium ineat, in incertum comitiorum eventum Patres auctores fiunt. Tum interrex, concione advocatà: *Quod bonum, faustum, felixque sit, inquit, Quirites, Regem create; ita Patribus visum est. Patres deinde, si dignum, qui secundus ab Romulo numeretur, crearetis, auctores fiunt.* Adeò id gratum plebi fuit, ut, ne victi beneficio viderentur, id modo sciscerent juberentque, ut Senatus decerneret, qui Romæ regnaret.

XVIII. Inclyta justitia religioque eà tempestate Numæ Pompili erat. Curibus Sabinis habitabat, consultissimus vir, ut in illa quisquam ætate esse poterat, omnis divini atque humani juris. Auctorem doctrinæ ejus, quia non exstat alius, falsò Samium Pythagoran edunt: quem, Servio Tullio regnante Romæ, centum amplius post annos, in ultima Italiæ ora, circa Metapontum Heracleamque & Crotona, juvenum æmulantium studia cœtus habuisse constat. Ex quibus locis, etsi ejusdem ætatis fuisset, quæ fama in Sabinos, aut quo linguæ commercio, quenquam ad cupiditatem discendi excivisset? quove præsidio unus per tot gentes, dissonas sermone moribusque, pervenisset? Suapte igitur ingenio temperatum animum virtutibus fuisse opinor magis; instructumque non tam peregrinis artibus, quàm disciplinà tetricà ac tristi veterum Sabinorum: quo genere nullum quondam incorruptius fuit. Audito nomine Numæ, Patres Romani, quanquam inclinari opes

opes ad Sabinos, rege inde sumpto, videbantur; tamen, neque se quisquam, nec factionis suæ alium, nec denique Patrum aut civium quemquam præferre illi viro ausi, ad unum omnes Numæ Pompilio regnum deferendum decernunt. Accitus, sicut Romulus auguratò urbe condendâ regnum adeptus est, de se quoque Deos consuli iussit. inde ab augure (cui deinde, honoris ergo, publicum id perpetuumque sacerdotium fuit) deductus in arcem, in lapide ad meridiem versus consedit. Augur ad lævam ejus, capite velato, sedem cepit, dextrâ manu baculum sine nodo aduncum tenens, quem lituum appellaverunt. Inde ubi, prospectu in urbem agrumque capto, Deos precatus, regiones ab oriente ad occasum determinavit; dextras ad meridiem partes, lævas ad septentrionem esse dixit. Signum contrâ, quò longissimè conspectum oculi ferebant, animo finivit. Tum, lituo in lævam manum translato, dextrâ in caput Numæ impositâ, precatus est ita: *Jupiter pater, si est fas, hunc Numam Pompilium, cujus ego caput teneo, regem Roma esse, uti tu signa nobis certa adclarassis inter eos fines, quos feci.* Tum peregit verbis auspicia, quæ mitti vellet. quibus missis, declaratus rex Numa de templo descendit.

XIX. Qui, regno ita potitus, urbem novam, conditam vi & armis, jure eam, legibusque ac moribus de integro condere parat. quibus quum inter bella assuescere videret non posse, quippe efferatos militiâ animos; mitigandum ferocem populum armorum desuetudine ratus, Janum, ad insigne Argiletum, indicem pacis bellicque, fecit: apertus, ut in armis esse civitatem; clausus, pacatos circa omnes populos, significaret. Bis deinde post Numæ regnum clausus fuit: semel T. Manlio consule, post Punicum primum perfectum bellum: iterum, quod nostræ ætati Dii dederunt, ut videremus, post bellum Asiaticum, ab Imperatore Cæsare Augusto, pace terrâ marique partâ. Clauso eo, quum omnium circa finitimorum societate ac fœderibus junxisset animos, pos-

itus

sitis externorum periculorum curis, ne luxuriarentur otio animi, quos metus hostium disciplinaque militaris continuerat; omnium primum, rem ad multitudinem imperitam, & illis seculis rudem, efficacissimam, Deorum metum injiciendum ratus est. qui quum descendere ad animos sine aliquo commento miraculi non posset, simulat sibi cum Dea Egeria congressus nocturnos esse: ejus se monitu, quæ acceptissima Diis essent, sacra instituere; sacerdotes suos cuique Deorum præficere. Atque omnium primum, ad cursum lunæ, in duodecim menses describit annum. quem (quia tricenos dies singulis mensibus luna non explet, defuntque dies solido anno, qui solstitiali circumagitur orbe) intercalariis mensibus interponendis, ita dispensavit, ut quarto & vigesimo anno ad metam eandem solis, unde orsi essent, plenis annorum omnium spatiis, dies congruerent. Idem nefastos dies fastosque fecit: quia aliquando nihil cum populo agi utile futurum erat.

XX. Tum sacerdotibus creandis animum adjecit, quanquam ipse plurima sacra obibat; ea maxime quæ nunc ad Dialem flaminem pertinent. Sed, quia in civitate bellicosa plures Romuli, quam Numæ, similes reges putabat fore, iturosque ipsos ad bella; ne sacra regis vicis defererentur, flaminem Jovi assiduum sacerdotem creavit, insignique eum veste & curuli regiâ scillâ adornavit. huic duos flamines adjecit: Marti unum, alterum Quirino. Virginesque Vestæ legit, Albâ oriundum sacerdotium, & genti conditoris haud alienum. his, ut assidue templi antistites essent, stipendium de publico statuit: virginitate aliisque ceremoniis venerabiles ac sanctas fecit. Salios item duodecim Marti Gradi-vo legit, tunicæque pictæ insigne dedit, & super tunicam æneum pectori tegumen: celestiaque arma, quæ ancilia appellantur, ferre; ac per urbem ire canentes carmina cum tripudiis solenniique saltatu jussit. Pontificem deinde Numam Marcium, Marci filium, ex Patribus legit, eique

eique sacra omnia exscripta exsignataque attribuit; quibus hostiis, quibus diebus, ad quæ templa sacra fierent, atque unde in eos sumptus pecunia erogaretur. Cetera quoque omnia publica privataque sacra Pontificis scitis subjecit: ut esset, quò consultum plebes veniret; ne quid divini juris, negligendo patrios ritus, peregrinosque adsciscendo, turbaretur. Nec cœlestes modò ceremonias, sed iusta quoque funebria placandosque Manes, ut idem Pontifex edoceret; quæque prodigia, fulminibus aliove quo visu missa, susciperentur atque curarentur: ad ea elicienda ex mentibus divinis, Jovi Elicio aram in Aventino dicavit, Deumque consuluit auguriis, quæ suscipienda essent.

XXI. Ad hæc consultanda procurandaque, multitudo omni à vi & armis conversâ, & animi aliquid agendo occupati erant, & Deorum assidua insidens cura, quum interesse rebus humanis cœleste Numen videretur, eâ pietate omnium pectora imbuerat, ut fides ac iusjurandum, proximo legum ac poenarum metu, civitatem regerent. & quum ipsi se homines in regis, velut unici exempli, mores formarent; tum finitimi etiam populi, qui antè, castra, non urbem, positam in medio ad sollicitandam omnium pacem, crediderant, in eam verecundiam adducti sunt, ut civitatem, totam in cultum versam Deorum, violari ducerent nefas. Lucus erat, quem medium ex opaco specu fons perenni rigabat aquâ, quò quia sæpè Numa sine arbitris, velut ad congressum Deæ, inferebat, Camenis eum lucum sacravit; quòd earum ibi concilia cum conjugibus sua Egeria essent. Et soli Fidei solenne instituit. ad id sacrarium flamines bigis, curru arcuato, vehi iussit, manuque ad digitos usque involutâ rem divinam facere: significantes fidem tutandam, sedemque ejus etiam in dextris sacratam esse. Multa alia sacrificia locaque sacris faciendis, quæ Argeos pontifices vocant, dedicavit. Omnium tamen maximum ejus operum fuit tutela,

B

per

per omne regni tempus, haud minor pacis, quàm regni. Ita duo deinceps reges, alius alià vià, ille bello, hic pace, civitatem auxerunt. Romulus septem & triginta regnavit annos: Numa tres & quadraginta. Tum valida, tum temperata & belli & pacis artibus, erat civitas.

XXII. Numæ morte ad interregnum res rediit. Inde Tullum Hostilium, nepotem Hostilii, cujus in infima arce clara pugna adversus Sabinos fuerat, regem populus iussit. Patres auctores facti. Hic non solum proximo regi dissimilis, sed ferocior etiam Romulo fuit. tum ætas viresque, tum avita quoque gloria animum stimulabat. Senescere igitur civitatem otio ratus, undique materiam excitandi belli quærebat. Forte evenit, ut agrestes Romani ex Albano agro, Albani ex Romano prædas invicem agerent. Imperitabat tùm C. Clulius Albæ. utrinque legati ferè sub idem tempus ad res repetendas missi. Tullus præceperat suis, ne quid prius, quàm mandata, agerent. satis sciebat, negaturum Albanum; ita piè bellum indici posse. Ab Albanis socordius res acta: excepti hospitio ab Tullo blandè ac benignè, comiter regis convivium celebrant. tantisper Romani & res repetiverant priores, & neganti Albano bellum in trigésimum diem indixerant. hæc renunciant Tullo. Tum legatis Tullus dicendi potestatem, quid petentes venerint, facit. illi omnium ignari, primum purgando terunt tempus: *Se invitos quicquam, quod minùs placeat Tullo, dicturos; sed imperio subigi: res repetitum se venisse. Ni reddantur, bellum indicere iussos.* Ad hæc Tullus: *Nunciate, inquit, regi vestro, regem Romanum Deos facere testes, uter prius populus res repetentes legatos aspernatus dimiserit, ut in eum omnes expetant bujusce clades belli.*

XXIII. Hæc nunciant domum Albani. Et bellum utrinque summâ ope parabatur, civili simillimum bello, propè inter parentes natosque; Trojanam utramque prolem, quum Lavinium ab Troja, ab Lavinio Alba, ab Albanorum stirpe regum oriundi Romani essent.

Eventus

Eventus tamen belli minùs miserabilem dimicationem fecit: quòd nec acie certatum est; &, testis modò dirutis alterius urbis, duo populi in unum confusi sunt. Albani priores ingenti exercitu in agrum Romanum impetum fecere. castra ab urbe haud plus quinque millia passuum locant, fossà circumdant: fossa Chulia ab nomine ducis per aliquot secula appellata est, donec cum re nomen quoque vetustate abolevit. In his castris Cluilius Albanus rex moritur; dictatorem Albani Mettum Fuffetium creant. Interim Tullus ferox, præcipuè morte regis, magnumque Deorum numen, ab ipso capite orsum, in omne nomen Albanum expetiturum pœnas ob bellum impium distitans, nocte, præteritis hostium castris, infesto exercitu in agrum Albanum pergit. Ea res ab stativis excivit Mettum. ducit, quàm proximè ad hostem potest; inde legatum præmissum nunciare Tullo jubet, priusquam dimicent, opus esse colloquio: si secum congressus sit, satis scire, ea se allaturum, quæ nihilo minùs ad rem Romanam, quàm ad Albanam, pertineant. Haud aspernatus Tullus, tametsi vana afferebantur, in aciem educit. exeunt contrà & Albani. Postquam instructi utrinque stabant cum paucis procerum in medium duces procedunt. Ibi infit Albanus: *Injurias, & non redditas res ex fœdere, quæ repetita sint, & ego regem nostrum Cluilium, causam hujusce esse belli, audisse videor: nec te dubito, Tulle, eadem præ te ferre. sed, si vera potiùs, quàm dictu speciosa, dicenda sunt, cupido imperii duos cognatos vicinosque populos ad arma stimulat. Neque, rectè, an perperam, interpretor: fuerit ista ejus deliberatio, qui bellum suscepit. me Albani gerendo bello ducem creavere. Illud te, Tulle, monitum velim: Etrusca res, quanta circa nos teque maximè sit, quò propiores vos, hoc magis scis: multum illi terrâ, plurimum mari polent. Memor esto, jam, quum signum pugnae dabis, has duas acies spectaculo fore; ut fessos confectosque, simul victorem ac victum, aggrediantur. Itaque, si nos dii amant, quoniam, non*

*contenti libertate certâ, in dubiam imperii servitiiq; aleamus, incamus aliquam viam, quâ utri utris imperent, sine magna clade, sine multo sanguine utriusque populi, decerni possit. Haud displicet res Tullo, quanquam, tum indole animi, tum spe victoriæ, ferocior erat. Quærentibus utrinque ratio initur, cui & fortuna ipsa præbuit materiam.*

XXIV. Forte in duobus tum exercitibus erant trigemini fratres, nec ætate, nec viribus dispares. Horatios Curiatiosque fuisse, satis constat; nec ferme res antiqua alia est nobilior. tamen in re tam clara nominum error manet; utrius populi Horatii, utrius Curiatii fuerint. Auctores utrôque trahunt: plures tamen invenio qui Romanos Horatios vocent. hos ut sequar, inclinât animus. Cum trigeminis agunt reges, ut pro sua quisque patria dimicent ferro. ibi imperium fore, unde victoria fuerit. Nihil recusatur: tempus & locus convenit. Priusquam dimicarent, fœdus ictum inter Romanos & Albanos est his legibus, ut, cujusque populi cives eo certamine vicissent, is alteri populo cum bona pace imperitaret. Fœdera alia aliis legibus, ceterum eodem modo omnia, fiunt. Tum ita factum accepimus, nec ullius vetustior fœderis memoria est. Fecialis regem Tullum ita rogavit: *Jubesne me, Rex, cum patre patrato populi Albani fœdus ferire?* jubente rege, *Sagmina,* inquit, *te, Rex, posco.* Rex ait, *Puram tollito.* Fecialis ex arce graminis herbam puram attulit. postea regem ita rogavit: *Rex, facisne me tu regium nuncium populi Romani Quiritium? vasa, comitesque meos?* Rex respondit: *Quod sine fraude mea populiq; Romani Quiritium fiat, facio.* Fecialis erat M. Valerius. patrem patratum Sp. Fufium fecit, verbenâ caput capillosque tangens. Pater patratus ad jusjurandum patrandum, id est, sanciendum fit fœdus; multisque id verbis, quæ longo effata carmine non operæ est referre, peragit. Legibus deinde recitatis: *Audi, inquit, Jupiter; audi pater patrato populi Albani; audi tu populus Albanus; ut illa palam prima postrema*

*postrema ex illis tabulis cerâve recitata sunt sine dolo malo, utique ea hic hodie rectissime intellecta sunt, illis legibus populus Romanus prior non deficiet. Si prior defexit publico consilio, dolo malo; tu illo die, Jupiter, populum Romanum sic ferito, ut ego hunc porcum hic hodie feriam: tantoque magis ferito quanto magis potes pollesque. Id ubi dixit, porcum saxo filice percussit. Sua item carmina Albani, suumque jusjurandum per suum dictatorem suosque sacerdotes peregerunt.*

XXV. Fœdere isto, trigemini, sicut convenerat, arma capiunt. Quum sui utroque adhortarentur, *Deos patrios, patriam ac parentes, quidquid civium domi, quidquid in exercitu sit, illorum tunc arma, illorum intueri manus: feroces & suoapte ingenio, & pleni adhortantium vocibus, in medium inter duas acies procedunt. Confederant utrinque pro castris duo exercitus, periculi magis præsentis, quàm curæ, expertes. quippe imperium agebatur, in tam paucorum virtute atque fortuna positum. Itaque ergo erecti suspensique in minimè gratum spectaculum animo intenduntur. Datur signum. infestisque armis, velut acies, terni juvenes, magnorum exercituum animos gerentes, concurrunt: nec his, nec illis periculum suum; publicum imperium servitiumque obversatur animo, futuraque ea deinde patriæ fortuna, quam ipsi fecissent. Ut primo statim concursu increpuere arma, micantesque fulsere gladii, horror ingens spectantes perstringit: &, neutrò inclinatâ spe, torpebat vox spiritusque. Confertis deinde manibus, quum jam non motus tantùm corporum, agitatioque anceps telorum armorumque, sed vulnera quoque & sanguis spectaculo essent; duo Romani, super alium alius, vulneratis tribus Albanis, exspirantes corruerunt. ad quorum casum quum conclamasset gaudio Albanus exercitus, Romanas legiones jam spes tota, nondum tamen cura, deseruerat, exanimes vice unius, quem tres Curiatii circumsteterant. Forte is integer fuit, ut universis for-*



lus nequaquam par, sic adversus singulos ferox. ergo, ut segregaret pugnam eorum, capeffit fugam, ita ratus secuturos, ut quemque vulnere affectum corpus sine-  
ret. Jam aliquantum spatii ex eo loco, ubi pugnatum est, aufugerat, quum respiciens videt magnis intervallis sequentes: unum haud procul ab sese abesse. in eum magno impetu rediit. Et, dum Albanus exercitus inclamat Curiatiis, uti opem ferant fratri, jam Horatius, cæso hoste victor, secundam pugnam petebat. tum clamore, qualis ex insperato faventium solet, Romani adjuvant militem suum: & ille defungi prælio festinat. Prius itaque, quàm alter, qui nec procul aberat, consequi posset, & alterum Curiatium conficit. Jamque, æquato Marte, singuli supererant; sed nec spe, nec viribus pares. alterum, intactum ferro corpus & geminata victoria, ferocem in certamen tertium dabant: alter, fessum vulnere, fessum cursu trahens corpus, victusque fratrum ante se strage, victori objicitur hosti. nec illud prælium fuit. Romanus exsultans, *Duos, inquit, fratrum Manibus dedi: tertium causa belli hujusce, ut Romanus Albano imperet, dabo.* Malè sustinenti arma gladium supernè jugulo defigit: jacentem spoliat. Romani ovantes ac gratulantes Horatium accipiunt; eo majore cum gaudio, quo prope metum res fuerat. Ad sepulturam inde suorum nequaquam paribus animis vertuntur; quippe imperio alteri aucti, alteri ditionis alienæ facti. Sepulchra exstant, quo quisque loco cecidit. duo Romana uno loco propius Albam, tria Albana Romanam versus; sed distantia locis, & ut pugnatum est.

XXVI. Priusquam inde digrederentur, roganti Metto, ex fœdere isto quid imperaret, imperat Tullus, uti juventutem in armis habeat: usurum se eorum operâ, si bellum cum Vejentibus foret. ita exercitus inde domos abducti. Princeps Horatius ibat, trigemina spolia præ se gerens: cui soror virgo, quæ desponsa uni ex Curiatiis fuerat, obvia ante portam Capenam fuit: cognitoque

nitoque super humeros fratris paludamento sponfi, quod ipsa confecerat, solvit crines, & flebiliter nomine sponsum mortuum appellat. Movet feroci juveni animum comploratio sororis in victoria sua tantoque gaudio publico. Stricto itaque gladio, simul verbis increpans, transfigit puellam. *Abi hinc cum immaturo amore ad sponsum, inquit, oblita fratrum mortuorum vivique, oblita patria. Sic eat, quaecumque Romana lugebit hostem. Atrox visum id facinus Patribus plebique: sed recens meritum facto obstabat. tamen raptus in jus ad regem. Rex, ne ipse tam tristis ingratiue ad vulgus iudicii, aut, secundum iudicium, supplicii auctor esset, concilio populi advocato, Duumviros, inquit, qui Horatio perduellionem iudicent, secundum legem facio. Lex horrendi carminis erat: Duumviri perduellionem iudicent. Si à Duumviris provocarit, provocatione certato: si vincent, caput obnubito: infelici arbori recte suspendito: verberato vel intra pomerium, vel extra pomerium. Hac lege Duumviri creati, qui se absolvere non rebantur eâ lege, ne innoxium quidem, posse, quum condemnassent; tum alter ex his, P. Horati, tibi perduellionem iudico, inquit: I, lictor, colliga manus.* Accesserat lictor, injiciebatque laqueum. tum Horatius, auctore Tullo, clemente legis interprete, *Provoco, inquit. ita de provocatione certatum ad populum est. Moti homines sunt in eo iudicio, maxime P. Horatio patre proclamante, se filiam jure causam iudicare. ni ita esset, patrio jure in filium animadversurum fuisse. Orabat deinde, ne se, quem paulo antè cum egregia stirpe conspexissent, orbum liberis facerent. Inter hæc senex, juvenem amplexus, spolia Curiatorum fixa eo loco, qui nunc Pila Horatia appellatur, ostentans, Huncce, aiebat, quem modò decoratum ovantemque victoriâ incedentem vidistis, Quirites, cum sub furca vinctum inter verbera & cruciatus videre potestis? quod vix Albanorum oculi tam deforme spectaculum ferre possent. I, lictor, colliga manus, quæ paulo ante armata imperium*

*populo Romano pepererunt. I, caput obnube liberatoris urbis hujus: arbori infelici suspende: verbera, vel intra pomerium, modò inter illa pila & spolia hostium; vel extra pomerium, modò intra sepulchra Curiatorum. Quò enim ducere hunc juvenem potestis, ubi non sua decora eum à tanta fœditate supplicii vindicent?* Non tulit populus nec patris lacrimas, nec ipsius parem in omni periculo animum: absolveruntque admiratione magis virtutis, quàm jure causæ. Itaque, ut cædes manifesta, aliquo tamen piaculo, lueretur, imperatum patri, ut filium expiaret pecuniâ publicâ. Is, quibusdam piacularibus sacrificiis factis, quæ deinde genti Horatiæ tradita sunt, transmissio per viam tigillo, capite adoperto, velut sub jugum misit juvenem. Id hodie quoque publicè semper refectum manet. Sororium tigillum vocant. Horatiæ sepulchrum, quo loco corruerat ista, constructum est saxo quadrato.

XXVII. Nec diu pax Albana mansit. invidia vulgi, quòd tribus militibus fortuna publica commissa fuerit, vanum ingenium dictatoris corripit; & quoniam recta consilia haud benè evenerant, pravis reconciliare popularium animos cepit. Igitur, ut priùs in bello pacem, sic in pace bellum querens, quia suæ civitati animorum plus, quàm virium cernebat esse, ad bellum palam atque ex edicto gerendum alios concitat populos: suis per speciem societatis prodicionem reservat. Fidenates, colonia Romana, Vejentibus sociis consilii assumptis, pacto transitionis Albanorum ad bellum atque arma incitantur. Quum Fidenæ apertè descissent, Tullus Metto, exercituque ejus ab Alba accito, contra hostes ducit. ubi Anienem transiit, ad consuetas collocat castra. Inter eum locum & Fidenas Vejentium exercitus Tiberim transferat. Hi & in acie prope flumen tenere dextrum cornu: in sinistro Fidenates propius montes consistunt. Tullus adversus Vejentem hostem dirigit suos: Albanos contra legionem Fidenatium collocat. Albano non plus animi erat, quàm fidei. nec  
manere

manere ergo, nec transire aperte ausus, sensim ad montes succedit. Inde, ubi satis subisse sese ratus est, erigit totam aciem: fluctuansque animo, ut tereret tempus, ordines explicat. Consilium erat, quâ fortuna rem daret, eâ inclinare vires. Miraculo primò esse Romanis, qui proximi steterant, ut nudari latera sua sociorum digressu senserunt: inde eques citato equo nunciat regi, abire Albanos. Tullus in re trepida duodecim vocavit Salios, fanaque Pallori ac Pavori. equitem clarâ increpans voce, ut hostes exaudirent, *redire in praelium* jubet: *nihil trepidatione opus esse: suo jussu circumdaci Albanum exercitum, ut Fidenatium nuda terga invadant.* idem imperat, ut hastas equites erigere jubeat. Id factum magnæ parti peditum Romanorum conspectum abeuntis Albani exercitus intersepsit. qui viderant, id, quod ab rege auditum erat, rati, cò acriùs pugnant. Terror ad hostes transit: & audiverant clarâ voce dictum: & magna pars Fidenatium, ut qui coloni additi Romanis essent, Latine sciebant. Itaque, ne subito ex collibus decursu Albanorum intercluderentur ab oppido, terga vertunt. Instat Tullus, fusoque Fidenatium cornu, in Vejentem, alieno pavore perculsum, ferocior redit. Nec illi tulere impetum: sed ab effusa fuga flumen objectum à tergo arcebat. Quò postquam fuga inclinavit: alii, arma fœdè jactantes, in aquam cæci ruebant; alii, dum cunctantur in ripis, inter fugæ pugnaeque consilium oppressi. Non alia antè Romana pugna atrocior fuit.

XXVIII. Tum Albanus exercitus, spectator certaminis, deductus in campos. Mettus Tullo devictos hostes gratulatur: contrâ Tullus Mettum benignè alloquitur. Quod bene vertat, castra Albanos Romanis castris jungere jubet: sacrificium lustrale in diem posterum parat. Ubi illuxit, paratis omnibus, ut assolet, vocari ad concionem utrumque exercitum jubet. Praetores, ab extremo orsi, primos excivere Albanos. hi,

novitate etiam rei moti, ut regem Romanum concionantem audirent, proximi constitere. Ex composito armata circumdatur Romana legio. centurionibus datum negotium erat, ut sine mora imperia exsequerentur. Tum ita Tullus inquit: *Romani, si unquam antè aliàs ullo in bello fuit, quòd primùm Diis immortalibus gratias ageretur, deinde vestra ipsorum virtuti, besternum id prælium fuit. Dimicatum est enim non magis cum hostibus, quàm, quæ dimicatio major atque periculosior est, cum pradtione ac perfidia sociorum. Nam, ne vos falsa opinio teneat, injussu meo Albani subiere ad montes: nec imperium illud meum, sed consilium & imperii simulatio fuit: ut nec, vobis ignorantibus deferi vos, averteretur à certamine animus; & hostibus, circumveniri se à tergo ratis, terror ac fuga injiceretur. Nec ea culpa, quam argua, omnium Albanorum est. ducem secuti sunt: ut & vos, si quò ego inde agmen declinare voluissem, fecissetis. Mettus ille est ductor itineris hujus, Mettus idem hujus machinator belli, Mettus fœderis Romani Albanique ruptor. Audeat deinde talia aliis, nisi in hunc insigne jam documentum mortalibus dederò. Centuriones armati Mettum circumstant. rex cetera, ut orsus erat, peragit. Quod bonum, faustum, felixque sit populo Romano ac mihi, vobisque, Albani, populum omnem Albanum Romam traducere in animo est; civitatem dare plebi; primores in Patres legere; unam urbem, unam rempublicam facere. Ut ex uno quondam in duos populos divisa Albana res est, sic nunc in unum redeat. Ad hæc Albana pubes, inermis ab armatis septa, in variis voluntatibus, communi tamen metu cogente, silentium tenet. Tum Tullus, Mette-Fuffeti, inquit, si ipse discere posses fidem ac fœdera servare, vivo tibi ea disciplina à me adhibita esset. Nunc, quoniam tuum insanabile ingenium est, at tu tuo supplicio doce humanum genus ea sancta credere, quæ à te violata sunt. Ut igitur paulò antè animum inter Fidenatem Romanamque rem ancipitem gessisti, ita jam corpus passim distrabendum dabis. Exinde, duabus admotis quadrigis, in currus earum distentum illigat Mettum. deinde in diver-*

diversum iter equi concitati, lacerum in utroque curru corpus, quæ inhæserant vinculis membra, portantes. Avertere omnes à tanta sœditate spectaculi oculos. Primum ultimumque illud supplicium apud Romanos exempli parum memoris legum humanarum fuit. in aliis gloriari licet, nulli gentium mitiores placuisse pœnas.

XXIX. Inter hæc jam præmissi Albam erant equites, qui multitudinem traducerent Romam. Legiones deinde ductæ ad diruendam urbem. quæ ubi intravere portas, non quidem fuit tumultus ille, nec pavor, qualis captarum esse urbium solet; quum, effractis portis, stratissime ariete muris, aut arce vi captâ, clamor hostilis & cursus per urbem armatorum omnia ferro flammæque miscet: sed silentium triste ac tacita mœstitia ita defixit omnium animos, ut, præ metu obliti, quid relinquerent, quid secum ferrent, deficiente consilio, rogitantesque alii alios, nunc in liminibus starent, nunc errabundi domos suas, ultimum illud visuri, pervagarentur. Ut verò jam equitum clamor exire jubentium instabat, jam fragor testorum, quæ diruebantur, ultimis urbis partibus audiebatur, pulvisque, ex distantibus locis ortus, velut nube inductâ omnia impleverat; raptim, quibus quisque poterat, elatis; quum larem ac penates testaque, in quibus natus quisque educatusque esset, relinquentes exirent: jam continens agmen migrantium impleverat vias: & conspectus aliorum mutuâ miseratione integrabat lacrimas: vocesque etiam miserabiles exaudiebantur; mulierum præcipuè, quum obsessa ab armatis templa augusta præterirent, ac velut captos relinquerent Deos. Egressis urbem Albanis, Romanus passim publica privataque omnia testa adæquat solo, unaque hora quadringentorum annorum opus, quibus Alba steterat, excidio ac ruinis dedit. Templis tamen Deum (ita enim edictum ab rege fuerat) temperatum est.

XXX. Roma interim crescit Albæ ruinis. duplicatur civium numerus. Coelius additur urbi mons: &, quò

frequentius habitaretur, eam sedem Tullus regiae capit, ibique habitavit. Principes Albanorum in Patres, ut ea quoque pars reipublicae cresceret, legit Tullios, Servilios, Quintios, Geganios, Curiatios, Claelios: templumque ordini ab se aucto curiam fecit, quae Hostilia usque ad patrum nostrorum aetatem appellata est. & ut omnium ordinum viribus aliquid ex novo populo adiceretur, equitum decem turmas ex Albanis legit. Legiones & veteres eodem supplemento explevit, & novas scripsit. Hac fiducia virium Tullus Sabinis bellum indicit; genti eam tempestate secundum Etruscos opulentissimae viris armisque. Utrunque injuriae factae, ac res nequicquam erant repetitae. Tullus, ad Feroniae fanum mercatu frequenti negotiatores Romanos comprehensos, querebatur: Sabinum, suos prius in lucum confugisse, ac Romae retentos. hae causae belli ferebantur. Sabinum, haud parum memores, & suarum virium partem Romae ab Tatio locatam, & Romanam rem nuper etiam adfectione populi Albani auctam, circumspicere & ipsi externa auxilia. Etruria erat vicina, proximi Etruscorum Veientes. Inde, ob residuas bellorum iras maxime sollicitatis ad defectionem animis, voluntarios traxere. & apud vagos quosdam ex inopi plebe etiam merces valuit. Publico auxilio nullo adjuti sunt. valuitque apud Veientes (nam de ceteris minus mirum est) pacta cum Romulo induciarum fides. Quum bellum utrinque summâ ope pararent, vertique in eo res videretur, utri prius arma inferrent, occupat Tullus in agrum Sabinum transire. Pugna atrox ad silvam Malitiosam fuit. ubi & peditum quidem robore, ceterum equitatu aucto nuper, plurimum Romana acies valuit. Ab equitibus repente investis turbati ordines sunt Sabinorum: nec pugna deinde illis constare, nec fuga explicari sine magna caede potuit.

XXXI. Devictis Sabinis, quum in magna gloria magnisque opibus regnum Tulli ac tota res Romana esset, nuncia-

nunciatum regi Patribusque est, in monte Albano lapidibus pluuisse. Quod quum credi vix posset, missis ad id visendum prodigium, in conspectu, haud aliter quam quum grandinem venti glomeratam in terras agunt, crebri cecidere cælo lapides. Visi etiam audire vocem ingentem ex summi cacuminis luco, ut patrio ritu sacra Albani facerent, quæ, velut Diis quoque simul cum patria relictis, oblivioni dederant: & aut Romana sacra susceperant, aut, fortunæ, ut sit, obirati, cultum reliquerant Deum. Romanis quoque ab eodem prodigio novendiale sacrum publicè susceptum est: seu voce cælesti ex Albano monte missâ, (nam id quoque traditur) seu aruspicum monitu. mansit certè solenne, ut, quandoque idem prodigium nunciaretur, feriæ per novem dies agerentur. Haud ita multò post pestilentia laboratum est. unde quum pigritia militandi oriretur; nulla tamen ab armis quies dabatur ab bellicoso rege, salubriora etiam credente militiæ, quam domi juvenum corpora esse; donec ipse quoque longinquo morbo est implicitus. Tunc adeo fracti simul cum corpore sunt spiritus illi feroces, ut, qui nihil antè ratus esset minùs regium, quam sacris dedere animum, repentè omnibus magnis parvisque superstitionibus obnoxius degeret, religionibusque etiam populum impletet. vulgò jam homines, cum statum rerum, qui sub Numa rege fuerat, requirentes, unam opem ægris corporibus relictam, si pax veniaque ab Diis impetrata esset, credebant. Ipsum regem, tradunt, volventem commentarios Numæ, quum ibi quædam occulta solennia sacrificia Jovi Elicio facta invenisset, operatum his sacris se abdidiisse: sed non ritè initum aut curatum id sacrum esse; nec solùm nullam ei oblatam cælestium speciem, sed irâ Jovis, sollicitati pravâ religione, fulmine ictum cum domo conflagrasse. Tullus magnâ gloriâ belli regnavit annos duos & triginta.

XXXII. Mortue Tullo, res, ut institutum jam inde ab



ab initio erat, ad Patres redierat: hique interregem nominaverant. quo comitia habente, Ancum Marcium regem populus creavit: Patres fuere auctores. Numæ Pompilii regis nepos, filiâ ortus, Ancus Marcius erat. qui, ut regnare cœpit, & avitæ gloriæ memor, & quia proximum regnum, cetera egregium, ab una parte haud satis prosperum fuerat, aut neglectis religionibus, aut præve cultis; longè antiquissimum ratus, sacra publica, ut ab Numa instituta erant, facere; omnia ea ex commentariis regis pontificem, in album relata, proponere in publico jubet. inde & civibus otii cupidis, & finitimis civitatibus facta spes, in avi mores atque instituta regem abiturum. Igitur Latini, cum quibus, Tullo regnante, istum fœdus erat, sustulerant animos: &, quum incursionem in agrum Romanum fecissent, repetentibus res Romanis superbè responsum reddunt; desidem Romanum regem inter facella & aras acturum esse regnum rati. Medium erat in Anco ingenium, & Numæ, & Romuli memor: &, præterquam quòd avi regno magis necessariam fuisse pacem credebat, quum in novo, tum feroci populo; etiam, quod illi contigisset otium, sine injuria id se haud facillè habiturum: tentari patientiam, & tentatam contemni: temporaque esse Tullo regi aptiora, quàm Numæ. Ut tamen, quoniam Numa in pace religiones instituisset, à se bellicæ ceremoniæ proderentur; nec gererentur solum, sed etiam indicerentur bella aliquo ritu; jus ab antiqua gente Æquicolis, quod nunc feciales habent, descripsit, quo res repetuntur. Legatus, ubi ad fines eorum venit, unde res repetuntur, capite velato filo (lanæ velamen est) *Audi, Jupiter, inquit, audite fines*, (cujuscunque gentis, sunt nominat) *audiat fas. Ego sum publicus nuncius populi Romani, justè pièque legatus venio, verbisque meis fides sit.* Peragit deinde postulata. Inde Jovem testem facit: *Si ego injustè impièque illos homines illasque res dedidero* [nuncio populi Romani] *mibi exposito, tum patriæ compotem me nunquam*

*numquam firis esse.* Hæc, quum fines suprascandit, hæc, quicumque ei primus vir obuius fuerit, hæc, portam ingrediens, hæc, forum ingressus, paucis verbis carminis concipiendique jurisjurandi mutatis, peragit. si non deduntur, quos exposcit, diebus tribus & triginta (tot enim solennes sunt) peractis, bellum ita indicit: *Audi, Jupiter, & tu Jumo, Quirine, Diique omnes cælestes, vosque terrestres, vosque inferni audite. Ego vos sessor, populum illum, (quicumque est, nominat) injustum esse, neque jus persolvere. Sed de istis rebus in patria majores natu consulamus, quo pacto jus nostrum adipiscamur.* Cum his nuncius Romam ad consulendum redit. Confestim Rex his ferme verbis Patres consulebat: *Quarum rerum, litium, causarum condixit pater patratus populi Romani Quiritium patri patrato priscorum Latinorum hominibusque priscis Latinis, quas res dari, fieri, solvi oportuit, quas res nec dederunt, nec fecerunt, nec solverunt, dic, inquit ei, quem primum sententiam rogabat, quid censes?* Tum ille: *Puro pioque duello querendas censeo, itaque consensio consciscoque.* Inde ordine alii rogabantur: quandoque pars major eorum, qui aderant, in eandem sententiam ibat, bellum erat consensu. Fieri solitum, ut fecialis hastam ferratam aut sanguineam præustam ad fines eorum ferret, &, non minus tribus puberibus præsentibus, diceret: *Quod populi priscorum Latinorum, hominesque prisci Latini adversus populum Romanum Quiritium fecerunt, deliquerunt, quod populus Romanus Quiritium bellum cum priscis Latinis iussit esse, senatusque populi Romani Quiritium censuit, consensit, conscivit, ut bellum cum priscis Latinis fieret; ob eam rem ego populusque Romanus populis priscorum Latinorum hominibusque priscis Latinis, bellum indico facioque.* Id ubi dixisset, hastam in fines eorum emittebat. Hoc tum modo ab Latinis repetitæ res, ac bellum indictum: moremque eum posterius acceperunt.

XXXIII. Ancus, demandatâ curâ sacrorum flaminibus sacerdotibusque aliis, exercitu novo conscripto, pro-

profectus; Politorium, urbem Latinorum, vi cepit; secutusque morem regum priorum, qui rem Romanam au-  
xerant hostibus in civitatem accipiendis, multitudinem  
omnem Romam traduxit. & quum circa Palatium, sedem  
veterum Romanorum, Sabini Capitolium atque arcem,  
Caelium montem Albani implerent; Aventinum novæ  
multitudini datum. additi eodem haud ita multo post,  
Tellenis Ficanæque captis, novi cives. Politorium inde  
rursus bello repetitum, quod vacuum occupaverant pri-  
sci Latini. eaque causa diruendæ urbis ejus fuit Roma-  
nis, ne hostium semper receptaculum esset. Postremo,  
omni bello Latino Medulliam compulso, aliquandiu ibi  
marte incerto, variâ victoriâ, pugnatum est: nam &  
urbs tuta munitionibus, præsidioque firmata valido e-  
rat, & castris in aperto positis, aliquoties exercitus La-  
tinus cominus cum Romanis signa contulerat. Ad ul-  
timum, omnibus copiis connixus Ancus, acie primum  
vincit: inde ingenti prædâ potitus, Romam redit, tum  
quoque multis millibus Latinorum in civitatem accep-  
tis; quibus, ut jungeretur Palatio Aventinum, ad Mur-  
ciæ datæ sedes. Janiculum quoque adjectum; non in  
opiâ loci, sed ne quando ex arx hostium esset. id non  
muro solum, sed etiam, ob commoditatem itineris, pon-  
te sublicio, tum primum in Tiberim facto, conjungi ur-  
bi placuit. Quiritium quoque fossa, haud parvum mu-  
nimentum à planioribus aditu locis, Anci regis opus est.  
Ingenti incremento rebus auctis, quum in tanta multitu-  
dine hominum, discrimine rectè an perperam facti con-  
fuso, facinora clandestina fierent, carcer ad terrorem  
increfcentis audaciæ mediâ urbe, imminens foro, ædifi-  
catur. Nec urbs tantum hoc rege crevit, sed etiam a-  
ger finesque. Silva Mæsia Vejentibus adempta, usque  
ad mare imperium prolatum, & in ore Tiberis Ostia  
urbs condita: salinæ circa factæ, egregiæque rebus bello  
gestis, ædes Jovis Feretrii amplificata.

XXXIV. Anco regnante, Lucumo, vir impiger ac  
divi-

divitiis potens, Romam commigravit, cupidine maxime ac spe magni honoris, cujus adipiscendi Tarquiniis (nam ibi quoque peregrinâ stirpe oriundus erat) facultas non fuerat. Damarati Corinthii filius erat; qui, ob seditiones domo profugus, quum Tarquiniis forte confedisset, uxore ibi ductâ duos filios genuit. Nomina his Lucumo atque Aruns fuerunt. Lucumo superfuit patri, bonorum omnium hæres: Aruns prior, quàm pater, moritur; uxore gravidâ relicta. Nec diu manet superstes filio pater: qui quum, ignorans nurum ventrem ferre, immemor in testando nepotis decessisset, puero, post avi mortem, in nullam sortem bonorum nato, ab inopia Egerio inditum nomen. Lucumoni contra, omnium hæredi bonorum, quum divitiæ jam animos facerent, auxit ducta in matrimonium Tanaquil, summo loco nata, & quæ haud facile iis, in quibus nata erat, humiliora sineret ea, quæ innupisset. Spernentibus Etruscis Lucumonem, exsule advenâ ortum, ferre indignitatem non potuit; oblitaque ingénitæ erga patriam caritatis, dummodo virum honoratum videret, consilium migrandi ab Tarquiniis cepit. Roma est ad id potissimum visa. in novo populo, ubi omnis repentina atque ex virtute nobilitas sit, futurum locum fortè ac strenuo viro: regnâsse Tatium Sabinum: arcessitum in regnum Numam à Curibus: & Ancum Sabinâ matre ortum, nobilemque unâ imagine Numæ esse. Facile persuadet, ut cupido honorum, & cui Tarquiniis materiam tantum patria esset. Sublatis itaque rebus commigrant Romam. Ad Janiculum forte ventum erat. ibi ei, carpento sedenti cum uxore, aquila, suspensis demissa leniter alis, pileum aufert: superque carpentum cum magno clangore volitans, rursus, velut ministerio divinitus missa, capiti aptè reponit. inde sublimis abiit. Accepisse id augurium læta dicitur Tanaquil, perita, ut vulgò Etrusci, cœlestium prodigiorum mulier. Excelsa & alta sperare complexa virum jubet. eam alitem

tem eâ regione cœli & ejus Dei nunciam venisse. circa summum culmen hominis auspiciū fecisse. levâsse humano superpositum capiti decus, ut divinitus eidem redderet. Has spes cogitationesque secum portantes, urbem ingressi sunt, domicilioque ibi comparato, L. Tarquinius Priscum edidere nomen. Romanis conspicuum eum novitas divitiarumque faciebant: & ipse fortunam benigno alloquio, comitate invitandi, beneficiisque, quos poterat, sibi conciliando, adjuvabat; donec in regiam quoque de eo fama perlata est: notitiamque eam brevi, apud regem liberaliter dextrarumque obeundo officia, in familiaris amicitiarum adduxerat jura, ut publicis pariter ac privatis consiliis belli domique interesset: &, per omnia expertus, postremò tutor etiam liberis regis testamento institueretur.

XXXV. Regnavit Ancus annos quatuor & viginti, cuilibet superiorum regum belli pacisque & artibus & gloriâ par. Jam filii prope puberem ætatem erant. eò magis Tarquinius instare, ut quàm primùm comitia regi creando fierent. Quibus indictis, sub tempus pueros venatum ablegavit. isque primus & petisse ambitione regnum, & orationem dicitur habuisse ad conciliandos plebis animos compositam: *Quum, se non rem novam petere: quippe qui non primus, quod quisquam indignari mirarive posset, sed tertius Roma peregrinus regnum affectet: & Tatium non ex peregrino solum, sed etiam ex hoste, regem factum: & Numam, ignarum urbis, non petentem, in regnum ultrò accitum. Se, ex quo sui potens fuerit, Romam cum conjuge ac fortunis omnibus commigrâsse: majorem partem ætatis ejus, quâ civilibus officiis fungantur homines, Roma se, quàm in vetere patria, vixisse. domi militiarumque sub haud pœnitendo magistro, ipso Anco rege, Romana se jura, Romanos ritus didicisse. Obsequio & observantiâ in regem cum omnibus, benignitate erga alios cum rege ipso certâsse. Hæc cum haud falsa memorantem, ingenti consensu populus Romanus regnare jussit. Ergo virum, cetera egregium,*  
*secuta,*

secuta, quam in petendo habuerat, etiam regnantem ambitio est. nec minus regni sui firmandi, quam augenda reipublicæ, memor, centum in Patres legit; qui deinde minorum gentium sunt appellati. factio haud dubia regis, cujus beneficio in curiam venerant. Bellum primum cum Latinis gessit, & oppidum ibi Appiolas incepit: prædæque inde majore, quam quanta belli fama fuerat, revectâ, ludos opulentiùs instructiùsque, quam priores reges, fecit. Tum primùm circo, qui nunc maximus dicitur, designatus locus est. loca divisa Patribus equitibusque, ubi spectacula sibi quisque facerent, Fori appellati. Spectavere furcis duodenos ab terra spectacula alta sustinentibus pedes. Ludicrum fuit, equi pugileque ex Etruria maximè acciti. solennes deinde annui mansere ludi, Romani Magnique variè appellati. Ab eodem rege & circa forum privatis ædificanda divisa sunt loca; porticus, tabernæque factæ.

XXXVI. Muro quoque lapideo circumdare urbem parabat, quum Sabinum bellum cœptis intervenit. Adeoque ea subita res fuit, ut priùs Anienem transirent hostes, quam obviam ire ac prohibere exercitus Romanus posset. Itaque trepidatum Romæ est. & primò dubiâ victoriâ, magnâ utrinque cæde, pugnatum est. Reductis deinde in castra hostium copiis, datoque spatio Romanis, ad comparandum de integro bellum, Tarquinius, equitem maximè suis deesse viribus ratus, ad Ramnes, Tatienfes, Luceres, quas centurias Romulus scripserat, addere alias constituit, suoque insignes relinquere nomine. Id quia inauguratò Romulus fecerat, negare Attus Navius, inclytus eâ tempestate augur, neque mutari, neque novum constitui, nisi aves addixissent, posse. Ex eo ira regi mota, eludensque artem, ut ferunt, *Agedum, inquit, divine tu, inaugura, fierine possit, quod nunc ego mente concipio.* Quum ille, in augurio rem expertus, profectò futuram dixisset: *Atqui hoc animo agitavi, inquit, te novaculâ cotem discissurum. cape hæc, et perage*

*perage quod aves tue fieri posse portendunt.* tum illum haud cunctanter discidisse cotem ferunt. Statua Atti capite velato, quo in loco res acta est, in comitio, in gradibus ipsis ad lavam curiæ fuit: cotem quoque eodem loco sitam fuisse memorant, ut esset ad posteros miraculi ejus monumentum. Auguriis certè sacerdotioque augurum tantus honos accessit, ut nihil belli domique postea, nisi auspiciatò gereretur: concilia populi, exercitus vocati, summa rerum, ubi aves non admisissent, dirimerentur. Neque tum Tarquinius de equitum centuriis quicquam mutavit: numero alterum tantum adjecit, ut mille & octingenti equites in tribus centuriis essent. Posteriores modò sub iisdem nominibus, qui additi erant, appellati sunt: quas nunc, quia geminatæ sunt, sex vocant centurias.

XXXVII. Hac parte copiarum auctâ, iterum cum Sabinis confligitur. Sed præterquam quòd viribus creverat Romanus exercitus, ex occulto etiam additur dolus, missis, qui magnam vim lignorum, in Anienis ripa jacentem, ardentem in flumen conjicerent: ventoque juvante accensa ligna, & pleraque, in ratibus impacta, sublicis quum hæerent, pontem incendunt. Ea quoque res in pugna terrorem attulit Sabinis. effusis eadem fugam impediit: multique mortales, quum hostem effugissent, in flumine ipso perire: quorum fluitantia arma ad urbem cognita in Tiberi, prius penè quàm nunciari posset, insignem victoriam fecere. Eo prælio præcipua equitum gloria fuit. utrinque ab cornibus positos, quum jam pelleretur media peditum suorum acies, ita incurrisse ab lateribus ferunt, ut non sisterent modò Sabinas legiones, ferociter instantes cedentibus, sed subito in fugam averterent. Montes effuso cursu Sabini petebant, & pauci tenuere; maxima pars, ut antè dictum est, ab equitibus in flumen acti sunt. Tarquinius, instandum perterritis ratus, prædâ captivisque Romam missis, spoliis hostium (votum id Vulcano erat) ingenti cumulo

cumulo accensis, pergit porro in agrum Sabinum exercitum inducere: & quanquam malè gesta res erat, nec gesturos melius sperare poterant, tamen, quia consulendi res non dabat spatium, iere obviam Sabini tumultuario milite. iterumque ibi fusi, perditis jam prope rebus, pacem petiere.

XXXVIII. Collatia, & quicquid circa Collatiam agri erat, Sabinis ademptum. Egerius (fratris hic filius erat regis) Collatiæ in præsidio relictus. deditosque Collatinos ita accipio, eamque deditionis formulam esse. Rex interrogavit: *Estisne vos legati oratoresque, missi à populo Collatino, ut vos populumque Collatinum dederetis? Sumus. Estne populus Collatinus in sua potestate? Est. Deditisne vos, populumque Collatinum, urbem, agros, aquam, terminos, delubra, utensilia, divina humanaque omnia, in meam populi que Romani ditionem? Dedimus. At ego recipio.* Bello Sabino perfecto, Tarquinius triumphans Romam rediit. inde priscis Latinis bellum fecit. ubi nusquam ad universæ rei dimicationem ventum est, ad singula oppida circumferendo arma, omne nomen Latinum domuit. Corniculum, Ficulea vetus, Cameria, Crustummerium, Ameriola, Medullia, Nomentum, hæc de priscis Latinis, aut qui ad Latinos defecerant, capta oppida. Pax deinde est facta. Majore inde animo pacis opera inchoata, quàm quantà mole gesserat bella: ut non quietior populus domi esset, quàm militiæ fuisset. Nam & muro lapideo, cujus exordium operis Sabino bello turbatum erat, urbem, quā nondum munierat, cingere parat: & infima urbis loca circa forum aliasque interjectas collibus convalles, quia ex planis locis haud faciliè evehebant aquas, cloacis è fastigio in Tiberim ductis ficcant: & arcem ad ædem in Capitolio Jovis, quam voverat bello Sabino, jam præfagiente animo futuram olim amplitudinem loci, occupat fundamentis..

XXXIX. Eo tempore in regia prodigium visu eventuque mirabile fuit. Puero dormienti, cui Servio Tullio



Tullio nomen fuit, caput arsisse ferunt multorum in conspectu. Plurimo igitur clamore inde ad tantæ rei miraculum orto excitos reges. & quum quidam familiarium aquam ad restinguendum ferret, ab regina retentum: sedatoque eam tumultu, moveri vetuisse puerum; donec suâ sponte experrectus esset. Mox cum somno & flammam abiisse. Tum abducto in secretum viro Tanaquil, *Viden' tu puerum hunc, inquit, quem tam humili cultu educamus? Scire licet, hunc lumen quondam rebus nostris dubiis futurum, præsidiumque regiæ afflictæ. proinde materiem ingentis publicè privatimque decoris omni indulgentiâ nostrâ nutriamus.* Inde puerum liberum loco cœptum haberi, erudiri que artibus, quibus ingenia ad magnæ fortunæ cultum excitantur. Evenit facili, quod Diis cordi esset. Juvenis evasit verè indolis regiæ. nec, quum quæreretur gener Tarquinio, quisquam Romanæ juventutis ullâ arte conferri potuit: filiamque ei suam Rex despondit. Hic, quacunque de causa, tantus illi honos habitus credere prohibet servâ natum eum, parvumque ipsum servisse. Eorum magis sententiæ sum, qui, Corniculo capto, Servii Tullii, qui princeps in illa urbe fuerat, gravidam viro occiso uxorem, quum inter reliquas captivas cognita esset, ob unicam nobilitatem ab regina Romana prohibitam ferunt servitio partum Romæ edidisse, Prisci Tarquinii domo. Inde tanto beneficio & inter mulieres familiaritatem autam, & puerum, ut in domo à parvo educum, in caritate atque honore fuisse: fortunam matris, quod captâ patriâ in hostium manus venerit, ut servâ natus crederetur, fecisse.

XL. Duodequadragesimo ferme anno, ex quo regnare cœperat Tarquinius, non apud regem modò, sed apud Patres plebemque longè maximo honore Servius Tullius erat. Tum Anci filii duo, etsi antea semper pro indignissimo habuerant, se patrio regno tutoris fraude pulsos, regnare Romæ advenam, non modò civi-

cz,

cæ, sed ne Italicæ quidem stirpis; tum impensius his indignitas crescere, si ne ab Tarquinio quidem ad se rediret regnum, sed præceptus inde porro ad servitia caderet: ut in eadem civitate post centesimum serè annum, quàm Romulus, Deo prognatus, Deus ipse, tenuerit regnum, donec in terris fuerit, id servus servà natus possideat. tum commune Romani nominis, tum præcipuè id domus suæ dedecus fore, si, Anci regis virili stirpe salvâ, non modò advenis, sed servis etiam, regnum Romæ pateret. Ferro igitur eam arcere contumeliam statuunt. Sed & injuriæ dolor in Tarquinium ipsum magis, quàm in Servium, eos stimulabat: & quia gravior ultor cædis, si superesset, Rex futurus erat, quàm privatus: tum, Servio occiso, quemcunque alium generum delegisset, eundem regni hæredem facturus videbatur. Ob hæc ipsi regi insidiæ parantur. Ex pastorebus duo ferocissimi delecti ad facinus, quibus consueti erant uterque agrestibus ferramentis, in vestibulo regiæ, quàm potuere tumultuosissimè, specie rixæ in se omnes apparitores regios convertunt: inde, quum ambo Regem appellarent, clamorque eorum penitus in regiam pervenisset, vocati ad regem pergunt. Primò uterque vociferari, & certatim alter alteri obstrepere, coerciti ab lictore, & jussi in vicem dicere, tandem obloqui desistunt. Unus rem ex composito orditur. Cum intentus in eum se Rex totus averteret, alter elatam securim in caput dejecit: relictoque in vulnere telo, ambo se foras ejiciunt.

XLI. Tarquinium moribundum quum, qui circà erant, excepissent, illos fugientes lictores comprehendunt. clamor inde concursusque populi, mirantium quid rei esset. Tanaquil inter tumultum claudi regiam jubet, arbitros ejicit: simul, quæ curando vulneri opus sunt, tanquam spes subesset, sedulò comparat: simul, si destituat spes, alia præsidia molitur. Servio propere accito, quum penè exsanguem virum ostendisset; dextram

tram tenens orat, ne inultam mortem foceri, ne focrum inimicis ludibrio esse sinat. *Tuum est*, inquit, *Servi, si vir es, regnum; non eorum, qui alienis manibus pessimum facinus fecere. Erige te, Deosque duces sequere, qui clarum hoc fore caput divino quondam circumfuso igni portenderunt. Nunc te illa cœlestis excitet flamma. nunc expergiscere verè. Et nos peregrini regnavimus. Qui sis, non unde natus sis, reputa. Si tua re subitâ consilia torpent, at tu mea sequere.* Quum clamor impetusque multitudinis vix sustineri posset, ex superiore parte ædium per fenestras, in novam viam versas, (habitabat enim rex ad Jovis Statoris) populum Tanquil alloquitur: *Jubet bono animo esse, sopitum fuisse regem subito ictu. ferrum haud altè in corpus descendisse. jam ad se redisse. Inspectum vulnus absterfo cruore. omnia salubria esse. confidere, propediem ipsum eos visuros. Interim Servio Tullio jubere populum dicto audientem esse. Eum jura redditurum, obituumque alia regis munia esse.* Servius cum trabea & liſtoribus prodit; ac, sede regiâ sedens, alia decernit, de aliis consulturum se regem esse simulat. itaque, per aliquot dies, quum jam expirâſſet Tarquinius, celatâ morte, per speciem alienæ fungendæ vicis suas opes firmavit. tum demum palam factò, & comploratione in regia oratâ, Servius, præsidio firmo munitus, primus injussu populi, voluntate Patrum regnavit. Anci liberi, jam tunc comprehensis sceleris ministris, ut vivere regem, & tantas esse opes Servii nunciatum est, Sueſſam Pometiam exſulatum ierant.

XLII. Nec jam publicis magis consiliis Servius, quàm privatis, munire opes. & ne, qualis Anci liberum animus adversus Tarquinium fuerat, talis adversus se Tarquinii liberum esset, duas filias juvenibus regiis, Lucio atque Arupti Tarquiniis, jungit. Nec rupit tamen sati necessitatem humanis consiliis, quin invidia regni etiam inter domesticos infida omnia atque infesta faceret. Peropportunè ad præſentis quietem statûs bellum cum Vejentibus (jam enim induciæ exierant) aliisque Etruscis sump-

sumptum. In eo bello & virtus & fortuna enituit Tullii. fusoque ingenti hostium exercitu, haud dubius rex, seu Patrum, seu plebis animos periclitaretur, Romam rediit. Aggrediturque inde ad pacis longè maximum opus. Ut, quemadmodum Numa divini auctor juris fuisset, ita Servium conditorem omnis in civitate discriminis ordinumque, quibus inter gradus dignitatis fortunæque aliquid interlucet, posteris famâ ferrent. Censum enim instituit, rem saluberrimam tanto futuro imperio: ex quo belli pacisque munia non viritim, ut antè, sed pro habitu pecuniarum fierent. Tum classes centuriasque, & hunc ordinem ex censu descripsit, vel paci decorum, vel bello.

XLIII. Ex iis, qui centum millium æris, aut majorem, censum haberent, octoginta confecit centurias, quadragenas seniorum ac juniorum. Prima classis omnes appellati. Seniores, ad urbis custodiâ ut præsto essent: juvenes, ut foris bella gererent. arma his imperata, galea, clypeum, ocreæ, lorica; omnia ex ære. hæc ut tegumenta corporis essent. tela in hostem, hastaque & gladius. Additæ huic classi duæ fabrum centuriæ, quæ sine armis stipendia facerent. datum munus, ut machinas in bello ferrent. Secunda classis intra centum usque ad quinque & septuaginta millium censum instituta; & ex his, senioribus junioribusque, viginti conscriptæ centuriæ: arma imperata, scutum pro clypeo, & præter lorica omnia eadem. Tertiæ classis in quinquaginta millium censum esse voluit. totidem centuriæ & hæ, eodemque discrimine ætatum, factæ: nec de armis quicquam mutatum; ocreæ tantum ademptæ. In quarta classe census quinque & viginti millium, totidem centuriæ factæ. arma mutata, nihil præter hastam & verutum datum. Quinta classis aucta, centuriæ triginta factæ: fundas lapidesque missiles hi secum gerebant. in his accensi, cornicines, tibicinesque, in tres centurias distributi. Undecim millibus hæc classis censebatur. Hoc

C

minor

minor census reliquam multitudinem habuit. inde una centuria facta est, immunis militiâ. Ita pedestri exercitu ornato distributoque, equitum ex primoribus civitatis duodecim scripsit centurias. Sex item alias centurias tribus ab Romulo institutis sub iisdem, quibus inauguratæ erant, nominibus fecit. Ad equos emendos dena millia æris ex publico data; & quibus equos alerent, viduæ attributæ, quæ bina millia æris in annos singulos penderent. Hæc omnia in dites à pauperibus inclinata onera. Deinde est honos additus. non enim (ut ab Romulo traditum ceteri servaverant Reges) viritim suffragium eadem vi eodemque jure promiscuè omnibus datum est: sed gradus facti, ut neque exclusus quisquam suffragio videretur, & vis omnis penes primores civitatis esset. Equites enim vocabantur primi; octoginta inde primæ classis centuriæ: ibi si variaret, quod rarò incidebat, ut secundæ classis vocarentur: nec fere unquam infra ita descenderent, ut ad infimos pervenirent. Nec mirari oportet, hunc ordinem, qui nunc est, post expletas quinque & triginta tribus, duplicato earum numero, centuriis juniorum seniorumque, ad institutam ab Ser. Tulio summam non convenire. quadrifariam enim urbe divisâ regionibus collibusque, quæ habitabantur partes, Tribus eas appellavit; ut ego arbitror, ab tributo: nam ejus quoque æqualiter ex censu conferendi ab eodem inita ratio est. Neque hæc tribus ad centuriarum distributionem numerumque quicquam pertinere.

XLIV. Censu perfecto, quem maturaverat metu legis de incensis latæ cum vinculorum minis mortisque, edixit, ut omnes cives Romani, equites peditesque, in suis quisque centuriis, in campo Martio primâ luce adessent. Ibi instructum exercitum omnem suovetaurilibus lustravit. idque conditum lustrum appellatum, quia is censendo finis factus est. Millia octoginta eo lustro civium censa dicuntur. Adjicit scriptorum antiquissimus Fabius Pictor, eorum, qui ferre arma possent, cum numero

rum fuisse. Ad eam multitudinem urbs quoque amplificanda visa est. Addit duos colles, Quirinalem Viminalemque. inde deinceps auget Esquilias: ibique ipse, ut loco dignitas fieret, habitat. Aggere & fossis & muro circumdat urbem. ita pomœrium profert. Pomœrium, verbi vim solam intuentes, postmœrium interpretantur esse. Est autem magis circa murum locus, quem in condendis urbibus quondam Etrusci, quâ murum ducturi erant, certis circâ terminis inauguratò consecrabant: ut neque interiore parte ædificia mœnibus continuarentur, quæ nunc vulgò etiam conjungunt; & extrinsecus puri aliquid ab humano cultu pateret soli. Hoc spatium, quod neque habitari, neque arari fas erat, non magis quòd post murum esset, quàm quòd murus post id, pomœrium Romani appellârunt. & in urbis incremento semper, quantum mœnia processura erant, tantum termini hi consecrati proferebantur.

XLV. Auctâ civitate magnitudine urbis, formatis omnibus domi & ad belli & ad pacis usus, ne semper armis opes acquirerentur, consilio augere imperium conatus est, simul & aliquod addere urbi decus. Jam tum erat inclytum Dianæ Ephesiæ sanum: id communiter à civitatibus Asiæ factum fama ferebat. Quum consensum Deosque consociatos laudaret mirè Servius inter proceres Latiorum, cum quibus publicè privatinque hospitia amicitiasque de industria junxerat; sæpe iterando eadem perpulit tandem, ut Romæ sanum Dianæ populi Latini cum populo Romano facerent. Ea erat confessio, caput rerum Romam esse, de quo toties armis certatum fuerat. Id quanquam omissum jam ex omnium cura Latinorum, ob rem toties infelicitè tentatum armis, videbatur; uni se ex Sabinis fors dare visa est privato consilio imperii recuperandi. Bos in Sabinis nata cuidam patrifamiliæ dicitur, mirandâ magnitudine ac specie. Fixa per multas ætates cornua in vestibulo templi Dianæ monumeptum ei fuisse miraculo. Habita-

ut erat, res prodigii loco est: & cecinere vates, cujus civitatis eam civis Dianæ immolâisset, ibi fore imperium; idque carmen pervenerat ad antistitem fani Dianæ. Sabinus, ut prima apta dies sacrificio visa est, bovem Romam actam deducit ad fanum Dianæ, & ante aram statuit. Ibi antistes Romanus, quum eum magnitudo victimæ celebrata famâ movisset, memor responsi Sabinum ita alloquitur: *Quidnam tu, hospes, paras? inquit, incestè sacrificium Dianæ facere? Quin tu antè vivo perfunderis flumine? infimâ valle præstuit Tiberis.* Religione tactus hospes, qui omnia, ut prodigio responderet eventus, cuperet ritè facta, ex templo descendit ad Tiberim. Interea Romanus immolat Dianæ bovem. id mirè gratum regi atque civitati fuit.

XLVI. Servius, quanquam jam usu haud dubium regnum possederat, tamen, quia interdum jactari voces à juvene Tarquinio audiebat, se injussu populi regnare, conciliatâ prius voluntate plebis, agro capto ex hostibus viritim diviso, ausus est ferre ad populum, *vellent, juberentne, se regnare?* tantoque consensu, quanto haud quisquam alius antè, rex est declaratus. Neque ea res Tarquinio spem affectandi regni minuit: immò eò impensius, quia de agro plebis adversâ Patrum voluntate fenserat agi, criminandi Servii apud Patres, crescendique in curia sibi occasionem datam ratus est, & ipse juvenis ardentis animi, & domi uxore Tulliâ inquietum animum stimulante. Tulit enim & Romana regia sceleris tragiçi exemplum, ut tædio regum maturior veniret libertas; ultimumque regnum esset, quod scelere partum foret. Hic L. Tarquinius (Prisci Tarquinii regis filius neposne fuerit, parum liquet; pluribus tamen auctoribus filium ediderim) fratrem habuerat Aruntem Tarquinium, mitis ingenii juvenem. His duobus, ut antè dictum est, duæ Tulliæ, regis filiæ, nupserant, & ipsæ longè dispares moribus. Forte ita inciderat, ne duo violenta ingenia matrimonio jungerentur, fortunâ, credo, populi Romani, quò

quò diuturnius Servii regnum esset, constituique civitatibus mores possent. Angebatur ferox Tullia, nihil materiæ in viro neque ad cupiditatem, neque ad audaciam esse; tota in alterum versa Tarquinium, eum mirari, eum virum dicere, ac regio sanguine ortum: spernere sororem, quòd virum nacta muliebri cessaret audaciâ. Contrahit celeriter similitudo eos, ut ferè fit malum malo aptissimum. sed initium turbandi omnia à femina ortum est. Ea, secretis viri alieni assuefacta sermonibus, nullis verborum contumeliis parcere, de viro ad fratrem, de sorore ad virum; & se rectius viduam, & illum cœlibem futurum fuisse contendere, quàm cum impari jungi, ut elanguescendum alienâ ignaviâ esset. Si sibi eum, quo digna esset, Dii dedissent virum, domi se propediem visuram regnum fuisse, quod apud patrem videat. celeriter adolescentem suæ temeritatis implet. Aruns Tarquinius & Tullia minor, prope continuatis funeribus quum domos vacuas novo matrimonio fecissent, junguntur nuptiis, magis non prohibente Servio, quàm approbante.

XLVII. Tum verò in dies infestior Tullii senectus, infestius cœpit regnum esse. jam enim ab scelere ad aliud spectare mulier scelus: nec nocte, nec interdiu virum conquiescere pati, ne gratuita præterita parricidia essent. *Non sibi defuisse, cui nupta diceretur, nec cum quo tacita serviret: defuisse, qui se regno dignum putaret: qui meminisset se esse Prisci Tarquini filium; qui habere, quàm sperare, regnum mallet. Si tu is es, cui nuptam esse me arbitror, & virum & regem appello: sin minus, eò nunc pejus mutata est res, quòd isthic cum ignavia est scelus. Quia accingeris? Non tibi ab Corintho, nec ab Tarquinis, ut patri tuo, peregrina regna mori necesse est. Dii te penates patrique, & patris imago, & domus regia, & in domo regale solium, & nomen Tarquinium creat vocatque rege:n. Aut si ad hac parum est animi, quid frustraris civitatem? quid te ut regium juvenem conspici sis? Facesse hinc Tarquinos, aut Corinthum. Devolvere re-*



*trò ad stirpem, fratri similior, quàm patri.* His allisque increpando juvenem instigat, nec conquiescere ipsa potest: si, quum Tanaquil, peregrina mulier, tantum moliri potuisset animo, ut duo continua regna viro, ac deinceps genere, dedisset; ipsa, regio semine orta, nullum momentum in dando adimendoque regno faceret. His muliebribus instinctus furiis Tarquinius circumire & prensare, minorum maximè gentium, Patres; admonere paterni beneficii, ac pro eo gratiam repetere; allucere donis juvenes: tum de se ingentia pollicendo, tum regis criminibus omnibus locis crescere. postremò, ut jam agendæ rei tempus visum est, stipatus agmine armatorum, in forum irrupit: inde, omnibus perculsis pavore, in regia sede pro curia sedens, Patres in curiam per præconem ad regem Tarquinium citari jussit. Convenire extemplo, alii jam antè ad hoc præparati, alii metu, ne non venisse fraudi esset, novitate ac miraculo attoniti, & jam de Servio actum rati. Ibi Tarquinius, maledicta ab stirpe ultima orsus; *Servum, servumque natum, post mortem indignam parentis sui, non inter regno, ut antea, inito, non comitiis habitis, non per suffragium populi, non auctoribus Patribus, muliebri dono regnum occupasse. Ita natum, ita creatum regem, favorem infimi generis hominum, ex quo ipse sit, odio alienæ honestatis ereptum primoribus agrum foetidissimo cuique divisisse: omnia onera, quæ communia quondam fuerint, inoluisse in primores civitatis: instituisse censum, ut insignis ad invidiam locupletiorum fortuna esset, & parata, unde, ubi vellet, egentissimis largiretur.*

XLVIII. Huic orationi Servius quum intervenisset, trepido nuncio excitatus, extemplo à vestibulo curiæ magnâ voce, *Quid hoc, inquit, Tarquini, rei est? quid tu audaciâ, me vivo, vocare ausus es Patres? aut in sedem considerare mea?* Quum ille ferociter ad hæc, *Se patris sui tenere sedem, multo, quàm servum, potiorum filium regis regni heredem: fuit illum diu per licentiam eludentem insultasse dominis; clamor ab utriusque fautoribus oritur, & concursus populi*

li fiebat in curiam: apparebatque regnaturum, qui viciſſet. Tum Tarquinius, neceſſitate jam ipſa cogente ultima audere, multo & ætate & viribus validior, medium arripit Servium; clatumque è curia in inferiorem partem per gradus dejecit. Inde ad cogendum ſonatum in curiam redit. Fit fuga regis apparitorum, atque comitum. Ipſe prope exſanguis, quum ſemianimi regio comitatu domum ſe reciperet, perveniſſetque ad ſummum Cyprium vicum, ab iis, qui miſſi ab Tarquinio fugientem conſecuti erant, interſcitur. Creditur, quia non abhorret à cetero ſcelere, admonitu Tullia id factum. carpento certè (id quod ſatis conſtat) in forum invecſa, nec reverita coſtum virorum, evocavit virum è curia; regemque prima appellavit. À quo faceſſere juſſa ex tanto tumultu, quum ſe domum reciperet, perveniſſetque ad ſummum Cyprium vicum, ubi Dianium nuper fuit; ſeſcendenti carpentum dextrà in Virbium cli-vum, ut in collem Eſquiliarium eveheretur, reſtitit pavidus, atque inhibuit freaſis is, qui jumenta agebat, jacentemque domine Servium trucidatum oſtendit. Fœdum inhumanumque inde traditur ſcelus, monumento-que locus eſt: ſcelcratum vicum vocant, quo amens, agitantibus furis fororis ac viri, Tullia per patris coſpus carpentum egreſſe fertur, partemque ſanguinis ac cadis paternæ cruento vehiculo, contaminata ipſa reſperſaque, tuliſſe ad penates ſuos virque ſui: quibus iratis, malo regni principio ſimiles propediem exitus ſequerentur. Ser. Tullius regnavit annos quatuor & quadraginta, ita ut bono etiam moderatoque ſuccedenti regi difficilis æmulatio eſſet. Ceterum id quoque ad gloriam acceſſit, quòd cum illo ſimul juſta ac legitima regna occiderunt. Id ipſum tam mite ac tam moderatum imperium tamen, quia unius eſſet, deponere eum in animo habuiſſe, quidam auctores ſunt; nì ſcelus inteſtinum liberandæ patriæ conſilia agitati interveniſſet.

XLIX. Inde L. Tarquinius regnare coepit, cui Su-

C 4

perbo

perbo cognomen facta indiderunt, quia focerum gener sepulturâ prohibuit: *Romulum quoque insepultum perisse* distitans: primores Patrum, quos Servii rebus fuisse credebatur, interfecit: conscius deinde, malè querendi regni ab se ipso adversus se exemplum capi posse, armatis corpus circumsepsit. neque enim ad jus regni quicquam præter vim habebat; ut qui neque populi jussu, neque auctoribus Patribus regnaret. Eò accedebat, ut in caritate civium nihil spei reponenti metu regnum tutandum esset: quem ut pluribus incuteret, cognitiones capitalium rerum sine consiliis per se solus exercebat: perque eam causam occidere, in exilium agere, bonis multare poterat non suspectos modò aut invisos, sed unde nihil aliud, quàm prædam, sperare posset. Ita Patrum præcipuè numero imminuto, statuit nullos in Patres legere; quò contemptior paucitate ipsà ordo esset, minusque per se nihil agi indignarentur. Hic enim regum primus traditum à prioribus morem de omnibus senatum consulendi solvit: domesticis consiliis rempublicam administravit: bellum, pacem, fœdera, societates per se ipse, cum quibus voluit, injussu populi ac senatûs, fecit, diremitque. Latinorum sibi maximè gentem conciliabat, ut peregrinis quoque opibus tutior inter cives esset. neque hospitia modò cum primoribus eorum, sed affinitates quoque, jungebat. Octavio Mamilio Tusculano, (is longè princeps Latini nominis erat, si famæ credimus, ab Ulixæ Deaque Circe oriundus :) ei Mamilio filiam nuptum dat; perque eas nuptias multos sibi cognatos amicosque ejus conciliat.

L. Jam magna Tarquinii auctoritas inter Latinorum proceres erat; quum, in diem certam ut ad lucum Ferentinæ conveniant, indicit: esse, quæ agere de rebus communibus velit. Conveniunt frequentes primâ luce. ipse Tarquinius diem quidem servavit; sed paulo antè, quàm sol occideret, venit. Multa ibi totâ diè in concilio variis jactata sermonibus erant. Turnus  
Her-

Herdonius ab Aricia ferociter in absentem Tarquinium erat investus; *Haud mirum esse, Superbo inditum Roma cognomen.* (jam enim ita clam quidem mussitantes, vulgò tamen, cum appellabant.) *an quicquam superbius esse, quàm ludificari sic omne nomen Latinum?* Principibus longè ab domo excitis, ipsum, qui conciliium indixerit, non adesse. tentari profectò patientiam, ut, si jugum acceperint, obnoxios premat. Cui enim non apparere, affectare cum imperium in Latinos? Quod si sui bene crediderint cives, aut si creditum illud, & non raptum parricidio, sit, credere & Latinos (quamquam ne sic quidem alienigenæ) debere. Sin suos ejus pœniteat, (quippe qui alii super alios trucidentur, exsulatum eant, bona amittant,) quid spei melioris Latinis portendi? Si se audiant, domum suam quemque inde abituros: neque magis observaturos diem concilii, quàm ipse, qui indixerit, observet. Hæc atque alia eodem pertinentia seditiosus facinorosusque homo, hisque artibus opes domi nactus, quum maximè differeret, intervenit Tarquinius. Is finis orationi fuit. Aversi omnes ad Tarquinium salutandum. qui, silentio facto, monitus à proximis, ut purgaret se, quòd id temporis venisset, *Disceptatorem*, ait, *se sumptum inter patrem & filium: curâ reconciliandi eos in gratiam moratum esse: &, quia ea res exemisset illum diem, postero die acturum, qua constituisset.* Ne id quidem ab Turno tulisse tacitum ferunt. dixisse enim, *Nullam breviorē esse cognitionem, quàm inter patrem & filium, paucisque transigi verbis posse: ni pareat patri, habiturum infortunium esse.*

LI. Hæc Aricinus in regem Romanum increpans ex concilio abiit. Quam rem Tarquinius aliquanto, quàm videbatur, ægrius ferens, confestim Turno necem machinatur; ut eundem terrorem, quo civium animos domi oppresserat, Latinis injiceret. & quia pro imperio palam interfici non poterat, oblato falso crimine inson-tem oppressit. per adversæ factionis quosdam Aricinos servum Turni auro corrupit, ut in deversorium ejus

perbo cognomen facta indiderunt, quia socerum gener sepulturâ prohibuit: *Romulum quoque insepultum perisse* dictitans: primores Patrum, quos Servii rebus favisse credebatur, interfecit: conscius deinde, malè querendi regni ab se ipso adversus se exemplum capi posse, armatis corpus circumsepsit. neque enim ad jus regni quicquam præter vim habebat; ut qui neque populi jussu, neque auctoribus Patribus regnaret. Eò accedebat, ut in caritate civium nihil spei reponenti metu regnum tutandum esset: quem ut pluribus incuteret, cognitiones capitalium rerum sine consiliis per se solus exercebat: perque eam causam occidere, in exilium agere, bonis multare poterat non suspectos modò aut invisos, sed unde nihil aliud, quàm prædam, sperare posset. Ita Patrum præcipuè numero imminuto, statuit nullos in Patres legere; quò contemptior paucitate ipsâ ordo esset, minusque per se nihil agi indignarentur. Hic enim regum primus traditum à prioribus morem de omnibus senatum consulendi solvit: domesticis consiliis rempublicam administravit: bellum, pacem, fœdera, societates per se ipse, cum quibus voluit, injussu populi ac senatûs, fecit, diremitque. Latinorum sibi maximè gentem conciliabat, ut peregrinis quoque opibus tutior inter cives esset. neque hospitia modò cum primoribus eorum, sed affinitates quoque, jungebat. Octavio Mamilio Tusculano, (is longè princeps Latini nominis erat, si famæ credimus, ab Ulixæ Deaque Circe oriundus :) ei Mamilio filiam nuptum dat; perque eas nuptias multos sibi cognatos amicosque ejus conciliat.

L. Jam magna Tarquinii auctoritas inter Latinorum procures erat; quum, in diem certam ut ad lucum Ferentinæ conveniant, indicit: esse, quæ agere de rebus communibus velit. Conveniunt frequentes primâ luce. ipse Tarquinius diem quidem servavit; sed paulo antè, quàm sol occideret, venit. Multa ibi totâ die in concilio variis jactata sermonibus erant. Turnus  
Her-

Herdonius ab Aricia ferociter in absentem Tarquinium erat inuestus; *Haud mirum esse, Superbo inditum Roma cognomen.* (jam enim ita clam quidem mustitantes, vulgò tamen, cum appellabant.) *an quicquam superbius esse, quàm ludificari sic omne nomen Latinum? Principibus longè ab domo excitis, ipsum, qui concilium indixerit, non adesse. tentari profectò patientiam, ut, si jugum acceperint, obnoxios premat. Cui enim non apparere, affectare cum imperium in Latinos? Quod si sui bene crediderint cives, aut si creditum illud, & non raptum parricidio, sit, credere & Latinos (quamquam ne sic quidem alienigenæ) debere. Sin suos ejus pœniteat, (quippe qui alii super alios trucidentur, exsulatum eant, bona amittant,) quid spei melioris Latinis portendi? Si se audiant, domum suam quemque inde abituros: neque magis observaturos diem concilii, quàm ipse, qui indixerit, observet.* Hæc atque alia eodem pertinentia seditiosus facinorosusque homo, hisque artibus opes domi nactus, quum maximè differeret, intervenit Tarquinius. Is finis orationi fuit. Aversi omnes ad Tarquinium salutandum. qui, silentio facto, monitus à proximis, ut purgaret se, quòd id temporis venisset, *Disceptatorem, ait, se sumptum inter patrem & filium: curâ reconciliandi eos in gratiam moratum esse: &, quia ea res exemisset illum diem, postero die acturum, qua constituisset.* Ne id quidem ab Turno tulisse tacitum ferunt. dixisse enim, *Nullum breviorē esse cognitionem, quàm inter patrem & filium, paucisque transigi verbis posse: ni pareat patri, habiturum infortunium esse.*

LI. Hæc Aricinus in regem Romanum increpans ex concilio abiit. Quam rem Tarquinius aliquanto, quàm videbatur, ægrius ferens, confestim Turno necem machinatur; ut eundem terrorem, quo civium animos domi oppresserat, Latinis injiceret. & quia pro imperio palam interfici non poterat, oblato falso crimine infontem oppressit. per adversæ factionis quosdam Aricinos servum Turni auro corruptit, ut in deversorium ejus

vim magnam gladiatorum inferri clam sineret. ea quam unâ nocte perfecta essent, Tarquinius, paulò ante lucem accitis ad se principibus Latinorum, quasi re novâ perturbatus, *moram suam hesternam, velut Deorum quidam providentiâ illatam*, ait, *saluti sibi atque illis fuisse. ab Turno dici sibi & primoribus populorum parari necem, ut Latinorum solus imperium teneat. Aggressorum fuisse hesterno die in concilio. dilatam rem esse, quod auctor concilii abfuerit, quem maximè peteret. Inde illam absentis insectationem esse natam, quod morando spem destituerit. Non dubitare, si vera deferantur, quin primâ luce, ubi ventum in concilium sit, instructus cum conjuratorum manu armatusque venturus sit. Dici, gladiatorum ingentem numerum esse ad eum convectum. id vanum acene sit, extemplo sciri posse. Rogare eos, ut inde secum ad Turnum veniant. Suspectam fecit rem, & ingenium Turni ferox, & oratio hesterna, & mora Tarquini; quod videbatur ob eam differri cædes potuisse. Eunt inclinatis quidem ad credendum animis, tamen, nisi gladiis deprehensis, cetera vana existimaturi. Ubi est eò ventum, Turnum ex somno excitatum circumfistunt custodes: comprehensisque servis, qui caritate domini vim parabant, quum gladii abditi ex omnibus locis deverticuli protraherentur; enimvero manifesta res visa, injectæque Turno catenæ: & confestim Latinorum concilium magno cum tumultu advocatur. Ibi tam atrox invidia orta est, gladiis in medio positis, ut, indistinctâ causâ, novo genere lethi, dejectus ad caput aquæ Ferentinæ, crate supernè injectâ faxisque congestis, mergeretur.*

LII. Revocatis deinde ad concilium Latinis, Tarquinius, collaudatisque, qui Turnum novantem res pro manifesto parricidio meritâ poenâ affecissent, ita verba fecit: *Posse quidem se vetusto jure agere, quod, quum omnes Latini ab Alba oriundi sint, in eo fœdere teneantur, quo ab Turno res omnis Albana cum colonis suis in Romanum cesserit imperium. Ceterum se utilitatis id magis omnium causâ confere, ut*  
*renovetur*

renovetur id fœdus : secundâque potius fortunâ populi Romani ut participes Latini fruantur, quàm urbium excidia vastationesque agrorum, quas Anco prius, patre deinde suo regnante, perpeffi sint, semper aut expectent, aut patiantur. Haud difficulter persuasum Latinis, quanquam in eo fœdere superior Romana res erat. ceterùm & capita nominis Latini stare ac sentire cum rege videbant, & Turnus sui cuique periculi, si adversatus esset, recens erat documentum. Ita renovatum fœdus, indictumque junioribus Latinorum, ut ex fœdere die certâ ad lucum Ferentinæ armati frequentes adessent. Qui ubi ad editum Romani regis ex omnibus populis convenere ; ne ducem suum, neve secretum imperium, propriave signa haberent, miscuit manipulos ex Latinis Romanisque, ut ex binis singulos faceret, binosque ex singulis. ita geminatis manipulis centuriones imposuit.

LIII. Nec, ut iniustus in pace Rex, ita dux belli pravus fuit. quin eâ arto æquasset superiores reges, nî degeneratum in aliis huic quoque decori offecisset. Is primus Volscis bellum in ducentos amplius post suam ætatem annos movit, Sueffamque Pometiam ex his vi cepit. ubi quum dividendâ prædâ quadraginta talenta argenti aurique refecisset ; concepit animo eam amplitudinem Jovis templi, quæ digna Deum hominumque rege, quæ Romano imperio, quæ ipsius etiam loci majestate esset. Captivam pecuniam in ædificationem ejus templi seposuit. Excepit deinde cum lentius spe bellum, quo Gabios, propinquam urbem, nequicquam vi adortus, quum obsidendi quoque urbem spes pulso à mœnibus adempta esset, postremò minimè arte Romanâ, fraude ac dolo, aggressus est ; nam quum, velut posito bello, fundamentis templi jaciendis aliisque urbanis operibus intentum se esse simularet, Soxus filius ejus, qui minimus ex tribus erat, transfugit ex composito Gabios, patris in se sævitiam intolerabilem conquerens ; *Jam ab alienis in suos vertisse superbiam : & libe-*



rorum quoque cum frequentia tedere; ut, quam in curia solitudinem fecerit, domi quoque faciat: ne quam stirpem, ne quem heredem regni relinquat. Se quidem, inter tela & gladios patris elapsam; nihil usquam sibi tutum, nisi apud hostes L. Tarquinii, credidisse. Nam, ne errarent, manere his bellum, quod positum simuletur; & per occasionem eum incautos invasurum. Quod si apud eos supplicibus locus non sit, pererraturum se omne Latium: Volcosque se inde, & Æquos, & Hernicos petiturum; donec ad eos perveniat, qui à patrum crudelibus atque impiis suppliciis tegere liberos sciant. Forsitan etiam ardoris aliquid ad bellum armaque se adversus superbissimum regem ac ferocissimum populum inventurum. Quum, si nihil morarentur, insensus iræ porro inde abiturus videretur, benignè ab Gabinis excipitur. vetant mirari, si, qualis in cives, qualis in socios, talis ad ultimum in liberos esset. In se ipsum postremo sæviturum, si alia desint. Sibi verò gratum adventum ejus esse: futurumque credere brevi, ut, illo adjuvante, ab portis Gabinis sub Romana mœnia bellum transferatur.

LIV. Inde in concilia publica adhiberi. ubi, quum de aliis rebus assentire se veteribus Gabinis diceret, quibus hæ notiores essent, ipse identidem belli auctor esse, in eo sibi præcipuam prudentiam assumere, quod utriusque populi vires nōset, sciretque, invisam profectò superbiam regiam civibus esse, quam ferre ne liberi quidem potuissent. Ita quum sensim ad rebellandum primores Gabinorum incitaret, ipse cum promptissimis juvenum prædatum atque in expeditiones iret, & dictis factisque omnibus ad fallendum instructis vana accresceret fides, dux ad ultimum belli legitur. Ibi quum, insciâ multitudine quid ageretur, prælia parva inter Romam Gabiosque fierent, quibus plerumque Gabina res superior esset; tum certatim summi infimique Gabinorum Sex. Tarquinium dono Deum sibi missum ducem credere. apud milites verò obeundo pericula ac labores, pariter prædam munificè largiēdo, tantâ caritate

tate esse, ut non pater Tarquin.  
quàm filius Gabiis esset. Itaque, p.  
um collectum ad omnes conatus videba-  
num sciscitatum Romam ad patrem mitti.  
facere vellet? quandoquidem, ut omnia u.  
posset, ei Dii dedissent. Huic nuncio, qu.  
dubiæ fidei videbatur, nihil voce responsum est.  
velut deliberabundus, in hortum ædium transit; se-  
quente nuncio filii: ibi, inambulans tacitus, summa  
papaverum capita dicitur baculo decussisse. Interro-  
gando expectandoque responsum nuncius fessus, ut re  
imperfectâ, redit Gabios; quæ dixerit ipse, quæque vi-  
derit, refert: seu irâ, seu odio, seu superbiâ insitâ in-  
genio, nullam eum vocem emisisse. Sexto ubi, quid  
vellet parens, quidve præciperet tacitis ambagibus, pa-  
tuit; primores civitatis, criminando alios apud popu-  
lum, alios suâ ipsos invidiâ opportunos interemit. mul-  
ti palam; quidam, in quibus minùs speciosa criminatio  
erat futura, clam interfecti. Patuit quibusdam volenti-  
bus fuga, aut in exilium acti sunt, absentiumque bo-  
na juxta atque interemptorum divisui fuere. Largi-  
tionis inde prædæque & dulcedine privati commodi  
sensus malorum publicorum adimi, donec, orba consi-  
lio auxilioque, Gabina res regi Romano sine ulla di-  
micatione in manum traditur.

LV. Gabiis receptis, Tarquinius pacem cum Æquo-  
rum gentē fecit; fœdus cum Tuscis renovavit. Inde  
ad negotia urbana animum convertit. quorum erat pri-  
mum, ut Jovis templum in monte Tarpejo, monu-  
mentum regni sui nominisque, relinqueret: Tarquini-  
os reges ambo, patrem vovisse, filium perfecisse. Et,  
ut libera à ceteris religionibus area esset tota Jovis tem-  
plique ejus, quod inædificaretur, exaugurare sana sa-  
cellaque statuit; quæ aliquot ibi à Tatio rege, primùm  
in ipso discrimine adversus Romulum pugne vota, con-  
secrata, inaugurataque postea fuerant. Inter principia con-

pendendi huius operis movisse numen ad indicandam tanti imperii molem traditur Deos: nam, quum omnium facellorum exaugurationes admitterent aves, in Termini fano non addixere. Id omen auguriumque ita acceptum est; non motam Termini sedem, unumque cum Deorum non evocatum sacratis sibi finibus, firma stabiliaque cuncta portendere. Hoc perpetuitatis auspicio accepto, secutum aliud, magnitudinem imperii portendens, prodigium est. caput humanum integrâ facie aperientibus fundamenta templi dicitur apparuisse. Quæ visa species, haud per ambages, arcem eam imperii caputque rerum fore portendebat. idque ita cecidere vates, quique in urbe erant, quosque ad eam rem consultandam ex Etruria acciverant. Augebatur ad impensas regis animus. Itaque Pomentina manubiar, quæ perducendo ad culmen operi destinatae erant, vix in fundamenta suppeditavere. eò magis Fabio, præterquam quòd antiquior est, crediderim, quadraginta ea sola talenta fuisse; quàm Pisoni, qui quadraginta millia pondo argenti sepôlita in eam rem scribit, summam pecuniar neque ex unius tum urbis præda sperandam, & nullius, ne horum quidem magnificentiar operum, fundamenta non exsuperaturam.

LVI. Intentus perficiendo templo, fabris undique ex Etruria accitis, non pecuniâ solum ad id publicâ est usus, sed operis etiam ex plebe. qui quum haud parvus & ipse militiar adderetur labor, minùs tamen plebs gravabatur, se templa Deum exædificare manibus suis: quæ posthac & ad alia, ut specie minora, sic laboris aliquid maioris, traducebatur opera; fores in circo faciendos, cloacamque maximam, receptaculum omnium purgamentorum urbis, sub terram agendam: quibus duobus operibus vix nova hæc magnificentia quicquam adæquare potuit. His laboribus exercitâ plebe, quia & urbi multitudinem, ubi usus non esset, onerabatur esse, & colonis mittendis occupari latius imperii

rii fines volebat; Signiam Circeiosq;  
præsidia urbi futura terræ marique.  
tentum terribile visum. anguis, ex colu  
lapsus, quum terrorem fugamque in reg.  
ipsius regis non tam subito pavore percu  
quàm anxii implevit curis. Itaque quum ad  
prodigia Etrusci tantum vates adhiberentur, he  
lut domestico exterritus visu, Delphos ad maximè in  
clytum in terris oraculum mittere statuit. neque re  
sponsa sortium ulli alii committere ausus; duos filios  
per ignotas cæ tempestate terras, ignotiora maria, in  
Græciam misit. Titus & Aruns profecti. comes his ad  
ditus L. Junius Brutus, Tarquiniâ sorore regis natus,  
juvenis longè alius ingenio, quàm cujus simulationem  
induerat. Is quum primores civitatis, in quibus fra  
trem suum ab avunculo interfectum audisset, neque in  
animo suo quicquam regi timendum, neque in fortuna  
concupiscendum relinquere statuit, contemptuque tu  
tus esse, ubi in jure parum præsidii esset. Ergo ex in  
dustria factus ad imitationem stultitiæ, quum se suaque  
prædæ esse regi sineret, Bruti quoque haud abnuvit cog  
nomen: ut sub ejus obtentu cognominis liberator ille  
populi Romani animus latens opperiretur tempora sua.  
Is tum ab Tarquiniis ductus Delphos, ludibrium veri  
tis, quàm comes, aureum baculum, inclusum corneo  
cavato ad id baculo, tulisse donum Apollini dicitur, per  
ambages effigiem ingenii sui. Quò postquam ventum  
est, perfectis patris mandatis, cupido incessit animos  
juvenum sciscitandi, ad quem eorum regnum Roma  
num esset venturum. Ex infimo specu vocem reddi  
tam serunt: *Imperium summum Roma habebit, qui vestrum*  
*primus, ô juvenes, osculum matri tulerit.* Tarquini, ut  
Sextus, qui Romæ relictus fuerat, ignarus responsi ex  
perque imperii esset, rem summâ ope taceri jubent;  
ipsi inter se, uter prior, quum Romam redissent, ma  
tri osculum daret, forti permittuant. Brutus, aliò ratus  
spectare

spectare Pythicam vocem, velut si prolapsus cecidisset, terram osculo contigit: scilicet, quod ea communis mater omnium mortalium esset. Reditum inde Romam, ubi adversus Rutulos bellum summa vi parabatur.

LVII. Ardeam Rutuli habebant, gens, ut in ea regione atque in ea ætate, divitiis præpollens. eaque ipsa causa belli fuit, quod rex Romanus tum ipse ditari, exhaustus magnificentia publicorum operum, tum prædâ delinire popularium animos studebat; præter aliam superbiam regno infestos etiam, quod se in fabrorum ministeriis ac servili tamdiu habitos opere ab rege indignabantur. Tentata res est, si primo impetu capi Ardea posset. ubi id parum processit, obsidione munitionibusque cœpti premi hostes. In iis stativis, ut sit longo magis quam acri bello, satis liberi commeatus erant: primoribus tamen magis, quam militibus. Regii quidem juvenes interdum otium convivii commeationibusque inter se terebant. forte potantibus his apud Sex. Tarquinius, ubi & Collatinus cœnabat Tarquinius, Egerii filius, incidit de uxoribus mentio: suam quisque laudare miris modis. inde certamine accenso, Collatinus negat, *verbis opus esse, paucis id quidem horis posse sciri, quantum ceteris præstet Lucretia sua. Quin, si vigor juvenia inest, conscendimus equos, invisimusque præsentis nostrarum ingenia? Id cuique spectatissimum sit, quod nec opinato viri adventu occurrerit oculis.* Incaluerant vino. age sane, omnes. citatis equis advolant Romam. Quod quum, primis se intendentibus tenebris, pervenissent, pergunt inde Collatiam: ubi Lucretiam, haudquaquam ut regias nurus, quas in convivio luxuque cum æqualibus viderant tempus terentes, sed nocte serâ deditam lanæ inter lucubrantem ancillas in medio ædium sedentem inveniunt. Muliebris certaminis laus penes Lucretiam fuit. adveniens vir Tarquinique excepti benignè. victor maritus comiter invitat regios juvenes. Ibi Sex. Tar-

Tarquinium mala libido Lucretiæ per vim stuprandæ capit. tum forma, tum spectata castitas incitat. Et tum quidem ab nocturno juvenili ludo in castra redeunt.

LVIII. Paucis interjectis diebus, Sex. Tarquinius, incio Collatino, cum comite uno Collatiam venit. ubi exceptus benignè ab ignavis consilii, quum post cœnam in hospitale cubiculum deductus esset, amore ardens, postquam satis tuta circà, sopitque omnes videbantur, stricto gladio ad dormientem Lucretiam venit, sinistraque manu mulieris pectore oppresso, *Tace, Lucretia*, inquit, *Sex. Tarquinius sum; ferrum in manu est: moriere, si emiseris vocem.* Quum pavida ex somno mulier nullam opem, prope mortem imminentem, videret; tum Tarquinius fateri amorem, orare, miscere precibus minas, versare in omnes partes muliebre animus. ubi obstinatam videbat, & ne mortis quidem metu inclinari, addit ad metum dedecus: cum mortua jugulatum servum nudum positurum, ait, ut in fordido adulterio necata dicatur. Quo terrore quum vicisset obstinatam pudicitiam velut victrix libido, profectusque inde Tarquinius, serox expugnato decore muliebri, esset; Lucretia, mœsta tanto malo, nuncium Romam eundem ad patrem, Ardeamque ad virum mittit, ut cum singulis fidelibus amicis veniant: ita facto maturatoque opus esse; rem atrocem incidisse. Sp. Lucretius cum P. Valerio Volesi filio, Collatinus cum L. Junio Bruto venit; cum quo forte Romam rediens ab nuncio uxoris erat conventus. Lucretiam sedentem mœstam in cubiculo inveniunt. adventu suorum lacrimæ obortæ. querentique viro, *Satin' salva? minimè*, inquit; *quid enim salvi est mulieri, amissâ pudicitia? Vestigia viri alieni, Collatine, in lecto sunt tuo. Ceterum corpus est tantum violatum, animus insons. mors testis erit. Sed date dexteras fidemque, haud impune adultero fore. Sex. est Tarquinius, qui hostis pro hospite priore nocte vi armatus mihi sibique, si vos viri estis, pestiferum hinc abstulit gaudium.* Dant ordine omnes fidem:

vim magnam gladiatorum inferri clam sineret. ea quum una nocte perfecta essent, Tarquinius, paulò ante lucem accitis ad se principibus Latinorum, quasi re novà perturbatus, *moram suam hesternam, velut Deorum quidam providentiâ illatam, ait, saluti sibi atque illis fuisse. ab Turno dici sibi & primoribus populorum parari necem, ut Latinorum solus imperium teneat. Aggressuram fuisse hesterno die in concilio. dilatam rem esse, quòd auctor concilii abfuerit, quem maximè peteret. Inde illam absentis insectationem esse natam, quòd morando spem destituerit. Non dubitare, si vera deferantur, quin primâ luce, ubi ventum in concilium sit, instructus cum conjuratorum manu armatusque venturus sit. Dicit, gladiatorum ingentem numerum esse ad eam convectum. id vanum æne sit, extemplo sciri posse. Rogare eos, ut inde secum ad Turnum veniant. Suspectam fecit rem, & ingenium Turni ferox, & oratio hesternâ, & mora Tarquinii; quòd videbatur ob eam differri cædes potuisse. Eunt inclinatis quidem ad credendum animis, tamen, nisi gladiis deprehensis, cetera vana existimaturi. Ubi est eò ventum, Turnum ex somno excitatum circumstunt custodes: comprehensisque servis, qui caritate domini vim parabant, quum gladii abditi ex omnibus locis deverticuli protraherentur; enimvero manifesta res visa, injectæque Turno catenæ: & confestim Latinorum concilium magno cum tumultu advocatur. Ibi tam atrox invidia orta est, gladiis in medio positis, ut, indistinctâ causâ, novo genere lethi, dejectus ad caput aquæ Ferentinæ, crate supernè injectâ faxisque congestis, mergeretur.*

LII. Revocatis deinde ad concilium Latinis, Tarquinius, collaudatisque, qui Turnum novantem res pro manifesto parricidio meritâ poenâ affecissent, ita verba fecit: *Posse quidem se vetusto jure agere, quòd, quum omnes Latini ab Alba oriundi sint, in eo fœdere teneantur, quo ab Turno res omnis Albana cum colonis suis in Romanum cesserit imperium. Ceterum se utilitatis id magis omnium causâ conferre, ut renovetur*

renovetur id fœdus : secundâque potiùs fortunâ populi Romani ut participes Latini fruantur, quàm urbium excidia vastationesque agrorum, quas Anco priùs, patre deinde suo regnante, perpeffi sint, semper aut expectent, aut patiantur. Haud difficulter persuasum Latinis, quanquam in eo fœdere superior Romana res erat. ceterùm & capita nominis Latini stare ac sentire cum rege videbant, & Turnus sui cuique periculi, si adversatus esset, recens erat documentum. Ita renovatum fœdus, indictumque iunioribus Latinorum, ut ex fœdere die certâ ad lucum Ferentinæ armati frequentes adessent. Qui ubi ad editum Romani regis ex omnibus populis convenere ; ne ducem suum, neve secretum imperium, propriave signa haberent, miscuit manipulos ex Latinis Romanisque, ut ex binis singulos faceret, binosque ex singulis ita geminatis manipulis centuriones imposuit.

LIII. Nec, ut iniustus in pace Rex, ita dux belli pravius fuit. quin eâ arto æquasset superiores reges, nî degeneratum in aliis huic quoque decori offecisset. Is primus Volscis bellum in ducentos amplius post suam ætatem annos movit, Sueffamque Pometiam ex his vi cepit. ubi quum dividendâ prædâ quadraginta talenta argenti aurique refecisset ; concepit animo eam amplitudinem Jovis templi, quæ digna Deûm hominumque rege, quæ Romano imperio, quæ ipsius etiam loci majestate esset. Captivam pecuniam in ædificationem ejus templi seposuit. Excepit deinde eum lentius spe bellum, quo Gabios, propinquam urbem, nequicquam vi adortus, quum obsidendi quoque urbem spes pulso à mœnibus adempta esset, postremò minimè arte Romanâ, fraude ac dolo, aggressus est ; nam quum, velut posito bello, fundamentis templi jaciendis aliisque urbanis operibus intentum se esse simularet, Sextus filius ejus, qui minimus ex tribus erat, transfugit ex composito Gabios, patris in se sævitiam intolerabilem conquirens ; *Jam ab alienis in suos vertisse superbiam : & libe-*



vim magnam gladiatorum inferri clam sinteret. ea quam unâ nocte perfecta essent, Tarquinius, paulò ante lucem accitis ad se principibus Latinorum, quasi re novâ perturbatus, *moram suam hesternam, velut Deorum quâdam providentiâ illatam*, ait, *saluti sibi atque illis fuisse. ab Turno dici sibi & primoribus populorum parari necem, ut Latinorum solus imperium teneat. Aggressorum fuisse hesterno die in concilio. dilatatam rem esse, quod auctor concilii abfuerit, quem maximè peteret. Inde illam absentis insectationem esse natam, quod morando spem defuturum.* Non dubitare, si vera deferantur, quin primâ luce, ubi ventum in concilium sit, instructus cum conjuratorum manu armatusque venturus sit. Dicit, gladiatorum ingentem numerum esse ad eum convectum. id vanum æne sit, extemplo sciri posse. Rogare eos, ut inde secum ad Turnum veniant. Suspectam fecit rem, & ingenium Turni ferox, & oratio hesterna, & mora Tarquini; quod videbatur ob eam differri cædes potuisse. Eunt inclinatâ quidem ad credendum animis, tamen, nisi gladiis deprehensis, cetera vana existimaturi. Ubi est cò ventum, Turnum ex somno excitatum circumstant custodes: comprehensisque servis, qui caritate domini vim parabant, quum gladii abditi ex omnibus locis deverticuli protraherentur; enimvero manifesta res visa, injectæque Turno catenæ: & confestim Latinorum concilium magno cum tumultu advocatur. Ibi tam atrox invidia orta est, gladiis in medio positâ, ut, indictâ causâ, novo genere lethi, dejectus ad caput aquæ Farentinæ, crate supernè injectâ saxisque congestis, mergeretur.

LII. Revocatis deinde ad concilium Latinis, Tarquinius, collaudatisque, qui Turnum novantem res pro manifesto parricidio meritâ poenâ affecissent, ita verba fecit: *Posse quidem se vetusto jure agere, quod, quum omnes Latini ab Alba oriundi sint, in eo fœdere teneantur, quo ab Turno res omnis Albana cum colonis suis in Romanum cesserit imperium. Ceterum se utilitatis id magis omnium causâ confere, ut*  
renovetur

renovetur id fœdus : secundaque potius fortuna populi Romani ut participes Latini fruantur, quam urbium excidia vastationesque agrorum, quas Anco prius, patre deinde suo regnante, perpeffi sint, semper aut expectent, aut patiantur. Haud difficile per suasum Latinis, quanquam in eo fœdere superior Romana res erat. ceterum & capita nominis Latini stare ac sentire cum rege videbant, & Turnus sui cuique periculi, si adversatus esset, recens erat documentum. Ita renovatum fœdus, indictumque junioribus Latinorum, ut ex fœdere die certâ ad lucum Ferentinæ armati frequentes adessent. Qui ubi ad edictum Romani regis ex omnibus populis convenire; ne ducem suum, neve secretum imperium, propriave signa haberent, miscuit manipulos ex Latinis Romanisque, ut ex binis singulos faceret, binosque ex singulis. ita geminatis manipulis centuriones imposuit.

LIII. Nec, ut iniustus in pace Rex, ita dux belli pravus fuit. quin eâ arte equasset superiores reges, nî degeneratum in aliis huic quoque decori officisset. Is primus Volscis bellum in ducentos amplius post suam ætatem annos movit, Suessamque Pometiam ex his vi cepit. ubi quum dividendâ prædâ quadraginta talenta argenti aurique refecisset; concepit animo eam amplitudinem Jovis templi, quæ digna Deum hominumque rege, quæ Romano imperio, quæ ipsius etiam loci majestate esset. Captivam pecuniam in ædificationem ejus templi seposuit. Excepit deinde eum lentius spe bellum, quo Gabios, propinquam urbem, nequicquam vi adortus, quum obsidendi quoque urbem spes pulso à mœnibus adempta esset, postremò minimè arte Romanâ, fraude ac dolo, aggressus est; nam quum, velut posito bello, fundamentis templi jaciendis aliisque urbanis operibus intentum se esse simularet, Sextus filius ejus, qui minimus ex tribus erat, transfugit ex composito Gabios, patris in se sævitiam intolerabilem conquirens; *Jam ab alienis in suis uertisse superbiam : & libe-*

rorum quoque cum frequentia tædere; ut, quam in curia solitudinem fecerit, domi quoque faciat: ne quam stirpem, ne quem heredem regni relinquat. Se quidem, inter tela & gladios patris elapsam; nihil usquam sibi tutum, nisi apud hostes L. Tarquinii, credidisse. Nam, ne errarent, manere his bellum, quod positum simuletur; & per occasionem cum incautos invasurum. Quod si apud eos supplicibus locus non sit, pererraturum se omne Latium: Volcosque se inde, & Æquos, & Hernicos petiturum; donec ad eos perveniat, qui à patrum crudelibus atque impiis suppliciis tegere liberos sciant. Forsitan etiam ardoris aliquid ad bellum armaque se adversus superbissimum regem ac ferocissimum populum inventurum. Quum, si nihil morarentur, infensus irâ porro inde abiturus videretur, benignè ab Gabinis excipitur. vetant mirari, si, qualis in cives, qualis in socios, talis ad ultimum in liberos esset. In se ipsum postremo sæviturum, si alia desint. Sibi verò gratum adventum ejus esse: futurumque credere brevi, ut, illo adjuvante, ab portis Gabinis sub Romana mœnia bellum transferatur.

LIV. Inde in concilia publica adhiberi. ubi, quum de aliis rebus assentire se veteribus Gabinis diceret, quibus hæ notiores essent, ipse identidem belli auctor esse, in eo sibi præcipuam prudentiam assumere, quod utriusque populi vires nōset, sciretque, invisam profectò superbiam regiam civibus esse, quam ferre ne liberi quidem potuissent. Ita quum sensim ad rebellandum primores Gabinorum incitaret, ipse cum promptissimis juvenum prædatum atque in expeditiones iret, & dictis factisque omnibus ad fallendum instructis vana accresceret fides, dux ad ultimum belli legitur. Ibi quum, insciâ multitudine quid ageretur, prælia parva inter Romam Gabiosque fierent, quibus plerumque Gabina res superior esset; tum certatim summi infimique Gabinorum Sex. Tarquinium dono Deum sibi missum ducem credere. apud milites verò obeundo pericula ac labores, pariter prædam munificè largiendo, tantâ caritate

tate esse, ut non pater Tarquinius potentior Romæ, quàm filius Gabiis esset. Itaque, postquam satis virium collectum ad omnes conatus videbat, tum è suis unum sciscitatum Romam ad patrem mittit, quidnam se facere vellet? quandoquidem, ut omnia unus Gabiis posset, ei Dii dedissent. Huic nuncio, quia, credo, dubiæ fidei videbatur, nihil voce responsum est. rex, velut deliberabundus, in hortum ædium transit, sequente nuncio filii: ibi, inambulans tacitus, summa papaverum capita dicitur baculo decussisse. Interrogando expectandoque responsum nuncius fessus, ut re imperfecta, redit Gabios; quæ dixerit ipse, quæque viderit, refert: seu irâ, seu odio, seu superbiâ infictâ ingenio, nullam cum vocem emisisse. Sexto ubi, quid vellet parens, quidve præciperet tacitis ambagibus, patuit; primores civitatis, criminando alios apud populum, alios suâ ipsos invidiâ opportunos interemit. multi palam; quidam, in quibus minùs speciosa criminatio erat futura, clam interfecti. Patuit quibusdam volentibus fuga, aut in exilium acti sunt, absentiumque bona juxta atque interemptorum divisi fuere. Largitionis inde prædæque & dulcedine privati commodi sensus malorum publicorum adimi, donec, orba consilio auxilioque, Gabina res regi Romano sine ulla dimicatione in manum traditur.

LV. Gabiis receptis, Tarquinius pacem cum Æquorum gentē fecit; sœdus cum Tuscis renovavit. Inde ad negotia urbana animum convertit. quorum erat primum, ut Jovis templum in monte Tarpejo, monumentum regni sui nominisque, relinqueret: Tarquinos reges ambos, patrem vovisse, filium perfecisse. Et, ut libera à ceteris religionibus area esset tota Jovis templique ejus, quod inædificaretur, exaugurare fana sacellaque statuit; quæ aliquot ibi à Tatio rege, primum in ipso discrimine adversus Romulum pugnæ vota, consecrata, inaugurataque postea fuerant. Inter principia  
con-

condendi hujus operis movisse numen ad indicandam tanti imperii molem traditur Deos: nam, quum omnium facellorum exaugurationes admitterent aves, in Termini fano non addixere. Id omen auguriumque ita acceptum est; non motam Termini sedem, unumque cum Deorum non evocatum sacratis sibi finibus, firma stabiliaque cuncta portendere. Hoc perpetuitatis auspicio accepto, secutum aliud, magnitudinem imperii portendens, prodigium est. caput humanum integrâ facie aperientibus fundamenta templi dicitur apparuisse. Quæ visa species, haud per ambages, arcem eam imperii caputque rerum fore portendebat. idque ita cecidere vates, quique in urbe erant, quosque ad eam rem consultandam ex Etruria acciverant. Augebatur ad impensas regis animus. Itaque Pomitinæ manubiæ, quæ perducendo ad culmen operi destinatæ erant, vix in fundamenta suppeditavere. eò magis Fabio, præterquam quòd antiquior est, crediderim, quadraginta ea sola talenta fuisse; quàm Pisoni, qui quadraginta milia pondo argenti sepõsita in eam rem scribit, summam pecuniæ neque ex unius tum urbis præda sperandam, & nullius, ne horum quidem magnificentiæ operum, fundamenta non exsuperaturam.

LVI. Intentus perficiendo templo, fabris undique ex Etruria accitis, non pecuniâ solum ad id publicâ est usus, sed operis etiam ex plebe. qui quum haud parvus & ipse militiæ adderetur labor, minùs tamen plebs gravabatur, se templa Deum exædificare manibus suis: quæ posthac & ad alia, ut specie minora, sic laboris aliquantò majoris, traducebatur opera; fores in circo faciendos, cloacamque maximam, receptaculum omnium purgamentorum urbis, sub terram agendam: quibus duobus operibus vix nova hæc magnificentia quicquam adæquare potuit. His laboribus exercitâ plebe, quia & urbi multitudinem, ubi usus non esset, oneri seabatur esse, & colonis mittendis occupari latius impe-  
rii

rii fines volebat; Signiam Circeiosque colonos misit, præsidia urbi futura terræ marique. Hæc agenti portentum terribile visum. anguis, ex columna lignea elapsus, quum terrorem fugamque in regiam fecisset, ipsius regis non tam subito pavore perculit pectus, quàm anxiiis implevit curis. Itaque quum ad publica prodigia Etrusci tantum vates adhiberentur, hoc velut domestico exterritus visu, Delphos ad maximè inclytum in terris oraculum mittere statuit. neque responsa sortium ulli alii committere ausus; duos filios per ignotas eâ tempestate terras, ignotiora maria, in Græciam misit. Titus & Aruns profecti. comes his additus L. Junius Brutus, Tarquiniâ sorore regis natus, juvenis longè alius ingenio, quàm cujus simulationem induerat. Is quum primores civitatis, in quibus fratrem suum ab avunculo interfectum audisset, neque in animo suo quicquam regi timendum, neque in fortuna concupiscendum relinquere statuit, contemptuque tutus esse, ubi in jure parum præsidii esset. Ergo ex industria factus ad imitationem stultitiæ, quum se suæque prædæ esse regi sineret, Bruti quoque haud abnuvit cognomen: ut sub ejus obtentu cognominis liberator ille populi Romani animus latens opprimeretur tempora sua. Is tum ab Tarquiniis ductus Delphos, ludibrium verius, quàm comes, aureum baculum, inclusum corneo cavato ad id baculo, tulisse donum Apollini dicitur, per ambages effigiem ingenii sui. Quò postquam ventum est, perfectis patris mandatis, cupido incessit animos juvenum sciscitandi, ad quem eorum regnum Romanum esset venturum. Ex infimo specu vocem redditam ferunt: *Imperium summum Roma habebit, qui vestrum primus, ô juvenes, osculum matri tulerit.* Tarquinius, ut Sextus, qui Romæ relictus fuerat, ignarus responsi ex- perferque impertii esset, rem humanâ ope taceri jubent, ipsi inter se, uter prior, quum Roman redissent, matri osculum daret, forti permittunt. Brutus, aliò ratus spectare

spectare Pythicam vocem, velut si prolapsus cecidisset, terram osculo contigit: scilicet, quodd ea communis mater omnium mortalium esset. Reditum inde Romam, ubi adversus Rutulos bellum summa vi parabatur.

LVII. Ardeam Rutuli habebant, gens, ut in ea regione atque in ea ætate, divitiis præpollens. eaque ipsa causa belli fuit, quodd rex Romanus tum ipse ditari, exhaustus magnificentia publicorum operum, tum prædâ delinire popularium animos studebat; præter aliam superbiam regno infestos etiam, quodd se in fabrorum ministeriis ac servili tamdiu habitos opere ab rege indignabantur. Tentata res est, si primo impetu capi Ardea posset. ubi id parum processit, obsidione munitio- nibusque cœpti premi hostes. In iis stativis, ut sit longo magis quàm acri bello, satis liberi commeatus erant: primoribus tamen magis, quàm militibus. Regii quidem juvenes interdum otium conviviiis commessationibusque inter se terebant. forte potantibus his apud Sex. Tarquinius, ubi & Collatinus cœnabat Tarquinius, Egerii filius, incidit de uxoribus mentio: suam quisque laudare miris modis. inde certamine accenso, Collatinus negat, *verbis opus esse, paucis id quidem horis posse sciri, quantum ceteris præstet Lucretia sua. Quin, si vigor juventa inest, conscendimus equos, invisimusque præsentès nostrarum ingenia? Id cuique spectatissimum sit, quod nec opinato viri adventu occurrerit oculis.* Incaluerant vino. age sane, omnes. citatis equis advolant Romam. Quodd quum, primis se intendentibus tenebris, pervenissent, pergunt inde Collatiam: ubi Lucretiam, haudquaquam ut regias nurus, quas in convivio luxuque cum æqualibus viderant tempus terentes, sed nocte serâ deditam lanæ inter lucubrantès ancillas in medio ædium sedentem inveniunt. Muliebris certaminis laus penes Lucretiam fuit. adveniens vir Tarquinique excepti benignè. victor maritus comiter invitat regios juvenes. Ibi Sex. Tar-

Tarquinius mala libido Lucretiæ per vim stuprandæ capit. tum forma, tum spectata castitas incitat. Et tum quidem ab nocturno juvenili ludo in castra redeunt.

LVIII. Paucis interjectis diebus, Sex. Tarquinius, incio Collatino, cum comite uno Collatiam venit. ubi exceptus benignè ab ignaris consilii, quum post cœnam in hospitale cubiculum deductus esset, amore ardens, postquam satis tuta circà, sopitique omnes videbantur, stricto gladio ad dormientem Lucretiam venit, sinistraque manu mulieris pectore oppresso, *Tace, Lucretia*, inquit, *Sex. Tarquinius sum; ferrum in manu est: moriere, si emisseris vocem.* Quum pavida ex somno mulier nullam opem, prope mortem imminentem, videret; tum Tarquinius fateri amorem, orare, miscere precibus minas, versare in omnes partes muliebre animum. ubi obstinatum videbat, & ne mortis quidem metu inclinari, addit ad metum dedecus: cum mortua jugulatum servum nudum positurum, ait, ut in sordido adulterio necata dicatur. Quo terrore quum vicisset obstinatum pudicitiam velut victrix libido, profectusque inde Tarquinius, ferox expugnato decore muliebri, esset; Lucretia, mœsta tanto malo, nuncium Romam eundem ad patrem, Ardeamque ad virum mittit, ut cum singulis fidelibus amicis veniant: ita facto maturatoque opus esse; rem atrocem incidisse. Sp. Lucretius cum P. Valerio Volesi filio, Collatinus cum L. Junio Bruto venit; cum quo forte Romam rediens ab nuncio uxoris erat conventus. Lucretiam sedentem mœstam in cubiculo inveniunt. adventu suorum lacrimæ obortæ. querentique viro, *Satin' salve?* *minimè*, inquit; *quid enim salvi est mulieri, amissâ pudicitia? Vestigia viri alieni, Collatine, in lecto sunt tuo. Ceterum corpus est tantum violatum, animus insons. mors testis erit. Sed date dexteras fidemque, haud impune adultero fore. Sex. est Tarquinius, qui hostis pro hospite priore nocte vi armatus mihi sibi; si vos viri estis, pestiferum hinc abstulit gaudium.* Dant ordine omnes fidem:



dem : consolantur ægram animi, avertendo noxam ab eoacta in auctorem delicti. mentem peccare, non corpus : &, unde consilium abfuerit, culpam abesse. Vos, inquit, videritis, quid illi debeatur : ego me, etsi peccato absolvo, supplicio non libero. nec ulla deinde impudica Lucretia exemplo vivet. Cultrum, quem sub veste abditum habebat, cum in corde defigit: prolapsaque in vulnus, moribunda cecidit. Conclamant vir paterque.

LIX. Brutus, illis luctu occupatis, cultrum, ex vulnere Lucretiæ extractum, manantem cruore præ se tens, *Per hunc*, inquit, *castissimum ante regiam injuriam sanguinem juro, vosque, Dii, testes facio, me L. Tarquinium Superbum, cum scelerata conjuge & omni liberorum stirpe, ferro, igni, quacunque debinc vi possim, exsequuturum. nec illos, nec alium quenquam regnare Romæ passurum.* Cultrum deinde Collatino tradit; inde Lucretio ac Valerio, stupentibus miraculo rei, unde novum in Bruti pectore ingenium. Ut præceptum erat, jurant: totique ab luctu versi in iram, Brutum, jam inde ad expugnandum regnum vocantem, sequuntur ducem. Elatum domo Lucretiæ corpus in forum deferunt, concientque miraculo, ut sit, rei novæ atque indignitate homines. pro se quisque scelus regium ac vim querantur. Movet tum patris mœstitia, tum Brutus, castigatorem lacrimarum atque inertium querelarum, auctorque, quod viros, quod Romanos deceret, arma capiendi adversus hostilia ausos. Ferocissimus quisque juvenum cum armis voluntarius adest. sequitur & cetera juvenus. Inde, pari præsidio relicto Collatiæ ad portas, custodibusque datis, ne quis cum motum regibus nunciaret, ceteri armati, duce Bruto, Romam profecti. Ubi eò ventum est, quacunque incedit, armata multitudo pavorem ac tumultum facit. rursus, ubi anteire primores civitatis vident, quicquid sit, haud temerè esse rentur. Nec minorem motum animorum Romæ tam atrox res facit, quàm Collatiæ fecerat. Ergo ex omnibus locis urbis

ia

in forum curritur. Quò simul ventum est, præco ad tribunal Celerum, in quo tum magistratu forte Brutus erat, populum advocavit. Ibi oratio habita, nequaquam ejus pectoris ingeniique, quod simulatum ad eam diem fuerat, de vi ac libidine Sex. Tarquinii, de stupro infando Lucretiæ & miserabili cæde, de orbitate Tricipitini, cui morte filiæ causa mortis indignior æ miserabilior esset. addita superbia ipsius regis, miseræque & labores plebis, in fossas cloacasque exhauriendas demersæ. Romanos homines, victores omnium circa populorum, opifices ac lapidas pro bellatoribus factos. Indigna Ser. Tullii regis memorata cædes, & investa corpori patris nefando vehiculo filia; invocatique ultores parentum Dii. His atrocioribusque, credo, aliis, quæ præsens rerum indignitas haudquaquam relatu scriptoribus facilia subjicit, memoratis, incensam multitudinem perpulit, ut imperium regi abroget, exulesque esse juberet L. Tarquinius cum conjugæ ac liberis. Ipse, junioribus, qui ultrò nomina dabant, lectis armatisque, ad concitandum inde adversus regem exercitum Ardeam in castra est profectus; imperium in urbe Lucretio, præfecto urbis jam antè ab rege instituto, relinquit. Inter hunc tumultum Tullia domo profugit, execrantibus, quâcunque incedebat, invocantibusque parentum furias viris mulieribusque.

LX. Harum rerum nunciis in castra perlatis, quum re novâ trepidus rex pergeret Romam ad comprimendos motus, flexit viam Brutus, (senferat enim adventum) ne obvius fieret; eodemque fere tempore, diversis itineribus, Brutus Ardeam, Tarquinius Romam, venerunt. Tarquinio clausæ portæ, exiliumque indictum: liberatorem urbis læta castra accepere; exactique inde liberi regis. Duo patrem secuti sunt, qui exulatum Cære in Etruscos ierunt. Sex. Tarquinius, Gabios, tanquam in suum regnum, profectus, ab ultoribus veterum simulatum, quas sibi ipse credibus rapinisque con-

conciverat, est interfectus. L. Tarquinius Superbus regnavit annos quinque & viginti. Regnatum Romæ ab condita urbe ad liberatam annos ducentos quadraginta quatuor. Duo consules inde comitiis centuriatis à præfecto urbis ex commentariis Ser. Tullii creati sunt, L. Junius Brutus, & L. Tarquinius Collatinus.

## LIBER II.

### EPITOME.

I. **B** Rutus jurejurando populum adstrinxit, neminem regnare Roma passuros: II. Tarquinius Collatinum, collegam suum, propter affinitatem Tarquiniolorum suspectum, coëgit consulatu se abdicare, & civitate cedere. V. Bona regum diripi jussit: agrum Marti consecravit, qui Campus Martius nominatus est. adolescentes nobiles, in quibus suos quoque & sororis filios, quia conjuraverant de recipiendis regibus, securi percussit. servo indici, cui Vindicio nomen fuit, libertatem dedit: ex cujus nomine vindicta est appellata. VI. Quum adversus reges, qui, contractis Vejentium & Tarquiniensium copiis, bellum intulerant, exercitum duxisset; in acie cum Arunte, filio Superbi, commortuus est: VII. cumque matrona annum luxerunt. VIII. P. Valerius consul legem de provocatione ad populum tulit. Capitolium dedicatum est. IX, X. Porsena, Rex Clusinarum, bello pro Tarquiniis suscepto, quum ad Janiculum venisset, ne Tiberim transfret, virtute Coclitis Horatii prohibitus est; qui, dum alii pontem sublicium rescindunt, solus Etruscus sustinuit; & ponte rupto, armatus se in flumen misit, & ad suos tranavit. XII. Alterum accessit virtutis exemplum à Mucio: qui, quum ad feriendum Porsenam castra hostium intrasset, occiso scribâ, quem regem esse putabat, comprehensus, impositam altaribus manum, in quibus sacrificatum erat, exuri passus est; dixitque, tales trecentos esse conjuratos in mortem ipsius regis. quorum admiratione coactus Porsena pacis

pacis conditiones ferre, bellum omisit, acceptis obsidibus. XIII. Ex quibus virgo una Clælia, deceptis custodibus, per Tiberim ad suos tranavit : & , quum reddita esset, à Porsena honorificè remissa, equestri statuâ donata est. XVI. Ap. Claudius ex Sabinis Romam transfugit : ob hoc Claudia tribus adjecta est. Numerus tribuum ampliatus est, ut essent viginti una. XIX, XX. Adversus Tarquinium Superbum, cum Latinorum exercitu bellum inferentem, A. Postumius dictator prosperè pugnavit apud lacum Regillum. XXIII, &c. Plebs, quum propter nexos ob as alienum in Sacrum montem secessisset, consilio Menenii Agrippa à seditione revocata est. Idem Agrippa, quum decessisset, propter paupertatem publico impendio elatus est. XXXIII. Tribuni plebis quinque creati sunt. Oppidum Volscorum Corioli captum est virtute & operâ C. Marci, qui ob hoc Coriolanus vocatus est. XXXVI, &c. Ti. Atinius, vir de plebe, quum in visu admonitus esset, ut de quibusdam religionibus ad senatum perferret, & neglexisset, amissa filio, debilis factus, postquam, delatus ad senatum lecticâ, eadem illa indicaverat, usu pedum recepto, domum reversus est. XXXIX, XL. Quum C. Marcius Coriolanus, qui in exilium erat pulsus, dux Volscorum factus, exercitum hostium urbi Romæ admovisset, & missi ad eum primùm legati, postea sacerdotes, frustra deprecati essent ne bellum patriæ inferret ; Veturia mater & Volumnia uxor impetraverunt ab eo, ut recederet. XLI. Lex agraria primùm lata est. Sp. Cassius consularis regni crimine damnatus est necatusque. XLII, &c. Oppia, virgo Vestalis, ob incestum viva defossa est. XLVI, &c. Quum vicini hostes Veientes, incommodi magis, quàm graves, essent, familia Fabiorum id bellum gerendum depoposcit ; misitque in id trecentos sex armatos, qui ad Cremeram ad unum ab hostibus caesi sunt, uno impubere domi relicto. LVIII, LIX. Ap. Claudius consul, quum adversus Volscos contumaciâ exercitus malè pugnatum esset, decimum quemquo militum fuste percussit. LX, &c. Res præterea adversum Volscos, & Æquos, & Veientes, & seditiones inter Patres plebemque continet.

Liberi

I. **L** Iberi jam hinc populi Romani res, pace belloque gestas, annuos magistratus, imperiaque legum, potentiora quàm hominum, peragam. Quæ libertas ut lætior esset, proximi regis superbia fecerat. nam priores ita regnârunt, ut haud immeritò omnes deinceps conditores partium certè urbis, quas novas ipsi sedes ab se auctæ multitudini addiderunt, numerentur: neque ambigitur, quin Brutus idem, qui tantum gloriæ, Superbo exacto rege, meruit, pessimo publico id facturus fuerit, si libertatis immaturæ cupidine priorum regum alicui regnum extorsisset. Quid enim futurum fuit, si illa pastorum convenarumque plebs, transfuga ex suis populis, sub tutela inviolati templi aut libertatem, aut certè impunitatem, adepta, soluta regio metu, agitari cœpta esset tribuniciis procellis? & in aliena urbe cum Patribus ferere certamina, priusquam pignora conjugum ac liberorum, caritasque ipsius soli, cui longo tempore assuescitur, animos eorum confociasset? Dissipatæ res nondum adultæ discordiâ forent: quas fovit tranquilla moderatio imperii, eoque nutriendo perduxit, ut bonam frugem libertatis maturis jam viribus ferre possent. Libertatis autem originem inde magis, quia annum imperium consulare factum est, quàm quòd deminutum quicquam sit ex regia potestate, numeres. Omnia jura, omnia insignia primi consules tenuere. id modò cautum est, ne, si ambo fasces haberent, duplicatus terror videretur. Brutus prior, concedente collegâ, fasces habuit: qui non acrior vindex libertatis fuerat, quàm deinde custos fuit. Omnium primùm avidum novæ libertatis populum, ne postmodum flecti precibus aut donis regiis posset, jurejurando adegit, neminem Romæ passuros regnare. Deinde, quò plus virium in senatu frequentia etiam ordinis faceret, cædibus regis deminutum Patrum numerum, primoribus equestris gradûs lectis, ad trecentorum summam

mam explevit. traditumque inde fertur, ut in senatum vocarentur, qui Patres, quique conscripti essent. conscriptos, videlicet, in novum senatum appellabant lectos. Id mirum quantum profuit ad concordiam civitatis jungendosque Patribus plebis animos.

II. Rerum deinde divinarum habita cura. Et, quia quaedam publica sacra per ipsos reges factitata erant, ne ubiubi regum desiderium esset, regem sacrificulum creant. Id sacerdotium pontifici subjecere, ne additus nomini honos aliquid libertati, cujus tunc prima erat cura, officeret. ac nescio, an, nimis undique eam minimis quoque rebus muniendo, modum exceßerint. Consul enim alterius, quum nihil aliud offenderit, nomen invisum civitati fuit. *Nimum Tarquinius regno assuēsse. initium à Prisco factum. Regnasse deinde Ser. Tullium. ne intervallo quidem facto, oblitum, tanquam alieni, regni Superbum Tarquinium; velut hereditatem gentis scelere ac vi repetisse. Pulso Superbo, penes Collatinum imperium esse. Nescire Tarquinius privatos vivere. non placere nomen. periculosum libertati esse.* Hic primò sensim tentantium animos sermo per totam civitatem est datus, sollicitamque suspicione plebem Brutus ad concionem vocat. Ibi omnium primùm jusjurandum populi recitat: *Neminem regnare passuros, nec esse Romæ, unde periculum libertati foret. Id summâ ope tuendum esse: neque ullam rem, qua eò pertineat, contemnendam. Invitum se dicere hominis causâ: nec dicturum fuisse, ni caritas reipublica vinceret. Non credere populum Romanum, solidam libertatem recuperatam esse. Regium genus, regium nomen, non solum in civitate, sed etiam in imperio esse. Id officere, id obstare libertati.* Hunc tu, inquit, tuâ voluntate, L. Tarquini, remove metum. *Meminimus, fatemur, ejecisti reges. Absolve beneficium tuum. Aufer hinc regium nomen. Res tuas tibi non solum reddent cives tui, auctore me; sed, si quid deest, munificè augebunt. Amicus abi, exonera civitatem vano forsitan metu. Ita persuasum est animis, cum gente Tarquinia regnum hinc abiturum.* Consuli primò

primò tam novæ rei ac subitæ admiratio incluserat vocem. Dicere deinde incipientem primores civitatis circumfistunt, eadem multis precibus orant. & ceteri quidem movebant minùs. Postquam Sp. Lucretius major ætate ac dignitate, focer præterea ipsius, agere variè, rogando alternis suadendoque, cœpit, ut vinci se consensu civitatis pateretur; timens consul, ne postmodum privato sibi eadem illa cum bonorum amissione, additæque aliâ insuper ignominiâ, acciderent, abdicavit se consulatu: rebusque suis omnibus Lavinium translatis, civitate cessit. Brutus ex senatusconsulto ad populum tulit, ut omnes Târquiniæ gentis exsules essent: collegam sibi comitiis centuriatis creavit P. Valerium; quo adjutore reges ejecerat.

III. Quum haud cuiquam in dubio esset, bellum ab Târquiniis imminere, id quidem spe omnium serius fuit. ceterùm, id quod non timebant, per dolum ac prodicionem propè libertas amissa est. Erant in Romana juventute adolescentes aliquot, nec ii tenui loco orti, quorum in regno libido solutior fuerat, æquales sodalesque adolescentium Târquiniorum, assueti more regio vivere. Eam tum, æquato jure omnium, licentiam quærentes, libertatem aliorum in suam vertisse servitutem inter se conquerebantur. *Regem hominem esse, à quo impetres, ubi jus, ubi injuria opus sit: esse gratiæ locum, esse beneficio; & irasci & ignoscere posse: inter amicum atque inimicum discrimen nōsse. Leges rem surdam, inexorabilem esse, salubriorem melioremque inopi, quàm potenti: nihil laxamenti nec venia habere, si modum exceßeris. periculosum esse, in tot humanis erroribus solâ innocentia vivere.* Ita, jam suâ sponte ægris animis, legati ab regibus superveniunt, sine mentione redditûs bona tantùm repetentes. Eorum verba postquam in senatu audita sunt, per aliquot dies ea consultatio tenuit: ne non reddita, belli causa; reddita, belli materia & adjumentum essent. Interim legati alii alia moliri, apertè bona repetentes, clam recuperandi

cuperandi regni consilia struere. &, tanquam ad id, quod agi videbatur, ambientes nobilium adolescentium animos pertentant. à quibus placidè oratio accepta est, his literas ab Tarquiniis reddunt; & de accipiendis etiam nocte in urbem regibus colloquuntur.

IV. Vitelliis Aquilliisque fratribus primò commissa res est. Vitelliorum soror consuli nupta Bruto erat: jamque ex eo matrimonio adolescentes erant liberi, Titus Tiberiusque. eos quoque in societatem consilii avunculi assumunt. præterea & nobiles aliquot adolescentes conscii assumpti, quorum vetustate memoria abiit. Interim quum in senatu vicisset sententia, quæ censabat reddenda bona; eamque ipsam causam moræ in urbe haberent legati, quòd spatium ad vehicula comparanda à consulibus sumpsisset, quibus regum asportarent res; omne id tempus cum conjuratis consultando absumunt, evincuntque instando, ut literæ sibi ad Tarquinius darentur; nam aliter quid credituros eos, non vana ab legatis super rebus tantis afferri? Datæ literæ, ut pignus fidei essent, manifestum facinus fecerunt. Nam quum, pridie quàm legati ad Tarquinos proficiscerentur, & cœnatum fortè apud Vitellios esset, conjuratique ibi, remotis arbitris, multa inter se de novo, ut sit, consilio egissent; sermonem eorum ex servis unus excepit, qui jam antea id senserat agi: sed eam occasionem, ut literæ legatis darentur, quæ deprehensæ rem coarguere possent, expectabat. postquam datas sensit, rem ad consules detulit. Consules, ad deprehendendos legatos conjuratosque profecti domo, sine tumultu rem omnem oppressere: literarum in primis habita cura, ne interciderent. proditoribus extemplo in vincula conjectis, de legatis paullulum addubitatum est: & quanquam visi sunt commississe, ut hostium loco essent, jus tamen gentium valuit.

V. De bonis regiis, quæ reddi antè censuerant, res integra refertur ad Patres. illi victi irâ vetuere reddi,

D

vetu-



vetuere in publicum redigi. Diripienda plebi sunt data; ut, contacta regiâ prædâ, spem in perpetuum cum his pacis amitteret. Ager Tarquiniorum, qui inter urbem ac Tiberim fuit, consecratus Marti, Martius deinde campus fuit. Forte ibi tum seges farris dicitur fuisse matura messi. quem campi fructum quia religiosum erat consumere, defectam cum stramento segetem magna vis hominum simul immissa corbibus sudere in Tiberim, tenui fluentem aquâ, ut mediis caloribus sollet. ita in vadis hæsitantis frumenti acervos sedisse illitos limo. Insulam inde paullatim, & aliis, quæ fert temerè flumen, eodem investis, factam. postea credo additas moles, manuque adjutum, ut tam eminens area, firmaque templis quoque ac porticibus sustinendis esset. Direptis bonis regum, damnati proditores, sumptumque supplicium, conspectus eò, quòd pœnæ capiendæ ministerium patri de liberis consulatus imposuit, &, qui spectator erat amovendus, cum ipsum fortuna exactorem supplicii dedit. Stabant deligati ad palum nobilissimi juvenes. sed à ceteris, velut ab ignotis capitibus, consulis liberi omnium in se averterant oculos, miserebatque non pœnæ magis homines, quàm sceleris, quo pœnam meriti essent; illos, eo potissimum anno patriam liberatam, patrem liberatorem, consulatum ortum ex domo Junia, Patres, plebem, quicquid Deorum hominumque Romanorum esset, induxisse in animum, ut superbo quondam regi, tum infesto exsuli, proderent. Consules in sedem processere suam; missique listores ad sumendum supplicium nudatos virgis cædunt, securique feriunt: quum inter omne tempus pater, vultusque, & os ejus, spectaculo esset, eminente animo patrio inter publicæ pœnæ ministerium. Secundum pœnam nocentium, ut in utramque partem arceendis sceleribus exemplum nobile esset, præmium iudici, pecunia ex ærario, libertas & civitas, data. Ille primum dicitur vindictâ liberatus. quidam vindictæ quoque

quoque nomen trahum ab illo putant; Vindictio ipsi nomen fuisse. Post illum observatum, ut, qui ita liberati essent, in civitatem accepti viderentur.

VI. His, sicut acta erant, nunciatis, incensus Tarquinius non dolore solum tantæ ad irritum cadentis spei, sed etiam odio iræque, postquam dolo viam obseptam vidit, bellum apertè moliendum ratus, circumire supplex Etruriæ urbes; orare maximè Veientes Tarquiniensesque, *no se ortum, ejusdem sanguinis, entorem egentem ex tanto modò regno, cum liberis adolescentibus ante oculos suos perire sinerent. Alios peregrè in regnum Romanum accitos: se regem, augentem bello Romanum imperium, à proximis sceleratâ conjuratione pulsam. eos inter se, quia nemo unus satis dignus regno visus sit, partes regni rapuisse; bona sua diripienda populo dedisse, ne quis expers sceleris esset. Patriam se regnumque suum repetere, et persequi ingratos sives velle. Ferrent opem, adjuvant; suas quoque veteres injurias ultum irent, toties lesas legiones, agrum ademptum.* Hæc moverunt Veientes: ac pro se quisque, Romano saltem duce, ignominias demendas, belloque amissa repetenda, minaciter fremunt. Tarquinienses nomen ac cognatio movet, pulchrum videbatur, suos Romæ regnare. Ita duo duarum civitatum exercitus, ad repetendum regnum belloque persequendos Romanos, secuti Tarquinium. Postquam in agrum Romanum ventum est, obviam hosti consules eunt. Valerius quadrato agmine peditem ducit: Brutus ad explorandum cura equitatu antecessit. Eodem modo primus eques hostium agminis fuit, (præerat Aruns Tarquinius, filius regis) rex ipse cura legionibus sequebatur. Aruns, ubi ex lictoribus procul consulem esse; deinde jam propius ac certius facie quoque Brutum cognovit, inflammatus irâ, *Ille est vir, inquit, qui nos entorres expulit patriâ. Ipse, en, ille, nostris decoratus insignibus, magnificè incedit. Diî regum ultores adesse.* Concitat calcantibus equum, atque in ipsum incensus consulem dirigit. Sensit in se iri Brutus. Deco-

¶ tum erat tum ipsis capeffere pugnam ducibus: avidè itaque se certamini offert. adeoque infestis animis concurrerunt, neuter, dum hostem vulneraret, sui prote-  
gendi corporis memor, ut, contrario ictu per parmam uterque transfixus, duabus hærentes hastis moribundi ex equis lapsi sint. simul & cetera equestris pugna cœ-  
pit; neque ita multò post & pedites superveniunt. Ibi variâ victoriâ, & velut æquo Marte pugnatum est. dex-  
tra utrinque cornua vicere, læva superata. Vejentes, vinci ab Romano milite assueti, fusi fugatique. Tar-  
quiniensis, novus hostis, non stetit solùm, sed etiam ab sua parte Romanum pepulit.

VII. Ita quum pugnatum esset, tantus terror Tar-  
quinium atque Etruscos incessit, ut, omisâ irritâ re, nocte ambo exercitus, Vejens Tarquiniensisque, suas quisque abirent domos. Adjiciunt miracula huic pug-  
næ: silentio proximæ noctis ex silva Arfia ingentem editam vocem; Silvani vocem eam creditam; hæc di-  
cta, *Uno plus Etruscorum cecidisse in acie; vincere bello Ro-  
manum.* Ita certè inde abiere Romani, ut victores; E-  
trusci pro victis. Nam, postquam illuxit, nec quisi-  
quam hostium in conspectu erat, P. Valerius consul spolia legit, triumphansque inde Romam rediit. col-  
legæ funus, quanto tum potuit apparatu, fecit. sed multò majus morti decus publica fuit mœstitia, eò an-  
te omnia insignis, quia matronæ annum, ut parentem, eum luxerunt, quòd tam acer ultor violatæ pudicitiae fuisset. Consuli deinde, qui superfuerat, ut sunt mu-  
tabiles vulgi animi, ex favore non invidia modò, sed suspicio etiam cum atroci crimine, orta. Regnum eum affectare, fama ferebat: quia nec collegam subrogave-  
rat in locum Bruti, & ædificabat in summa Velia. ibi alto atque munito loco arcem inexpugnabilem fore. Hæc dicta vulgò creditaque quum indignitate angerent consulis animum, vocato ad concilium populo, sum-  
missis fascibus in concionem ascendit. Gratum id mul-  
titu-

titudini spectaculum fuit; summissa sibi esse imperii insignia: confessionemque factam, populi, quàm consulis, majestatem vimque majorem esse. Ubi audire jussi, consul laudare fortunam collega, quòd, liberatâ patriâ, in summo bonore, pro republica dimicans, maturâ gloriâ, nec dum se vertente in invidiam, mortem occubisset. se superflitem gloriâ suâ ad crimen atque invidiam superesse: ex liberatore patriâ ad Aquillios se Vitelliosque recidisse. Numquamne ergo, inquit, nulla adeò à vobis spectata virtus erit, ut suspitione violari nequeat? Ego me, illum acerrimum regum hostem, ipsam cupiditatis regni crimen subiturum timerem? Ego, si in ipsa arce Capitolioque habitarem, metui me crederem posse à civibus meis? tam levi momento mea apud vos fama pendet? adeo est fundata leviter fides, ut, ubi sim, quàm qui sim, magis referat? Non obstant P. Valerius adeo libertati vestra, Quirites; tuta erit vobis Velia. Deferam non in planum modò ades, sed colli etiam subjiciam: ut vos supra suspectum me civem habitetis. In Velia adificent, quibus melius, quàm P. Valerio, creditur libertas. Delata confestim materia omnis infra Veliam; & ubi nunc Vicæpotæ est, domus in infimo clivo ædificata.

VIH. Latæ deinde leges, non solum quæ regni suspitione consulem absolverent, sed quæ adeò in contrarium verterent, ut popularem etiam facerent. inde cognomen factum Publicolæ est. ante omnes de provocatione adversus magistratus ad populum, sacrandoque eum bonis capite ejus, qui regni occupandi consilia inisset, gratæ in vulgus leges fuere. Quas quum solus pertulisset, ut sua unius in his gratia esset; tum deinde comitia collegæ subrogando habuit. Creatus Sp. Lucretius Consul, qui magne natu, non sufficientibus jam viribus ad consularia munera obeunda, intra paucos dies moritur. Suffectus in Lucretii locum M. Horatius Pulvillus. Apud quosdam veteres auctores non invenio Lucretium consulem: Bruto statim Horatium suggerunt. credo, quia nulla gesta res insignem fecerit

consulatum, memoriâ intercidisse. Nondum dedicata erat in Capitolio Jovis ædes. Valerius Horatiusque consules sortiti, uter dedicaret. Horatio forte evenit. Publicola ad Vejentium bellum profectus. Ægrius, quàm dignum erat, tulere Valerii necessarii, dedicationem tam inclyti templi Horatio dari. id omnibus modis impedire conati, postquam alia frustra tentata erant, postremam jam tenenti consuli foridum inter precationem Deum nuncium incutiunt; *mortuum ejus filium esse, fune-  
staque familiâ dedicare cum templum non posse.* Non crediderit factum, an tantum animo roboris fuerit, nec traditur certum, nec interpretatio est facilis. Nihil aliud ad eum nuncium à proposito aversus, quàm ut cadaver efferri juberet, tenens postem, precationem peragit, & dedicat templum. Hæc post exactos reges domi militiæque gesta primo anno. Inde P. Valerius iterum, T. Lucretius consules facti.

IX. Jam Tarquinii ad Lartem Porsonam, Clusinum regem, perfugerant. ibi, miscendo consilium precesque, nunc orabant, *ne se, oriundos ex Etruria, ejusdem sanguinis nominisque, egentes exulare pateretur: nunc monebant etiam, ne orientem morem pallenti reges indutum fineret. Satis libertatem ipsam habere dulcedinis. Nisi, quantâ vi civitates eam expetant, tantâ regna reges descendant, æquari summa infinis. nihil excelsum, nihil, quod supra cetera emineat, in civitatibus fore. Adesse finem regnis, vel inter Deos hominesque pulcherrime.* Porsona, tum regem esse Romæ, tum Etruscæ gentis regem, amplum Tusciæ ratus, Romam infesto exercitu venit. Non unquam alias antè tantus terror senatum invasit. adeo valida res tum Clusina erat, magnamque Porsonæ nomen. nec hostes modò timebant, sed suosmet ipsi cives, ne Romana plebs, metu percussa, receptis in urbem regibus, vel cum servitute pacem acciperet. Multa igitur blandimenta plebi per id tempus ab senatu data. annonæ in primis habita cura, & ad frumentum comparandum missi, alii in Volscos, alii

alii Cumas. Salis quoque vendendi arbitrium, quia impenso pretio venibat, in publicum omni sumptu, ademptum privatis. Portoriiſque & tributo plebes liberata, ut divites conferrent, qui oneri ferendo eſſent: pauperes ſatis ſtipendii pendere, ſi liberos educarent. Itaque hæc indulgentia Patrum, aſperis poſtmodum rebus in obſidione ac fame, adeo concordem civitatem tenuit, ut regium nomen non ſummi magis, quàm iſſimi, horrerent: nec quiſquam unus malis artibus poſtea tam popularis eſſet, quàm tunc bene imperando univerſus ſenatus fuit.

X. Quam hoſtes aſſent, pro ſe quiſque in urbem ex agris demigrant: urbem ipſam ſepiunt præſidiis. alia muris, alia Tiberi obſectio videbantur tuta. Pons ſublicius iter penè hoſtibus dedit: ni unus vir fuiſſet, Horatius Cocles; (id munimentum illo die fortuna urbis Romane habuit) qui, poſitus forte in ſtatione pontis, quum captum repentino impetu Janiculum, atque inde citatos decurrere hoſtes vidiffet, trepidamque turbam ſuorum arma ordinesque relinquare, reprehenſans ſingulos, obſiſtens, obteſtansque Deum & hominum fidem, teſtabatur: *nequicquam deſerto præſidio eos fugere. Si tranſitum pontem à tergo reliquiſſent, jam plus hoſtium in Palatio Capitolioque, quàm in Janiculo, fore. Itaque monere, prædicere, ut pontem ferro, igni, quacunque vi poſſent, interrompant. Se impetum hoſtium, quantum corpore uno poſſit obſiſti, excepturum.* Vadit inde in primum aditum pontis; inſignisque inter conſpecta cedentium pugne terga, obverſis cominus ad incundum prælium armis, ipſo miraculo audaciæ obſtupefecit hoſtes. daos tamen cum eo pudor tenuit, Sp. Lartium ac T. Herminium, ambos claros genere ſactisque. Cum his primam periculi procellam, & quod tumultuoſiſſimum pugne erat, parumper ſuſtinuit. deinde eos quoque ipſos, exigua parte pontis relictâ, revocantibus, qui reſcindebant, cedere in tutum cœgit. Circumferens inde truces minac-

ter oculos ad procures Etruscorum, nunc singulos provocare, nunc increpare omnes, *Servitia regum superborum, sue libertatis immemores, alienam oppugnatum venire.* Cunctati aliquamdiu sunt, dum alius alium, ut proelium incipiant, circumspiciant. pudor deinde commovit aciem, & clamore sublato, undique in unum hostem tela conjiciunt. Quæ quum in objecto cuncta scuto hæssissent, neque ille minus obstinatus ingenti pontem obtineret gradu, jam impetu conabantur detrudere virum; quum simul fragor rupti pontis, simul clamor Romanorum, alacritate perfecti operis sublatus, pavore subito impetum sustinuit. Tum Cocles, *Tiberine pater*, inquit, *te sancte precor, hac arma & hunc militem propitio flumine accipias.* Ita sic armatus in Tiberim desiluit; multisque super incidentibus telis incolumis ad suos tranavit, rem ausus plus famæ habituram ad posteros, quam fidei. Grata erga tantam virtutem civitas fuit: statua in comitio posita, agrî quantum uno die circumaravit, datum. Privata quoque inter publicos honores studia eminebant. nam in magna inopia pro domesticis copiis unusquisque ei aliquid, fraudans se ipse victu suo, contulit.

XI. Porfena, primo conatu repulsus, consiliis ab oppugnanda urbe ad obsidendam versis, præsidio in Janiculo locato, ipse in plano ripisque Tiberis castra posuit; navibus undique accitis, & ad custodiam, ne quid Romam frumenti subvehi sineret, & ut prædatum milites trans flumen per occasiones aliis atque aliis locis erajiceret: brevique aded infectum omnem Romanum agrum reddidit, ut non cetera solum ex agris, sed pecus quoque omne in urbem compelleretur, neque ququam extra portas propellere auderet. Hoc tantum licentiæ Etruscis, non metu magis, quam consilio, concessum. namque Valerius consul, intentus in occasionem multos simul & effusos improvisò adoriundi, in parvis rebus negligens ultor, gravem se ad majora vindicem

ser-

servabat. Itaque, ut eliceret prædatores, edicit suis, postero die frequentes portâ Esquilinâ, quæ averfissima ab hoste erat, expellerent pecus; scituros id hostes ratus, quòd in obsidione & fame servitia infida transfugerent. Et sciére perfugæ indicio; multoque plures, ut in spem universæ prædæ, flumen trajiciunt. P. Valerius inde T. Herminium cum modicis copiis ad secundum lapidem Gabinâ viâ occultum considere jubet: Sp. Lartium cum expedita juventute ad portam Collinam stare, donec hostis prætereat, deinde se obicere, ne sit ad flumen reditus. Consulum alter T. Lucretius portâ Nævîâ cum aliquot manipulis militum egressus: ipse Valerius Cœlio monte cohortes delectas educit. hique primi apparuere hosti. Herminius, ubi tumultum sensit, concurrit ex insidiis, versisque in Valerium Etruscis terga cædit. dextrâ lævâque, hinc à porta Collina, illinc ab Nævîa, redditus clamor. ita cæsi in medio prædatores, neque ad pugnam viribus pares, & ad fugam septis omnibus viis. finisque ille tam effusè evagandi Etruscis fuit.

XII. Obsidio erat nihilominus, & frumenti cum summa caritate inopia; sedendoque expugnaturum se urbem spem Porfena habebat: quum C. Mucius, adolescens nobilis, cui indignum videbatur, populum Romanum servientem, quum sub regibus esset, nullo bello nec ab hostibus ullis obsessum esse; liberum eundem populum ab iisdem Etruscis obsideri, quorum sæpe exercitus fuderit; itaque, magno audacique aliquo facinore eam indignitatem vindicandam ratus, primò suâ sponte penetrare in hostium castra constituit. dein metuens, ne, si consulum injussu & ignaris omnibus iret, forte deprehensus à custodibus Romanis retraheretur ut transfuga, fortunâ tum urbis crimen affirmante, senatum adiit: *Transire Tiberim, inquit, Patres, & intrare, si possim, castra hostium volo; non prado, nec populationum in vicem ultor. Majus, si Dii juvant, in animo est facinus.*

D. 5.

Appro-



Approbant Patres: abdito intra vestem ferro, profici-  
 scitur. Ubi eo venit, in confertissima turba prope re-  
 gium tribunal constitit. Ibi quum stipendium sorte  
 militibus daretur, & scriba, cum rege sedens pari fere  
 ornata, multa ageret, cum milites vulgò adirent, ti-  
 mens sciscitari, uter Persona esset, ne ignorando regem  
 semet ipso aperiret, quis esset, quò temerè traxis for-  
 tuna facinus, scribam pro rege obtruncat. Vadentem  
 inde, quà per trepidam turbam cruento mucrone sibi  
 ipse fecerat viam, quum, concursu ad clamorem facto,  
 comprehensum regis satellites retraxissent, ante tribunal  
 regis destitutus; tum quoque, inter tantas fortunæ mi-  
 nas, metuendus magis, quàm metuens: *Romanus sum,*  
 inquit, *civis. C. Murium vocant. hostis hostem occidere va-*  
*lul. nec ad mortem minas animi est; quàm fuit ad cadem. Et*  
*facere & pati fortia, Romanum est. Nec unius in te ego hos*  
*animos gessi: longus post me ordo est idem petentium decus.*  
*Proinde in hoc discrimen, si juvat, accingere; ut in singulas*  
*horas capite dimites tuo; ferrum hostemque in vestibulo habeas*  
*regie. Hoc tibi juventus Romana indicimus bellum. Nullam*  
*aciem, nullum praelium timueris. Unè tibi, & cum singulis, res*  
*erit. Quum rex, simul irà infensus, periculoque con-*  
*territus, circumdari ignes minitabundus juberet, nisi*  
*expromeret properè, quas insidiarum sibi minas pe-*  
*ambages jaceret: En tibi, inquit, ut sentias, quàm vile cor-*  
*pus sit iis, qui magnam gloriam vident: dextramque ac-*  
*censo ad sacrificium foculo injicit. quam quum velut*  
*alienato ab sensu torretet animo; prope attonitus mi-*  
*raculo Rex, quum ab sede sua profluisset, amoverique*  
*ab altaribus juvenem jussisset, Tu verò abi, inquit, in te*  
*magis, quàm in me, hostilia ausus. Juberem macte virtute esse;*  
*si pro mea patria ista virtus flaret. Nunc jure belli liberum te,*  
*intactum inviolatamque hinc dimittis. Tum Mucius, qua-*  
*si remunerans meritum, Quandoquidem, inquit, est apud*  
*te virtuti bonos, ut beneficio tuleris à me, quod minis nequisti;*  
*atrecenti conjuravimus principes juventutis Romana, ut in te*  
hac

*Hæc viâ grassaremur. Mea prima fors fuit: ceteri, ut cuique accideris primò, quoad te opportunum fortuna dederit, suo quisque tempore, aderant.*

XIII. Mucium dimissum, cui postea Scævola à clade dextræ manûs cognomen inditum, legati à Porfena. Romam secuti sunt. Adeò moverat eum & primi periculi casus, quo nihil se præter errorem insidiatoris texisset, & subeunda dimicatio toties, quot conjurati superessent, ut pacis conditiones ultrò ferret Romanis. Jactatum in conditionibus nequicquam de Tarquinis in regnum restituendis, magis quia id negare ipse æquiverat Tarquinis, quàm quòd negatum iri sibi ab Romanis ignoraret. De agro Vejentibus restituendo impetratum: expressaque necessitas obsides dandi Romanis, si Janiculo præsidium deduci vellent. His conditionibus composità pace, exercitum ab Janiculo deduxit Porfena, & agro Romano excessit. Patres C. Mucio virtutis causâ trans Tiberim agrum dono dedere, quæ postea sunt Mucia prata appellata. Ergo, ita honoratâ virtute, femina quoque ad publica decora excitatâ. Et Clœlia virgo, una ex obsidibus, quum castra Etruscorum forte haud procul ripâ Tiberis locata essent; frustrata custodes, dux agminis virginum inter tela hostium Tiberim tranavit: sospitesque omnes Romanam ad propinquos restituit. Quod ubi regi nuntiatum est; primò incensus irâ, oratores Romam misit ad Clœliam obsidem deprecandam; alias haud magni facere: deinde in admirationem versus, *Supra Coclites Muciosque dicere id facinus esse, & præ se ferre, quemadmodum, si non dedatur obses, pro rupto se fœdus habiturum; sic deditam, inviolatam ad suos remissurum.* Utrinq; constitit fides: & Romani pignus pacis ex fœdere restituerunt: & apud regem Etruscum non tuta solum, sed honorata etiam, virtus fuit: laudatamque virginem parte obsidum se donare dixit: ipsa, quos vellet, legeret! Productis omnibus, elegisse impubes dicitur: quòd & virginitati

ginitati decorum, & consensu obsidum ipsorum probabile erat, eam ætatem potissimum liberari ab hoste, quæ maximè opportuna injuriæ esset. Pace redintegratâ, Romani novam in femina virtutem novo genere honoris, statuâ equestri, donavere. in summa Sacra via fuit posita virgo insidens equo.

XIV. Huic tam pacatæ profectiōni ab urbe regis Etrusci abhorrens mos, traditus ab antiquis, usque ad nostram ætatem inter cetera solennia manet bonis vendendis, bona Porſenæ regis vendendi. Cujus originem moris, necesse est, aut inter bellum natam esse, neque omiſſam in pace; aut à mitiore creviſſe principio, quàm hic præ se ferat titulus, bona hoſtiliter vendendi. Proximum verò est ex iis, quæ traduntur, Porſenam, diſcedentem ab Janiculo, caſtra opulenta, conveſto ex propinquis ac fertilibus Etruriæ arvis commeatu, Romanis dono dediſſe, inopi tum urbe ab longinqua obſidione. ea deinde, ne populo immiſſo diriperentur hoſtiliter, veniſſe, bonaque Porſenæ appellata, gratiam muneris magis ſignificante titulo, quàm auſtioneſ fortunæ regiæ, quæ ne in poteſtatem quidem populi Romani eſſet. Omiſſo Romano bello, Porſena, ne fruſtra in ea loca exercitus adductus videretur, cum parte copiarum filium Aruntem Ariciam oppugnatum mittit. Primò Aricinos res necopinata perculerat. arceſſita deinde auxilia, & à Latinis populis, & à Cumis, tantum ſpei ſocere, ut acie decernere auderent. Prælio inito, adeò concitato impetu ſe intulerant Etrusci, ut funderent ipſo incurſu Aricinos. Cumani cohortes, arte adverſus vim uſæ, declinavere paululum; effuſæque prælatos hoſtes converſis ſignis ab tergo adortæ ſunt. Ita in medio prope jam victores caſi Etrusci: pars perexigua, duce amiſſo, quia nullum propius perſugium erat, Romam inermes & fortunâ & ſpecie ſupplicum delati ſunt. ibi benignè excepti diviſique in hoſpitia. Curatis vulncribus, alii proſecti domos, nuncii hoſpitiſſimum bente-

Beneficiorum. Multos Romæ hospitum urbisque caritas tenuit. his locus ad habitandum datus, quem deinde *Tusculum vicum* appellarunt.

XV. P. Lucretius inde & P. Valerius Publicola consules facti. Eo anno postremum legati à Porfena de reduciendo in regnum Tarquinio venerunt. quibus quum responsum esset, missum ad regem senatum legatos; missi confestim honoratissimus quisque ex Patribus. *Non, quin breviter reddi responsum potuerit, non recipi reges, ideo potius delectos Patrum ad eum missos, quam legatis ejus Roma daretur responsum: sed ut in perpetuum mentio ejus rei finiretur, neu in tantis mutuis beneficiis in vicem animi sollicitarentur: quum ille peteret, quod contra libertatem populi Romani esset; Romani, nisi in perniciem suam faciles esse vellent, negarent, cui nihil negatum vellent. Non in regno populum Romanum, sed in libertate esse. ita induxisse in animum, hostibus potius, quam regibus, portas patefacere. Eam esse voluntatem omnium; ut, qui libertati erit in illa urbe finis, idem urbi sit. Proinde, si saluam esse vellet Romam, ut patiatur liberam esse, orare. Rex, verecundia victus, Quando id certum atque obstinatum est, inquit, neque ego obtundam sapiens eadem nequicquam agendo: nec Tarquinius spe auxilii, quod nullum in me est, frustrabor. Alium binc, seu bello opus est, seu quiete, auxilio querant locum, ne quid meam vobiscum pacem distineat.* Distis facta amicia adjecit: obsidum quod reliquum erat, reddidit. agrum Vejentem, foedere ad Janiculum isto ademptum, restituit. Tarquinius, spe omni reditus incisa, exsulatum ad generum Mamilium Octavium Tusculum abiit. Romanis pax fida ita cum Porfena fuit.

XVI. Consules M. Valerius, P. Postumius. Eo anno bene pugnatum cum Sabinis. consules triumpharunt. Majore inde mole Sabini bellum parabant. adversus eos, & ne quid simul ab Tusculo (unde, etsi non apertum, suspectum tamen bellum erat,) repentini periculi eriretur, P. Valerius quartum, T. Lucretius iterum con-

consules facti. Seditio, inter belli pacisque auctores orta in Sabinis, aliquantum inde virium transtulit ad Romanos. namque Attus Clausus, cui postea Ap. Claudio fuit Romæ nomen, cum pacis ipse auctor à turbatoribus belli premeretur, nec par factioni esset, ab Regillo, magnâ clientium comitatus manu, Romam transfugit. His civitas data agerque trans Amienem. vetus Claudia tribus, additis postea novis tribulibus, qui ex eo venirent agro, appellata. Appius, inter Patres lectus, haud ita multò post in principum dignationem pervenit. Consules, infesto exercitu in agrum Sabinum profecti, quum ita vastatione, dein prælio, afflaxissent opes hostium, ut diu nihil inde rebellionis timere possent, triumphantes Romam redierunt. P. Valerius, omnium consensu princeps belli pacisque artibus, anno post, Agrippa Menenio, P. Postumio Consulibus, moritur, gloriâ ingenti, copiis familiaribus adeò exiguis, ut funeri sumptus deesset: de publico est elatus. Luxuræ matrônæ, ut Brutæ. Eodem anno duæ colonie Latine, Pomeria & Cora, ad Auruncos deficiunt. cum Auruncis bellum initum: fusoque ingenti exercitu, qui se ingredientibus fines consulibus ferociter obtulerat, omne Auruncum bellum Pometiam compulsum est. Nec magis post prælium, quàm in prælio, cædibus temperatum est. & cæsi aliquanto plures erant, quàm capti; & captos passim trucidaverunt. ne ab obsidibus quidem, qui trecenti accepti número erant, iram belli hostis abstinuit. Et hoc anno Romæ triumphatum.

XVII. Secuti consules, Opiter Virginus & Sp. Cassius, Pometiam primò vi, deinde vineis aliisque operibus, oppugnaverunt. in quos Aurunci, magis jam inexpiabili odio, quàm spe aliquâ aut occasione, coorti, quum plures igni, quàm ferro, armati excucurrissent, cæde incendioque cuncta complent. vineis incensis, multis hostium vulneratis & occisis, consulum quoque alterum, (sed utrum, nomen auctores non adjiciunt)

gravi

gravī vulnere ex equo dejectum, prope interfecerunt. Romam inde, malè gestā re, reditum. inter multos faucios consul spe incertā vitæ relictus. Interjecto deinde haud magno spatio, quod vulneribus curandis suppleendoque exercitui. satis esset; tum irā majore belli, tum viribus etiam auctis, Pometiæ arma illata. & quum, vincis reffectis aliâque molè belli, jam in eo esset, ut in muros evaderet miles, deditio est facta. ceterum nihilo minus fœdè, deditā urbe, quàm si capta foret, Aurunci passim principes securi percussī, sub corona venerunt: coloni alii; oppidum dirutum, ager venit. Consules, magis ob iras graviter ultas, quàm ob magnitudinem perfecti belli, triumpharunt.

XVIII. Insequens annus Postumum Cominium & T. Lartium consules habuit. Eo anno Romæ, quum per ludos ab Sabinorum jūventute per lasciviam scōrta raperentur, concursu hominum rixa ac prope prælium fuit; parvaque ex re ad rebellionem spectare res videbatur. Supra belli Latini metum id quoque accesserat, quod triginta jam conjurasse populos, concitante Octavio Mamilio, satis constabat. In hac tantarum exspectatione rerum sollicitā civitate, dictatoris primum creandi mentio orta. sed nec quo anno, nec quibus consulibus; quia ex factione Tarquinia essent, (id quoque enim traditur) parum creditum sit, nec quis primum dictator creatus sit, satis constat. apud veterrimos tamen auctores T. Lartium dictatorem primum, Sp. Cassium magistrum equitum, creatos invenio. Consulares legere: ita lex jubebat, de dictatore creando lata. Eo magis adducor, ut credam, Lartium, qui consularis erat, potius, quàm M. Valerium, M. filium, Volsci nepotem, qui nondum consul fuerat, moderatorem & magistrum consulibus appositum. qui, si maximè ex ea familia legi dictatorem vellent, patrem multò potius M. Valerium, spectatæ virtutis & consularem virum, legissent. Creato dictatore primum Romæ, postquam  
præ-

præferri secures viderunt, magnus plebem metus incessit, ut intentiores essent ad dicto parendum. neque enim, ut in consulibus, qui pari potestate essent, alterius auxilium, neque provocatio erat; neque ullum usquam, nisi in cura parendi, auxilium. Sabinis etiam creatus Romæ dictator (eò magis quòd propter se creatum crediderant) metum incussit. itaque legatos de pace mittunt. quibus, orantibus dictatorem senatumque, ut veniam erroris hominibus adolescentibus darent, responsum; *ignosci adolescentibus posse, senibus non posse, quæ bella ex bellis fererent.* actum tamen est de pace: impetrataque foret, si, quod impensæ factum in bellum erat, præstare Sabini (id enim postulatum erat) in animum induxissent. Bellum indictum. tacitæ induciæ quietum annum tenuere.

XIX. Consules Scr. Sulpicius, M. Tullius. nihil dignum memoriâ actum. T. Æbutius deinde & C. Vetusius. His consulibus Fidenæ obsessæ, Crustumeria capta, Præneste ab Latinis ad Romanos descivit. nec ultra bellum Latinum, gliscens jam per aliquot annos, dilatum. A. Postumius dictator, T. Æbutius magister equitum, magnis copiis peditum equitumque profecti, ad lacum Regillum in agro Tusculano agmini hostium occurrerunt. &, quia Tarquinius esse in exercitu Latinorum auditum est, sustineri ira non potuit, quin exemplo configerent. Ergo etiam prælium aliquanto, quàm cetera, gravius atque atrocius fuit. non enim duces ad regendam modò consilio rem affuere, sed, suismet ipsis corporibus dimicantes, miscuere certamina. nec quisquam procerum ferme hac aut illa ex acie sine vulnere, præter dictatorem Romanum, excessit. In Postumium, prima in acie suos adhortantem instruentemque, Tarquinius Superbus, quanquam jam ætate & viribus erat gravior, equum infestus admisit: ictusque ab latere, concursu suorum receptus in tutum est. Et ad alterum cornu Æbutius magister equitum in Octavium Mamili-

um.

um impetum dederat. nec fefellit veniens Tullulanum ducem; contra quem & ille concitat equum. tantaque vis infestis venientium hastis fuit, ut brachium Æbutio trajectum sit, Mamilio pectus percussum. Hunc quidem in secundam aciem Latini recepere. Æbutius, quum saucio brachio tenere telum non posset, pugna excessit. Latinus dux, nihil deterritus vulnere, praelium ciet; & quia suos percussos videbat, arcessit cohortem exsulum Romanorum, cui L. Tarquinii filius præerat. ea, quod maiore pugnabat ira ob erepta bona patriamque ademptam, pugnam parumper restituit.

XX. Referentibus jam pedem ab ea parte Romanis, M. Valerius, Publicolæ frater, conspicatus ferocem juvenem Tarquinium, ostentantem se in prima exsulum acie, domesticâ etiâ gloriâ accensus, ut, cujus familiaris decus eiectiones reges erant, ejusdem interfecti forent, subdit calcaria equo, & Tarquinium infesto spiculo petit. Tarquinius retrò in agmen suorum insenso cessit hosti. Valerium, temere investum in exsulum aciem, ex transverso quidam adortus transfigit: nec quicquam equitis vulnere equo retardato, moribundus Romanus, labentibus super corpus armis, ad terram defluxit. Dictator Postumius, postquam eiecisset talem virum, exsules ferociter citato agmine invehit, suos percussos cedere animadvertit; cohorti suæ, quam delectam manuum præsidii causâ circa se habebat, dat signum, ut, quem suorum fugientem viderint, pro hoste habeant. ita metu ancipiti versi à fuga Romani in hostem, & restituta acies. Cohors dictatoris tum primum praelium iniit. integris corporibus animisque fessos adorti exsules cædunt. Ibi alia inter procures coorta pugna. Imperator Latinus, ubi cohortem exsulum à dictatore Romano prope circumventam vidit, ex subsidiariis manipulos aliquot in primam aciem secum rapit. hos agmine venientes T. Herminius legatus conspicatus, interque eos insignem veste armisque Mamilium noscens, tantò,



tantò vi majore, quàm paulò antè magister equitum, cum hostium duce prœlium iniit, ut & uno ictu transfixum per latus occiderit Mamilium, & ipse inter spoliandum corpus hostis veruto percussus, quum victor in castra esset relatus, inter primam curationem exspiraverit. Tum ad equites dictator advolat, obtestans, ut, fesso jam pedite, descendant ex equis, & pugnam capeffant. Dicto parvere: desiliunt ex equis, provolant in primum, & pro antesignanis parmas objiciunt. Recipit extemplo animum pedestris acies, postquam juventutis procures æquato genere pugnae secum partem periculi sustinentes vidit. Tum demum impulsæ Latini, percussaque inclinavit acies. Equiti admoti equi, ut persequi hostem posset. secuta & pedestris acies. Ibi, nihil nec divinæ nec humanæ opis dictator prætermittens, ædem Castori vovisse fertur: ac pronunciâsse militi præmia, qui primus, qui secundus, castra hostium intrasset. tantusque ardor fuit, ut eodem impetu, quò fuderant hostem, Romani castra caperent. Hoc modo ad lacum Regillum pugnatum est. Dictator & magister equitum triumphantes in urbem rediere.

XXI. Triennio deinde nec certa pax, nec bellum fuit. Consules Q. Clœlius & T. Lartius. Inde A. Sempromius & M. Minutius. his consulibus ædes Saturno dedicata: Saturnalia institutus festus dies. A. deinde Postumius & T. Virginus consules facti. Hoc demum anno ad Regillum lacum pugnatum, apud quosdam invenio; A. Postumium, quia collega dubiæ fidei fuerit, se consulatu abdicasse; dictatorem inde factum. Tanti errores implicant temporum, aliter apud alios ordinatis magistratibus, ut, nec qui consules secundum quosdam, nec quid quoque anno actum sit, in tanta vetustate, non rerum modò, sed etiam auctorum, digerere possis. Ap. Claudius deinde & P. Servilius consules facti. Insignis hic annus est nunciò Tarquinii mortis. Mortuus est Cumis, quò se, post fractas opes Latinorum,  
ad

ad Aristodemum tyrannum contulerat. Eo nuncio erecti Patres, erecta plebes. sed Patribus nimis luxuriosa ea fuit lætitia: plebi, cui ad eam diem summâ ope inservitum erat, injuriæ à primoribus fieri cœpere. Eodem anno Signia colonia, quam rex Tarquinius deduxerat, suppleto numero colonorum, iterum deducta est. Romæ tribus una & viginti factæ. Ædes Mercurii dedicata est Idibus Maiis.

XXII. Cum Volscorum gente Latino bello neque pax, neque bellum fuerat. nam & Volsci comparaverant auxilia, quæ mitterent Latinis, ni maturatum ab dictatore Romano esset; & maturavit Romanus, ne proelio uno cum Latino Volcoque contenderet. Hæc irâ consules in Volscum agrum legiones duxere. Volscos, consilii pernam non metuentes, necopinata res perculit. Armorum immemores obsides dant trecentos principum à Cora atque Pometia liberos. ita sine certamine inde abductæ legiones. Nec ita multò post Volscis levatis metu suum rediit ingenium: rursus occultum parant bellum, Hernicis in societatem armorum assumptis. Legatos quoque ad sollicitandum Latium passim dimittunt. Sed recens ad Regillum lacum accepta clades Latinos irâ odioque ejus, quicumque arma suaderet, ne ab legatis quidem violandis abstinuit. Comprehensos Volscos Romam duxere. Ibi traditi consulibus. indicatumque est, Volscos Hernicosque parare bellum Romanis. Relatâ re ad senatum, adeò fuit gratum Patribus, ut & captivorum sex milia Latinis remitterent, & de fœdere, quod prope in perpetuum negatum fuerat, rem ad novos magistratus rejicerent. Enimvero tum Latini gaudere factio, pacis auctores in ingenti gloria esse. Coronam auream Jovi donum in Capitolium mittunt. cum legatis donoque, qui captivorum remissi ad suos fuerant, magna circumfusa multitudo venit. Pergunt domos eorum, apud quem quisque servierant: gratias agunt, liberaliter habiti cultique in.

in calamitate sua: inde hospitia jungunt. Nunquam aliàs antè publicè privatimque Latinum nomen Romano imperio conjunctius fuit.

XXIII. Sed & bellum Volsicum imminebat, & civitas, secum ipsa discors, intestino inter Patres plebemque flagrabat odio, maximè propter nexos ob æs alienum. Fremebant, *se, foris pro libertate & imperio dimicantes, domi à civibus captos & oppressos esse; tutioremque in bello, quàm in pace, inter hostes, quàm inter cives, libertatem plebis esse.* invidiamque eam, suà sponte gliscentem, insignis unius calamitas accendit. Magno natu quidam cum omnium malorum suorum insignibus se in forum projecit. obsita erat squalore vestis, fœdior corporis habitus pallore ac macie perempti. Ad hoc, promissa barba & capilli efferaverant speciem oris. Noscitabatur tamen in tanta deformitate, & ordines duxisse aiebant, aliaque militiæ decora vulgò, miserantes eum, jactabant. ipse, testes honestarum aliquot locis pugnarum, cicatrices adverso pectore ostentabat. Sciscitantibus *unde ille habitus? unde deformitas?* quum circumfusa turba esset prope in concionis modum, Sabino bello, ait, *se militantem, quia propter populationes agri non fructu modò caruerit, sed villa incensa fuerit, direpta omnia, pecora abacta, tributum iniquo suo tempore imperatum, æs alienum fecisse: id, cumulatam usuris, primò se agro paterno avitoque exmisisse, deinde fortunis aliis: postremò, velut tabem, pervenisse ad corpus. Ductum se ab creditore, non in servitium, sed in ergastulum & carnificinam esse.* Inde ostentare tergum fœdum recentibus vestigiis verberum. Ad hæc visa auditaque clamor ingens oritur. Non jam foro se tumultus continet, sed passim totam urbem pervadit. Nexi vincti solutique se undique in publicum proripiunt, implorant Quiritium fidem. Nullo loco deest seditionis voluntarius comes. multis passim agminibus per omnes vias cum clamore in forum curritur. Magno cum periculo suo, qui forte Patrum in foro erant, in eam tur-

bata

dam inciderunt. nec temperatum manibus foret: ni prope consules, P. Servilius & Ap. Claudius, ad comprimendam seditionem intervenissent. In eos multitudo versa, ostentare vincula sua deformitatemque aliam. Hæc se meritos dicere, exprobrantes suam quisque alius alibi militiam. Postulare multò minaciter magis, quàm suppliciter, ut senatum vocarent: curiamque ipsi, futuri arbitri moderatoresque publici consilii, circumstant. Pauci admodum Patrum, quos casus obtulerat, contracti ad consules: ceteros metus non curià modò, sed etiam foro arcebat. nec agi quicquam per infrequentiam poterat senatùs. Tum verò eludi atque extrahi se multitudo putare; &, Patrum qui abessent, non casu, non metu, sed impediendæ rei causâ abesse, & consules ipsos tergiversari; nec dubiè ludibrio esse miseras suas. Jam prope erat, ut ne consulum quidem majestas coërceret iras hominum. quum, incerti, morando, an veniendo, plus periculi contraherent, tandem in senatum veniunt: frequentique tandem curià, non modò inter Patres, sed ne inter consules quidem ipsos, satis conveniebat. Appius, vehementis ingenii vir, imperio consulari rem agendam censebat: uno aut altero arrepto, quieturos alios. Servilius, lenibus remediis aptior, concitatos animos flecti, quàm frangi, putabat quum tutius, tum facilius, esse.

XXIV. Inter hæc major alius terror. Latini equites cum tumultuoso advolant nuncio: *Volcos infesto exercitu ad urbem oppugnandam venire.* quæ audita (adeò duas ex una civitate discordia fecerat) longè aliter Patres ac plebem affecere. Exultare gaudio plebes; ultores *superbiæ Patrum adesse* dicere Deos. alius alium confirmare, ne nomina darent: cum omnibus potiùs, quàm solos, perituros. Patres militarent, Patres arma caperent, ut penes eosdem pericula belli, penes quos præmia, essent. At verò curia, mœsta ac trepida ancipiti metu & ab cive & ab hoste, Servilium

viliū consulem, cui ingenium magis populare erat, orare, ut tantis circumventam terroribus expediret rempublicam. Tum consul, misso senatu, in concionem prodit. Ibi, curā esse Patribus, ostendit, ut consuleretur plebi. ceterū deliberationi de maxima quidem illa, sed tamen parte civitatis, metum pro universa republica intervenisse. nec posse, quum hostes prope ad portas essent, bello prævertisse quicquam: nec, si sit laxamenti aliquid, aut plebi honestum esse, nisi mercede prius acceptā, arma pro patria non cepisse; neque Patribus satis decorum, per metum potius, quā postmodo voluntate, afflictis civium suorum fortunis consuluisse. Concioni deinde edicto addidit fidem, quo edixit, Ne quis civem Romanum victum aut clausum teneret, quò minus ei nominis edendi apud consules potestas fieret. Ne quis militis, donec in castris esset, bona possideret, aut venderet: liberos nepotesve ejus moraretur. Hoc proposito edicto, & qui aderant, nexi profiteri extemplo nomina; & undique ex tota urbe proripientium se ex privato, quum retinendi jus creditori non esset, concursus in forum, ut sacramento dicerent, fieri. Magna ea manus fuit; neque aliorum magis in Volscis bello virtus atque opera enituit. Consul copias contra hostem educit. parvo dirimente intervallo castra ponit.

XXV. Proximā inde nocte Volsci, discordiā Romanā freti, si qua nocturna transitio proditiove fieri possit, tentant castra. Sensere vigiles: excitatus exercitus, signo dato: concursus est ad arma. Ita frustra id inceptum Volscis fuit. reliquum noctis utrinque quieti datum. Postero die primā luce Volsci, fossis repletis, vallum invadunt. Jamque ab omni parte munimenta vellebantur, quum consul, quanquam cuncti undique, & nexi ante omnes, ut signum daret, clamabant, experiendi animos militum causā parumper moratus, postquam satis apparebat ingens ardor, dato tandem ad erumpendum signo, militem avidum certaminis emittit.

Primo

Primo statim incurſu pulſi hoſtes: fugientibus, quoad inſequi pedes potuit, terga caſa: eques uſque ad caſtra pavidos egit. mox ipſa caſtra, legionibus circumdatiſ, quum Volſcos inde etiam pavor expulſiſſet, capta direptaque. Poſtero die ad Sueſſam Pomectiam, quò conſugerant hoſtes, legionibus ductiſ, intra paucos dies oppidum capitur: captum prædæ datum. inde paulum recreatus egens miles. Conſul cum maxima gloria ſua victorem exercitum Romam reducit. decedentem Romanam Ecetranorum Volſcorum legati, rebus ſuis timentes poſt Pomectiam captam, adeunt. Hiſ ex ſenatusconſulto data pax, ager ademptus.

XXVI. Conſeſſim & Sabini Romanos territavere: tumultus enim fuit veriùs, quàm bellum. Noſte in urbe nunciatum eſt, exercitum Sabium prædabundum ad Anienem amnem perveniſſe. ibi paſſim diripi atque incendi villas. Miſſus extemplo eò cum omnibus copiis equitum A. Poſtumiſ, qui diſtator bello Latino fuerat. ſecutus conſul Servilius cum delecta peditum manu. Pteroſque palantes eques circumvenit. nec adveniēti peditum agmini reſiſtit Sabina legio. Feſſi, tum itinere, tum populatione nocturnâ, magna pars in villis repleti cibo vinoque, vix fugæ quod ſatis eſſet vñrium habuere. Noſte unâ audito perfectoque bello Sabino, poſtero die, in magna jam ſpe undique partæ pacis, legati Aurunci ſenatum adeunt, ni decedatur Volſco agro, bellum indicentes. Cum legatiſ ſimul exercitus Auruncorum domo proſectus erat. cujuſ fama, haud procul jam ab Aricia viſi, tanto tumultu concivit Romanos, ut nec conſuli ordine Patres, nec pacatum reſponſum arma inferentibus arma ipſi capientes dare poſſent. Ariciam infeſto agmine itur: nec procul inde cum Auruncis ſigna collata, proelioque uno debellatum eſt.

XXVII. Fuſiſ Auruncis, victor tot intra paucos dies bellis Romanus promiſſa conſulis fidemque ſenatus exſpe-

viliū consulem, cui ingenium magis populare erat, orare, ut tantis circumventam terroribus expediret rempublicam. Tum consul, misso senatu, in concionem prodit. Ibi, curā esse Patribus, ostendit, ut consulatur plebi. ceterū deliberationi de maxima quidem illa, sed tamen parte civitatis, metum pro universa republica intervenisse. nec posse, quum hostes prope ad portas essent, bello praevertisse quicquam: nec, si sit laxamenti aliquid, aut plebi honestum esse, nisi mercede prius acceptā, arma pro patria non cepisse; neque Patribus satis decorum, per metum potius, quā postmodo voluntate, afflictis civium suorum fortunis consuluisse. Concioni deinde edicto addidit fidem, quo edixit, Ne quis civem Romanum vinctum aut clausum teneret, quō minus ei nominis edendi apud consules potestas fieret. Ne quis militis, donec in castris esset, bona possideret, aut venderet: liberos nepotesve ejus moraretur. Hoc proposito edicto, & qui aderant, nexi profiteri extemplo nomina; & undique ex tota urbe proripientium se ex privato, quum retinendi jus creditori non esset, concursus in forum, ut sacramento dicerent, fieri. Magna ea manus fuit; neque aliorum magis in Volscis bello virtus atque opera enituit. Consul copias contra hostem educit. parvo dirimente intervallo castra ponit.

XXV. Proximā inde nocte Volsci, discordiā Romanā freti, si qua nocturna transitio proditiove fieri possit, tentant castra. Sensere vigiles: excitatus exercitus, signo dato: concursus est ad arma. Ita frustra id inceptum Volscis fuit. reliquum noctis utrinque quieti datum. Postero die primā luce Volsci, fossis repletis, vallum invadunt. Jamque ab omni parte munimenta vellebantur, quum consul, quāquam cuncti undique, & nexi ante omnes, ut signum daret, clamabant, experiendū animos militum causā parumper moratus, postquam satis apparebat ingens ardor, dato tandem ad erumpendum signo, militem avidum certaminis emittit.

Primo

Primo statim incurſu pulſi hoſtes: fugientibus, quoad inſequi pedes potuit, terga caſa: eques uſque ad caſtra pavidos egit. mox ipſa caſtra, legionibus circumdatis, quum Volſcos inde etiam pavor expuliſſet, capta direptaque. Poſtero die ad Sueſſam Pometiam, quò confugerant hoſtes, legionibus ductis, intra paucos dies oppidum capitur: captum prædæ datum. inde paulum recreatus egens miles. Conſul cum maxima gloria ſua victorem exercitum Romam reducit. decedentem Romanam Ecetranorum Volſcorum legati, rebus ſuis timentes poſt Pometiam captam, adeunt. His ex ſenatusconſulto data pax, ager ademptus.

XXVI. Conſectim & Sabini Romanos territavere: tumultus enim fuit veriùs, quàm bellum. Noſte in urbe nunciatum eſt, exercitum Sabium prædabundum ad Anienem amnem perveniſſe. ibi paſſim diripi atque incendi villas. Miſſus extemplo eò cum omnibus copiis equitum A. Poſtumiſ, qui dictator bello Latino fuerat. ſecutus conſul Servilius cum delecta peditum manu. Plerosque palantes eques circumvenit. nec adveniienti peditum agmini reſiſtit Sabina legio. Feſſi, tum itinere, tum populatione nocturnâ, magna pars in villis repleti cibo vinoque, vix fugæ quod ſatis eſſet varium habuere. Noſte unâ audito perfectoque bello Sabino, poſtero die, in magna jam ſpe undique partæ pacis, legati Aurunci ſenatum adeunt, ni decedatur Volſco agro, bellum indicentes. Cum legatis ſimul exercitus Auruncorum domo proſectus erat. cujus fama, haud procul jam ab Aricia viſi, tanto tumultu conceivit Romanos, ut nec conſuli ordine Patres, nec pacatum reſponſum arma inferentibus arma ipſi capientes dare poſſent. Ariciam infeſto agmine itur: nec procul inde cum Auruncis ſigna collata, prælioque uno debellatum eſt.

XXVII. Fuſis Auruncis, victor tot intra paucos dies bellis Romanus præmiſſa conſulis ſidemque ſenatus exſpe-



ſpectabat : quum Appius, & inſitâ ſuperbiâ animo, & ut collegæ vanam faceret fidem, quàm aſperrimè poterat, jus de creditis pecuniis dicere. deinceps &, qui antè nexi fuerant, creditoribus tradebantur, & neſcebantur alii. Quod ubi cui militi inciderat, collegam appellabat : concurſus ad Servilium fiebat, illius promiſſa jaſtabant, illi exprobrabant ſua quiſque belli merita cicatriceſque acceptas. poſtulabant, ut aut referret ad ſenatum, aut ut auxilio eſſet conſul civibus ſuis, imperator militibus. Movebant conſulem hæc ; ſed tergiverſari res cogebat. adeò in alteram cauſam non collega ſolùm præceps ierat, ſed omnis factio nobilium. ita, medium ſe gerendo, nec plebis vitavit odium, nec apud Patres gratiam iniit. Patres mollem conſulem & ambitioſum rati ; plebes fallacem. brevisque apparuit, æquâſſe eum Appii odium. Certamen conſulibus inciderat, uter dedicaret Mercurii ædem. Senatus à ſe rem ad populum rejecit : utri eorum dedicatio juffu populi data eſſet, eum præſſe annonæ, mercatorum collegium inſtituere, ſolennia pro pontifice juffit ſuſcipere. Populus dedicationem ædis dat M. Lætorio, primi pili centurioni : quod facile appareret, non tam ad honorem ejus, cui curatio altior faſtigio ſuo data eſſet, factum, quàm ad conſulum ignominiam. Sævire inde utique conſulum alter, Patreſque. ſed plebi creverant animi ; & longè aliâ, quàm primò inſtituerant, viâ graſſabantur. Deſperatò enim conſulum ſenatùſque auxilio, quum in jus duci debitorem vidiffent, undique convolabant. neque decretum exaudiri conſulis præ ſtrepitu & clamore poterat : neque, quum decreſſet, quiſquam obtemperabat. Vi agebatur, metusque omnis & periculum libertatis, quum in conſpectu conſulis ſinguli à pluribus violarentur, in creditores à debitoribus verterant. Super hæc timor inceſſit Sabini belli ; deſectuque decreto, nemo nomen dedit, furente Appio, & inſeſtante ambitionem collegæ ; qui populari ſilentio rempublicam proderet,

&

& ad id, quodd de credita pecunia jus non dixisset, adjiceret, ut ne delectum quidem ex senatusconsulto haberet. *non esse tamen desertam omnino rempublicam, neque projectum consulare imperium. Se unum & sua & Patrum majestatis vindicem fore.* Quum circumstaret quotidiana multitudo licentiâ accensa, arripi unum insignem duccem seditionum jussit. Ille, quum à liſtoribus jam traheretur, provocavit: nec cessisset provocationi consul, quia non dubium erat populi judicium, nisi ægrè victa pertinacia foret, consiliò magis & auctoritate principum, quàm populi clamore. adeò supererant animi ad sustinendam invidiam. Crescere inde malum in dies, non clamoribus modò apertis, sed, quod multò perniciosius erat, secessione occultisque colloquiis. Tandem invisi plebi consules magistratu abeunt, Servilius neutris, Appius Patribus mirè gratus.

XXVIII. A. Virginius inde & T. Vetusius consulum incunt. Tum verò plebes, incerta quales habitura consules esset, cœtus nocturnos, pars Esquilii, pars in Aventino, facere; ne in foro subitis trepidaret consiliis, & omnia temerè ac fortuitò ageret. Eam rem consules rati, ut erat, perniciosam, ad Patres deferunt: sed delatam consulerè ordine non licuit. adeò tumultuosè excepta est clamoribus undique & indignatione Patrum, si, quod imperio consulari exsequendum esset, invidiam ejus consules ad senatum rejicerent. *Profectò si essent in republica magistratus, nullum futurum fuisse Romæ, nisi publicum, concilium. Nunc in mille curias concionesque (quum alia in Esquilii, alia in Aventino fiant concilia) dispersam & dissipatam esse rempublicam. Unum, Hercule, virum, (id enim plus esse, quàm consulem) qualis Ap. Claudius fuerit, momento temporis dicissurum illos cœtus fuisse.* Correpti consules quum, quid ergo se facere vellent, (nihil enim segnius molliusve, quàm Patribus placeat, acturos) percunctarentur, decernunt, ut delectum quàm acerrimum habeoant. otio lascivire plebem. Dimisso senatu, consules

in tribunal ascendunt. citant nominatim juniores, Quum ad nomen nemo responderet, circumfusa multitudo in concionis modum negare, *Ultrà decipi plebem posse. Nunquam unum militem habituros, ni præstaretur fides publica. libertatem unicuique prius reddendam esse, quàm arma danda: ut pro patria civibusque, non pro dominis, pugnent.* Consules, quid mandatum esset à senatu, videbant: sed eorum, qui intra parietes curiæ ferociter loquerentur, neminem adesse, invidiæ suæ participem: & apparebat atrox cum plebe certamen. Prius itaque, quàm ultima experirentur, senatum iterum consulere placuit. tum verò ad sellas consulum propè convolvere minimus quisque natus Patrum, abdicare consulatum jubentes, & deponere imperium, ad quod tuendum animus deesset.

XXIX. Utrâque re satis expertà, tum demum consules: *Ne prædictum negetis, Patres conscripti, adest ingens seditio. Postulamus, ut ii, qui maximè ignaviam increpant, adsint nobis habentibus delectum. Acerrimi cujusque arbitrio, quando ita placet, rem agemus.* Redeunt in tribunal; citari nominatim unum ex iis, qui in conspectu erant, dedità operà jubent. Quum staret tacitus, & circa eum aliquot hominum, ne fortè violaretur, constitisset globus, listorem ad eum consules mittunt. quo repulso, tum verò, *indignum facinus esse*, clamitantes, qui Patrum consulibus aderant, devolant de tribunali, ut listori auxilio essent. Sed ab listore, nihil aliud quàmprehendere prohibito, quum conversus in Patres impetus esset, consulum intercurso rixa sedata est: in qua tamen, sine lapide, sine telo, plus clamoris atque irarum, quàm injuriæ, fuerat. Senatus, tumultuosè vocatus, tumultuosius consulitur, quæstionem postulanti-bus iis, qui pulsati fuerant, decernente ferocissimo quoque, non sententiis magis, quàm clamore & strepitu. Tandem, quum iræ resedissent, exprobrantibus consulibus, *nihilò plus sanitatis in curia, quàm in foro, esse,*  
ordi-

ordine consuli cœpit. Tres fuere sententiæ. P. Virginius rem non vulgabat: *de iis tantum, qui, fidem secuti P. Servilii consulis, Volco, Aurunco, Sabinoque militassent bello, agendum censebat.* T. Lartius, *Non id tempus esse, ut merita tantummodo exsolverentur. totam plebem ære alieno demersam esse: nec sisti posse, ni omnibus consulatur. quin, si alia aliorum sit conditio, accendi magis discordiam, quàm sedari.* Ap. Claudius, & naturâ immitis, & efferatus hinc plebis odio, illinc Patrum laudibus, *Non miseris, ait, sed licentiâ, tantum concitum turbatum; & lascivire magis plebem, quàm savire.* Id aded malum ex provocatione natum. quippe minas esse consulum, non imperium; ubi ad eos, qui unâ peccaverint, provocare liceat. *Agedum, inquit, dictatorem, à quo provocatio non est, creemus.* Jam hic, quo nunc omnia ardent, conticescet furor. *Pulset tum mihi listorem, qui sciet, jus de tergo vitæque sua penes unum illum esse, cujus majestatem violavit.*

XXX. Multis, ut erat, horrida & atrox videbatur Appii sententia: rursus Virginii Lartiique exemplo haud salubres; utique Lartii putabant sententiam, quæ totam fidem tolleret. medium maximè & moderatum utroque consilium Virginii habebatur. Sed factione respectuque rerum privatarum, quæ semper offecere officientque publicis consiliis, Appius vicit: ac prope fuit, ut dictator ille idem crearetur. quæ res utique alienasset plebem periculosissimo tempore, quum Volsci Æquique & Sabini fortè unâ omnes in armis essent. Sed curæ fuit consulibus & senioribus Patrum, ut imperium, suo vehemens, mansueto permetteretur ingenio. M. Valerium dictatorem Volsci filium creant. Plebes, etsi adversus se creatum dictatorem videbat, tamen, quum provocationem fratris lege haberet, nihil ex ea familia triste nec superbum timebat. Edictum deinde, à dictatore propositum, confirmavit animos, Servilii fere consulis edicto conveniens. sed & homini & potestati melius rati credi, omisso certamine nomina dede-

re. Quantus nunquam antè exercitus, legiones decem effectæ: ternæ inde datæ consulibus, quatuor dictator usus. Nec poterat jam bellum differri. Æqui Latinum agrum invaserant. oratores Latinorum à senatu petebant, ut aut mitterent subsidium, aut se ipsos tuendorum finium causà capere arma sinerent. Tutius visum est, defendi inermes Latinos, quàm pati retractare arma. Vetustius consul missus est. is finis populationibus fuit. Cessere Æqui campis: locoque magis, quàm armis, freti, summis se jugis montium tütabantur. Alter consul, in Volscos profectus, ne & ipse tereret tempus, vastandis maximè agris hostem ad conferenda propius castra dimicandumque acie excivit. Medio inter castra campo, ante suum quisque vallum, infestis signis consistere. multitudo aliquantum Volsci superabant. Itaque effusi & contemptim pugnam iniere. Consul Romanus nec promovit aciem, nec clamorem reddi passus, defixis pilis stare suos jussit: ubi ad manum venisset hostis, tum coortos totà vi gladiis rem gerere. Volsci, cursu & clamore fessi, quum se velut stupentibus metu intulissent Romanis, postquam impressionem sentire ex adverso factam, & ante oculos micare gladios, haud secus, quàm si in insidias incidissent, turbati vertunt terga; & ne ad fugam quidem satis virium fuit, quia cursu in prælium ierant. Romani contrà, quia principio pugnae quieti steterant, vigentes corporibus, faciliè adepti fessos, & castra impetu ceperunt, & castris exutum hostem Velitras persecuti, uno agmine victores cum victis in urbem irrupere. plusque ibi sanguinis, promiscuà omnium generum cæde, quàm in ipsa dimicatione, factum. paucis data venia, qui inermes in deditionem venerunt.

XXXI. Dum hæc in Volscis geruntur, dictator Sabinos, ubi longè plurimum belli fuerat, fundit, fugatque, exuitque castris. Equitatu immisso mediam turbaverat hostium aciem, quâ, dum se cornua latius pandunt,

dunt, parum aptè introrsum ordinibus aciem firmaverant. turbatos pedes invasit. eodem impetu castra capta, debellatumque est: Post pugnam ad Regillum lacum non alia illis annis pugna clarius fuit. dictator triumphans urbem invehitur. Super solitos honores locus in circo ipsi posterisque ad spectaculum datus; sella in eo loco curulis posita. Volscis devictis Veliternus ager adeptus: Velitras coloni ab urbe missi & colonia deducta. Cum Æquis post aliquanto pugnatum est, invito quidem consule, quia loco iniquo subeundum erat ad hostes: sed milites, extrahi rem criminantes, ut dictator, priusquam ipsi redirent in urbem, magistratu abiret, irritaque, sicut antè consulis, promissa ejus caderent, perpulere, ut fortè temere in adversos montes agmen erigèret. Id malè commissum ignaviâ hostium in bonum vertit: qui, priusquam ad conjectum teli veniretur, obstupescit audaciâ Romanorum, relictis castris, quæ munitissimis tenuerant locis, in adversas valles defluere: ubi satis prædæ & victoria incruenta fuit. Ita trifariam re bello bene gestâ, de domesticarum rerum eventu nec Patribus nec plebi cura decesserat. tantâ quum gratiâ, tum arte præparaverant fœneratores, quæ non modò plebem, sed ipsum etiam dictatorem frustrarentur. Namque Valerius, post Vetulsi consulis reditum, omnium actionum in senatu primam habuit pro victore populo, retulitque, quid nexis fieri placeret, quæ quum rejecta relatio esset, *Non placeo*, inquit, *concordiæ auctor. optabitis, me Dius Fidius, prope diem, ut mei similes Romana plebes patronos habeat. Quod ad me attinet, neque frustrabor ultra cives meos, neque ipse frustra dictator ero. Discordia intestina, bellum externum fecere, ut hoc magistratu egeret respublica. Pax foris parta est, domi impeditur. privatus potius, quàm dictator, seditioni interero.* ita, curiâ egressus, dictaturâ se abdicavit. Apparuit causa plebi, suam vicem indignantem magistratu abisse. itaque, velut persolutâ fide, quoniam per eum non stetisset, quin

præstaretur, decedentem domum cum favore ac laudibus profecuti sunt.

XXXII. Timor inde Patres incessit, ne, si dimissus exercitus foret, rursus cœtus occulti conjurationesque fierent. itaque, quanquam per dictatorem delectus habitus esset, tamen, quoniam in consulum verba jurassent, sacramento teneri militem rati, per causam renovati ab Æquis belli educi ex urbe legiones jussere. quo facto maturata est seditio. Et primò agitatum dicitur de consulum cæde, ut solverentur sacramento: doctos deinde, nullam scelere religionem exsolvi, Sicinio quodam auctore, injussu consulum in Sacrum montem secessisse (trans Anienem amnem est) tria ab urbe millia passuum. ea frequentior fama est, quàm, cujus Piso auctor est, in Aventinum secessionem factam esse. Ibi sine ullo duce, vallo fossaque communitis castris, quieti, rem nullam, nisi necessariam ad victum, fumendo, per aliquot dies, neque lacessiti neque lacessentes, sese tenere. Pavor ingens in urbe, metuque mutuo suspensa erant omnia. Timere relicta ab suis plebes violentiam Patrum, timere Patres residem in urbe plebem, incerti, manere eam, an abire mallent. Quam diu autem tranquillam, quæ secesserit, multitudinem fore? quid futurum deinde, si quod externum interim bellum existat? nullam profectò, nisi in concordia civium, spem reliquam ducere. eam per æqua, per iniqua, reconciliandam civitati esse. Placuit igitur oratorem ad plebem mitti Menenium Agrippam, sacundum virum &, quod inde oriundus erat, plebi carum. Is, intromissus in castra, prisco illo dicendi & horrido modo nihil aliud, quàm hoc, narrasse fertur: *Tempore, quo in homine, non, ut nunc, omnia in unum consentiebant, sed singulis membris suum cuique consilium, suus sermo fuerat, indignatas reliquas partes, suâ curâ, suo labore ac ministerio ventri omnia queri: ventrem, in medio quietum, nihil aliud, quàm datis voluptatibus frui: conspirasse inde, ne manus ad os cibum ferrent, nec*

os acciperet datum, nec dentes conficerent: hâc irâ, dum ventrem fame domare vellent, ipsa unâ membra totumque corpus ad extremam tabem venisse. Inde apparuisse, ventris quoque baud segne ministerium esse: nec magis ali, quàm alere eum, reddentem in omnes corporis partes hunc, quo vivimus vigemusque, divisum pariter in venas maturum, confecto cibo, sanguinem. Comparando hinc, quàm intestina corporis seditio similis esset iræ plebis in Patres, flexisse mentes hominum.

XXXIII. Agi deinde de concordia cœptum, concessumque in conditiones, ut plebi sui magistratus essent sacrosancti, quibus auxilii latio adversus consules esset; neve cui Patrum capere eum magistratum liceret. Ita tribuni plebei creati duo, C. Licinius & L. Albinus. hi tres collegas sibi creaverunt. in his Sicinium fuisse, seditionis auctorem; de duobus, qui fuerint, minùs convenit. Sunt, qui duos tantùm in Sacro monte creatos tribunos esse dicant, ibique sacratam legem latam. Per secessionem plebis Sp. Cassius & Postumus Cominius consulatum inierunt. his consulibus cum Latinis populis istum fœdus. ad id feriendum consul alter Romæ mansit; alter, ad Volscum bellum missus, Antiates Volscos fundit fugatque: compulsos in oppidum Longulam persecutus, mœnibus potitur. Inde Poluscæ, item Volscorum, cepit: tum magnâ vi adortus est Coriolos. Erat tum in castris inter primores juvenum C. Marcius, adolescens & consilio & manu promptus, cui cognomen postea Coriolano fuit. Quum subito exercitum Romanum, Coriolos obsidentem, atque in oppidanos, quos intus clausos habebat, intentum sine ullo metu extrinsecus imminentis belli, Volscæ legiones, profectæ ab Antio, invasisent, eodemque tempore ex oppido erupissent hostes, fortè in statione Marcius fuit. Is, cum delecta militum manu, non modò impetum erumpentium retudit, sed per patentem portam ferocè irrupit: cædeque in proxima urbis factâ, ignem, teme-



re arreptum, imminentibus muro ædificiis injecit. Clamor inde oppidanorum, mixtus muliebri puerilique ploratu, ad terrorem, ut solet, primo ortu & Romanis auxit animum, & turbavit Volscos, utpote captâ urbe, cui ad ferendam opem venerant. Ita fusi Volsci Antiates, Corioli oppidum captum. tantumque suâ laude obstitit famæ consulis Marcius, ut, nisi fœdus cum Latinis, columnâ æneâ insculptum, monumento esset, ab Sp. Cassio uno, quia collega abfuerat, ictum, Postumum Cominium bellum gessisse cum Volscis, memoriâ cessisset. Eodem anno Agrippa Menenius meretur, vir omni vitâ pariter Patribus ac plebi carus; post secessionem carior plebi factus. Huic interpreti arbitroque concordie civium, legato Patrum ad plebem, reductori plebis Romanæ in urbem sumptus funeri defuit. extulit cum plebs sextantibus collatis in capita.

XXXIV. Consules deinde T. Geganius, P. Minucius facti. Eo anno, quum & foris quieta omnia à bello essent, & domi sanata discordia, aliud multò gravius malum civitatem invasit: caritas primùm annœ, ex incultis per secessionem plebis agris; fames deinde, qualis clausis solet. ventumque ad interitum servitiorum utique & plebis esset, ni consules providissent, dimissis passim ad frumentum cœmendum, non in Etruriam modo dextris ab Ostia littoribus, lævoque per Volscos mari usque ad Cumas, sed quæsitum in Siciliam quoque. adeò finitimorum odia longinquis cœgerant indigere auxiliis. Frumentum Cumis quum cœmptum esset, naves pro bonis Tarquiniorum, ab Aristodemo tyranno, qui hæres erat, retentæ sunt. in Volscis Pomptinoque ne emi quidem potuit: periculum quoque ab impetu hominum ipsis frumentatoribus fuit. Ex Tuscis frumentum Tiberi venit; eo sustentata est plebs. Incommodo bello in tam arctis commeatibus vexati forent, ni Volscos, jam moventes arma, pestilentia ingens invasisset. eâ clade conterritis hostium animis, ut  
etiam,

etiam, ubi ea remisisset, terrore aliquo tenerentur, & Velitris auxere numerum colonorum Romani, & Norbæ in montes novam coloniam, quæ arx in Pomptino esset, miserunt. M. Minucio deinde & A. Sempronio consulibus, magna vis frumenti ex Sicilia advecta: agitatumque in senatu, quanti plebi daretur. Multi venisse tempus premendæ plebis putabant, recuperandique jura, quæ extorta secessione ac vi Patribus essent: in primis Marcius Coriolanus, hostis tribunicie potestatis, *Si annonam, inquit, veterem volunt, jus pristinum reddant Patribus. Cur ego plebeios magistratus, cur Sicinium potentem video, sub jugum missus, tanquam à latronibus redemptus? Egone has indignitates diutius patiar, quàm necessè est? Tarquinium regem qui non tulerim, Sicinium feram? Sece-dat nunc, avocet plebem: patet via in Sacrum montem aliosque colles: rapiant frumenta ex agris nostris, quemadmodum tertio anno rapuere. Utantur annonâ, quam furore suo fecere. Audeo dicere, hoc malo domitos ipsos potius cultores agrorum fore, quàm ut armati per secessionem coli prohibeant. Haud tam facile dictum est, faciendumne fuerit, quàm potuisset arbitror fieri, ut, conditionibus laxandi annonam, & tribuniciam potestatem, & omnia invitis jura imposita Patres demerent sibi.*

XXXV. Et senatui nimis atrox visa sententia est, & plebem ira prope armavit. *Fame se jam, sicut hostes, peti; cibo victuque fraudari: peregrinum frumentum, quæ sola alimenta ex insperato fortuna dederit, ab ore rapi, nisi C. Marcio victi dedantur tribuni, nisi de tergo plebis Romana satisfiat. Eum sibi carnificem novum exortum, quæ aut mori, aut servire jubeat.* In exeuntem è curia impetus factus esset, ni peropportune tribuni diem dixissent: Ibi ira est suppressa. se judicem quisque, se dominum vitæ necisque inimici factum videbat. Contemptim primò Marcius audiebat minas tribunicias: auxilii, non pœnæ, jus datum illi potestati; plebisque, non Patrum, tribunos esse. Sed adeò infensa erat coorta plebs, ut

E 5

unius

unius poenâ defungendum esset Patribus. Restiterunt tamen adversâ invidiâ, usque sunt, quâ suis quisque, quâ totius ordinis viribus. Ac primò tentata res est, si, dispositis clientibus, absterrendo singulos à coitionibus consiliisque, disjicere rem possent. Universi deinde processere, (quicquid erat Patrum, reos dices) precibus plebem exposcentes; *unum sibi civem, unum senatorem, si innocentem absolvere nollent, pro nocente donarent.* Ipse quum die dictâ non adesset, perseveratum in ira est. Damnatus absens in Volscos exsulatum abiit, minitans patriæ, hostilesque jam tum spiritus gerens. Venientem Volsci benignè excepere; benigniùsque in dies colebant, quo major ira in suos eminebat, crebræque nunc querelæ, nunc minæ percipiebantur. Hospitio utebatur Attii Tulli. Longè is tum princeps Volsci nominis erat, Romanisque semper infestus. ita quum alterum vetus odium, alterum ira recens stimulare, consilia conferunt de Romano bello. Haud faciliè credebant, plebem suam impelli posse, ut toties infelicitè tentata arma caperent. multis sæpe bellis, pestilentia postremo amisâ juventute, fractos spiritus esse: arte agendum in exoleto jam vetustate odio, ut recenti aliquâ irâ exacerbarentur animi.

XXXVI. Ludi fortè ex instauratione magni Romæ parabantur. instaurandi hæc causa fuerat. Ludis manè servum quidam paterfamilia, nondum commissio spectaculo, sub furca cæsum medio egerat circo. cœpti inde ludi, velut ea res nihil ad religionem pertinuisset. Haud ita multò post, Ti. Atinio, de plebe homini, somnium fuit. Visus Jupiter dicere, *Sibi ludis præfultatorem displicuisse: nisi magnificè instaurarentur hi ludi, periculum urbi fore. iret, ea consulibus nunciaret.* Quanquam haud sanè liber erat religione animus, verecundia tamen majestatis magistratuum timorem vicit, ne in ora hominum pro ludibrio abiret. Magno illi ea cunctatio stetit. filium namque intra paucos dies amisit. cladis.

eladis ne causa dubia esset, ægro animi eadem illa in somnis obversata species visa est rogitare, *Satin' magnam spreti numinis haberet mercedem? majorem instare, ni eat propere, ac nunciet consulis.* Jam præsentior res erat: cunctantem tamen ac prolatantem ingens vis morbi adorta est debilitate subitâ. tum enimverò Deorum ira admonuit. fessus igitur malis præteritis instantibusque, consilio propinquorum adhibito quum visâ atque audita, & obversatum toties somno Jovem, minas irasque coelestes, representatas casibus suis, exposuisset; consensu inde haud dubio omnium, qui aderant, in forum ad consules lecticâ adfertur. inde in curiam jussu consulum delatus, eadem illa quum Patribus ingenti omnium admiratione enarrâset; ecce aliud miraculum: qui captus omnibus membris delatus in curiam esset, eum functum officio pedibus suis domum rediisse, traditum memoriæ est.

XXXVII. Ludi quàm amplissimi ut fierent, senatus decrevit. Ad eos ludos, auctore Attio Tullo, vis magna Volscorum venit. Priusquam committerentur ludi, Tullus, ut domi compositum cum Marcio fuerat, ad consules venit. dicit esse, quæ secretò agere de republica velit. Arbitris remotis, *Invitus*, inquit, *quod sequius sit, de meis civibus loquor.* Non tamen admissum quicquam ab iis criminatum venio, sed cautum, ne admittant. Nimmio plus, quàm velim, nostrorum ingenia sunt mobilia. Multis id cladibus sensimus. Quippe, qui non nostro merito, sed vestrâ patientiâ, incolumes sumus. Magna hîc nunc Volscorum multitudo est. ludi sunt. spectaculo intenta civitas erit. Memini, quid per eandem occasionem ab Sabinorum juventute in hac urbe commissum sit. horret animus, ne quid inconsultè ac temerè fiat. Hæc, nostrâ vestrâque causâ, prius dicenda vobis, consules, ratus sum. Quod ad me attinet, extemplo hinc domum abire in animo est, ne cujus facti distîve contagione præsens violer. Hæc locutus abiit. Consules quum ad Patres rem dubiam sub auctore certo detulissent, auctor magis, ut fit,

quàm res, ad præcavendum vel ex supervacuo movit. factoque senatusconsulto, ut urbem excederent Volsci, præcones dimittuntur, qui omnes eos proficisci ante noctem juberent. Ingens pavor primò discurrentes ad suas res tollendas in hospitia perculit. Proficiscentibus deinde indignatio oborta: *Se, ut consceleratos contaminatosque, ab ludis, festis diebus, cætu quodammodo hominum Deorumque, abastos esse.*

XXXVIII. Quum prope continuato agmine irent, prægressus Tullus ad caput Ferentinum, ut quisque veniret, primores eorum excipiens, quærendo indignandoque, & eos ipsos sedulò audientes secunda iræ verba, & per eos multitudinem aliam in subiectum viæ campum deduxit. Ibi in concionis modum orationem exorsus, *Veteres populi Romani injurias, cladesque gentis Volscorum, ut omnia, inquit, obliviscamini alia, hodiernam hanc contumeliam quo tandem animo fertis, quâ per nostram ignominiam ludos commisere? An non sensistis, triumphatum hodie de vobis esse? Vos omnibus, civibus, peregrinis, tot finitimis populis, spectaculo abeuntes fuisse? Vestras conjuges, vestros liberos traductos per ora hominum? Quid eos, qui audire voceem præconis? quid, qui vos videre abeuntes? quid eos, qui huic ignominioso agmini fuere obvii, existimasse putatis? nisi aliquod profectò nefas esse, quo, si intersimus spectaculo, violaturi simus ludos, piaculumque merituri: ideo nos ab sede piorum, cætu, concilioque abigi. Quâ, deinde? illud non succurrit, vivere nos, quod maturarimus proficisci? si hoc profectio, & non fuga est. Et hanc urbem vos non hostium ducitis, ubi, si unum diem morati essetis, moriendum omnibus fuit? Bellum vobis indictum est; magno eorum malo, quâ indixere, si viri estis. Ita & suâ sponte irarum pleni, & incitati, domos inde digressi sunt; instigandoque suos quisque populos effecere, ut omne Volscum nomen deficeret.*

XXXIX. Imperatores ad id bellum de omnium populorum sententia lecti Attius Tullus & C. Marcius exsul Romanus, in quo aliquanto plus spei repositum.

Quam

Quam spem nequaquam fefellit: ut facilè appareret, ducibus validiorem, quàm exercitu, rem Romanam esse. Circejos profectus, primùm colonos inde Romanos expulit, liberamque eam urbem Volscis tradidit. Inde, in Latinam viam transversis tramitibus transgressus, Satricum, Longulam, Poluscam, Coriolos, novella hæc Romanis oppida ademit. Inde Lavinium recepit: tunc deinceps Corbionem, Vitelliam, Trebiam, Lavicos, Pedum cepit. Postremum ad urbem à Peto ducit; & ad fossas Cluiliæ quinq; ab urbe millia passuum castris positis, populatur inde agrum Romanum; custodibus inter populatores missis, qui patriciorum agros intactos servarent: sive insensus plebi magis, sive ut discordia inde inter Patres plebemque oriretur. Quæ profectò orta esset, adeò tribuni jam ferocem per se plebem criminando in primores civitatis instigabant. sed externus timor, maximum concordie vinculum, quamvis suspectos insensosque inter se jungebat animos. Id modò non conveniebat; quòd senatus consuleque nusquam alibi spem, quàm in armis, ponebant: plebes omnia, quàm bellum, malebat. Sp. Nautius jam & Sex. Furius consules erant. Eos, recensentes legiones, præsidia per muros aliaque, in quibus stationes vigiliæque esse placuerat, loca distribuentes, multitudo ingens pacem poscentium primùm seditioso clamore conterruit. deinde vocare senatum, referre de legatis ad C. Marcium mittendis coëgit. Acceperunt relationem Patres; postquam apparuit, labare plebis animos; missique de pace ad Marcium oratores atrox responsum retulerunt: *Si Volscis ager redderetur, posse agi de pace: si prædâ belli per otium frui velint, memorem se & civium injuriæ, & hospitum beneficii, admissurum, ut appareat, exilio sibi irritatos, non fructuosos, animos esse.* Iterum deinde iidem missi non recipiuntur in castra. Sacerdotes quoque, suis insignibus velatos, isse supplices ad castra hostium, traditum est, nihilo magis, quàm legatos flexisse animum.

XL. Tura

XL. Tum matronæ ad Veturiam, matrem Coriolani, Volumniamque uxorem frequentes cœunt. id publicum consilium, an muliebris timor fuerit, parum invenio. Pervicere certè, ut & Veturia, magno natu mulier, & Volumnia, duos parvos ex Marcio ferens filios, secum in castra hostium irent: &, quam armis viri defendere urbem non possent, mulieres precibus lacrimisque defenderent. Ubi ad castra ventum est, nuntiaturque Coriolano, adesse ingens mulierum agmen, in primo (ut qui nec publicâ majestate in legatis, nec in sacerdotibus tantâ offusâ oculis animoque religione motus esset) multò obstinatioꝝ adversus lacrimas muliebres erat. Dein familiarium quidam, qui insignem mœstitiâ inter ceteras cognoverat Veturiam, inter nurum nepotesque stantem, *Nisi me frustrantur, inquit, oculi, mater tibi conjuxque & liberi adsunt.* Coriolanus, prope ut amens consternatus, ab sede sua quum ferret matri obviam complexum, mulier in iram ex precibus versa, *Sine, priusquam complexum accipio, sciam, inquit, ad hostem, an ad filium, venerim: captiva mater-ne in castris tuis sim? In hoc me longa vita, & infelix senectû traxit, ut exsulem te, deinde hostem viderem? Potuisti populari hanc terram, qua te genuit atque aluit? Non tibi, quamvis infesto animo & minaci perveneras, ingredienti fines ira cecidit? non, quum in conspectu Roma fuit, succurrit, intra illa mœnia domus ac penates mei sunt, mater, conjux, liberique?* Ergo ego nisi peperissem, Roma non oppugnaretur; nisi filium haberem, libera in libera patria mortua essem. Sed ego nihil jam pati, nec tibi turpius quam mihi miseriùs, possum: nec, ut sim miserrima, diu futura sum. De his videris: quos, si pergis, aut immatura mors, aut longa servitus manet. Uxor deinde ac liberi amplexi: fletusque ab omni turba mulierum ortus, & comploratio sui patriæque, fregero tandem virum. complexus inde suos dimittit: ipse retrò ab urbe castra movit. Abductis deinde legionibus ex agro Romano, invidiâ rei oppressum periisse tradunt; alii alio lecto. Apud Fabium

um,

um, longè antiquissimum auctorem, usque ad senectutem vixisse eundem invenio. Refert certè, hanc sæpe eum exactà ætate usurpasse vocem, *Multo miserius seni exsilium esse*. Non inviderunt laudes suas mulieribus viri Romani. adeò sine obtrectatione gloriæ alienæ vivebatur. Monumento quoque quod esset, templum Fortunæ muliebri ædificatum dedicatumque est. Rediere deinde Volsci, adjunctis Æquis, in agrum Romanum. sed Æqui Attium Tullum haud ultrà tulere ducem. Hinc ex certamine, Volsci Æquine imperatorem conjuncto exercitui darent, seditio, deinde atrox proelium ortum. Ibi fortuna populi Romani duos hostium exercitus, haud minùs pernicioso quàm pertinaci certamine, confecit. Consules T. Sicinius & C. Aquillius. Sicinio Volsci, Aquillio Hernici (nam ii quoque in armis erant) provincia evenit. Eo anno Hernici devicti: cum Volscis æquo Marte discessum est.

XLI. Sp. Cassius deinde & Proculus Virginius consules facti. cum Hernicis fœdus ictum: agri partes duæ ademptæ. inde dimidium Latinis, dimidium plebi divifurus consul Cassius erat. Adjiciebat huic muneri agri aliquantum, quem publicum possideri à privatis criminabatur. Id multos quidem Patrum, ipsos possessores, periculo rerum suarum terrebat. sed & publica Patribus sollicitudo inerat, largitione consulem periculosas libertati opes struere. Tum primum lex agraria promulgata est; nunquam deinde usque ad hanc memoriam sine maximis motibus rerum agitata. Consul alter largitioni resistebat, auctoribus Patribus, nec omni plebe adversante: quæ primò ceperat fastidire, munus vulgatum à civibus esse in socios. sæpe deinde & Virginius consulem in concionibus velut vaticinantem audiebat, *Pestilens collega munus esse. Agros illos servitutem iis, qui acceperint, laturos. regno viam fieri. Quid ita enim assumi socios & nomen Latinum? Quid attinuisse, Hernicis, paulo antè hostibus, capti agri partem tertiam reddi, nisi ut ha-*  
gentes.



*gentes pro Coriolano duce Cassium habeant?* Popularis jam esse dissuasor & intercessor legis agrariæ cœperat. uterque deinde consul certatim plebi indulgere. Virginius dicere, passurum se assignari agros, dum ne cui, nisi civi Romano, assignentur. Cassius, quia in agraria largitione ambitiosius in socios, eoque civibus vilior erat, ut alio munere sibi reconciliaret civium animos, jubere, pro Siculo frumento pecuniam acceptam retribui populo. Id verò haud secus, quàm præsentem mercedem regni, aspernata plebes. adeò propter suspicionem insitam regni, velut abundarent omnia, munera ejus in animis hominum respuebantur. Quem, ubi primum magistratu abiit, damnatum necatumque constat. Sunt, qui patrem auctorem ejus supplicii ferant: eum, cognita domi causâ, verberasse ac necasse, peculiumque filii Cereri consecravisse. signum inde factum esse, & inscriptum, EX CASSIA FAMILIA DATUM. Invenio apud quosdam, idque propius fidem est, à quaestoribus K. Fabio & L. Valerio diem dictam perduellionis, damnatumque populi judicio: dirutas publicè ædes. ea est area ante Telluris ædem. Ceterum sive illud domesticum, sive publicum fuit judicium, damnatur Ser. Cornelio, Q. Fabio consulibus.

XLII. Haud diuturna ira populi in Cassium fuit: Dulcedo agrariæ legis ipsa per se, dempto auctore, subibat animos: accensaque ea cupiditas est malignitate Patrum; qui, devictis eo anno Volscis Æquisque, militem prædâ fraudavere. quicquid captum ex hostibus est, vendidit Fabius consul, ac redegit in publicum. Invisum erat Fabium nomen plebi propter novissimum consulem: tenuere tamen Patres, ut cum L. Æmilio K. Fabius consul crearetur. Eo infestior facta plebes seditione domesticâ bellum externum excivit: bello deinde civiles discordiæ intermissæ. uno animo Patres ac plebes rebellantes Volscos & Æquos, duce Æmilio, prosperâ pugnâ vicere. Plus tamen hostium fu-

ga.

ga, quàm prælium, absumpsit. adeò pertinaciter fuses infecuti sunt equites. Castoris ædes eodem anno Idibus Quinseilibus dedicata est. vota erat Latino bello, Postumio dictatore. filius ejus, duumvir ad id ipsum creatus, dedicavit. Sollicitati & eo anne sunt dulcedine agrariæ legis animi plebis. Tribuni plebis popularem potestatem lege populari celebrabant. Patres, satis superque gratuiti furoris in multitudine credentes esse, largitiones temeritatique invitamenta horrebant. acerrimi Patribus duces ad resistendum consules fuere. Ea igitur pars reipublicæ vicit. nec in præsens modò, sed in venientem etiam annum M. Fabium Kæsonis fratrem, & magis invisum alterum plebi, accusatione Sp. Cassii, L. Valerium consules dedit. Certatum eo quoque anno cum tribunis est. vana lex, vanique legis auctores, jactando irritum manus, facti. Fabium inde nomen ingens post tres continuos consulatus, unoque velut tenore omnes expertos tribuniciiis certaminibus, habitum. itaque, ut bene locatus, mansit in ea familia aliquamdiu honos. Bellum inde Vejens initum; & Volsci rebellârunt. sed ad bella externa propè supererant vires: abutebanturque iis inter semet ipsos certando. Accessere ad ægras jam omnium mentes prodigia cœlestia, propè quotidianas in urbe agrisque ostentantia minas. motique irâ numinis, causam nullam aliam vates canebant, publicè privatimque, nunc extis, nunc per aves, consulti, quàm haud ritè sacra fieri. qui terrores tamen eò evasere, ut Oppia, virgo Vestalis, damnata incesti pœnas dederit.

XLIII. Q. Fabius inde & C. Julius consules facti. Eo anno non segnior discordia domi, & bellum foris atrocius fuit. Ab Æquis arma sumpta. Vejentes agrum quoque Romanorum populating inierunt. quorum bellorum crescente curâ, K. Fabius & Sp. Furius consules fiunt. Ortonam, Latinam urbem, Æqui oppugnabant. Vejentes, pleni jam populationum, Ro-

mam.

nam ipsam se oppugnatos minabantur. Qui terrores, quum compescere deberent, auxere insuper animos plebis: redibatque non suâ sponte plebi mos detestandi militiam. sed Sp. Licinius tribunus plebis, venisse tempus ratus per ultimam necessitatem legis agrariæ Patribus injungendæ, susceperat rem militarem impediendam. Ceterum tota invidia tribunicæ potestatis versa in auctorem est: nec in eum consules acrius, quàm ipsius ejus collegæ, coorti sunt: auxilioque eorum delectum consules habent. Ad duo simul bella exercitus scribitur. ducendus Fabio in Æquos, in Veientes Furio datur. Et in Vejentibus quidem nihil dignum memoriâ gestum est. Fabio aliquanto plus negotii cum civibus, quàm cum hostibus, fuit. unus ille vir ipse consul rempublicam sustinuit, quam exercitus odio consulis, quantum in se fuit, prodebat. Nam quum consul, præter ceteras imperatorias artes, quas parando gerendoque bello edidit plurimas, ita instruxisset aciem, ut, solo equitatu emisso, exercitum hostium funderet, insequi fusos pedes noluit. nec illos, & si non adhortatio invisi ducis, suum saltem flagitium & publicum in præsentia dedecus, postmodò periculum, si animus hosti redisset, cogere potuit gradum accelerare; aut, si aliud nihil, instare instructos. Injussu signa referunt, mœstique, (crederes victos) execrantes nunc imperatorem, nunc navatam ab equite operam, redeunt in castra. Nec huic tam pestilenti exemplo remedia ulla ab imperatore quæsitæ sunt. adèd excellentibus ingeniis citius defuerit ars, quâ civem regant, quàm quâ hostem superent. Consul Romam rediit, non tam belli gloriâ auctâ, quàm irritato exacerbatoque in se militum odio. Obtinuerunt tamen Patres, ut in Fabia gente consulatus maneret. M. Fabium consulem creant: Fabio collega Cn. Manlius datur.

XLIV. Et hic annus tribunum auctorem legis agrariæ habuit. Ti. Pontificius fuit. is, eandem viam, velut

huc processisset Sp. Licinio, ingressus, delectum paulisper impediit. Perturbatis iterum Patribus, Ap. Claudius, *Victam* tribuniciam potestatem, dicere, priore anno; in *presentia* re ipsâ, exemplo in perpetuum: quando inventum sit, suis ipsam viribus dissolvi. Neque enim unquam defuturum, qui & ex collega victoriam sibi, & gratiam melioris partis bono publico velit quasitam. Et plures, si pluribus opus sit, tribunos ad auxilium consulum paratos fore; & unum vel adversus omnes satis esse. Darent modò & consules & primares Patrum operam, ut, si minùs omnes, aliquos tamen ex tribunis reipublica ac sematui conciliarent. Præceptis Appii moniti Patres, & universi comiter ac benignè tribunos appellare; & consulares, ut cuique privatim aliquid juris adversus singulos erat, partim gratiâ, partim auctoritate, obtinere, ut tribuniciæ potestatis vires salubres vellent reipublicæ esse. quatuorque tribunorum adversus unum moratorem publici commodi auxilio delectum consules habent. Inde ad Vejens bellum profecti; quò undique ex Etruria auxilia convenerant, non tam Vejentium gratiâ concitata, quàm quòd in spem ventum erat, discordiâ intestinâ dissolvi rem Romanam posse. Principesque in omnium Etruriæ populorum conciliis fremebant, *Æternas* opes esse Romanas, nisi inter semet ipsi seditionibus faviant. id unum venenum, eam labem civitatibus opulentis repperit, ut magna imperia mortalia essent. Diu sustentatum id malum, partim Patrum consiliis, partim patientiâ plebis, jam ad extrema venisse. Duas civitates ex una factas: suas cuique parti magistratus, suas leges esse. Primum in delectibus servire solitos; eosdem in bello tamen paruisse ducibus. qualicunque urbis statu, manente disciplinâ militari, sisti potuisse: jam non parendi magistratibus morem in castra quoque Romanum militem sequi. Proximo bello in ipsa acie, in ipso certamine, consensu exercitus traditam ultro victoriam victis *Æquis*: signa deserta, imperatorem in acie relictum, injussu in castra reditum. Profectò, si instetur, suo milite vinci Romam posse. Nihil aliud opus esse, quàm indicî ostendique bellum: cetera,

sub

*suâ sponte fata & Deos gesturos.* Ea spes Etruscos armaverat; multis in vicem casibus victos victoresque.

XLV. Consules quoque Romani nihil præterea aliud; quàm suas vires, sua arma, horrebant: memoria pessimi proximo bello exempli terrebat, ne rem committerent eò, ubi duæ simul acies timendæ essent. Itaque castris se tenebant, tam ancipiti periculo aversi. diem tempusque forsitan ipsum leniturum iras, sanitatemque animis allaturum. Vejens hostis Etruscique eò magis præpropere agere; laceessere ad pugnam: primò obsequitando castris provocandoque; postremò, ut nihil movebant, quàm consules ipsos, quàm exercitum increpando: *Simulationem intestina discordiæ remedium timoris inventum: & consules magis non confidere, quàm non credere; suis militibus. Novum seditionis genus; silentium otiumque inter armatos.* ad hæc in novitatem generis originisque, quàm falsa, quàm vera, jacere. Hæc, quum sub ipso vallo portisque streperent, haud ægrè consules pati. at imperiæ multitudinis nunc indignatio, nunc pudor, pectora versare, & ab intestinis avertere malis: nolle inultos hostes, nolle successum, non Patribus, non consulibus: externa & domestica odia certare in animis. Tandem superant externa. adeò superbè insolenterque hostis eludebat. frequentes in prætorium conveniunt, poscunt pugnam, postulant, ut signum detur. Consules, velut deliberabundi, capita conferunt, diu colloquuntur. pugnare cupiebant; sed retrò revocanda & addenda cupiditas erat, ut adversando remorandoque incitato semel militi adderent impetum. Redditur responsum, immaturam rem agi, nondum tempus pugnae esse: castris se tenerent. Edicunt inde, ut abstineant pugna. si quis injussu pugnaverit, ut in hostem animadversuros. Ita dimissis, quò minùs consules velle credunt, crescit ardor pugnandi. accedunt insuper hostes ferociùs multò, ut statuissè non pugnare consules cognitum est. Quippe impune se insultaturos. non credi militi arma.

rem.

rem ad ultimum seditionis erupturam, finemque venisse Romano imperio. His freti occurrant portis, ingerunt probra, ægrè abstinēt, quin castra oppugnent. Enim verò non ultra contumeliam pati Romanus posse: totis castris undique ad consules curritur. non jam sensim, ut antè, per centurionum principes postulant; sed passim omnes clamoribus agunt. Matura res erat; tergiversantur tamen. Fabius deinde, ad crescentem tumultu jam metum seditionis collegâ concedente, quum silentium classico fecisset; *Ego istos, Cn. Manli, posse vincere scio; velle ne scirem, ipsi fecerunt. Itaque certum atque decretum est, non dare signum, nisi, victores se redituros ex hac pugna, jurent. Consulem Romanum miles semel in acie fefellit; Deos nunquam fallit.* Centurio erat M. Flavolejus, inter primores pugnae flagitator. *Victor, inquit, M. Fabi, revertar ex acie.* Si fallat, Jovem patrem, Gradivumque Martem, aliosque iratos invocat Deos. Idem deinceps omnis exercitus in se quisque jurat. Juratis datur signum, arma capiunt; eunt in pugnam, irarum speique pleni. Nunc jubent Etruscis probra jacere, nunc armatis sibi quisque linguâ promptum hostem offerri. Omnium illo die, quâ plebis, quâ Patrum, eximia virtus fuit. Fabium nomen, Fabia gens maxime enituit. multis civilibus certaminibus insensos plebis animos illâ pugna sibi reconciliare statuunt. Instruitur acies: nec Vejens hostis Etruscæque legiones detrectant.

XLVI. Propè certa spes erat, non magis secum pugnatu-  
 ros, quàm pugnaverint cum Æquis. majus quoque aliquod, in tam irritatis animis & occasione anticipi, haud desperandum esse facinus. Res aliter longè evenit. nam non alio antè bello infestior Romanus (adèò hinc contumeliis hostes, hinc consules morâ exacerbaverant) prœlium iniit. Vix explicandi ordinis spatium Etruscis fuit, quum, pilis inter primam trepidationem abjectis temere magis, quàm emissis, pugna  
 jam

jam in manus, jam ad gladios, ubi Mars est atrocissimus, venerat. Inter primores genus Fabium insigne spectaculo exemploque civibus erat. ex his Q. Fabium, (tertio hic anno antè consul fuerat) principem in confertos Veientes euntem, ferox viribus & armorum arte Tuscus, incautum inter multas versantem hostium manus, gladio per pectus transfigit. telo extracto, præceps Fabius in vulnus abiit. Sensit utraque acies unius viri casum, cedebatque inde Romanus: quum M. Fabius consul transiit jacentis corpus, objectaque parmâ, *Hoc jurâstis*, inquit, *milites, fugientes vos in castra redituros? adeò ignavissimos hostes magis timetis, quàm Jovem Martemque, per quos jurâstis? At ego injuratus aut victor revertar, aut prope te hic, Q. Fabi, dimicans cadam.* Consuli tum K. Fabius prioris anni consul, *Verbisne istis, frater, ut pugnent, te impetraturum credis? Dii impetrabunt, per quos juravere. Et nos, ut decet procures, ut Fabio nomine est dignum, pugnando potius, quàm adhortando, accendamus militum animos.* Sic in primum infectis hastis provolant duo Fabii, totamque moverunt secum aciem.

XLVII. Prælio ex parte una restituto, nihilo segnior in altero cornu Cn. Manlius consul pugnam ciebat: ubi propè similis fortuna est versata. nam ut altero in cornu Q. Fabium, sic in hoc ipsum consulem Manlium, jam velut fusos agentem hostes, & impigrè milites secuti sunt; &, ut ille gravi vulnere ictus ex acie cessit, interfectum rati, gradum retulere. cessissentque loco, ni consul alter, cum aliquot turmis equitum in eam partem citato equo advectus, vivere clamitans collegam, se victorem fuso altero cornu adesse, rem inclinatam sustinuisset. Manlius quoque ad restituendam aciem se ipse coram offert. Duorum consulum cognita ora accendunt militum animos. simul & vanior jam erat hostium acies, dum, abundante multitudine freti, subtrahæ subsidia mittunt ad castra oppugnanda. in quæ haud magno certamine impetu facto, dum prædæ  
magis,

magis, quàm-pugnæ, memores terunt tempus; triarii Romani, qui primam irruptionem sustinere non potuerant, missis ad consules nunciis, quo loco res essent, conglobati ad prætorium redeunt, & suâ sponte ipsi prælium renovant: & Manlius consul, relictus in castra, ad omnes portas milite opposito, hostibus viam clauserat. Ea desperatio Tuscis rabiem magis, quàm audaciam, accendit. nam quum incurstantes, quacunquẽ exitum ostenderet spes, vano aliquoties impetu issent; globus juvenum unus in ipsum consulem insignem armis invadit. Prima excepta à circumstantibus tela. sustineri deinde vis nequit. Consul mortifero vulnere ictus cadit, fusique circà omnes. Tuscis crescit audacia. Romanos terror per tota castra trepidos agit. & ad extrema ventum foret, ni legati, raptò consulis corpore, patefecissent unâ portâ hostibus viam. Eâ erumpunt; consternatoque agmine abeuntes in victorem alterum incidunt consulem. ibi iterum cæsi fusique passim. Victoria egregia parta, tristis tamen duobus tam claris funeribus. Itaque consul, decernente senatu triumphum, *Si exercitus sine imperatore triumphare possit, pro eximia eo bello opera facile passurum*, respondit: *se, familiâ funestâ Q. Fabii fratris morte, republicâ ex parte orbâ consule altero amisso, publico privatoque deformem luctu lauream non accepturum*. Omni actò triumpho depositus triumphus clarior fuit. aded spreta in tempore gloria interdum // cumulator redit. Funera deinde duo deinceps collegæ fratrisque ducit. idem in utroque laudator, quum, concedendo illis suas laudes, ipse maximam partem earum ferret. Neque immemor ejus, quod initio consulatûs imbiberat, reconciliandi animos plebis, saucios milites curandos dividit Patribus. Fabiis plurimi dati: nec alicubi majore curâ habiti. Inde populares jam esse Fabii: nec hoc ullâ, nisi salubri reipublicæ, arte.

XLVIII. Igitur non Patrum magis, quàm plebis, studiis K. Fabius cum T. Virginio consul factus, neque bella



bella, neque delectus, neque ullam aliam priorem curam agere, quam ut, jam aliqua ex parte inchoatâ concordia spe, primo quoque tempore cum Patribus coalescerent animi plebis. Itaque principio anni censuit, priusquam quisquam agrariae legis auctor tribunus existeret, occuparent Patres ipsi suum munus facere: captivum agrum plebi quam maximè æqualiter darent. verum esse, habere eos, quorum sanguine ac sudore partus sit. Aspernati Patres sunt: quæsi quoque quidam, nimiam gloriâ luxuriare & evanescere vividum quondam illud Kæsonis ingenium. Nullæ deinde urbanæ factiones fuere. Vexabantur incursionibus Æquorum Latini. eò cum exercitu Kæso missus, in ipsorum Æquorum agrum depopulandum transit. Æqui se in oppida receperunt, murisque se tenebant: eo nulla pugna memorabilis fuit. At à Vejente hoste clades accepta temeritate alterius consulis. actumque de exercitu foret, ni K. Fabius in tempore subsidio venisset. Ex eo tempore neque pax neque bellum cum Vejentibus fuit; res proximè formam latrocinii venerat. Legionibus Romanis cedebant in urbem. ubi abductas senserant legiones, agros incurfabant; bellum quiete, quietem bello in vicem eludentes. Ita neque omitti tota res, nec perfici poterat. & alia bella aut præsentia instabant, ut ab Æquis Volscisque, non diutiùs, quam recens dolor proximæ cladis transfiret, quiescentibus: aut mox moturos se apparebat Sabinos semper infestos, Etruriamque omnem. Sed Vejens hostis, assiduus magis, quam gravis, contumeliis sæpiùs, quam periculo, animos agitabat: quod nullo tempore negligi poterat, aut averti aliò sinebat. Tum Fabia gens senatum adiit. consul pro gente loquitur: *Assiduo magis, quam magno, præsidio, ut scitis, Patres conscripti, bellum Vejens eget. Vos alia bella curate: Fabios hostes Vejentibus date. Auctores sumus, tutam ibi majestatem Romani nominis fore. Nostrum ad nobis velut familiare bellum, privato sumptu gerere in ani-*

*no est. Respublica & milite illic & pecuniâ vacet. Gratias ingentes actæ. Consul è curia egressus, comitante Fabiorum agmine, qui in vestibulo curiæ, senatusconsultum exspectantes, steterant, domum rediit. Jussi armati postero die ad limen consulis adesse, domos inde discedunt.*

XLIX. Manat totâ urbe rumor: Fabios ad cœlum laudibus ferunt. Familiam unam subisse civitatis onus: Vejens bellum in privatam curam, in privata arma versum. Si sint duæ roboris ejusdem in urbe gentes; deposcant, hæc Volscos sibi, illa Æquos: populo Romano tranquillam pacem agente, omnes finitimos subigi populos posse. Fabii postero die arma capiunt. quò jussi erant, conveniunt. Consul, paludatus egrediens, in vestibulo gentem omnem suam instructo agmine videt. acceptus in medium, signa ferri jubet. Nunquam exercitus neque minor numero, neque clarior famâ & admiratione hominum, per urbem incescit. Sex & trecenti milites, omnes patricii, omnes unius gentis, quorum neminem ducem sperneret egregius quibuslibet temporibus senatus, ibant, unius familiæ viribus Vējenti populo pestem minitantes. Sequebatur turba, propria alia cognatorum sodaliumque, nihil medium, nec spem, nec curam, sed immensa omnia volventium animo; alia publica, sollicitudine excitata, favore & admiratione stupens; *ire fortes, ire felices jubent, incipitis eventus pares reddere: consulatus inde ac triumphos, omnia præmia ab se, omnes honores sperare.* Prætereuntibus Capitolium arcemque & alia templa, quicquid Deorum oculis, quicquid animo occurrit, precantur, ut illud agmen faustum atque felix mittant, sospites brevi in patriam ad parentes restituant. Incassum missæ preces. Infelici viâ dextro Jano portæ Carmentalis profecti, ad Cremeram flumen perveniunt. is opportunus visus locus communiendo præsidio. L. Æmilius inde & C. Servilius consules facti. & donec nihil aliud quam in

populationibus res fuit, non ad præsidium modò tutandum Fabii satis erant, sed totà regione, quà Tusculus ager Romano adjacet, sua tuta omnia, infesta hostium, vagantes per utrumque finem, fecere. Intervallum deinde haud magnum populationibus fuit: dum & Veientes, accito ex Etruria exercitu, præsidium Cremeræ oppugnant; & Romanæ legiones, ab L. Æmilio consule adductæ, ceminus cum Etruscis dimicant acie. quanquam vix dirigendi aciem spatium Veientibus fuit. adeò inter primam trepidationem, dum post signa ordines introeunt, subsidiaque locant, inuenta subito ab latere Romana equitum ala, non pugnae modò incipientæ, sed consistendi, ademit locum. Ita, fusi retrò ad saxa Rubra, (ibi castra habebant) pacem supplices petunt. cujus impetratæ, ab insita animis levitate, ante deductum Cremerà Romanum præsidium, pœnituit.

L. Rursus cum Fabiis erat Veienti populo, sine ullo majoris belli apparatu, certamen: nec erant incurfiones modò in agros, aut subiti impetus incurfantium, sed aliquoties æquo campo collatisque signis certatum. gensque una populi Romani sæpe ex opulentissima, ut tum res erant, Etrusca civitate victoriam tulit. Id primò acerbum indignumque Veientibus visum. inde consilium ex re natum insidiis ferocem hostem captandi: gaudere etiam, multo successu Fabiis audaciam crescere. Itaque & pecora prædantibus aliquoties, velut casu incidissent, obviam acta: & agrestium fugà valli relictis agri: & subsidia armatorum, ad arcendas populationes missa, sæpiùs simulato, quàm vero, pavore refugerunt. Jamque Fabii adeò contempserant hostem, ut suæ invicta arma neque loco neque tempore ullo crederent sustineri posse. hæc spes provexit, ut ad conspecta procul à Cremera magno campi intervallo pecora (quanquam rarsa hostium apparebant arma) decurrerent. & quum improvidi effuso cursu insidias circa ipsum iter locatas superassent, palatque passim va-

ga, ut sit pavore injecto, raperent pecora; subito ex insidiis confurgitur, & adversi & undique hostes erant. Primò clamor circumlatus exterruit, dein tela ab omni parte accidebant. cœuntibusque Etruscis, jam continenti agmine armatorum septi, quò magis se hostis inferebat, cogeantur breviori spatio & ipsi orbem colligere. quæ res & paucitatem eorum insignem, & multitudinem Etruscorum, multiplicatis in arcto ordinibus, faciebat. Tum, omisâ pugnâ, quam in omnes partes parem intenderant, in unum locum se omnes inclinant. cò nisi corporibus armisque, rupere cuneo viam. Duxit via in editum leniter collem. inde primò resistere. mox, ut respirandi superior locus spatium dedit, recipiendique à pavore tanto animum, pepulere etiam subeuntes: vincebatque auxilio loci paucitas, nâ jugo circummissus Vejens in verticem collis evasisset, ita superior rursus hostis factus. Fabii cæsi ad unum omnes, præsidiumque expugnatum. trecentos sex perisse satis convenit: unum prope puberem ætate relictum, stirpem genti Fabiæ, dubiisque rebus populi Romani sæpe domi bellique vel maximum futurum auxilium.

LI. Quum hæc accepta clades esset, jam C. Horatius & T. Menenius consules erant. Menenius adversus Tuscos victoriâ elatos confestim missus, tum quoque malè pugnatum est, & Janiculum hostes occupare: obsessaque urbs foret, super bellum annonæ premente, (transierant enim Etrusci Tiberim) nî Horatius Consul ex Volscis esset revocatus: adeoque id bellum ipsis institit mœnibus, ut primò pugnatum ad Spei sit æquo Marte, iterum ad portam Collinam. Ibi quamquam parvo momento superior Romana res fuit, meliorem tamen militem, recepto pristino animo, in futura proelia id certamen fecit. A. Virginius & Sp. Serrilius consules fiunt. post acceptam proximam pugnae cladem. Vejentes abstinere acie. populationes e-

rant, & velut ab arce Janiculi passim in Romanum agrum impetus dabant. non usquam pecora tuta, non agrestes erant. Capti deinde eadem arte sunt, quâ ceperant Fabios. secuti deditâ operâ passim ad illecebras propulsa pecora, præcipitavere in insidias. quò plures erant, major cædes fuit. Ex hac clade atrox ira majoris cladis causa atque initium fuit. trajecto enim nocte Tiberi, castra Servilii Consulis adorti sunt oppugnare. inde fusi magnâ cæde in Janiculum se agrè receperunt. Confestim consul & ipse transit Tiberim, castra sub Janiculo communit. postero die, luce ortâ, nonnihil & hesternâ felicitate pugnæ serox, magis tamen, quòd inopia frumenti, quamvis in præcipitia, dum celeriora essent, agebat consilia, temerè adverso Janiculo ad castra hostium aciem erexit, sædiusque inde pulsus, quàm pridie pepulerat, interventu collegæ ipse exercitusque ejus est servatus. inter duas acies Etrusci, quum in vicem his atque illis terga darent, occidione occisi. Ita oppressum temeritate felici Vejens bellum.

LII. Urbi cum pace laxior etiam annona rediit, & advecto ex Campania frumento, & postquam timor sibi cuique futuræ inopiæ abiit, eo, quod abditum fuerat, prolato. Ex copia deinde otioque lascivire rursus animi; & pristina mala, postquam foris deerant, domi querere. tribuni plebem agitare suo veneno, agrariâ lege; in resistentes incitare Patres, nec in universos modò, sed in singulos. Q. Considius & T. Genucius, auctores agrariæ legis, T. Menenio diem dicunt. invidiæ erat amissum Cremeræ præsidium, quum haud procul inde stativa consul habuisset. Eum oppresserunt. Quum & Patres haud minùs, quàm pro Coriolano, an-nisi essent, & patris Agrippæ favor haud dum exolevisset; in multa temperârunt tribuni. quum capitis anquisissent, duo millia æris damnato multam dixerunt. ea in caput vertit. Negant tulisse ignominiam ægritudinemque: inde morbo absumptum esse. Alius de-

inde

inde reus Sp. Servilius, ut consulatu abiit, C. Nautio & P. Valerio consulibus, initio statim anni, ab L. Cædicio & T. Statio tribunis die dictâ, non, ut Menenius, precibus suis aut Patrum, sed cum multa fiducia innocentiae gratiaeque, tribunicios impetus tulit. Et huic proelium cum Tuscis ad Janiculum erat crimini. sed servidi animi vir, ut in publico periculo antè, sic tum in suo, non tribunos modò, sed plebem, oratione feroci refutando, exprobrandoque T. Menenii damnationem mortemque, (cujus patris munere restituta quondam plebs eos ipsos, quibus tum sæviret, magistratus, eas leges haberet) periculum audaciâ discussit. juvit & Virginius collega, testis productus, participando laudes: magis tamen Menenianum (adeò mutaverant animum) profuit judicium.

LIII. Certamina domi finita. Veiens bellum exortum; quibus Sabini arma conjunxerant. P. Valerius consul, accitis Latinorum Hernicorumque auxiliis, cum exercitu Vejos missus, castra Sabina, quæ pro mœnibus fociorum locata erant, confestim aggreditur; tantamque trepidationem iniecit, ut, dum dispersi alii aliâ manipulatim excurrunt ad arcendam hostium vim, ea porta, cui signa primùm intulerat, caperetur. intra vallum deinde cædes magis, quàm proelium, esse. tumultus è castris & in urbem penetrat; tanquam Vejis captis, ita pavidì Vejentes ad arma currunt. pars Sabinis eunt subsidio; pars Romanos, toto impetu intentos in castra, adoriuntur. Paulisper aversi turbatique sunt. deinde & ipsi utroque versis signis resistunt: & eques, ab consule immissus, Tuscos fundit fugatque. eademque horâ duo exercitus, duz potentissimæ & maximæ finitimæ gentes superatæ sunt. Dum hæc ad Vejos geruntur, Volsci Æquique in Latino agro posuerant castra, populatique fines erant. eos per se ipsi Latini, assumptis Hernicis, sine Romano aut duce aut auxilio, castris exuerunt. Ingenti prædâ, præter suas recuperatas

ratas res, potiti sunt. missus tamen ab Roma consul in Volsco C. Nautius. Mos, credo, non placebat, sine Romano duce exercituque socios propriis viribus consiliisque bella gerere. nullum genus calamitatis contumeliæque non editum in Volsco est: nec tamen percelli potuere, ut acie dimicarent.

LIV. L. Furius inde & C. Manlius consules. Manlio Vejentes provincia evenit. non tamen bellatum. induciæ in annos quadraginta petentibus datæ, frumento stipendioque imperato. Paci externæ confestim continuatur discordia domi. agrariæ legis tribunicis stimulis plebs furebat. Consules, nihil Menenii damnatione, nihil periculo deterriti Servilii, summâ vi resistunt. abeuntes magistratu Cn. Genucius tribupus plebis arripuit. L. Æmilius & Opiter Virginus consulatū incunt. Vopiscum Julium pro Virginio in quibusdam annalibus consulem invenio. Hoc anno (quoscumque consules habuit) rei ad populum Furius & Manlius circumeunt sordidati non plebem magis, quam juniores Patrum. suadent, monent, Honoribus & administratione reipublicæ abstineant; consulares verò fasces, prætextam, curulemque sellam; nihil aliud, quam pompam funeris, putent. claris insignibus velut infatis velatos ad mortem destinari. Quod si consulatûs tanta dulcedo sit, jam nunc ita in animum inducant, consulatum captum & oppressum ab tribunicia potestate esse; consuli, velut apparitori tribunicio, omnia ad nutum imperiumque tribuni agenda esse. Si se commoveat, si respexerit Patres, si aliud, quam plebem, esse in republica crediderit, exilium C. Marcii, Menenii damnationem & mortem, sibi proponat ante oculos. His accensi vocibus Patres consilia inde, non publica, sed in privato, seductaque à plurium conscientia, habere. ubi quum id modò constaret, jure an injuriâ eripiendos esse reos, atrocissima quæque maximè placebat sententia. nec auctor quamvis audaci facinori deeat. Igitur judicii die, quum plebs in foro erecta expectatione starot, mirari

rari primò, quòd non descenderet tribunus: deinde, quum jam mora suspectior fieret, deterritum à primoribus credere, & desertam ac proditam causam publicam queri. Tandem, qui obversati vestibulo tribuni fuerant, nunciant, domi mortuum esse inventum. quod ubi in totam concionem pertulit rumor; sicut acies funditur duce occiso, ita dilapsi passim alii aliò. Præcipuus pavor tribunos invaserat, quàm nihil auxilii sacratæ leges haberent, morte collegæ monitos. Nec Patres satis moderatè ferre lætitiā. adeoque neminem noxæ pœnitebat, ut etiam infontes fecisse videri vellent, palamque ferretur, malo domandam tribuniciam potestatem.

LV. Sub hac pessimi exempli victoria delectus edicitur: paventibusque tribunis, sine intercessione ulla consules rem peragunt. Tum verò irasci plebes, tribunorum magis silentio, quàm consulum imperio, & dicere, *Actum esse de libertate sua; rursus ad antiqua reditum; cum Genucio unà mortuam ac sepultam tribuniciam potestatem. aliud agendum, ac cogitandum, quomodo resistatur Patribus. Id autem unum consilium esse, ut se ipsa plebs, quando aliud nihil auxilii habeat, defendat. Quatuor & viginti lictores apparere consulibus, & eos ipsos plebis homines. Nihil contemptius, neque infirmius, si sint, qui contemnant. Sibi quemque ea magna atque horrenda facere.* His vocibus alii alios quum incitassent, ad Voleronem Publilium, de plebe hominem, quia, quòd ordines duxisset, negaret, se militem fieri debere, lictor missus est à consulibus. Volero appellat tribunos. Quum auxilio nemo esset, consules spoliari hominem, & virgas expediri jubent. Provoco, inquit, *ad populum, Volero, quoniam tribuni civem Romanum in conspectu suo virgis cedi malunt, quàm ipsi in lecto suo à vobis trucidari.* quò ferocius clamitabat, eò infestius circumscindere & spoliare lictor. Tum Volero, & prævalens ipse, & adjuvantibus advocatis, repulso lictore, ubi indignantium pro se acerrimus erat clamor, eò se in turbam confertissimam recipit, clami-



tans, *Provoco, & fidem plebis imploro. adeste cives! adeste commilitones! nihil est, quod expectetis tribunos, quibus ipsis vestro auxilio opus est.* Concitati homines, veluti ad prælium, se expediunt: apparebatque, omne discrimen adesse; nihil cuiquam sanctum, non publici fore, non privati juris. Huic tantæ tempestati quum se consules obtulissent, facile experti sunt, parum tutam majestatem sine viribus esse. violatis listoribus, fascibus fractis, è foro in curiam compelluntur; incerti, quatenus Volerò exerceret victoriam. Conticescente deinde tumultu, quum in senatum vocari jussissent, queruntur injurias suas, vim plebis, Voleronis audaciam. Multis ferociter dictis sententiis, vicere seniores, quibus, irâ Patrum adversus temeritatem plebis certari, non placuit.

LVI. Voleronem amplexa favore plebs proximis comitiis tribunum plebi creat in eum annum, qui L. Pinarium, P. Furium consules habuit. contraque omnium opinionem, qui eum vexandis prioris anni consulibus permissurum tribunatum credebant, post publicam causam privato dolore habito, ne verbo quidem violatis consulibus, rogationem tulit ad populum, ut plebeii magistratus tributis comitiis fierent. Haud parva res sub titulo primâ specie minimè atroci ferebatur; sed quæ patriciis omnem potestatem per clientium suffragia creandi, quos vellent, tribunos auferret. Huic actioni, gratissimæ plebi, quum summâ vi resisterent Patres; nec, quæ una vis ad resistendum erat, ut intercederet, aliquis ex collegio auctoritate aut consulum aut principum adduci posset; res tamen, suo ipsa molimine gravis, certaminibus in annum extrahitur. Plebs Voleronem tribunum reficit. Patres, ad ultimum dimicationis rati rem venturam, Ap. Claudium, Appii filium, jam inde à paternis certaminibus invisum infestumque plebi, consulem faciunt. Collega ei T. Quinctius datur. Principio statim anni nihil prius, quàm de lege, agebatur. sed ut inventor legis Volerò, sic Lætorius, collega e-

jus

jus, auctor quum recentior, tum acrior erat. Ferocem faciebat belli gloria ingens; quòd ætatis ejus haud ququam manu promptior erat. Is, quum Voloero nihil, præterquam de lege, loqueretur, insectatione abstinens consulum, ipse in accusationem Appii, familiarque superbissimæ ac crudelissimæ in plebem Romanam, exorsus, quum à Patribus non consulem, sed carnificem ad vexandam & lacerandam plebem, creatum esse contenderet; rudis in militari homine lingua non suppetebat libertati animoque. Itaque, deficiente oratione, *Quandoquidem non facile loquor, inquit, Quirites, quàm, quod locutus sum, præsto, crastino die adeste. Ego hic aut in conspectu vestro moriar, aut perferam legem.* Occupant tribuni templum postero die. consules nobilitasque ad impediendam legem in concione consistunt. Submo-  
veri Lætorius jubet, præterquam qui suffragium incant. Adolescentes nobiles stabant, nihil cedentes viatori. tum ex his prehendi quosdam Lætorius jubet. Consul Appius negare, jus esse tribuno in quenquam, nisi in plebeium. Non enim populi, sed plebis, eum magistratum esse. nec illum ipsum submovere pro imperio posse more majorum; quia ita dicatur: *Si vobis videtur, discedite, Quirites.* Facile & contemptum de jure disserendo perturbare Lætorium poterat. Ardens igitur ira tribunus viatorem mittit ad consulem: consul lictorem ad tribunum, privatum esse clamitans, sine imperio, sine magistratu; violatusque esset tribunus, ni & concio omnis atrox coorta pro tribuno in consulem esset; & concursus hominum in forum ex tota urbe concitatus multitudinis fieret. Sustinebat tamen Appius pertina-  
cià tantam tempestatem: certatumque haud incruento proelio foret, ni Quinctius, consul alter, consularibus negotio dato, ut collegam vi, si aliter non possent, de foro abducerent, ipse nunc plebem sævientem precibus lenisset, nunc orasset tribunos, ut concilium dimitterent. Darent iræ spatium. non vim suam illis tempus

adempturum; sed consilium viribus additurum. & Patres in populi, & consulem in Patrum fore potestate.

LVII. Ægrè sedata ab Quintio plebs, multo ægrius consul alter à Patribus. Demisso tandem concilio plebis, senatum consules habent. ubi quum timor atque ira in vicem sententias variassent; quò magis, spatio interposito, ab impetu ad consultandum advocabantur, eò plus abhorrebant à certatione animi. adeò ut Quintio gratias agerent, quòd ejus operà mitigata discordia esset. Ab Appio petitur; *Ut tantam consularem majestatem esse vellet, quanta esse in concordì civitate posset. Dum tribuni consulesque ad se quisque omnia trahunt, nihil relictum esse virum in medio: distractam laceratamque rempublicam magis, quorum in manu sit, quàm ut incolumis sit, queri.* Appius contrà, testari Deos atque homines, rempublicam prodi per metum ac deferri. non consulem senatui, sed senatum consuli deesse. graviores accipi leges, quàm in Særo monte accepta sint. Victus tamen Patrum consensu quievit. lex silentio perfertur.

LVIII. Tum primum tributis comitiis creati tribuni sunt: numero etiam additos tres, perinde ac duo antea fuerint, Piso auctor est. Nominat quoque tribunos, C. Sicinium, L. Numitorium, M. Duilium, Sp. Icilium, L. Mæciliam. Volscum Æquicumque inter seditionem Romanam est bellum coortum. vastaverant agros, ut, si qua secessio plebis fieret, ad se receptum haberet. compositis deinde rebus, castra retrò movere. Ap. Claudius in Volscos missus. Quintio Æqui provincia evenit. Eadem in militia sævitia Appii, quæ domi; esse liberior, quòd sine tribuniciis vinculis erat. Odisse plebem plus quàm paterno odio: se victum ab ea: se unico consule objecto adversus tribuniciam potestatem, perlatam legem esse; quam minore conatu, nequaquam tantà Patrum spe, priores impedierint consules. Hæc ira indignatioque ferocem animum ad vexandum sævo imperio exercitum stimula-

inulabat. nec ullâ vi domari poterat. tantum certamen animis imbibebant. Segniter, otiosè, negligenter, contumaciter omnia agere. nec pudor, nec metus coërcebat. Si citiùs agi vellet agmen, tardiùs sedulò incedere: si adhortator operis adesset, omnes suâ sponte motam remittere industriam. præsentis vultus demittere, tacitè prætereuntem exsecrari: ut invictus ille odio plebeio animus interdum moveretur. Omnî nequicquam acerbitate promptâ, nihil jam cum militibus agere: à centurionibus corruptum exercitum dicere: *tribunos plebei* cavillans interdum & *Volerones* vocare.

LIX. Nihil eorum Volsci nesciebant, instabantque eò magis, sperantes, idem certamen animorum adversus Appium habiturum exercitum Romanum, quod adversus Fabium consulem habuisset. Ceterum multò Appio, quàm Fabio, violentior fuit. Non enim vincere tantum noluit, ut Fabianus exercitus, sed vinci voluit. Productus in aciem turpi fugâ petit castra; nec antè restitit, quàm signa inferentem Volscum munimentis vidit foedamque extremi agminis cædem. Tum expressa vis ad pugnandum, ut victor jam à vallo submoveretur hostis: satis tamen appareret, capî tantum castra militem Romanum noluisse. alii gaudere suâ clade atque ignominiâ. Quibus nihil infractus ferox Appii animus, quum insuper sævire vellet, concionemque advocaret, concurrunt ad eum legati tribunique, monentes, ne utique experiri vellet imperium, cujus vis omnis in consensu obedientium esset. Negare vulgò milites, se ad concionem ituros; passimque exaudiri voces postulantium, ut castra ex Volscæ agro moveantur. Hostem victorem paulò antè propè in portis ac vallo fuisse; ingentisque mali non suspicionem modò, sed apertam speciem obversari ante oculos. Victus tandem, (quandoquidem nihil præter tempus noxæ lucrarentur) remissâ concione, iter in infe-

quentem diem pronunciari quum jussisset, primâ luce classico signum profectiois dedit. Quum maximè agmen è castris explicaretur, Volsci, ut eodem signo excitati, novissimos adoriuntur. A quibus perlatus ad primos tumultus, eo pavore signaque & ordines turbavit, ut neque imperia exaudiri, neque instrui acies possent. nemo ullius, nisi fugæ, memor. Ita effusò agmine per stragem corporum armorumque evasere, ut prius hostis desisteret sequi, quàm Romanus fugere. Tandem, collectis ex dissipato cursu militibus, consul, quum revocando nequicquam suos persecutus esset, in pacato agro castra posuit; advocatâque concione, investus haud falsò in proditorem exercitum militaris disciplinæ, desertorem signorum; ubi signa, ubi arma essent, singulos rogitans, inermes milites, signo amisso signiferos; ad hoc centuriones duplicariosque, qui reliquerant ordines, virgis cæfos securi percussit. cetera multitudo sorte decimus quisque ad supplicium lecti.

LX. Contra ea, in Æquis inter consulem ac militem comitate ac beneficiis certatum est. & naturâ Quintius erat lenior, & sævitia infelix collegæ, quò is magis gauderet ingenio suo, effecerat. Huic tantæ concordie ducis exercitusque non ausi offerre se, Æqui vagari populabundum hostem per agros passi. Nec ullo antè bello latius inde astæ prædæ. omnis militi data est. Addebantur & laudes, quibus, haud minùs quàm præmio, gaudent militum animi. Tum duci, tum propter ducem Patribus quoque placatior exercitus rediit; sibi parentem, alteri exercitui dominum datum ab senatu, memorans. Variâ fortunâ belli, atroci discordiâ domi forisque annum exactum, insignem maximè comitia tributa efficiunt; res major victoriâ suscepti certaminis, quàm usu. plus enim dignitatis comitiis ipsis detractum est, Patribus ex concilio submovendis, quàm virium aut plebi additum est, aut demptum Patribus.

LXI. Tur-

LXI. Turbulentior inde annus excepit, L. Valerio, T. Æmilio consulibus, cum propter certamina ordinum de lege agraria, tum propter iudicium Ap. Claudii: cui, acerrimo adversario legis, causamque possessorum publici agri, tanquam tertio consuli, sustinenti, M. Duilius & C. Sicinius diem dixere. Nunquam antè tam invisus plebi reus ad iudicium vocatus populi est, plenus suarum, plenus paternarum irarum. Patres quoque non temerè pro ullo æquè annisi sunt: propugnatorem senatûs, majestatisque vindicem suæ, ad omnes tribunicios plebeiosque oppositum tumultus, modum duntaxat in certamine egressum, iratæ objici plebi. Unus è Patribus, ipse Ap. Claudius, & tribunos, & plebem, & suum iudicium pro nihilo habebat. Illum non minz plebis, non senatûs preces percellere unquam potuere, non modò ut vestem mutaret, aut supplex prensaret homines; sed ne ut ex consueta quidem asperitate orationis (quum ad populum agenda causa esset) aliquid leniret atque submitteret. Idem habitus oris, eadem contumacia in vultu, idem in oratione spiritus erat: adeò ut magna pars plebis Ap. pium non minùs reum timeret, quàm consulem timuerat. Semel causam dixit, quo semper agere omnia solitus erat, accusatorio spiritu. adeoque constantiâ suâ & tribunos obstupescit & plebem, ut diem ipsi suâ voluntate prodicerent: trahi deinde rem sinerent. Haud ita multum interim temporis fuit. antè tamen, quàm prodicta dies veniret, morbo moritur. cujus quum laudationem tribuni plebis impedire conarentur, plebs fraudari solenni honore supremum diem tanti viri noluit; & laudationem tam æquis auribus mortui audivit, quam vivi accusationem audierat; & exsequias frequens celebravit.

LXII. Eodem anno Valerius consul, cum exercitus in Æquos profectus, quum hostem ad prælium elicere non posset, castra oppugnare est adortus. Prohibuit  
sæda

foeda tempestas, cum grandine ac tonitribus cœlo de-  
jecta. Admirationem deinde auxit, signo receptui da-  
to, ad eò tranquilla serenitas reddita: ut, velut numi-  
ne aliquo defensa castra oppugnare iterum, religio fu-  
erit. omnis ira belli ad populationem agri vertit. Al-  
ter consul Æmilius in Sabinis bellum gessit. & ibi,  
quia hostis mœnibus se tenebat, vastati agri sunt. In-  
cendiis deinde, non villarum modò, sed etiam vico-  
rum, quibus frequenter habitabatur, Sabini exciti,  
quum prædatoribus occurrissent, ancipiti prælio di-  
gressi, postero die retulere castra in tutiora loca. Id  
satis consuli visum, cur pro victo relinqueret hostem,  
integrali inde decedens bello:

LXIII. Inter hæc bella, manente discordiâ domi,  
T. Numicius Priscus, A. Virginii consules facti. Non  
ultrâ videbatur latura plebes dilationem agrariæ legis,  
ultimaque vis parabatur, quum, Volscos adesse, fumo  
ex incendiis villarum fugaque agrestium cognitum est.  
Ea res maturam jam seditionem ac propè erumpen-  
tem repressit. Consules, coacti extemplo ab senatu  
ad bellum, educti ex urbe juventute, tranquilliorẽ  
ceteram plebem fecerunt. Et hostes quidem, nihil  
aliud quàm perfusis vano timore Romanis, citato ag-  
mine abeunt. Numicius Antium adversus Volscos,  
Virginii contra Æquos profectus. ibi ex insidiis pro-  
pè magnâ acceptâ clade, virtus militum rem, prolap-  
sam negligentia consulis, restituit. Melius in Volscis  
imperatum est. Fusi primo prælio hostes, fugaque in  
urbem Antium, ut tum res erant, opulentissimam asti-  
quam consul oppugnare non ausus, Cenonem, aliud  
oppidum, nequaquam tam opulentum, ab Antiatibus  
cepit. Dum Æqui Volscique Romanos exercitus te-  
nent, Sabini usque ad portas urbis populantes incesse-  
re. deinde ipsi paucis post diebus ab duobus exerci-  
tibus, utroque per iram consule ingresso in fines, plus  
gladium, quàm intulerant, acceperunt.

LXIV. Ex-

LXIV. Extremo anno pacis aliquid fuit; sed, ut semper alias, sollicitæ certamine Patrum & plebis. Irata plebs interesse consularibus comitiis noluit. Per Patres clientisque Patrum consules creati, T. Quinctius, Q. Servilius. similem annum, priori consules habent, seditiosa initia, bello deinde externo tranquilla. Sabini, Crustuminos campos citato agmine transgressi, quum cædes & incendia circum Anienem flumen fecissent, à porta propè Collina mœnibusque pulsi, ingentes tamen prædas hominum pecorumque egere. quos Servilius consul infesto exercitu insecutus, ipsum quidem agmen adipisci æquis locis non potuit; populationem adeò effusè fecit, ut nihil bello intactum relinqueret, multiplicique captâ prædâ rediret. Et in Volscis respublica egregiè gesta, quum ducis, tum militum operâ. Primum æquo campo signis collatis pugnatum, ingenti cæde utrinque, plurimo sanguine. & Romani, quia paucitas damno sentiendo propior erat, gradum retulissent; nil salubri mendacio consul, fugere hostes ab cornu altero clamitans, concitasset aciem. impetu facto, dum se putant vincere, vicere. Consul, metuens ne nimis instando renovaret certamen, signum receptui dedit. Intercessere pauci dies, velut tacitis induciis utrinque quiete sumptâ: per quos ingens vis hominum ex omnibus Volscis Æquisque populis in castra venit, haud dubitans, si senserint, Romanos nocte abituros. Itaque tertiâ ferè vigiliâ ad castra oppugnanda veniunt. Quinctius, sedato tumultu, quem terror subitus exciverat, quum manere intentoriis quietum militem iussisset, Hernicorum cohortem in stationem educit; cornicines tubicinesque, in equos impositos, canere ante vallum jubet, sollicitumque hostem ad lucem tenere. reliquum noctis adeò tranquilla omnia in castris fuere, ut somni quoque Romanis copia esset. Volscos species armatorum perditum, quos & plures esse, & Romanos putabant, fremitus



mitus hinnitusque equorum, qui, & infueto sedente equite, & insuper aures agitante sonitu, sæviebant, intentos velut ad impetum hostium tenuit.

LXV. Ubi illuxit, Romanus, integer satiatumque somno productus in aciem, fessum stando & vigiliis Volsicum primo impetu perculit. quanquam cessere magis, quam pulsi hostes sunt: quia ab tergo erant clivi, in quos post principia integris ordinibus tutus receptus fuit. Consul, ubi ad iniquum locum ventum est, sistit aciem. miles ægrè teneri, clamare & poscere, ut percussis instare liceat. Ferocius agunt equites: circumfusi duci vociferantur, se ante signa ituros. Dum cunctatur consul, virtute militum fretus, loco parum fidens, conclamant, se ituros: clamoremque res est secuta. Fixis in terram pilis, quò leviores ardua evaderent, cursu subeunt. Volsicus, effusus ad primum impetum missilibus telis, saxa objacentia pedibus ingerit in subeuntes, turbatosque ictibus crebris urguet ex superiore loco. Sic propè oneratum est finistrum Romanis cornu, ni referentibus jam gradum consul, increpando simul temeritatem, simul ignaviam, pudore metum excussisset. Resistere primò obstinatis animis: deinde, ut in obtinentes locum vires ferebant, audent ultro gradum inferre; &, clamore renovato, commovent aciem. tum rursus, impetu capto, enituntur, atque exsuperant iniquitatem loci. Jam propè erat, ut in summum clivi jugum evaderent, quum terga hostes dedere: effusoque cursu penè agmine uno fugientes sequentesque castris incidere. In eo pavore castra capiuntur. qui Volsicorum effugere potuerunt, Antium petunt. Antium & Romanus exercitus ductus: paucos circumfessum dies deditur, nulla oppugnantium novà vi; sed quòd jam inde ab infelici pugna castrisque amissis ceciderant animi.

LIBER

## LIBER III.

## E P I T O M E.

I, &c. XIX. **S** Editiones de agrariis legibus facta. XVIII.

Capitolium, ab exsulis & servis occupatum, casis iis receptum est. III. Census bis actus est. priore lustro censa sunt civium capita centum quatuor millia ducenta quatuordecim, præter orbos orbasque. XXIV. Sequenti, centum septemdecim millia ducenta novemdecim. XXVI. Quum adversus Æquos res male gesta esset, L. Quinctius Cincinnatus dictator factus, quum rure intentus rustico operi esset, ad id bellum gerendum arcessitus est. XXVIII. Is victos hostes sub jugum misit. XXX. Tribunorum plebis numerus ampliatu est, ut essent decem, trigesimo sexto anno à primis tribunis plebis. XXXI. Petitis per legatos, & allatis Atticis legibus, ad constituendas eas proponendasque decemviri pro consulibus sine ullis aliis magistratibus creati, altero & trecentesimo anno, quàm Roma condita erat: & ut à regibus ad consules, ita à consulibus ad decemviros translatum imperium. XXXIV, &c. Hi, decem tabulis legum positis, quum modeste se in eo honore gessissent, & ob id in alterum quoque annum eundem esse magistratum placuisset, duabus tabulis ad decem adjectis, quum complura impotenter fecissent, magistratum noluerunt deponere, & in tertium annum retinuerunt: XLIV, &c. Donec invito eorum imperio finem attulit libido Ap. Claudii. Qui, quum in amorem virginis incidisset, submisso, qui eam in servitutem peteret, necessitatem patri ejus Virginio imposuit, rapto ex taberna proxima cultro, ut filiam interimeret; quum aliter eam tueri non posset, ne in potestatem stuprum illaturi veniret. L, &c. Hoc tam magna luxurie exemplo plebs incitata montem Aventinum occupavit, coëgitque decemviros abdicare se magistratu. ex quibus Appius & unus collegarum, qui præcipue pœnam meruerant, in carcerem

*rem conjecti; ceteri in exilium acti. LX, &c. Res præterea contra Sabinos, & Volscos, & Æquos prosperè gestas continet, LXXI. Et parum honestum populi Romani judicium: qui, judex inter Ardeates & Aricinos sumptus, agrum, de quo ambigebatur, sibi adjudicavit.*

I. **A**ntio capto, Ti. Æmilius & Q. Fabius consules fiunt. Hic erat Fabius Quintus, qui unus extinctæ ad Cremeram genti superfu-erat. Jam priore consulatu Æmilius dandi agri plebi fuerat auctor. Itaque secundo quoque consulatu ejus & agrarii se in spem legis crexerant, & tribuni rem, contra consules sæpe tentatam, adjutore utique consule, obtineri posse rati, suscipiunt; & consul manebat in sententia sua. Possessores & magna pars Patrum, tribuniciis se jactare actionibus principem civitatis, & largiendo de alieno popularem fieri querentes, totius invidiam rei à tribunis in consulem averterant. Atrox certamen aderat, ni Fabius consilio neutri parti acerborem expedisset. T. Quinctii ductu & auspicio agri capti priore anno aliquantum à Volscis esse: Antium, propinquam, opportunam, & maritimam urbem, coloniam deduci posse: ita sine querelis possessorum plebem in agros ituram, civitatem in concordia fore. Hæc sententia accepta est. Triumviros agro dando creât T. Quinctium, A. Virginium, P. Furium. jussu nomina dare, qui agrum accipere vellent. Fecit statim (ut sit) fastidium copia; adeoque pauci nomina dedere, ut ad explendum numerum coloni Volsci adderentur: cetera multitudo poscere Romæ agrum maluit, quam alibi accipere. Æqui à Q. Fabio (is eodem exercitu venerat) pacem petiere, irritamque causam ipsi subita incursione in agrum Latinum fecere.

II. Q. Servilius, insequenti anno (is enim cum Sp. Postumio consul fuit) in Æquos missus, in Latino agro stativa habuit. intra castra quicquid necessaria morbo

bo implicitum exercitum tenuit. Extractum in tertiam annum bellum est, Q. Fabio & T. Quinctio consulibus. Fabio extra ordinem, quia is victor pacem Æquis dederat, ea provincia data. qui, haud dubiâ spe profectus, famam nominis sui pacaturam Æquos, legatos in concilium gentis missos nunciare iussit; Q. Fabium consulem dicere, se ex Æquis pacem Romam tulisse, ab Æquis bellum asferre, eadem dextrâ armatâ, quam pacatam illis antea dederat. quorum id perfidia & perjurio fiat, Deos nunc testes esse, mox fore ultores. Se tamen, utcumque sit, etiam nunc, penitere sua sponte Æquos, quàm pati hostilia, malle. Si peniteat, indum receptum ad expertam clementiam fore: sin perjurio gaudeant, Diis magis iratis, quàm hostibus, gesturus bellum. Hæc dicta ad eò nihil moverunt quemquam, ut legati propè violati sint, exercitusque in Algidum adversus Romanos missus. Quæ ubi Romam sunt nunciata, indignitas rei, magis quàm periculum, consulem alterum ab urbe excivit. ita duo consulares exercitus ad hostem accedere acie instructi, ut confestim dimicarent. Sed quum fortè haud multum diei superesset, unus ab statione hostium exclamat: ostentare hoc est, Romani, non gerere bellum: in noctem imminentem aciem instruitis. longiore luce ad id certamen, quod instat, nobis opus est. Crastino die oriente sole redite in aciem: erit copia pugnandi, ne timete. His vocibus irritatus miles in diem posterum in castra reduci-  
tur, longam venire noctem ratus, quæ meram certamini faceret. Tum quidem corpora cibo somnoque curant. ubi illuxit postero die, prior aliquanto constitit Romana acies; tandem & Æqui processere. Prælium fuit utrinque vehemens; quod & Romanus ira odioque pugnabat, & Æquos conscientia contracti culpâ periculi, & desperatio futuræ sibi postea fidei, ultima audere & experiri coge-  
bat. Non tamen sustinere aciem Romanam Æqui: pulsi-  
que quum in fines suos se recepissent, nihilo inclinatio-  
ribus ad pacem a-  
nimis

nimis ferox multitudo increpare duces, quòd in aciem, quàm pugnandi arte Romanus excellat, commissa res sit. Æquos populationibus incurſionibusque meliores eſſe; & multas paſſim manus, quàm magnam molera unius exercitus, rectius bella gerere.

III. Relicto itaque caſtris præſidio, egreſſi tanto cum tumultu invaſere fines Romanos, ut ad urbem quoque terrorem pertulerint. nec opinata etiam res plus trepidationis fecit, quòd nihil minùs, quàm ne victus ac propè in caſtris obſeſſus hoſtis memor populationis eſſet, timeri poterat; agreſtesque, pavidi incidentes portis, non populationem, nec prædonum parvas manus, ſed, omnia vano augentes timore, exercitus & legiones adeſſe hoſtium, & infeſto agmine ruere ad urbem, clamabant. Ab his proximi audita incerta, eoque vaniora, ferre ad alios: curſus clamorque vocantium ad arma haud multum à pavore captæ urbis abeſſe. Fortè ab Alcido Quintius conſul redierat Romam, (id remedium timori fuit) tumultuque ſedato, victos timeri increpans hoſtes, præſidia portis impoſuit. Vocato dein ſenatu, quum, ex auctoritate Patrum juſtitio indiſto, profeſtus ad tutandos fines eſſet, Q. Servilio præfecto urbis relicto, hoſtem in agris non invenit. Ab altero conſule res geſta egregiè eſt. qui, quàm venturum hoſtem ſciebat, gravem prædà, eoque impeditiore agmine incedentem aggreſſus, funeſtam ei populationem fecit. Pauci hoſtium evaſere ex infidiis: præda omnis recepta eſt. ſic finem juſtitio, quod quatrimum fuit, redditus Quintii conſulis in urbem fecit. Cenus deinde actus, & conditum ab Quintio luſtrum. cenſa civium capita centum quatuor millia & ducenta quatuordecim dicuntur, præter orbos orbaſque. In Æquis nihil deinde memorabile actum. in oppida ſua ſe recepere, uri ſua popularique paſſi. Conſul, quum aliquoties per omnem  
hoſtium

hostium agrum infesto agmine populabundus esset, cum ingenti laude prædaque Romam rediit.

IV. Consules inde A. Postumius Albus, Sp. Furius Fusus. Furios Fusios scripsere quidam. id admoneo, ne quis immutationem virorum ipsorum esse, quæ nominum est, putet. Haud dubium erat, quin cum Æquis alter consulum bellum gereret. Itaque Æqui ab Ecetranis Volscis præsidium petiere. quo cupidè oblato, (adeò civitatès hæ perpetuo in Romanos odio certavere) bellum summâ vi parabatur. Sentiant Hernici, & prædicunt Romanis, Ecetranum ad Æquos descisse. suspecta & colonia Antium fuit, quòd magna vis hominum inde, quum oppidum captum esset, confugisset ad Æquos. isque miles per bellum Æquitum vel acerrimus fuit. Compulsis deinde in oppida Æquis, ea multitudo dilapsa quum Antium redisset, suâ sponte jam infidos colonos Romanis abalienavit. Necdum maturâ re, quum defectionem parari delatum ad senatum esset, datum negotium est consulibus, ut, principibus coloniarum Romam excitis, quærent, quidnam rei esset. qui quum haud gravati venissent, introducti à consulibus ad senatum ita responderunt ad interrogata, ut magis suspecti, quàm venerant, dimitterentur. Bellum inde haud dubium haberi. Sp. Furius, consulum alter, cui ea provincia evenerat, profectus in Æquos, Hernicorum in agro populabundum hostem invenit; ignarusque multitudinis, quia nusquam universa conspecta fuerat, impari copiis exercitum temerè pugne commisit. Primo concursu pulsus se in castra recepit. neque is finis periculi fuit. namque & proximâ nocte & postero die tantâ vi castra sunt circumfessa atque oppugnata, ut ne nuncius quidem inde mitti Romam posset. Hernici, & malè pugnatum, & consulem exercitumque obsideri, nunciaverunt. tantumque terrorem incussere Patribus, ut (quæ forma senatusconsulti ultimæ semper necessitatis habi-

ta est) Postumio alteri consulum negotium daretur, *Videre, ne quid respublica detrimenti caperet*. Ipsum consulem Romæ manere ad conscribendos omnes, qui arma ferre possent, optimum visum est; proconsule T. Quintium subsidio castris cum sociali exercitu mitti ad eum explendum Latini, Hernique, & colonia Antium dare Quintio subitarios milites (ita tum repentina auxilia appellabant) iussi.

V. Multi per eos dies motus multique impetus hinc atque illinc facti; quia, superante multitudine, hostes carpere multifariam vires Romanas, ut non suffecturas ad omnia, aggressi sunt. simul castra oppugnabantur, simul pars exercitus ad populandum agrum Romanum missa, urbemque ipsam, si qua fortuna daret, tentandam. L. Valerius ad præsidium urbis relictus; consul Postumius ad arcendas populationes finium missus. Nihil remissum ab ulla parte curæ aut laboris. vigilæ in urbe, stationes ante portas, præsidiaque in maris disposita, & quod necesse erat in tanto tumultu, iustitium per aliquot dies servatum. Interim in castris Furius consul, quum primò quietus obsidionem passus esset, in incautum hostem decumana portâ erupit, & quum persequi posset, metu substitit, ne qua, ex parte altera, in castra vis fieret. Furium legatum (frater idem consulis erat) longiùs ex tulit cursus: nec suos ille redeuntes, persequendi studio, neque hostium ab tergo incursum vidit: ita exclusus, multis sæpe frustra conatibus captis, ut viam sibi ad castra faceret, acriter dimicans cecidit. Et consul, nuncio circumventi fratris conversus ad pugnam, dum se temerè magis, quàm satis cautè, in mediam dimicationem infert, vulnere accepto, agrè ab circumstantibus ereptus, & suorum animos turbavit, & ferociiores hostes fecit. qui, cæde legati & consulis vulnere accensi, nullâ deinde vi sustineri potuerunt, quam compulsi in castra Romani rursus obsiderentur;

nce

nec spe, nec viribus pares. venissetque in periculum summa rerum, ni T. Quinctius peregrinis copiis cum Latino Hernicoque exercitu subvenisset. Is, intentos in castra Romana Æquos legatique caput ferociter ostentantes ab tergo adortus, simul ad signum à se procul editum ex castris eruptione factà, magnam vim hostium circumvenit. Minor cædes, fuga effusior Æquorum in agro fuit Romano. in quos palatos, prædam agentes, Postumius aliquot locis, quibus opportuna imposuerat præsidia, impetum dedit. ii vagi, dissipato agmine fugientes, in Quinctium victorem, cum saucio consule revertentem, incidere. Tum consularis exercitus egregià pugnà consulis vulnus, legati & cohortium ultus est cædem. magnæ clades ultro citroque illis diebus & illatæ & acceptæ. Difficile ad fidem est in tam antiqua re, quot pugnaverint ceciderintve, exacto affirmare numero. audet tamen Antias Valerius concipere summas. Romanos cecidisse in Hernico agro quinque millia ac trecentos: ex prædatoribus Æquorum, qui populabundi in sinibus Romanis vagabantur, ab A. Postumio consule duo millia & quadringentos cæsos: ceteram multitudinem, prædam agentem, quæ inciderit in Quinctium, nequaquam pari defunctam esse cæde. interfecta inde quatuor millia, &, exsequendo subtiliter numerum, ducentos, ait, & triginta. Ut Romam reditum & iustitium remissum est, cælum visum est ardere plurimo igni; portentaque alia aut obversata oculis, aut vanas exterritis ostentavere species. His avertendis terroribus in triduum feriæ indictæ, per quas omnia delubra pacem Deum exposcentium virorum mulierumque turbâ implebantur. Cohortes inde Latinæ Hernicæque ab senatu, gratiis ob impigram militiam actis, remissæ domos. Antiates, mille milites, quia serum auxilium post prælium venerant, propè cum ignominia dimissi.

VI. Comi-



VI. Comitia inde habita. creati consules L. Æbutius, P. Servilius Kalendis Sextilibus, ut tunc principium anni agebatur, consulatum incunt. Grave tempus & fortè annus pestilens erat urbi agrisque, nec hominibus magis, quàm pecori; & auxere vim morbi, terrore populationis pecoribus agrestibusque in urbem acceptis. Ea colluvio mixtorum omnis generis animantium & odore insolito urbanos, & agrestem, confertum in arcta tecta, æstu ac vigiliis angebat, ministeriaque in vicem ac contagio ipsa vulgabant morbos. Vix instantes sustinentibus clades repentè legati Hernici nunciant, in agro suo Æquos Volcosque conjunctis copiis castra posuisse. inde exercitu ingenti fines suos depopulari. Præterquam quòd infrequens senatus indicio erat fociis, afflictam civitatem pestilentia esse, mæstum etiam responsum tulere: *ut per se ipsi Hernici cum Latinis res suas tutarentur. Urbem Romanam subitè Deum irâ morbo populari. Si qua ejus mali quies veniat, ut anno antè, ut semper aliàs, fociis opem laturos.* Discessere focii, pro tristi nuncio tristiores domum referentes; quippe quibus per se sustinendum bellum erat, quod vix Romanis fulti viribus sustinuissent. Non diutius se in Hernico hostis continuit. pergit inde infestus in agros Romanos, etiam sine belli injuria vastatos. Ubi quum obviis nemo, ne inermis quidem, fieret, perque omnia, non præsidiis modò deserta, sed etiam cultu agresti, transirent; pervenere ad tertium lapidem Gabinâ viâ. Mortuus Æbutius erat Romanus consul. collega ejus Servilius exigua in spe trahebat animam. affecti plerique principum, Patrum major pars, militaris ferè ætas omnis: ut non modò ad expeditiones, quas in tanto tumultu res poscebat, sed vix ad quietas stationes viribus sufficerent. Munus vigiliarum senatores, qui per ætatem ac valetudinem poterant, per se ipsi obibant: circuitio ac cura ædilium plebei erat. ad eos summa rerum ac majestas consularis imperii venerat.

VII. De:

VII. Deserta omnia, sine capite, sine viribus, Dii præfides ac fortuna urbis tutata est, quæ Volscis Æquisque, prædonum potiùs mentem, quàm hostium, dedit. adeò enim nulla spes non potiùs modò, sed ne adetundi quidem Romana mœnia, animos eorum cepit, testaque procul visa atque imminentes tumuli avertere mentes eorum; ut, totis passim castris fremitu orto, *quid in vasto ac deserto agro inter tabernaculorum hominumque fides sine praeda tempus tacerent, quum integra loca, Tusculanum agrum, opimum copiis, petere possent?* signa repentè convellerent, transversisque itineribus per Lavicanos agros in Tusculanos colles transfrent. eò vis omnis tempestasque belli conversa est. Interim Hernici Latinique, pudore etiam, non misericordiâ solùm, moti, si nec obstitissent communibus hostibus, infesto agmine Romanam urbem petentibus, nec opem ullam obsessis sociis ferrent, conjuncto exercitu Romam pergunt. Ubi quum hostes non invenissent, secuti famam ac vestigia, obvii fiunt descendentibus ab Tusculano in Albanam vallem. ibi haudquaquam æquo prælio pugnatum est, fidesque sua sociis parum felix in præsentia fuit. Haud minor Romæ fit morbo strages, quàm quanta ferro sociorum facta erat. consul, qui unus supererat, moritur. mortui & alii clari viri, M. Valerius, T. Virginus Rutilus, augures; Ser. Sulpicius, curio maximus. & per ignota capita latè evagata est vis morbi: inopsque senatus auxilii humani, ad Deos populum ac vota vertit. jussu cum conjugibus ac liberis supplicatum ire, pacemque exposcere Deum. Ad id, quod sua quemque mala cgebant, auctoritate publicâ evocati, omnia delubra implent. stratz passim matres, crinibus templa verrentes, veniam irarum cœlestium, finemque pesti exposcunt.

VIII. Inde paullatim, seu pace Deum impetratâ, seu graviore tempore anni jam circumactò, defuncta mor-

bis corpora salubriora esse incipere : versisque animis jam ad publicam curam, quum aliquot interregna exissent, P. Valerius Publicola tertio die, quàm interregnum inierat, consules creat L. Lucretium Tricipitinum & T. Veturium Geminum ; sive ille Vetusius fuit. Ante diem tertium Idus Sextiles consulatum ineunt, jam satis validâ civitate, ut non solum arcere bellum, sed ultro etiam inferre posset. Igitur, nunciantibus Hernicis, in fines suos transcendisse hostes, impigrè promissum auxilium. duo consulares exercitus scripti. Veturius missus in Volscos ad bellum ultro inferendum. Tricipitinus, populationibus arcendis sociorum agro oppositus, non ultrâ, quàm in Hernicos, procedit. Veturius primo prælio hostes fundit fugatque. Lucretium, dum in Hernicis sedet, prædonum agmen sefellit, supra montes Prænestinos ductum, inde demissum in campos. Vastavere agros Prænestinum Gabinumque : ex Gabino in Tusculanos flexere colles. urbi quoque Romæ ingens præbitus terror, magis in re subita, quàm quòd ad arcendam vim parum virium esset. Q. Fabius præerat urbi. is, armatâ juventute, dispositisque prædiis, tuta omnia ac tranquilla fecit. Itaque hostes, prædâ ex proximis locis raptâ, appropinquare urbi non ausi, quum circumacto agmine redirent, quanto longiùs ab urbe hostium abscederent, eo solutiore curâ in Lucretium incidunt consulem, jam antè exploratis itineribus suis instructum, & ad certamen intentum. Igitur, præparatis animis, repentino pavore percussos adorti, aliquanto pauciores multitudinem ingentem fundunt fugantque ; & compulsos in cavas valles, quum exitus haud in facili essent, circumveniunt. Ibi Volscum nomen propè deletum est. tredecim millia quadringentos septuaginta cecidisse in acie ac fuga, mille ducentos quinquaginta vivos captos, signa viginti septem militaria relata, in quibusdam annalibus invenio. ubi etsi adjectum aliquid numero sit, magna certè

certè cædes fuit. Victor consul, ingenti prædâ potitus, eadem in stativa rediit. Tum consules castra conjungunt: & Volsci Æquique afflictas vires suâs in unum contulere. Tertia illa pugna eo anno fuit. eadem fortuna victoriam dedit. fufis hostibus, etiam castra capta.

IX. Sic res Romana in antiquum statum rediit: secundæque belli res extemplo urbanos motus excitaverunt. C. Terentillus Arsa tribunus plebis eo anno fuit. is, consulibus absentibus, ratus locum tribuniciis actionibus datum, per aliquot dies Patrum superbiam ad plebem criminatus, maximè in consulare imperium, tanquam nimium, nec tolerabile liberæ civitati, invehebatur: *nomine enim tantum minus invidiosum, re ipsâ proptè atrocius, quàm regium, esse. Quippe duos pro uno domino acceptos, immoderatâ, infinitâ potestate: qui, soluti atque effrenati ipsi, omnes metus legum omniaque supplicia verterent in plebem. Qua ne aeterna illis licentia sit, legem se promulgaturum, ut quinque viri creentur legibus de imperio consulari scribendis. Quod populus in se jus dederit, eo consulem usurum: non ipsos libidinem ac licentiam suam pro lege habituros. Quâ promulgatâ lege, quum timerent Patres, ne, absentibus consulibus, jugum acciperent, fenatus à præfecto urbis Q. Fabio vocatur: qui adeo atrociter in rogationem latoremque ipsum est investus, ut nihil, si ambo consules infesti circumstarent tribunum, relictum minarum atque terroris sit: insidiatum cum, & tempore capto adortum rempublicam. Si quem similem ejus priore anno, inter morbum bellumque, irati Dii tribunum dedissent, non potuisse sisti. Mortuis duobus consulibus, jacente agrâ civitate in colluvione omnium rerum, ad tollendum è republica consulare imperium laturum leges fuisse; ducem Volscis Æquisque ad oppugnandam urbem futurum. Quid tandem? illi non licere, si quid consules superbe in aliquem civium, aut crudeliter, fecerint, diem dicere? accusare his ipsis iudicibus, quorum in aliquem scitum sit? Non il-*

*lud consulare imperium, sed tribuniciam potestatem invisam intolerandamque facere: quam pacatam reconciliatamque Patribus de integro in antiqua redigi mala. neque illum se deprecari, quod minus pergat, ut cœperit. Vos, inquit Fabius, ceteri tribuni, oramus, ut primum omnium cogitatis, potestatem istam ad singulorum auxilium, non ad perniciem universorum, comparatam esse. tribunos plebis vos creatos, non hostes Patribus. Nobis miserum, invidiosum vobis est, desertam rempublicam invadi. non jus vestrum, sed invidiam, minueritis. Agite cum collega, ut rem integram in adventum consulum differat. ne Æqui quidem ac Volsci, morbo absumptis priore anno consulibus, crudeli superboque nobis bella insistere. Agunt cum Terentillo tribuni: dilatâque in speciem actione, re ipsâ sublatâ, consules extemplo arcessiti.*

X. Lucretius cum ingenti præda, majore multò gloria, rediit. & auget gloriam adveniens, expositâ omnî in campo Martio prædâ, ut suum quisque per triduum cognitum abduceret. reliqua venditâ, quibus domini non exsistere. Debebatur omnium consensu consuli triumphus: sed dilata res est, tribuno de lege agente. id antiquius consuli fuit. Jactata per aliquot dies quum in senatu res, tum ad populum est. cessit ad ultimum majestati consulis tribunus, & destitit. tum imperatori exercituique honos suus redditus. Triumphavit de Volscis Æquisque: triumphantem secutæ suæ legiones. alteri consuli datum, ut ovans sine militibus urbem iniret. Anno deinde insequenti lex Terentilla, ab toto relata collegio, novos aggressa consules est. erant consules P. Volumnius, Ser. Sulpicius. Eo anno cœlum ardere visum; terra ingenti concussa motu est. bovem locutam, cui rei priore anno fides non fuerat, creditum. Inter alia prodigia & carnem pluit: quem imbrem ingens numerus avium intervolitando rapuisse fertur. quod intercudit, sparsum ita jacuisse per aliquot dies, ut nihil odor mutaret. Li-  
bri

Bri per duumviros sacrorum aditi : pericula à conventu alienigenarum prædicta, ne qui in loca summa urbis impetus, cædesque inde fierent. inter cetera monitum, ut seditionibus abstineretur. Id factum ad impediendam legem, tribuni criminabantur, ingenisque aderat certamen. Ecce (ut idem in singulos annos orbis volveretur) Hernici nunciant, Volscos & Æquos, etsi accisæ res sint, reficere exercitus; Antii summam rei positam; Ecetraz Antiates colonos palam concilia facere. id caput, eas vires belli esse. Ut hæc dicta in senatu sunt, delectus edicitur : consules belli administrationem inter se dispartiri jussi, alteri ut Volsci, alteri ut Æqui provincia esset. Tribuni coram in foro personare, *Fabulam compositam Volsci belli, Hernicos ad partes paratos: jam ne virtute quidem premi libertatem populi Romani, sed arte eludi. quia, occisione propè occisos Volscos & Æquos movere sub sponte arma posse, jam fides abierit, novos hostes queri. coloniam fidam, propinquam, infamem fieri. bellum innoxiiis Antiatibus indici, geri cum plebe Romana. quam, oneratam armis, ex urbe præcipiti agmine acturi essent; exilio & relegatione civium ulciscentes tribunos. Sic, ne quid aliud altam putent, victam legem esse; nisi, dum in integro res sit; dum domi, dum togati sint, caveant, ne possessione urbis pellantur, ne jugum accipiant. Si animus sit, non de fore auxillum. consentire omnes tribunos. nullum terrorem externum, nullum periculum esse. Cavisse Deos priore anno, ut tutò libertas defendi posset. Hæc tribuni.*

XI. At ex parte altera consules in conspectu eorum, positis sellis, delectum habebant. eò decurrunt tribuni, concionemque secum trahunt: citati pauci, velut rei experiendæ causâ: & statim vis coorta. Quemcunque licitor jussu consulis prehensisset, tribunus mitti jubebat. neque suum cuique jus modum faciebat, sed virium spe & manu obtinendum erat, quod intenderes. Quemadmodum se tribuni gef-

fissent in prohibendo delectu, sic patres in lege, quæ per omnes comitiales dies ferebatur, impedienda gerebant. Initium erat rixæ, quum discedere populum jussissent tribuni, quòd Patres se summoveri haud sinebant. nec ferè seniores rei intererant; quippe quæ non consilio regenda, sed permissa temeritati audaciæque esset. Multum & consules se abstinebant, ne cui in colluvione rerum majestatem suam contumeliæ offerrent. Kæso erat Quinctius, ferox juvenis, quæ nobilitate gentis, quæ corporis magnitudine & viribus. ad ea munera, data à Diis, & ipse addiderat multa belli decora, facundiamque in foro; ut nemo, non linguâ, non manu, promptior, in civitate haberetur. Hic, quum in medio Patrum agmine constitisset, eminens inter alios, velut omnes dictaturas consulatusque gereans in voce ac viribus suis, unus impetus tribunicios popularesque procellas sustinebat. Hoc duce, sæpe pulsi foro tribuni, fusa ac fugata plebs est. qui obvi-  
us fuerat, mulcatus nudatusque abibat: ut satis appareret, si sic agi liceret, victam legem esse. Tum, propè jam perculsis aliis tribunis, A. Virginius, ex collegio unus, Kæsoni capitis diem dicit. atrox ingenium accenderat eo facto magis, quàm conterruerat: eo acrius obstare legi, agitare plebem, tribunos velut iusto persequi bello. Accusator pati reum ruere, invidiæque flammam ac materiam criminibus suis suggerere: legem interim, non tam ad spem perferendi, quàm ad lacessendam Kæsonis temeritatem, ferre. Ibi multa, sæpe ab juventute inconsultè dicta factaque, in unius Kæsonis suspectum incidunt ingenium: tamen legi resistebatur. Et A. Virginius identidem plebi: *Ecquid sentitis jam, vos, Quirites, Kæsonem simul civem & legem, quam cupitis, habere non posse? quamquam quid ego legem loquor? libertati obstat, omnes Tarquânios superbiam exsuperat. Expectate, dum consul aut dictator fiat, quem privatum viribus & audaciâ regnantem videtis.* Assentiebantur multi, pulsatos

pulfatos se querentes, & tribunum ad rem peragendam ultro incitabant.

XII. Jam aderat iudicio dies, apparebatque, vulgò homines in damnatione Kæsonis libertatem agi credere. tum demum coactus cum multa indignitate preffabat singulos. sequebantur necessarii, principes civitatis. T. Quintius Capitolinus, qui ter consul fuerat, quum multa referret sua familiæque decora, affirmabat: *Neque in Quintia gente, neque in civitate Romana tantam indolem tam matura virtutis unquam existisse. Suum primum militem fuisse, se sæpe vidente pugnasse in hostem. Sp. Furius, missum ab Quintio Capitolino sibi cum in dubiis suis rebus venisse subsidio. neminem unum esse, cujus magis operâ putet rem restitutam.* L. Lucretius, consul anni prioris, recenti gloriâ nitens, suas laudes participare cum Kæsone, memorare pugnas, referre egregia facinora, nunc in expeditionibus, nunc in acie: suadere & monere, juvenem egregium, instructum natura fortuneque omnibus bonis, maximum momentum rerum ejus civitatis, in quamcunque venisset, suum, quàm alienum, mallent civem esse. *Quod offendant in eo, fervorem & audaciam & aetatem quotidie auferre; quod desideretur consilium, id in dies crescere. Senescentibus vitiis, maturescen- te virtute, sinerent tantum virum senem in civitate fieri.* Pater inter hos L. Quintius, cui Cincinnato cognomen erat, non iterando laudes, ne cumlaret invidiam, sed veniam errori atque adolescentiæ petendo, sibi, qui non dicto, non facto quemquam offendisset, ut condonarent filium, orabat. Sed alii averfabantur preces, aut verecundia, aut metu: alii, se suosque mulcatos querentes, atroci responso iudicium suum præferebant.

XIII. Premebat reum, præter vulgatam invidiam, erimen unum; quòd M. Volscius Fictor, qui ante aliquot annos tribunus plebis fuerat, testis exstiterat, *Se haud multò post, quàm pestilentia in urbe fuerat, in juventutem, grassantem in Subura, incidisse. ibi rixam natam esse,*



fratremque suum majorem natu, necdum ex morbo satis vandum, pugno ictum ab Kafone cecidisse semianimem. Inter manus domum ablatum, mortuumque inde arbitrari, nec sibi rem exsequi tam atrocem per consules superiorum annorum licuisse. Hæc Volscio clamitante, aded concitati homines sunt, ut haud multum abfuerit, quin impetu populi Kæso interiret. Virginius arripi jubet hominem, & in vincula duci. patricii contrà vi resistunt. T. Quinctius clamat, *Cui rei capitalis dies dicta sit, & de quo futurum prope diem judicium, eum indemnatum indictâ causâ non debere violari.* Tribunus supplicium negat sumpturum se de indemnato; servaturum tamen in vinculis esse ad judicii diem. ut, qui hominem necaverit, de eo supplicii sumendi copia populo Romano fiat. Appellati tribuni medio decreto jus auxilii sui expediunt: in vincula conjici vetant: fisci reum, pecuniamque, nisi sistatur, populo promitti, placere pronunciant. Summam pecuniæ quantam æquum esset promitti, veniebat in dubium: id ad senatum rejicitur. Reus, dum consulerentur Patres, retentus in publico est. vades dare placuit. unum vadem tribus millibus æris obligarunt. quot darentur, permissum tribunis est. decem finierunt. tot vadibus accusator vadatus est reum. Hic primus vades publicos dedit. dimissus è foro nocte proximâ in Tuscos in exsilium abiit. Judicii die quum excusaretur solum vertisse exsilii causâ, nihilo minùs Virgino comitia habente, collegæ appellati dimisere concilium: pecunia à patre exacta crudeliter, ut, divenditis omnibus bonis, aliquamdiu trans Tiberim, veluti relegatus, devio quodam tugurio viveret.

XIV. Hoc judicium & promulgata lex exercuit civitatem: ab externis armis otium fuit. Quum, velut victores, tribuni, perculsis Patribus Kæsonis exsilio, propè perlatam esse crederent legem, &, quod ad seniores Patrum pertineret, cessissent possessione reipublicæ; juniores, id maximè quod Kæsonis sodalium fuit,

fuit, auxere iras in plebem, non minuerunt animos. sed ibi plurimum profectum est, quòd modo quodam temperavere impetus suos. Quum primò post Kæsonis exsilium lex cœpta ferri est, instructi paratique cum ingenti clientium exercitu sic tribunos, ubi primum submoventes præbuere causam, adorti sunt, ut nemo unus, inde præcipuum quicquam gloriæ domum invidiæve ferret; mille pro uno Kæsones exstitisse, plebes quereretur. Mediis diebus, quibus tribuni de lege non agerent, nihil eisdem illis placidius aut quietius erat. benignè salutare, alloqui plebis homines, domum invitare, adesse in foro, tribunos ipsos cetera pati sine interpellatione concilia habere: nunquam ulli, neque publicè, neque privatim, truces esse, nisi quum de lege agi cœptum esset. Alibi popularis juvenus erat. nec cetera modò tribuni tranquillò peregere; sed refecti quoque in insequentem annum. ne voce quidem incommodà, nedum ut ulla vis fieret, paullatim permulcendo tractandoque mansuefecerant plebem. His per totum annum artibus lex elusa est.

XV. Accipiunt civitatem placidiorem consules C. Claudius, Appii filius, & P. Valerius Publicola. Nihil novi novus annus attulerat. legis ferendæ aut accipiendæ cura civitatem tenebat. Quantum juniores Patrum plebi se magis insinuabant, eo acrius contra tribuni tendebant, ut plebi suspectos eos criminando facerent. *Conjunctionem factam, Kæsonem Roma esse: interficiendorum tribunorum, trucidanda plebis consilia inita. Id negotiū datum ab senioribus Patrum, ut juvenus tribuniciam potestatem è republica tolleret, formaque eadem civitatis esset, que ante Sacrum montem occupatum fuerat.* Et ab Volscis & Æquis statum jam ac propè solenne in singulos annos bellum timebatur: propiusque aliud novum malum, necopinatò exortum. Exsules servique, ad quatuor millia hominum & quingenti, duce Ap. Herdonio Sabino, nocte Capitolium atque arcem occuparunt.

G 5.

vere.

vere. Confestim in arce, facta cædes eorum, qui conjurare & simul capere arma nokuant. alii inter tumultum præcipientes pavore in forum devolant. alterarum voces. *Ad arma, & Hostes in urbe sunt*, audiebantur. Consules & armare plebem, & inermem pati timebant. Incerti, quod malum repentinum, externum an intestinum, ab odio plebis, an ab servili fraude, urbem invasisset, sedabant tumultus, sedando interdum movebant. nec enim poterat pavida & consternata multitudo regi imperio. Dant tamen arma, non vulgò; tantum ut, incerto hoste, præsidium satis fidum ad omnia esset. Solliciti reliquum noctis, incertique, qui homines, quantus numerus hostium esset, in stationibus disponendis ad opportuna omnis urbis loca, egeret. Lux deinde aperuit bellum ducemque belli. Servos ad libertatem Ap. Herdonius ex Capitolio vocabat, *Se miserrimi cujusque suscepisse causam, ut exsules injuriâ pulsos in patriam reduceret, & servitiis grave jugum demeret. id malle populo Romano auctore fieri. Si ibi spes non sit, se Volscos, & Æquos, & omnia extrema tentaturum & concitaturum.*

XVI. Dilucere res magis Patribus atque consulibus. præter ea tamen, quæ denunciabantur, ne Vejentium, neu Sabinorum id consilium esset, timere: &, quum: tantum in urbe hostium esset, mox Sabinæ Etruscæque legiones ex composito adessent; tum æterni hostes Volsci & Æqui, non ad populandos, ut antè, fines; sed ad urbem, ut ex parte captam, venirent. Multi & varii timores. inter ceteros eminebat terror servilis, ne suus cuique domi hostis esset, cui nec credere, nec, non credendo, ne infestior fieret, fidem abrogare, satis erat tutum. Vixque concordia sisti videbatur posse. tantum, superantibus aliis ac emergentibus malis, nemo tribunorum aut plebem timebat. manfuetum id malum, & per aliorum quietem malorum, semper exorians, tumque esse peregrinæ terrore sopitum.

tum videbatur. At id propè unum maximè inclinatis rebus incubuit. tantus enim tribunus furor tenuit, ut non bellum, sed vanam imaginem belli, ad aver- tendos ab legis cura plebis animos, Capitolium in- disse contenderent: patriciorum hospites clientesque, si perlatà lege frustra tumultuatos esse se sentiant, ma- jore, quàm venerint, silentio abituros. Concilium in- de legi perferendæ habere, avvocato populo ab armis. Senatum interim consules habent, alio se majore ab tribunis metu ostendente, quàm quem nocturnus hostis intulerat.

XVII. Postquam arma poni, & discedere homines ab stationibus nunciatum est, P. Valerius, collegà sè- natum retinente, se ex curia proripit, inde in templum ad tribunos venit: *Quid hoc rei est, inquit, tribuni? Ap. Herdonii ductu & auspicio rempublicam eversuri estis? Tam felix vobis corrumpendis fuit, qui servitia vestra non commo- vit auctor? Quum hostes supra caput sint, discedi ab armis, legesque ferri placet?* Inde ad multitudinem oratione versà: *Si vos urbis, Quirites, si vestri nulla cura tangit; at vos veremini Deos vestros, ab hostibus captos. Jupiter op- timus maximus, Juno regina, & Minerva, alii Dii Dea- que obsidentur. castra servorum publicos vestros penates te- nent. Hæc vobis forma sana civitatis videtur? Tantum hostium non solum intra muros est, sed in arce supra forum curiamque: comitia interim in foro sunt: senatus in curia est: velut quum otium superat, senator sententiam dicit: alii Qui- rites suffragium ineunt. Non, quicquid Patrum plebisque est, consules, tribunos, Deos, hominesque omnes armatos opem ferre, in Capitolium currere, liberare ac pacare augustissimam illam domum Jovis optimi maximi decuit? Romule pater, tu mentem tuam, quâ quondam arcem, ab his iisdem Sabinis auro captam, recepisti, da stirpi tue. jube hanc ingredi vi- am, quam tu dux, quam tuus ingressus exercitus est. Primus, en, ego consul, quantum mortalis Deum possim, te, ac tua vestigia sequar. Ultimum orationis fuit, Se arma capere,*

*vocare omnes Quirites ad arma. si quis impediat, jam se consularis imperii, jam tribunicie potestatis sacratarumque legum oblitum, quisquis ille sit, ubicunque sit, in Capitolio, in foro, pro hoste habiturum. Juberent tribuni, quoniam in Ap. Herdonium vetarent, in P. Valerium consulem sumi arma ausurum se in tribunis, quod princeps familie sua ausus in regibus esset. Vim ultimam apparebat futuram, spectaculoque seditionem Romanam hostibus fore. nec lex tamen ferri, nec ire in Capitolium consul potuit. non certamina cœpta oppressit: tribuni cessere nocti, timentes consulum arma. Amotis inde seditionis auctoribus, Patres circumire plebem, inferentesque se in circulos, sermones tempori aptos ferere: admonere, Ut viderent, in quod discrimen rempublicam adducerent. Non inter Patres ac plebem certamen esse, sed simul Patres plebemque, arces urbis, templa Deorum, penates publicos privatosque hostibus dedi. Dum hæc in foro sedandæ discordiæ causâ aguntur, consules interim, ne Sabini, ne Vojens hostis moveretur, circa portas murosque discesserant.*

XVIII. Eâdem nocte & Tusculum de arce capta, Capitolioque occupato, & alio turbatæ urbis statu nunciis veniunt. L. Mamilius Tusculi tum dictator erat. is, confestim convocato senatu, atque introductis nunciis, magno opere censet, *Ne expectent, dum ab Roma legati, auxilium petentes, veniant: periculum ipsum discrimenque, ac sociales Deos, fidemque fœderum id pascere. Demerendi beneficio tam potentem, tam propinquam civitatem, nunquam parem occasionem daturos Deos. Placet ferri auxilium; juvenus conscribitur, arma dantur. Romam primâ luce venientes, procul speciem hostium præbueret. Æqui aut Volsci venire visi sunt. deinde, ubi vanus terror abiit, accepti in urbem, agmine in forum descendunt. ibi jam P. Valerius, relicto ad portarum præsidia collegâ, instruebat aciem. Auctoritas viri moverat, affirmantis, Capitolio recuperato, & urbe pacatâ, si edoceri se sissent, quæ fraus à tribunis occulta in lege ferretur,*  
*memorem*

*memorem se majorum suorum, memorem cognominis, quod populi colendi velut hereditaria cura sibi à majoribus tradita esset, concilium plebis non impediturum.* Hunc ducem secuti, nequicquam reclamantibus tribunis, in clivum Capitolinum erigunt aciem. adjungitur & Tusculana legio. certare focii civesque, utri recuperatæ arcis suum decus facerent. dux uterque suos adhortatur. Trepidare tum hostes: nec ulli satis rei, præterquam loco, fidere. trepidantibus inferunt signa Romani sociique. Jam in vestibulum perruperant templi, quum P. Valerius, inter primores pugnam ciens, interficitur. P. Volumnius consularis vidit cadentem. is, dato negotio suis, ut corpus obtegerent, ipse in locum vicemque consulis provolat. Præ ardore impetuque tantæ rei sensus non pervenit ad militem: prius vicit, quam se pugnare sine duce sentiret. Multi exsulum cæde suâ foedavere templum; multi vivi capti; Herdonius interfectus. Ita Capitolium recuperatum. De captivis, ut quisque liber aut servus esset, suæ fortunæ à quoque sumptum supplicium est. Tusculanis gratiæ actæ: Capitolium purgatum atque lustratum. In consulis domum plebes quadrantes, ut funere ampliore efferretur, jactasse fertur.

XIX. Pace partâ, instare tum tribuni Patribus, ut P. Valerî fidem exsolverent: instare Claudio, ut collega Deos manes fraude liberaret, agi de lege sineret. Consul, antequam collegam sibi subrogasset, negare, passurum agi de lege. Hæ tenuere contentiones usque ad comitia consulis subrogandi. Decembri mense, summo Patrum studio, L. Quinctius Cincinnatus, pater Kæsonis, consul creatur, qui magistratum statim occiperet. Percussa erat plebes, consulem habitura iratum, potentem favore Patrum, virtute suâ, tribus liberis, quorum nemo Kæsoni cedebat magnitudine animi; consilium & modum adhibendo, ubi res posceret, priores erant. Is, ut magistratum iniit, assiduâ concionibus pro tribuna-

li,

li, non in plebe coercenda, quàm senatu castigando, vehementior fuit: *cujus ordinis languore perpetui jam tribuni plebis, non ut in republica populi Romani, sed ut in perditâ domo, linguâ criminibusque regnarent.* Cum Kasone filio suo virtutem, constantiam, omnia juventutis belli domique decora pulsa ex urbe Romana & fugata esse. loquaces, seditiosos, semina discordiarum, iterum ac tertium tribunos pessimis artibus regiâ licentiâ vivere. A. inquit, ille Virginius, quia in Capitolio non fuit, minus supplicii, quàm Ap. Herdonius, meruit? plus bercute aliquanto, qui verè rem affirmare velit. Herdonius, si nihil aliud, hostem se fatendo propè denunciavit, ut arma caperetis: hic, negando bella esse, arma vobis ademit, nudosque servis vestris & exsulis objecit. Et vos. (G. Claudii pace, & P. Valerii mortui loquar) prius in clivum Capitolinum signa intulistis, quàm hos hostes de foro tolleretis? Pudet Deorum hominumque. quum hostes in arce, in Capitolio essent, exsulum & servorum dux, profanatis omnibus, in cella Jovis optimi maximi habitaret, Tusculi antè, quàm Romæ, sumpta sunt arma. In dubio fuit, utrum L. Mamilius Tusculanus dux, an P. Valerius & G. Claudius consules Romanam arcem liberarent: & qui antè Latinos, ne pro se quidem ipsis, quum in finibus hostem haberent, attingere arma passi sumus; nunc, nisi Latini suâ sponte arma sumpsisent, capti & deleti eramus. Hoc est, tribuni, auxilium plebi ferre, inermem eam hosti trucidandam objicere? Scilicet, si quis vobis humillimus homo de vestra plebe, (quam partem, velut abruptam à cetero populo, vestram patriamque peculiaremque rempublicam fecistis) si quis ex his domum suam obsessam à familia armata nunciaret, ferendum auxilium putaretis. Jupiter optimus maximus, exsulum atque servorum septus armis, nullâ humanâ ope dignus erat? & hi postulant, ut sacrosancti habeantur, quibus ipsi Dii neque sacri, neque sancti sunt? At enim, divinis humanisque obruti sceleribus, legem vos hoc anno perlaturus disistitis? Tum bercule illo die, quo ego consul sum creatus, malè gesta respicienda est, pejorâ malto, quàm quum P. Valerius consul periit.

¶

*si tuleritis. Jam primam omnium, inquit, Quirites, in Volfos & Equos mihi atque collega legiones ducere in animo est. Nescio quo fato magis bellantes, quam pacati, propitios habemus Deos. quantum periculum ab illis populis fuerit, si Capitolium ab consulibus obsessum scissent, suspicari de praterito, quam re ipsa experiri, est melius.*

XX. Moverat plebem oratio consulis: erecti Patres restitutam credebant rempublicam: consul alter, comes animosior, quam auctor, suscepisse collegam priorem actionem tam gravis rei facile passus, in peragendis consularis officii partem ad se vindicabat. Tum tribuni, eludentes velut vana dicta, persequi querendo, quonam modo exercitum educturi consules essent, quos delectum habere nemo passurus esset? Nobis verò, inquit Quinctius, nihil delectu opus est; quum, quo tempore P. Valerius ad recipiendum Capitolium arma plebi dedit, omnes in verba juraverint, conventuros se jussu consulis, nec injussu adituros. Edicimus itaque, omnes, qui in verba jurastis, crastinâ die armati ad locum Regillum adsitis. Cavillari tum tribuni, & populum exsolvere religione velle: privatum ea tempore Quinctium fuisse, quum sacramento adacti sint. Sed nondum hæc, quæ nunc tenet seculum, negligentia Deum venerat: nec interpretando sibi quisque jusjurandum & leges aptas faciebat, sed suos potius mores ad ea accommodabat. Igitur tribuni, ut impediendæ rei nulla spes erat, de proferendo exercitu agere. eo magis, quod, & augures jussos adesse ad Regillum lacum, fama exierat, locumque inaugurari, ubi auspiciatû cum populo agi posset; ut, quicquid Roma vi tribuniciâ rogatum esset, id comitiis ibi abrogaretur. Omnes id jussuros, quod consules vellent. neque enim provocationem esse longius ab urbe mille passuum: & tribunos, si eo adveniant, in alia turba Quiritium subjectos fore consulari imperio. Terrebant hæc: sed ille maximus terror animos agitabat, quod sæpius Quinctius dicebat, Se consulum comitia non habiturum. Non ita civitatem agram esse, ut consuetis remediis fâci possit. dictatore

opus



opus esse reipublica, ut, qui se moverit ad sollicitandum statum civitatis, sentiat, sine provocatione dictaturam esse.

XXI. Senatus in Capitolio erat. eò tribuni cum perturbata plebe veniunt. multitudo clamore ingenti, nunc consulum, nunc Patrum, fidem implorant. nec antè moverunt de sententia consulem, quàm tribuni, se in auctoritate Patrum futuros esse, polliciti sunt. Tunc, referente consule de tribunorum & plebis postulatis, senatusconsulta fiunt, *Neque tribuni legem eo anno ferrent, neque consules ab urbe exercitum educerent. In reliquum magistratus continuari, & eosdem tribunos refici, judicare senatum contra rempublicam esse.* Consules fuere in Patrum potestate: tribuni, reclamantibus consulibus, refecti. Patres quoque, ne quid cederent plebi, & ipsi L. Quinctium consulem reficiebant. Nulla toto anno vehementior actio consulis fuit. Mirer, inquit, si vana vestra, Patres conscripti, auctoritas ad plebem est? Vos elevatis eam. quippe, quia plebs senatusconsultum in continuandis magistratibus solvit, ipsi quoque solutum vultis, ne temeritati multitudinis cedatis: tanquam id sit. plus posse in civitate, plus levitatis ac licentiæ habere. levius enim vaniusque profectò est, sua decreta & consulta tollere, quàm aliorum. Imitamini, Patres conscripti, turbam inconsultam: & qui exemplo aliis esse debetis, aliorum exemplo peccetis potius, quàm alii vestro rectè faciant; dum ego ne imiter tribunos, nec me contra senatusconsultum consulem renunciari patiar. Te verò, G. Claudii, adhortor, ut & ipse populum Romanum hac licentiâ arceas: & de me hoc tibi persuadeas, me ita accepturum, ut non honorem meum à te impeditum, sed gloriam spreti honoris auctam, invidiamque, qua ex continuato eo impenderet, levatam putem. Communiter inde edicunt, Ne quis L. Quinctium consulem faceret. si quis fecisset, se id suffragium non observaturos.

XXII. Consules creati Q. Fabius Vibulanus tertium & L. Cornelius Maluginensis. Census actus eo anno. Iustrum, propter Capitolium captum, consulem occisum.

occisum, condi religiosum fuit. Q. Fabio, L. Cornelio consulibus, principio anni statim res turbulentæ. Instigabant plebem tribuni. bellum ingens à Volscis & Æquis Latini atque Hernici nunciabant. jam Antii Volscorum legiones esse: & ipsam coloniam ingens metus erat defecturam. ægréque impetratum à tribunis, ut bellum præverti sicerent. Consules inde partiti provincias. Fabio, ut Antium legiones duceret, datum: Cornelio, ut Romæ præsidio esset; ne qua pars hostium, qui Æquis mos erat, ad populandum veniret. Hernici & Latini iussi milites dare ex fœdere: duæque partes sociorum in exercitu, tertia civium fuit. Postquam ad diem præstitutum venerunt focii, consul extra portam Capenam castra locat. inde, lustrato exercitu, Antium profectus, haud procul oppido stativisque hostium consedit. Ubi quum Volsci, quia nondum ab Æquis venisset exercitus, dimicare non ausi, quemadmodum quieti vallo se tutarentur, pararent; pōstero die Fabius, non permixtam unam sociorum civiumque, sed trium populorum tres separatim acies circa vallum hostium instruxit. Ipse erat medius cum legionibus Romanis. inde signum observare iussit, ut pariter & focii rem inciperent, referrentque pedem, si receptui cecinisset. equites item suæ cuique parti post principia collocat. Ita trifariam adortus castra circumvenit: &, quum undique instaret, non sustinentes impetum Volscos vallo deturbat. Transgressus inde munitiones, pavidam turbam inclinatamque in partem unam castris expellit. Inde effusè fugientes eques, cui superare vallum haud facile fuerat, quum ad id spectator pugnæ adstitisset, libero campo adeptus, parte victoriæ fruitur, territos cædendo. Magna & in castris & extra munimenta cædes fugientium fuit: sed præda major; quia vix arma secum efferre hostis potuit. deletusque exercitus foret, ni fugientes silvæ texissent.

XXIII. Dum

XXIII. Dum ad Antium hæc geruntur, interim Æqui, robore juventutis præmisso, arcem Tusculanam improvisò nocte capiunt: reliquo exercitu haud procul mœnibus Tusculi confidunt, ut distenderent hostium copias. Hæc celeriter Romam, ab Roma in castra Antium perlata, movent Romanos haud secus, quàm si Capitolium captum nunciaretur. adeò & recens erat Tusculanorum meritum, & similitudo ipsa periculi reposcere datum auxilium videbatur. Fabius, omis-  
sis omnibus, prædam ex castris raptim Antium convehit. Ibi modico præsidio relicto, citatum agmen Tusculum rapit. nihil præter arma, & quod costi ad manum fuit cibi, ferre militi licuit. Commeatum ab Roma consul Cornelius subvehit. Aliquot menses Tusculi bellatum, parte exercitûs consul castra Æquorum oppugnabat: partem Tusculanis dederat ad arcem recuperandam. Vi nunquam eò subiri potuit. fames postremò inde detraxit hostem. Quò postquam ventum ad extremum est, inermes nudique omnes sub jugum ab Tusculanis missi. hos, ignominiosâ fugâ domum se recipientes, Romanus consul in Algidio confectus, ad unum omnes occidit. Victor ad Columnen (id loco nomen est) exercitu relicto castra locat. Et alter consul, postquam mœnibus jam Romanis, pulso hoste, periculum esse desierat, & ipse ab Roma profectus. Ita bifariam consules ingressi hostium fines, ingenti certamine hinc Volscos, hinc Æquos populantur. Eodem anno descisse Antiates, apud plerosque auctores invenio. L. Cornelium consulem id bellum gessisse, oppidumque cepisse, certum affirmare, quia nulla apud vetustiores scriptores ejus rei mentio est, non ausim.

XXIV. Hoc bello perfectò, tribunicium domi bellum Patres territat. Clamant, *fraude fieri, quòd foris teneatur exercitus: frustrationem eam legis tollenda esse, se nihilo minus rem susceptam peracturos.* Obtinuit tamen P. Lucre-

Lucretius præfectus urbis, ut actiones tribunicie in adventum consulum differrentur. Erat & nova exorta causa motus. A. Cornelius & Q. Servilius quaestores M. Volscio, quod falsus haud dubie testis in Kæsonem exstitisset, diem dixerant. multis enim emanabat indiciis, neque fratrem Volscii, ex quo semel fuerit æger, unquam non modò visum in publico, sed ne assurrexisse quidem ex morbo, multorumque tabe mensium mortuum: nec his temporibus, in quæ testis crimen coniecisset, Kæsonem Romæ visum: affirmantibus, qui unà meruerant, secum eum tum frequentem ad signa sine ullo comite fuisse. ni ita esset, multi privatim ferebant Volscio iudices. Quum ad iudicium ire non auderet, omnes eæ res, in unum congruentes, haud magis dubiam damnationem Volscii, quam Kæsonis Volscio teste fuerat, faciebant. In mora tribuni erant, qui comitia quaestores habere de reo, nisi prius habita de lege essent, passuros negabant. ita extracta utraque res in consulum adventum est. Qui ubi triumphantes victore cum exercitu urbem inierunt, quia silentium de lege erat, perculsos magna pars credebant tribunos. At illi (etenim extremum anni jam erat) quartum affectantes tribunatum, in comitorum disceptationem ab lege certamen averterant. & quum consules nihilo minùs adversus continuationem tribuniatus, quàm si lex minuendæ suæ majestatis causà promulgata ferretur, tetendissent, victoria certaminis penes tribunos fuit. Eodem anno Æquis pax est petentibus data. Census, res priore anno inchoata, perficitur: idque lustrum ab origine urbis decimum conditum. Fuerunt censa civium capita centum septemdecim millia trecenta novemdecim. Consul magna domi bellicque eo anno gloria fuit: quod & foris pacem peperere, & domi, etsi non concors, minùs tamen, quàm aliàs, infesta civitas fuit.

XXV. L. Minucius inde & C. Nautius consules facti  
duo

duas residuas anni prioris causas exceperunt. Eodem modo consules legem, tribuni iudicium de Volscio impediebant: sed in quaestoribus novis major vis, major auctoritas erat. Cum M. Valerio, Valerii filio, Volsi nepote, quaestor erat T. Quinctius Capitolinus, qui ter Consul fuerat. Is, quoniam neque Quinctiae familiae Kæso, neque reipublicae maximus juvenum restitui posset, falsum testem, qui dicendae causae innoxio potestatem ademisset, iusto ac pio bello persequabatur. Quum Virginius maximè & tribuni de lege agerent, dum mensium spatium consulibus datum est ad inspicendam legem: ut, quum edocuissent populum, quid fraudis occultae ferretur, sinerent deinde suffragium inire. hoc intervalli datum res tranquillas in urbe fecit. Nec diuturnam quietem Aequi dederunt: qui, rupto foedere, quod istum erat priore anno cum Romanis, imperium ad Gracchum Clælium deferunt. is tum longè princeps in Aequis erat. Graccho duce in Lavicanum agrum, inde in Tusculanum, hostili populatione veniunt, plenique praedae in Algidum castra locant. In ea castra Q. Fabius, P. Volumnius, A. Postumius, legati ab Roma, venerunt questum injurias, & ex foedere res repetitum. eos Aequorum imperator, *quae mandata habeant ab senatu Romano, ad quercum jubet dicere: se alta interim acturum.* quercus ingens arbor praetorio imminebat, cujus umbrâ opaca fedes erat. Tum ex legatis unus abiens, & haec, inquit, *sacrata quercus, & quicquid Deorum est, audiant fœdus à vobis ruptum: nostrisque & nunc querelis adsint; & mox armis; quum Deorum hominumque simul violata jura exsequemur.* Romam ut rediere legati, senatus iussit, alterum consulem contra Gracchum in Algidum exercitum ducere: alteri populationem finium Aequorum provinciam dedit. Tribuni suo more impedire delectum, & forsitan ad ultimum impedissent; sed novus subito additus terror est.

XXVI. Via

XXVI. Vis Sabinorum ingens propè ad mœnia urbis infectâ populatione venit. fœdati agri, terror injectus urbi est. Tum plebs benignè arma cepit. reclamantibus frustra tribunis, magni duo exercitus scripti. alterum Nautius contra Sabinos duxit: castrisque ad Eretum positis, per expeditiones parvas, plerumque nocturnis incursionibus, tantam vastitatem in Sabino agro reddidit, ut, comparati ad eam, propè intacti bello fines Romani viderentur. Minucio neque fortuna nec vis animi eadem in gerendo negotio fuit. nam, quum haud procul ab hoste castra posuisset, nullâ magnopere clade acceptâ, castris se pavidus tenebat. Quod ubi senserant hostes, crevit ex metu alieno, ut sit, audacia: &, nocte adorti castra, postquam parum vis aperta profecerat, mûnitiones postero die circumdant. quæ priusquam, undique vallo objecto, clauderent exitus, quinque equites, inter stationes hostium emissi, Romam pertulere, consulem exercitumque obsideri. Nihil nec tam inopinatum, nec tam insperatum accidere potuit. Itaque tantus pavor, tanta trepidatio fuit, quanta, si urbem, non castra, hostes obsiderent. Nautium consulem arcessiunt. in quo quum parum præsidii videretur, dictatoremque dici placeret, qui rem perculsam restitueret, L. Quinctius Cincinnatus consensu omnium dicitur. Operæ pretium est audire, qui omnia præ divitiis humana spernunt, neque honori magno locum, neque virtuti putant esse, nisi ubi effusè affluant opes. Spes unica imperii populi Romani L. Quinctius trans Tiberim, contra cum ipsum locum, ubi nunc navalia sunt, quatuor jugerum colēbat agrum, quæ prata Quinctia vocantur. Ibi ab legatis, seu fossam fodiens palæ innisus, seu quum araret; operi certè, id quod constat, agresti intentus; salute datâ in vicem redditâque, rogatus, *ut, quod bene verteret ipsi rei que publicæ, togatus mandata senatûs audiret, admiratus, rogitantique, satin' salva essent omnia?* togam pro-

properè è tugurio proferre uxorem Raciliam jubet. Quà simul, absterfo pulvere ac sudore, velatus processit, dictatorem eum legati gratulantes consalutant : in urbem vocant : qui terror sit in exercitu, exponunt. Navis Quinctio publicè parata fuit, transvectumque tres obviàm egressi filii excipiunt ; inde alii propinqui atque amici ; tum Patrum major pars. Ea frequentia stipatus, antecedentibus lictoribus, deductus est domum : & plebis concursus ingens fuit. sed ea nequaquam tam læta Quinctium vidit ; & imperii nimium, & virum in ipso imperio vehementiorem rata. Et illà quidem nocte nihil præterquam vigilatum est in urbe.

XXVII. Postero die dictator, quum ante lucem in forum venisset, magistrum equitum dicit L. Tarquitiū patriciæ gentis, sed qui, quum stipendia pedibus propter paupertatem fecisset, bello tamen primus longè Romanæ juventutis habitus esset. Cum magistro equitum in concionem venit, justitiū edicit, claudi tabernas totā urbe jubet, vetat quemquam privatæ quicquam rei agere. Tum, quicumque ætate militari essent, armati, cum cibariis in diēs quinque coctis valisque duodenis, ante solis occasum Martio in campo adessent : quibus ætas ad militandum gravior esset, vicino militi, dum is arma pararet, vallumque peteret, cibaria coquere jussit. Sic juvenus discurret ad vallum petendum. sumpere, unde cuique proximum fuit : prohibitus nemo est : impigræque omnes ad edictum dictatoris præsto fuere. Inde composito agmine, non itineri magis apti, quàm prælio, si res ita tulisset, legiones ipse dictator, magister equitum suos equites ducit. In utroque agmine, quas tempus ipsum poscebat, adhortationes erant : *addere gradum, maturato opus esse, ut nocte ad hostem pervenire possent. consulem exercitumque Romanum obsideri. tertium diem jam clausos esse : quid quaque nox aut dies ferat, incertum esse : puncto sape-*  
temporis

*temporis maximarum rerum momenta verti. Accolera signifer, sequere miles, inter se quoque, gratificantes ducibus, clamabant. mediâ nocte in Algidum perveniunt: & ut sensere se jam prope hostes esse, signa constituunt.*

XXVIII. Ibi dictator, quantum nocte prospici poterat, equo circumvectus, contemplatusque, qui tractus castrorum, quæque forma esset, tribunis militum imperavit, ut sarcinas in unum conjici jubeant, militem cum armis valloque redire in ordines suos. facta, quæ imperavit. Tum, quo fuerant ordine in via, exercitum omnem longo agmine circumdat hostium castris, & ubi signum datum sit, clamorem omnes tollere jubet. clamore sublato, ante se quemque ducere fossam, & jacere vallum. Editio imperio, signum secutum est. jussa miles exsequitur, clamor hostes circumsonat. Superat inde castra hostium, & in castra consulis venit: alibi pavorem, alibi gaudium ingens facit. Romani, *civilem esse clamorem, atque auxilium adesse*, inter se gratulantes, ultro ex stationibus ac vigiliis territant hostem. Consul differendum negat. *Illo clamore non adventum modò significari, sed rem ab suis ceptam: mirumque esse, ni jam exteriore parte castra hostium oppugnentur. Itaque arma suos capere, & se subsequi* jubet. Nocte initum prælium est à legionibus: dictatori clamore significant, ab ea quoque parte rem in discrimine esse. Jam se ad prohibenda circumdari opera Æqui parabant, quum, ab interiore hoste prælio cepto, ne per media sua castra fieret eruptio, à munientibus ad pugnantem introrsum versi, vacuam noctem operi dedere. pugnatumque cum consule ad lucem est. Luce primâ jam circumvallati ab dictatore erant, & vix adversus unum exercitum pugnam sustinebant. tum à Quintiano exercitu, quâ confestim à perfecto opere ad arma rediit, invaditur vallum. hic instabat nova pugna: illa nihil remiserat prior. Tum,  
ancipiti



incipiti malo urgente, à proelio ad preces versi, hinc dictatorem, hinc consulem orare, ne in occisione victoriam ponerent, ut inermes se inde abire sinerent. Ab consule ad dictatorem ire jussis ignominiam infensus addidit. Gracchum Clælium ducem principesque alios victos ad se adduci jubet, oppido Corbione decedi; *Sanguinis se Æquorum non egere: licere abire: sed, ut exprimatur tandem confessio, subactam domitamque esse gentem, sub jugum abituros.* Tribus hastis jugum fit, humi fixis duabus, superque eas transversâ unâ deligatâ. sub hoc jugo dictator Æquos misit.

XXIX. Castris hostium receptis, plenis omnium rerum, (nudos enim emiserat) prædam omnem suo tantum militi dedit: consularem exercitum ipsumque consulem increpans, *Carebis, inquit, præda parte, miles, ex eo hoste, cui propè præda fuisti. & tu, L. Minuci, donec consularem animum incipias habere, legatus bis legionibus præeris.* Ita se Minucius abdicat consulatu, jussusque ad exercitum manet. Sed adeò tum imperio meliori animus mansuetè obediens erat, ut beneficii magis, quàm ignominia, hic exercitus memor, & coronam auream dictatori libram pondo decreverit, & proficiscentem eum patronum salutaverit. Romæ à Q. Fabio præfecto urbis senatus habitus triumphantem Quinctium, quo veniebat agmine, urbem ingredi jussit. ducti ante currum hostium duces: militaria signa prælata: secutus exercitus prædâ onustus. Epulæ instructæ dicuntur fuisse ante omnium domos: epulantesque cum carmine triumphali & solennibus jocis, comissantium modo, currum secuti sunt. Eo die L. Mamilio Tusculano, approbantibus cunctis, civitas data est. Confestim se dictator magistratu abdicasset, ni comitia M. Volscii falsi testis tenuissent: ea ne impedirent tribuni, dictatoris obstitit metus. Volscius damnatus Lanuvium in exilium abiit. Quinctius sexto decimo die dictaturâ, in sex menses acceptâ, se abdicavit. Per eos dies

diebus consul Nautius ad Eretum cum Sabinis egregie pugnat. ad vastatos agros ea quoque clades accessit Sabinis. Minucio Fabius Quintus successor in Algidum missus. Extremo anno agitata de lege ab tribunis est. sed, quia duo exercitus aberant, ne quid ferretur ad populum, Patres tenuere. plebes vicit, ut quantum eosdem tribunos crearent. Lupos visos in Capitolio ferunt à canibus fugatos; ob id prodigium iustratum Capitolium esse. Hæc eo anno gesta.

XXX. Sequuntur consules Q. Minucius, C. Horatius Pulvillus. Cujus initio anni quum foris otium esset, domi seditiones iidem tribuni, eadem lex faciebat. ulteriusque ventum foret, (adeò exarserant animis) ni, velut dedita operâ, nocturno impetu Æquorum Corbione amissum præsidium nunciatum esset. Senatum consules vocant, jubentur subitarium scribere exercitum, atque in Algidum ducere. Inde, posito legis certamine, nova de delectu contentio orta. Vinciebaturque consulare imperium tribunicio auxilio, quum alius additur terror: Sabinum exercitum prædatum descendisse in agros Romanos, inde ad urbem venire. Is metus perpulit, ut scribi militem tribuni spernerent; non sine pactione tamen, ut, quoniam ipsi quinquennium elusi essent, parvumque id plebi præsidium foret, decem deinde tribuni plebis crearentur. Expressit hoc necessitas Patribus. id modò exceperet, ne postea eosdem tribunos juberent. Tribunicia comitia (ne id quoque post bellum, ut cetera, vanum esset) ex templo habita. Tricesimo sexto anno à primis tribunis plebis, decem creati sunt, bini ex singulis classibus. itaque cautum est, ut postea crearentur. Delectu deinde habito, Minucius, contra Sabinos profectus, non invenit hostem. Horatius, quum jam Æqui, Corbione interfecto præsidio, Ortonam etiam cepissent, in Algido pugnat: multos mortales occidit: fugat hostem non ex Algido modò, sed à Corbione Ortonaque.

H

Cor-

Corbionem etiam diruit propter proditum praesidium.

XXXI. Deinde M. Valerius, Sp. Virginius consules facti. Domi forisque etiam fuit. annonâ propter aquarum intemperiem laboratum est. De Aventino publicando lata lex est. Tribuni plebis iidem refecti sequente anno, T. Romilio, C. Veturio consulibus, legem omnibus concionibus suis celebrabant. *Pudere se numeri sui nequicquam ausi, si ea res aquâ sua biennio jaceret, ac toto superiore lustro jacisset.* Quum maximè hæc agerent, trepidi nuncii ab Tusculo veniant, Æquos in agro Tusculano esse. Fecit pudorem recens ejus populi meritum morandi auxilii: ambo consules, cum exercitu missi, hostem in sua sede in Algido inveniunt. Ibi pugnatum. supra septem millia hostium cæsa: alii fugati: præda parta ingens. Eam propter inopiam ærarii consules vendiderunt. Invidiæ tamen res ad exercitum fuit. eademque tribunis materiam eriminandi ad plebem consules præbuit. Itaque ergo, ut magistratu abiere, Sp. Tarpeio, A. Aterio consulibus, dies dicta est Romilio ab C. Claudio Cicerone, tribuno plebis; Veturio ab L. Alicno, ædile plebis. Uterque magnâ Patrum indignatione damnatus, Romilius decem millibus æris, Veturius quindecim. Nec hæc priorum calamitas consulum segniore nos fecerat consules. *Et se damnari posse aiebant: Et plebem, Et tribunos legem ferre non posse.* Tum, abiectâ lege, quæ promulgata consenuerat, tribuni lenius agere cum Patribus. *Finem tandem certaminum facerent, si plebeie leges displicerent, at illi communiter legum latores, Et ex plebe, Et ex Patribus, qui utrisque milia ferrent; quæque equanda libertatis essent, sinerent creari.* Rem non aspersionabantur Patres: *daturum leges neminem, nisi ex Patribus,* aiebant. Quum de legibus conveniret, de latore tantum discreparet; missi legati Athenas Sp. Postumius Albus, A. Manlius, P. Sulpicius Camerinus; iussique inclytas leges Solonis describere, & aliarum

Græciæ

Græciæ civitatum instituta, mores, juraque nescere.

XXXII. Ab externis bellis quietus annus fuit; quietior insequens, P. Curiatio & Sex. Quinctilio consulibus, perpetuo silentio tribunorum: quod primò legatorum, qui Athenas ierant, legumque peregrinarum expectatio præbuit; dein duo simul mala ingentia exorta, fames pestilentiaque, fœda homini, fœda pecori. Vastati agri sunt: urbs assiduis exhausta funcribus; multæ & clæræ lugubres domus. Flamen Quirinalis Ser. Cornelius mortuus; augur C. Horatius Pulvillus: in cujus locum C. Veturius eo cupidius, quia damnatus à plebe erat, augures legere. Mortuus consul Quinctilius, quatuor tribuni plebis. Multiplici clade fœdatus annus. ab hoste otium fuit. inde consules C. Menenius, P. Sestius Capitolinus. Neque eo anno quicquam belli externi fuit. domi motus orti. Jam redierant legati cum Atticis legibus. eo intentius instabant tribuni, ut tandem scribendarum legum initium fieret. Placet creari decemviros sine provocazione, & ne quis eo anno alius magistratus esset. Admiserenturne plebei, controversa aliquamdiu fuit. postremò concessum Patribus, modò ne lex Icilia de Aventino, aliæque sacratæ leges abrogarentur.

XXXIII. Anno trecentesimo altero, quàm condita Roma erat, iterum mutatur forma civitatis, ab consulibus ad decemviros, quemadmodum ab regibus antè ad consules venerat, translatò imperio. Minus insignis, quia non diuturna, mutatio fuit, læta enim principis magistratus ejus nimis luxuriavere. eo citius lapsa res est, repetitumque, duobus uti mandaretur consulum nomen imperiumque. Decemviri creati Ap. Claudius, T. Genucius, P. Sestius, L. Veturius, C. Julius, A. Manlius, Ser. Sulpicius, P. Curiatius, T. Romilius, Sp. Postumius. Claudio & Genucio, quia designati consules in eum annum fuerant, pro honore honos redditus: & Sestio alteri consulum prioris anni, quod

eam rem collegâ invito ad Patres retulerat. His prœximi habiti legati tres, qui Athenas ierant. simul ut pro legatione tam longinqua prœmio esset honos : simul peritos legum peregrinarum ad condenda nova iura usui fore credebant. Supplevere ceteri numerum. Graves quoque ætate electos novissimis suffragiis ferunt, quo minùs ferociter aliorum scitis adversarentur. Regimen totius magistratûs penes Appium erat favore plebis. adeoque novum sibi ingenium induerat, ut plebicola repentè omnisque auræ popularis captator evaderet, pro truci sævoque insectatore plebis. Decimo die jus populo singuli reddebant. eo die penes præfectum juris fascēs duodecim erant : collegis novem singuli accensī apparebant. & in unica concordia inter ipsos (qui consensus privatis interdum inutilis esset) summa adversus alios æquitas erat. Moderationis eorum argumentum exemplo unius rei notasse, satis erit. Quum sine provocatione creati essent, defosso cadavere, domi apud P. Sestium, patriciæ gentis virum, invento, prolatoque in concionem, in re juxta manifesta atque atroci, C. Julius decemvir diem Sestio dixit, & accusator ad populum exstitit, cuius rei iudex legitimus erat : decessitque jure suo, ut demptum de vi magistratûs populi libertati adjiceret.

XXXIV. Quum promptum hoc jus velut ex oraculo incorruptum pariter ab his summi infimique ferrent, tum legibus condendis opera dabatur : ingentique hominum expectatione propositis decem tabulis, populum ad concionem advocaverunt : &, *quod bonum, fas-  
tum, felixque reipublica, ipsis, liberisque eorum esset, ire, &  
legere leges propositas. jussere. Se, quantum decem homi-  
num ingeniis provideri potuerit, omnibus summis infimisque  
jura aquasse. plus pollere multorum ingenia consiliaque. Ver-  
sarent in animis secum unanquamque rem, agitarent deinde  
sermonibus : atque in medium, quid in quaque re plus minus-  
que esset, conferrent. Eas leges habiturum populum Roma-*  
*num,*

nam, quas consensus omnium non iussisse latas magis, quam tulisse, videri posset. Quum ad rumores hominum de unoquoque legum capite edito satis correctæ viderentur, centuriatis comitiis decem tabularum leges perlatæ sunt: qui nunc quoque, in hoc immenso aliarum super alias acervatarum legum cumulo, fons omnis publici privatique est juris. Vulgatur deinde rumor, duas deesse tabulas; quibus adjectis, absolvi posse velut corpus omnis Romani juris. Ea expectatio, quum dies comitiorum appropinquaret, desiderium decemviro- rum iterum creandi fecit. Jam plebs, præterquam quod consulum nomen, haud secus quam regum, perosa esset, ne tribunicium quidem auxilium, cedentibus in vicem appellatione decemviris, quærebat.

XXXV. Postquam verò comitia decemviris creandis in trinum nundinum indicta sunt; tanta exarsit ambitio, ut primores quoque civitatis (metu credo, ne tanti possessio imperii, vacuo ab se relicto loco, haud satis dignis pateret) prensarent homines; honorem, summâ ope à se impugnatum, ab ea plebe, cum qua contenderant, suppliciter petentes. Demissa jam indifferimen dignitas, eâ ætate, iisque honoribus actis, stimulabat Ap. Claudium. nescires, utrum inter decemviro- s, an inter candidatos, numerares. Propior interdum petendo, quam gerendo, magistratui erat. criminari optimates, extollere candidatorum levissimum quemque humillimumque. ipse medius inter tribunicios Duillos Icillosque in foro volitare, per illos se plebi venditare: donec collegæ quoque, qui unice illi dediti fuerant ad id tempus, coniecere in eum oculos, mirantes, quid sibi vellet. Apparere, nihil sinceri esse; *Profecto haud gratam in tanta superbia comitatem fore. nimium in ordinem se ipsum cogere, & vulgari cum privatis, non tam properantis abire magistratu, quam viam ad continuandum magistratum querentis, esse.* Propalam obviam ire cupiditati parum ausi, obsecundando mollire impe-

tum aggrediuntur. comitiorum illi habendorum, quando minimus natus sit, mutus consensu injungunt. Ars hæc erat, ne semet ipse creare posset; quod præter tribunos plebis (& id ipsum pessimo exemplo,) nemo unquam fecisset. ille enimvero, quod bene vertat, habiturum se comitia professus, impedimentum pro occasione arripuit. deiecitque honore per coitionem duobus Quinctiis, Capitolino & Cincinnato, & patruo suo C. Claudio, constantissimo viro in optimatum causa, & aliis ejusdem fastigii civibus; nequaquam splendore vitæ pares decemviros creat: se in primis, quod haud secus factum improbabant boni, quam nemo facere ausurum crederat. Creati cum eo M. Cornelius Maluginensis, M. Sergius, L. Minucius, Q. Fabius Vibulanus, Q. Postellius, T. Antonius Mæschdæ, K. Duilius, Sp. Oppius Cornicen, M. Rutilius.

XXXVI. Ille finis Appio alienæ personæ ferendæ fuit. suo jam inde vivere ingenio cepit, novosque collegas jam prius, quam iniret magistratum, in suos mores formare. Quotidie colant remotis arbitris: inde impotentibus instructi consiliis, quæ secreto ab aliis coquebant, jam hæc dissimulando superbiam, rari aditus, colloquentibus difficiles, ad Idus Martias rem perduxere. Idus tum Martiæ solennes intuentis magistratibus erant. Initio igitur magistratus prætorum honoris diem denunciatione ingentis terroris insignem facere. nam quum ita priores decemviri servassent, ut unus fasces haberet, & hoc insigne regum in orbem, suam cujusque vicem, per omnes iret, subito omnes cum duodenis fascebus prodierunt. Centum viginti lictores forum impleverant, & fascebus securès illigatas præferebant. nec attinuisse diem securim, quum sine provocatione creati essent, interpretabantur. Decem regum species erat, multiplicatusque terror non infimis solum, sed primoribus Patrum, raris causis causam ac principium queri. ut, si quis memorem libertatis vocem

cem

eum aut in senatu aut in populo misisset, statim virga-  
securesque etiam ad ceterorum metum expedirentur.  
Nam, præterquam quod in populo nihil erat præsidii,  
sublatâ provocatione, intercessionem quoque consensu  
sustulerant: quum priores decemviri appellatione col-  
legæ corrigi reddita ab se jura tulissent; & quedam,  
quæ sui judicii videri possent, ad populum rejecissent.  
Aliquantùm æquatus inter omnes terror fuit: paulatim  
totus vertere in plebem cepit. Abstinebatur à Patri-  
bus: in humiliores libidinosè crudeliterque consuleba-  
tur: hominum, non causarum, toti erant; ut apud quos  
gratia vim æqui haberet. Judicia domi constabant,  
pronunciabant, in formâ. Si quis collegam appellasset,  
ab eo, ad quem venerat, ita discedebat, ut pœniteret  
non prioris decreto stetit. Opinio etiam sine auctore  
exierat, non in præsentis modò temporis eos injuriam  
conspirasse, sed foedus clandestinum inter ipsos jureju-  
rando factum, ac comitia haberent, perpetuoque decem-  
viratu possessum semel obtinerent imperium.

XXXVII. Circumspectare tum patriciorum vultus  
plebei, & inde libertatis captare auram, unde servi-  
tutem timendo in eum statum rempublicam adduxe-  
rant. Primores Patrum odisse decemviros, odisse ple-  
bem: nec probare, quæ fierent; & credere, haud in-  
dignis accideret, avidè ruendo ad libertatem in servitu-  
tem elapsos juvare nolle: cumulare quoque injurias,  
ut medio præsentium consules duo tandem & status pri-  
stius rerum in desiderium veniant. Jam & processio-  
rat pars major anni, & duæ tabulæ legum ad prioris  
anni decem tabulas erant adjectæ: nec quicquam jam  
supererat, si hæc quoque leges centuriatis comitiis per-  
lata essent, cur eo magistratu reipublicæ opus esset.  
Expectabant, quàm mox consulibus creandis comitia  
edicerentur. Id modò plebes agitabat, quonam modo  
tribuniciam potestatem, munimentum libertati, rem  
intermissam, repararent. Quum interim mentio comi-



tiorum nulla fieri, & decemviri, qui primò tribunicios homines, quia id populare habebatur, circum se ostentaverant plebei, patriciis juvenibus sepherant latera. eorum catervæ tribunalia obfederant. Hi ferre, agere plebem plebisque res; quum fortuna, quâ quicquid cupitum foret, potentioris esset. Et jam ne tergo quidem abstinebatur: virgis cædi, alii securi subjici; & ne gratuita crudelitas esset, bonorum donatio sequi domini supplicium. Hæc mercede juvenus nobilis corrupta, non modò non ire obviàm injuriæ, sed propagam licentiam suam malle, quàm omnium libertatem.

XXXVIII. Idus Maiæ venere. Nullis subrogatis magistratibus, privati pro decemviris, neque animis ad imperium inhibendum imminutis, neque ad speciem honoris insignibus, prodeunt. id verò regnum haud dubiè videri. Deploratur in perpetuum libertas; nec vindex quisquam existit, aut futurus videtur. nec ipsi solum desponderant animos, sed contemni cœpti erant à finitimis populis: imperiumque ibi esse, ubi non esset libertas, indignabantur. Sabini magnâ manu incursionem in agrum Romanum fecere: latèque populati, quum hominum atque pecudum inulti prædas egissent, recepto ad Eretum, quod passim vagatum erat, agmine, castra locant, spem in discordia Romana ponentes, eam impedimentum delectui fore. Non nuncii solum, sed per urbem agrestium fuga trepidationem injecit. Decemviri consultant, quid opus factum sit. destitutis inter Patrum & plebis odia addidit terrorem insuper alium fortuna. Æqui aliâ ex parte castra in Algido locant: depopulatumque inde excursionibus Tusculanum agrum legati ab Tusculo, præsidium orantes, nunciant. Is pavor perpulit decemviros, ut senatum, simul duobus circumstantibus urbem bellis, consulerent. citari jubent in curiam Patres, haud ignari, quanta invidiæ immineret tempestas: omnes vastati agri periculorumque imminentium causas in se conge-

congesturos, tentationemque eam fore abolendi sibi magistratûs, ni consensu resisterent, imperioque inhibendo acriter in paucos præferocis animi, conatus aliorum comprimerent. Postquam audita vox in foro est præconis, Patres in curiam ad decemviros vocantis; velut nova res, quia intermiserant jam diu morem consulendi senatûs, mirabundam plebem convertit, *quidnam incidisset, cur ex tanto intervallo rem defuetam usurparent. Hostibus belloque gratiam habendam, quòd solitum quicquam libera civitatis fieret.* Circumspectare omnibus fori partibus senatorem, raroque usquam noscitare: curiam inde ac solitudinem circa decemviros intueri; quum & ipsi invisum consensu imperium, & plebs, quia privatis jus non esset vocandi senatum, non convenire Patres interpretarentur; jam caput fieri libertatem repentium, si se plebs comitem senatui det, &, quemadmodum Patres vocati non coëant in senatum, sic plebs abnuat delectum. Hæc fremunt plebes. Patrum haud ferè quisquam in foro, in urbe rari erant. indignitate rerum cesserant in agros; suarumque rerum erant, amissâ publicâ: tantum ab injuria se abesse rati, quantum à cœtu congestuque impotentium dominorum se amovissent. Postquam citati non conveniebant, dimissi circa domos apparitores, simul ad pignora capienda, sciscitandumque, num consultò detrectarent? referunt, senatum in agris esse. Lætius id decemviris accidit, quàm si præsentibus detrectare imperium referrent. Jubent acciri omnes, senatumque in diem posterum edicunt; qui aliquantò spe ipsorum frequentior convenit. quo factò proditam à Patribus plebs libertatem rata, quòd iis, qui jam magistratu abissent, privatisque, si vis abesset, tanquam jure cogentibus, senatus paruiisset.

XXXIX. Sed magis obedienter ventum in curiam est, quàm obnoxie dictas sententias accepimus. L. Valerium Potitum, proditum memoriæ est, post rela-

H 5.

tionem

tionem Ap. Claudii, priusquam ordine sententiæ rogarentur, postulando ut de republica liceret dicere, prohibentibus minaciter decemviris, proditurum se ad plebem denunciantem, tumultum excivisse. Nec minus ferociter M. Horatium Barbatum esse in certamen, Decem Tarquinos appellantes, admonentemque, Valerius & Horatius ductibus pulsos reges. Nec nominis homines tum periclitari esse; quippe quo Jovem appellari fas sit, quo Romulum conditorem urbis, deincepsque reges appellatos, quod sacris etiam, ut solemne, retentum sit. Superbiam violentiamque tum perosos reges: quæ si in rege tum eodem, aut in filio regis, ferenda non fuerint, quem laturum in vos privatis? Viderent, ne, vetando in curia libere homines loqui, extra curiam etiam moverent vocem. neque se videre, qui sibi minus privato ut conclusionem populum vocare, quam illis senatum cogere, liceret. Ubi vellent, experirentur, quanto ferocior dolor libertate sua vindicanda, quam vulgus in iusta dominatione, esset. De bello Sabino eos referret, tanquam majus illam populo Romano bellum sit, quam tum iis, qui, legibus ferenda, vultu ausu brevis, nihil juris in civitate reliquerint; qui comitia, qui animos magistratus, quæ vicissitudinem imperitandi (quod unum exoptanda sit libertas) sustulerint; qui privati fasces & regiam imperium habeant. Fuisse, regibus exactis, patricios magistratus creatos; postea, post secessionem plebis, plebcios. Cujus illi partis essent, rogare. Populares? quis enim eos per populum egisse? Optimates? qui anno jam propè senatum non habuerint; tunc ita habeant, ut de republica loqui prohibeant? Ne nimium in metu alieno spes ponerent. graviora, quæ passantur, videri jam hominibus, quam quæ mutant.

XL. Hæc vociferante Horatio, quam decemviri nec iræ nec ignoscendi modum reperirent, nec, quod evasura res esset, cernerent; C. Claudii, qui patruus Appii decemviri erat, oratio fuit precibus, quam jurgio, similis, orantis per sui fratris parentisque ejus manes; Ut civilis potius societatis, in qua natus esset, quam fœderis, nefarie

nefarii illi cum collegis, neminisset. malit id magis se illius causâ orare, quàm reipublicâ. Quippe rempublicum, si à volentibus nequeat, ab invidis jus expetiturum. Sed ex magnâ certamine magnas excitari ferre iras; earum eventum se horere. Quum aliud, præterquam de quo retulissent, decemviri dicere prohiberent, Claudium interpellandi verecundia fuit. Sententiam igitur peregit, nullum placere senatusconsultum fieri. Omnesque ita accipiebant, privatos eos à Claudio iudicatos: multique ex consularibus verbo assensi sunt. Alia sententia, asperior in speciem, vim minorem aliquanto habuit, quæ patricios coire ad prodendum interregem jubebat. censendo enim, quoscuque magistratus esse, qui senatum haberent, iudicabat; quos privatos fecerat auctor nullius senatusconsulti faciendi. Ita labante jam causâ decemvirorum, L. Cornelius Maluginensis, M. Cornelli decemviri frater, quum ex consularibus ad ultimum dicendi locum consultò servatus esset, simulando curam belli, fratrem collegasque ejus tuebatur: *quoniam* fato incidisset, mirari se distitans, ut decemviros, qui decemviratum petissent, aut socii, aut hi maxime oppugnarent? aut quid ita, quam per tot menses vacuâ civitate nemo, justitiae magistratus summa rerum præsent, controversiam fecerit; nunc demum, quum hostes propè ad portas sint, civiles discordias serant: nisi quoddam turbido minus perspicuum fore putent, quid agatur. Ceterum neminem, majore curâ occupatis animis, verum esse, præjudicium rei tantæ afferre. Sibi placere, de eo, quoddam Valerius Horatiusque ante Idus Maias decemviros abesse magistratu insimulent, bellis, quæ imminuant, perfectis, republicâ in tranquillum redactâ, senatu disceptante, agi: & jam nunc ita se parare Ap. Claudium, ut comitiorum, quæ decemviris creandis decemvir ipse habuerit, sciat sibi rationem reddendam esse, utram in unum annum creati sint, an donec leges, quæ deessent, perferrentur. In præsentia omnia præter bellum omitti placere: cujus si falsâ famam vulgatam, vanaque non nuncios solam, sed Tusculano-

rum etiam legatos, attulisse putent, speculatores mittendos censere, qui certiùs explorata referant. Sin fides & nunciis & legatis habeatur, delectum primo quoque tempore haberi; decemviros, quò cuique eorum videatur, exercitus ducere; nec rem aliam praveriti.

XLI. In hanc sententiam ut discederetur, juniores Patrum evincebant. Ferociores iterum coorti Valerius Horatiusque vociferari, ut de republica liceret dicere. dicturos ad populum, si in senatu per factionem non liceat. Neque enim sibi privatos, aut in curia, aut in concione, posse ob stare; neque se imaginariis fascibus eorum cessuros esse. Tum Appius, jam propè esse ratus, ut, ni violentiæ eorum pari resisteretur audaciâ, victum imperium esset: Non erit melius, inquit, nisi de quo consulimus, vocem misisse. & ad Valerium, negantem se privato reticere, listorem accedere iussit. Jam Quiritium fidem implorante Valerio à curiæ limine, L. Cornelius complexus Appium, non cui simulabat consulendo, diremit certamen. factaque per Cornelium Valerio dicendi gratia, quæ vellet, quum libertas non ultra vocem excessisset, decemviri propositum tenere. Consulares quoque ac seniores ab residuo tribuniciaë potestatis odio, cujus desiderium plebi multo acrius, quàm consularis imperii, rebantur esse, propè malebant, postmodo ipsos decemviros voluntate abire magistratu, quàm invidiâ eorum exsurgere rursus plebem. si leniter ducta res sine populari strepitu ad consules redisset, aut bellis interpositis, aut moderatione consulum in imperiis exercendis, posse in oblivionem tribunorum plebem adduci. Silentio Patrum edicitur delectus. juniores, quum sine provocatione imperium esset, ad nomina respondent. legionibus scriptis, inter se decemviri comparabant, quos ire ad bellum, quos præesse exercitibus oporteret. Principes inter decemviros erant Q. Fabius & Ap. Claudius. bellum domi majus, quàm foris, apparbat. Appii violentiam aptiorem rati ad comprimendos

dos urbanos motus : in Fabio minùs in bono constans, quàm gnàvum in malitia, ingenium esse. Hunc enim virum, egregium olim domi militiæque, decemviratus collegæque ita mutaverant, ut Appii, quàm sui, similis mallet esse. huic bellum in Sabinis, M. Rabuleio & Q. Peetilio additis collegis, mandatum. M. Cornelius in Algidum missus cum L. Minucio & T. Antonio & K. Dajlio & M. Sergio : Sp. Oppium Ap. Claudio adiutorem ad urbem tuendam, æquo omnium decemvirorum imperio decernunt.

XLII. Nihilò militiæ, quàm domi, meliùs respublicæ administrata est. Illa modò in ducibus culpa, quòd, ut odio essent civibus, fecerant. alia omnis penes milites noxa erat : qui, ne quid ductu atque auspicio decemvirorum prosperè usquam gereretur, vinci se per suum atque illorum dedecus patiebantur. Fusi & ab Sabinis ad Eretum, & in Algido ab Æquis, exercitus erant. ab Ereto per silentium noctis profugi, propius urbem, inter Fidenas Crustumeriamque, loco edito castra communierant. persecutis hostibus nusquam se æquo certamine committentes, naturà loci ac vallo, non virtute aut armis, tutabantur. Majus flagitium in Algido, major etiam clades accepta : castra quoque amissa erant ; exutusque omnibus utensilibus miles, Tusculum se, fide misericordiæque victurus hospitem, (quæ tamen non sefellerunt) contulerat. Romam tanti erant terrores allati, ut, posito jam decemvirali odio, Patres vigiliis in urbe habendas censerent : omnes, qui per ætatem arma ferre possent, custodire mœnia, ac pro portis stationes agere juberent ; arma Tusculum ad supplementum decernerent, decemvirosque, ab arce Tusculi degressos, in castris militem habere : castra alia à Fidenis in Sabinum agrum transferri : belloque ultro inferendo deterreri hostes à consilio urbis oppugnandæ.

XLIII. Ad clades ab hostibus acceptas duo nefanda facinora decemviri belli domique adjiciunt. L. Sicci-  
um

am in Sabins, per invidiam decemviralem tribunorum  
 creandorum secessionisque mentiones ad vulgus mili-  
 tam sermonibus occultis ferentem, prospectatum ad  
 locum castris capiendum mittunt. datur negotium mi-  
 litibus, quos miserant expeditionis ejus comites, ut e-  
 um opportuno adorti loco interficerent. Haud inut-  
 tum interfecere. nam circa repugnantem aliquot insa-  
 diatores cecidere, quum ipse se prævalidus, pari viri-  
 bus animo, circumventus tutaretur. Nunciant in ca-  
 stra ceteri, præcipitatum in insidias esse Siccium egre-  
 gie pugnantem, militesque quosdam cum eo amissos.  
 Primum fides nunciantibus fuit. Profecta deinde cohors  
 ad sepeliendos, qui ceciderant, decemvirorum permis-  
 su, postquam nullum spoliatum ibi corpus, Siccium-  
 que in medio jacentem armatumque, omnibus in eum  
 versis corporibus, videre; hostium neque corpus ul-  
 lum, nec vestigia abeuntium; profecto ab suis interfe-  
 ctum memorantes, retulere corpus. Invidiæque plena  
 castra erant, & Romam ferri protinus Siccium place-  
 bat, ni decemviri funus militare ei publicâ impensâ fa-  
 cere maturassent. Sepultus ingenti militum mœstitiâ,  
 pessimâ decemvirorum in vulgus famâ, est.

XLIV. Sequitur aliud in urbe nefas, ab libidine or-  
 tum, haud minus fœdo eventu, quàm quod per stu-  
 prum eademque Lucretiæ urbe regnoque Tarquinos  
 expulerat: ut non finis solum idem decemviris, qui  
 regibus, sed causa etiam eadem imperii amittendi ef-  
 fet. Ap. Claudium virginis plebeæ stuprandæ libido  
 cepit. Pater virginis L. Virginus honestum ordinem  
 in Algido ducebat, vir exempli recti domi militiæque.  
 Perinde uxor instituta fuerat, liberique instituebantur.  
 Desponderat filiam L. Icilio tribunicio, viro acri, &  
 pro causâ plebis expertæ virtutis. Hanc virginem ad-  
 ultam, formâ excellentem, Appius, amore ardens, pre-  
 tio ac spe pellicere adortus, postquam omnia pudore  
 septa animadverterat, ad crudelem superbamque vim  
 ani-

animum convertit. M. Claudio clientis negotium dedit, ut virginem in servitutem affereret, neque cederet secundum libertatem postulantibus vindicias : quod pater puellæ abesset, locum injuriæ esse ratus. Virgini, venienti in forum, (ibi namque in tabernis literarum ludi erant) minister decemviri libidinis manum injecit; servā suā natam (servamque appellans) esse. sequique se jubebat, cunctantem vi abstrahendum. Prævidā puellā stupente, ad clamorem nutricis, fidem Quirinium imploantis, fit concursus. Virginii patris sponsique Iciliū populare nomen celebratur. notos gratia eorum, turbam indignitas rei virgini conciliat. Jam & vi tuta erat; quum assertor nihil opus esse multitudine concitatā ait, se jure grassari, non vi. Vocat puellam in jus; auctoribus, qui aderant, ut sequeretur. Ad tribunal Appii perventum est. notam judici fabulam positō, quippe apud ipsum auctorem argumenti, peragit; puellam, domi suæ natam, furtoque inde in domum Virginii translātā, suppositā ei esse. Id se indicio compertum asserre, probaturumque vel ipsa Virginio iudice, ad quem major pars injuriæ ejus pertineat. Interim dominum sequi ancillam, æquum esse. Advocati puellæ, quum Virginium reipublicæ causā dixissent abesse, bīduo adfuturum, si nunciatum ei sit; iniquum esse, absentem de liberis dimicare; postulant, ut rem integram in patris adventum differat; lege ab ipso latā vindicias det secundum libertatem; neu patiatur, virginem adultam famæ prius, quā libertatis, periculum adire.

XLV. Appius decreto præfatus, quā libertati faverit, eam ipsam legem declarare, quā Virginii amici postulationi suæ prætendant. Ceterū ita in ea firmam libertati fore præsidium, si nec causis, nec personis variet. In his enim, quæ asserantur in libertatem, quia quivis lege agere possit, id juris esse: in ea, quæ in patris manu sit, neminem esse alium, cui dominus possessione cedat. Placere itaque patrum arcessi.

interea



inter ea furis sui jacturam assertorem non facere, quin ducat puellam sistendamque in adventum ejus, qui pater dicatur, promittat. Adversus injuriam decreti quum multi magis fremerent, quàm quisquam unus recusare auderet; P. Numitorius, puellæ avunculus, & sponsus Icilius interveniunt. datâque inter turbam viâ, quum multitudine Icili maxime interventu resisti posse Appio crederet, licitor decreisse ait: vociferantemque Icilium submovet. Placidum quoque ingenium tam atrox injuria accendisset. *Ferro. hinc tibi submovendus sum, Appi, inquit, ut tacitum feras, quod celari vis. Virginem ego hanc sum ducturus, nuptam pudicamque habiturus.* Proinde omnes collegarum quoque lictores convoca, expediri virgas & secures jubet: non manebit extra domum patris sponsa Icili. Non, si tribuniciū auxilium & provocationem, plebi Romana duas arces libertatis tuenda, ademisti, ideo in liberos quoque nostros conjugesque regnum vestrae libidini datum est. Savite in tergum & in cervices nostras, pudicitia saltem in tuto sit. Huic si vis asseretur, ego presentium Quiritium pro sponsa, Virginius militum pro unica filia, omnes Deorum hominumque implorabimus fidem. neque tu istud unquam decretum sine cade nostra referes. Postulo, Appi, etiam atque etiam consideres, quò progrediare. Virginius viderit, de filia, ubi venerit, quid agat. Hoc tantum sciat, sibi, si hujus vindictis cesserit, conditionem filiae querendam esse. me, vindicantem sponsam in libertatem, vita citius deseret, quàm fides.

XLVI. Concitata multitudo erat, certamenque instare videbatur. lictores Icilium circumsteterant: nec ultra minas tamen processum est. Quum Appius, Non Virginiam defendi ab Icilio, sed inquietum hominem, & tribunatum etiam nunc spirantem, locum seditionis querere, diceret; non praebiturum se illi eo die materiam: sed ut jam sciret, non id petulantiae suae, sed Virginio absenti & patrio nomini & libertati, datum, jus eo die se non dicturum, neque decretum interpositurum: à M. Claudio petiturum, ut decederet jure suo, vindicarique puellam in posterum diem patere-

tur.

*tur. Quòd nisi pater postero die adfuisset, denunciare se Icilio similibusque Iciliis, neque legi sua latorem, neque decemviro constantiam de fore: nec se utique collegarum liitores convocaturum ad coëroendas seditionis auctores. contentum se suis liitoribus fore. Quum dilatum tempus injuriæ esset, secessissentque advocati puellam, placuit omnium primum, fratrem Iciliis filiumque Numitorii, impigros juvenes, pergere inde restà ad portam, & quantum accelerari posset, Virginium acciri è castris. In eo verti puellæ salutem, si postero die vindex injuriæ ad tempus præsto esset. Jussi pergunt, citatisque equis nuncium ad patrem perferunt. Quum instaret assertor puellæ, ut vindicaret, sponsoresque daret; atque id ipsum agi diceret Icilius, sedulò tempus terens, dum præciperent inter nuncios missi in castra, manus tollere undique multitudo, & se quisque paratum ad spondendum Icilio ostendere. Atque ille lacrimabundus, *Gratum est, inquit; crastinà die vestrà operà utar. sponsores nunc satis est.* Ita vindicatur Virginia, spondentibus propinquis. Appius, paullisper moratus, ne ejus rei causà sedisse videretur, postquam, omissis rebus aliis præ cura unius, nemo adibat, domum se recepit; collegisque in castra scribit, *ne Virginio commeatum dent, atque etiam in custodia habeant.* Improbum consilium serum, ut debuit, fuit: & jam commeatu sumpto profectus Virginus primà vigilià erat, quum postero die mane de retinendo eo nequicquam literæ redduntur.*

XLVII. At in urbe primà luce, quum civitas in foro exspectatione erecta staret; Virginus sordidatus filiam suam obsoletà veste, comitantibus aliquot matronis, cum ingenti advocatione in forum deducit. Circumire ibi & prensare homines cœpit; & non orare solum precariam opem, sed pro debita petere, *Se pro liberis eorum ac conjugibus quotidie in acie stare: nec alium virum esse, cujus strenuè ac feraciter facta in bello plura memorari possent. Quid prodesse, si, incolumi urbe, quæ, ca-*

piæ

*ptā, ultima timeantur, liberis suis sint patiendā? Hæc propè concionabundus circumibat hominēs. Similia his ab Icilio jactabantur. comitatus muliebris plus tacito fletu, quā uita vox, movebat. Adversus quæ omnia obstinato animo Appius (tanta vis amicitia verius, quā amoris, mentem turbaverat) in tribunal escendit: & ultro querente pauca petitorē, quid jui sibi pridē per ambitionem dictum non esset, priusquam aut ille postulatū perageret; aut Virginio respondendi daretur locus, Appius interfatur. Quam decreto sermonem prætenderit, forsā aliquem veterum auctores antiqui tradiderint, quia nusquam ullum in tantā foeditate decreti verisimilem inveni; id, quod constat, audum videtur proponendum, detresse iudicium secundum servitatem. Primò stupor omnes admiratione rei tam atrocis defixit. silentium inde aliquandiu tenuit. Dein quum M. Claudius, circumstantibus matronis, iræ adprehendendam virginem, lamentabiliq; cum mulierum comploratis excepisset; Virginium, intentans in Appium manus, Icilio, inquit, Appi, non vidi, filiam despondi: & ad nuptias, non ad stuprum, eductam. Placeat pecudum ferarumque ritu promiscuē in concubitus rursus? Passarum hæc isti sint, nescio: non spero esse passuros illos, qui arma habent. Quum repelleretur assertor virginis à globo mulierum circumstantiumque advocatorum, silentium factum per præconem.*

XLVIII. Decemvir, alienatus ad libidinem animo, negat, hesterno tantum convicio Icili violentiaque Virginii, cuius testem populum Romanum habeat, sed certis quoque indicibus compertum se habere, nocte totā certus in urbe factos esse ad movendam seditionem. Itaque se, haud inscium ejus dimicationis, cum armatis descendisse; non ut quemquam quietum violaret, sed ut turbantes civitatis otium pro maiestate imperii coerceret. Proinde quiesse erit melius. I, inquit, histōr, submove turbam; & da viam domino ad prebendum mancipium. Quum hæc intonauisset plenus ira, mul-

multitudo ipsa se suâ sponte dimovit, desertaque præda injuriæ puella stabat. Tum Virginus, ubi nihil usquam auxilii yidit, *Quæso, inquit, Appi, primùm ignosce patrio dolori, si quid inclementius in te sum inuictus: deinde finas hęc coram virgine nutricem percontari, quid boni rei sit? ut, si falsò pater dictus sum, equiore hinc animo discedam.* Datâ veniâ, seducit filiam ac nutricem propè Cloacinae ad tabernas, quibus nunc Novis est nomen, atque ibi ab lanio cultro arrepto, *Hoc te una, quo possum, ait, modo, filia, in libertatem vindico.* Pectus deinde puellæ transfigit; respectantque ad tribunal, *Tu, inquit, Appi, tuiumque caput sanguine hoc confuso:* Clamore ad tam atrox facinus orto excitâ Appius, comprehendi Virginiûm jubet. ille ferto, quacunque ibat, viam facere: donec, multitudine etiam prosequentium tuente, ad portam perrexit. Icilius Nutricisque exsangue corpus sublatum ostentant populo: scelus Appii, puellæ infelicem sortem, necessitatē patris deploant. Sequentes clamitant matronæ, *Eamne liberorum procrustandorum conditionem? ea pudicitia præmia: esse? ceteraque, quæ in tali re muliebris dolor, quo est morsu horribilior imbecillo animo, eo miserabilia magis querentibus subijcit.* Virorum & maximè Iciliî vox tota, tribuniciæ potestatis ac provocationis ad populum crepit; publicarumque indignationum, erat.

XLIX. Concitatur multitudo partim atrocitate sceleris, partim spe per occasionem repetendæ libertatis: Appius nunc vocari Icilium, nunc retractantem arripi; postremò, quum locus adeundi apparitoribus non daretur, ipse, cum agmine patriciorum juvenum per turbam vadens, in vincula duci jubet. Jam circa Icilium non solum multitudo, sed duces quoque multitudinis erant L. Valerius & M. Horatius. qui, repulso scitore, si jure ageret, vindicare se à privato Icilium aiebant; si vim asserre conaretur, ibi quoque se haud imparos fore. Hinc atrox rixa oritur. Valerium Ho-

ratiumque

ratiumque listor decemviri invadit. franguntur à multitudine fasces. In concionem Appius ascendit. Sequuntur Horatius Valeriusque. eos concio audit: decemviro obstreperitur. Jam pro imperio Valerius discedere à privato listores jubebat: quum, fractis animis, Appius, vitæ metuens, in domum se propinquam foro, insciis adversariis, capite obvoluto, recepit. Sp. Oppius, ut auxilio collegæ esset, in forum ex altera parte irrupit. videt imperium vi victum. Agitatus deinde consiliis, atque ex omni parte assentiendo multis auctoribus trepidus, senatum postremò vocari iussit. ea res, quòd magnæ parti Patrum displicere acta decemvirorum videbantur, spe per senatum finiendæ potestatis ejus multitudinem sedavit. Senatus nec plebem irritandam censuit; & multò magis providendum, ne quid Virginii adventus in exercitu motûs faceret.

L. Itaque missi juniores Patrum in castra, quæ tum in monte Vecilio erant, nunciant decemviris, *ut omni ope ab seditione milites contineant*: ubi Virginii majorem, quàm reliquerat in urbe, motum excivit. Nam, præterquam quòd agmine propè quadringentorum hominum veniens, qui ab urbe indignitate rei accensi comites ei se dederant, conspectus est; strictum etiam telum, resperfusque ipse cruore, tota in se castra convertit. & togæ, multifariam in castris visæ, majoris aliquanto, quàm erat, speciem urbanæ multitudinis fecerant. Quærentibus, *quid rei esset*, flens diu vocem non misit: tandem, ut jam ex trepidatione concurrentium turba constitit, ac silentium fuit, ordine cuncta, ut gesta erant, exposuit. Supinas deinde tendens manus, commilitones appellans, orabatur, *Ne, quod scelus Ap. Claudii esset, sibi attribuerent: neu se, ut parricidam liberum, averfcerentur. Sibi vitam filie suæ cariorem fuisse, si libera ac pudica vivere licitum fuisset. quum, velut servam, ad stuprum rapi videret, morte amitti melius ratum, quàm contumeliâ, liberos, misericordiâ se in speciem crudelitatis lapsam. nec se*  
super

*superstitem filia futurum fuisse, nisi spem ulciscenda mortis æ-  
gus in auxilio commilitonum habuisset. Illis quoque enim filias,  
sorores, conjugesque esse. nec cum filia sua libidinem Ap. Clau-  
dii extinctam esse; sed, quo impunitior sit, eo effrenatiorem  
fore. Alienâ calamitate documentum datum illis cavenda su-  
milis injuriæ. quod ad se attineat, uxorem sibi fato ereptam:  
filiam, quia non ultrâ pudica victura fuerit, miseram, sed bo-  
nestam, mortem occubuisse. Non esse jam Appii libidini lo-  
cum in domo sua. ab alia violentia ejus eodem se animo suum  
corpus vindicaturum, quo vindicaverit filia. Ceteri sibi ac li-  
beris suis consulerent. Hæc Virginio vociferanti fuccla-  
mabat multitudo, nec illius dolori, nec sua libertati se de-  
futuros. Et immixti turbæ militum togati, quum ca-  
dem illa querendo, docendoque, quanto visa, quàm  
audita, indigniora potuerint videri, simul profligatam  
jam rem nunciando Romæ esse; insecutique, qui Ap-  
pium propè interemptum in exilium abisse dicerent,  
perpulerunt, ut ad arma conclamaretur, vellerentque  
signa, & Romam proficiscerentur. Decemviri simul  
his, quæ videbant, simul his, quæ acta Romæ audie-  
rant, perturbati, alius in aliam partem castrorum, ad  
sedandos motus discurrunt: & leniter agentibus re-  
sponsum non redditur: imperium si quis inhiheret, &  
viros & armatos se esse, respondetur. Eunt agmine ad  
urbem, & Aventinum insidunt; ut quisque occurre-  
rat, plebem ad repetendam libertatem creandosque tri-  
bunos plebis adhortantes. alia vox nulla violenta au-  
dita est. Senatum Sp. Oppius habet: nihil placet a-  
sperè agi; quippe ab ipsis datum locum seditionis esse.  
Mittuntur tres legati consulares, Sp. Tarpeius, C. Ju-  
lius, P. Sulpicius, qui quærerent senatûs verbis, cujus  
jussu castra deseruissent? aut quid sibi vellent, qui ar-  
mati Aventinum obsedissent? belloque averso ab ho-  
stibus patriam suam cepissent? Non defuit, quid re-  
sponderetur: decrat, qui daret responsum, nullodum  
serto duce, nec satis audentibus singulis invidiæ se of-  
ferre.*

ferre. id modò à multitudine conclamatum est, ut D. Valerium & M. Horatium ad se mitterent. his se daturos responsum.

LI. Dimissis legatis, admonet milites Virginius, ire non maxima paulò antè trepidatum esse, quia sine capite multitudo fuerit: responsamque, quanquam non inutiliter, fortuito tamen magis consensu, quàm communi consilio, esse. Placere decem creari, qui summa rei præessent, militarique honore tribunos militum appellari. Quum ad eum ipsum primum is honos deferretur, Melioribus meis vestrisque rebus reservate, inquit, ista de me judicia. Nec mihi filia inultà honorem ullum jucundum esse patitur; nec in perturbata republica eos utile est præesse vobis, quò proximi invidia sint. Si quis usus mei est, nibilo minor ex privato capietur. Ita decem numero tribunos militares creant. Neque in Sabinis quiescit exercitus. ibi quoque auctore Icilio Numitorioque, secessio ab decemviris facta est, non minore motu animorum Siccii cædis memorià revocata, quàm quem nova fama de virgine adeò foedè ad libidinem petita accenderat. Icilius ubi audivit, tribunos militum in Aventino creatos, ne comitiorum militarium prærogativam urbana comitia iisdem tribunis plebis creandis sequerentur, peritus rerum popularium imminensque ei potestati, & ipse prius, quàm iretetur ad urbem, parè potestate eundem numerum ab suis creandum curat. Portà Collinà urbem intravere sub signis, mediàque urbe agmine in Aventinum pergunt. ibi, conjuncti alteri exercitui, viginti tribunis militum negotium dederunt, ut ex suo numero duos crearent, qui summæ rerum præessent. M. Oppium, Sex. Manilium creant. Patres, solliciti de summa rerum, quum senatus quotidie esset, jurgiis sæpius tenebant tempus, quàm consiliis. Siccii cædes decemviris, & Appiana libido, & dedecora militiæ objiciebantur. Placebat, Valerium Horatiumque ire in Aventinum. illi negabant se aliter ituros, quàm si decemviri depo-

nerent

merent insignia magistratûs ejus, quo anno jam antè abissent. Decemviri, querentes se in ordinem cogi, non antè, quàm perlatis legibus, quarum causâ creati essent, deposituros imperium se aiebant.

LII. Per M. Duilium, qui tribunus plebis fuerat, certior facta plebs, contentionibus assiduis nihil transigi, in Sacrum montem ex Aventino transit; affirmante Duilio, *non prius, quàm deferri urbem videant, curam in animos Patrum descensuram. admonitum Sacrum montem constantia plebis: scituros, quòd sine restituta potestate redigè in concordiam res nequeant.* Viâ Nomentanâ, cui tum Ficulens nomen fuit, profecti, castra in monte Sacro locavere; modestiam patrum suorum nihil violando imitati. Secuta exercitum plebs, nullo, qui per ætatem ire posset, retractante. Prosequuntur conjuges liberique, *cuinam se relinquerent in ea urbe, in qua nec pudicitia, nec libertas sancta. esset, miserabiliter rogitantes.* Quum vasta Remæ omnia insueta solitudo fecisset, in foro præter paucos seniorum nemo esset; vocatis utique in senatum Patribus, desertum apparuisset forum; plures jam, quàm Horatius & Valerius, vociferabantur, *Quid expectabitis, Patres conscripti? Si decemviri finem pertinacia non faciunt, ruerè ac desigrare omnia passuri estis? Quod autem istud imperium est, decemviri; quod amplexi tenetis? Testis ac parietibus jura dicturi estis? Non pudet, licetorum vestrorum majorem prope numerum in foro conspici, quàm togatarum aliorumque? Quid, si hostes ad urbem veniant, facturi estis? quid, si plebs mox, ubi parum secessione moveamur, armata veniat? Octasune urbis vultis finire imperium? Atqui aut plebs non est habenda, aut habendi sunt trikani plebis. Nos citius caruerimus patriciis magistratibus, quàm illi plebeiis. Novam inexpertamque eam potestatem eripueris patribus nostris, ne nunc, dulcedine semel capti, ferant desiderium. quum præsertim nec nos temperemus imperiis, quo minùs illi auxilii egeant. Quum hæc ex omni parte jactarentur, victi consensu decemviri,*



virī, futuros se, quando ita videatur, in potestate Patrum affirmant. Id modò simul orant ac monent, ut ipsis ab invidia caveatur: nec suo sanguine ad supplicia Patrum plebem assuefaciant.

LIII. Tum Valerius Horatiusque, missi ad plebem conditionibus, quibus videretur, revocandam componendasque res; decemviris quoque ab ira & impetu multitudinis prœcavere jubentur. Profecti gaudio ingenti plebis in castra accipiuntur; quippe liberatores haud dubiè & motus initio, & exitu rei. Ob hæc advenientibus gratiæ astæ. Icilius pro multitudine verba facit. Idem, quum de conditionibus ageretur, querentibus legatis, quæ postulata plebis essent, composito jam ante adventum legatorum consilio, ea postulavit, ut appareret, in æquitate rerum plus, quàm in armis, reponi spei. Potestatem enim tribuniciam, provocationemque repetebant, quæ ante decemviros creatos auxilia plebis fuerant, & ne cui fraudi esset, concessisse milites aut plebem ad repetendam per secessionem libertatem. De decemvirorum modò supplicio atrox postulatum fuit. Dedi quippe eos æquum censebant, vivosque igni concrematuros minabantur. Legati ad ea: *Quæ consilii fuerunt, aded æqua postulastis, ut ultro vobis deferenda fuerint. libertati enim ea præsidiâ petitis, non licentiâ ad impugnandos alios. Iræ vestræ magis ignoscendum, quàm indulgendum est. quippe qui crudelitatis odio in crudelitatem ruitis, & prius penè, quàm ipsi liberi sitis, dominari jam in adversarios vultis. Nunquamne quiescet civitas nostra à suppliciis, aut Patrum in plebem Romanam, aut plebis in Patres? Scuto vobis magis, quàm gladio, opus est. Satis superque humilis est, qui jure æquo in civitate vivit, nec inferendo injuriam, nec patiendo. Etiam, si quando metuentes vos præbituri estis, quum, recuperatis magistratibus legibusque vestris, judicia pones vos erunt de capite nostro fortunisque; tunc, ut quæque causa erit, statuetis. nunc libertatem repeti satis est.*

LIV. Fa-

LIV. Facerent, ut vellent, permittentibus cunctis, mox redituros se legati rebus perfectis affirmant. Perfecti quum mandata plebis Patribus exposuissent, alii decemviri, quandoquidem præter spem ipsorum supplicii sui nulla mentio fieret, haud quicquam abnuere. Appius, truci ingenio & invidiâ præcipuâ, odium in se aliorum suo in eos metiens odio, *Haud ignaro, inquit, imminet fortuna. Video, donec arma adversariis tradantur, differri adversus nos certamen. dandus invidiæ est sanguis. Nihil ne ego quidem moror, quo minus decemviratu abeam.* Factum senatusconsultum, *Ut decemviri se primo quoque tempore magistratu abdicarent. Q. Furius pontifex maximus tribunos plebis crearet. & ne cui fraudi esset secessio militum plebisque.* His senatusconsultis perfectis, dimisso senatu, decemviri prodeunt in concionem, abdicantque se magistratu, ingenti hominum lætitiâ. Nunciantur hæc plebi. legatos quicquid in urbe hominum supererat prosequitur. Huic multitudini læta alia turba ex castris occurrit. congratulantur libertatem concordiamque civitati restitutam. Legati pro concione: *Quod bonum, faustum, felixque sit vobis, rei que publicæ, redite in patriam ad penates, conjuges, liberosque vestros: sed, quâ hîc modestiâ fuistis, ubi nullius ager in tot rerum usu necessario tantæ multitudini est violatus, eam modestiam ferte in urbem. in Aventinum ite, unde profecti estis. Ibi felici loco, ubi prima initia inchoastis libertatis vestræ, tribunos plebi creabitis. præsto erit pontifex maximus, qui comitia habeat.* Ingens assensus alacritasque cuncta approbantium fuit. Convellunt inde signa, profectique Romam certant cum obviis gaudio. armati per urbem silentio in Aventinum perveniunt. ibi extemplo, pontifice maximo comitia habente, tribunos plebis creaverunt, omnium primum A. Virginium, inde L. Icilium, & P. Numitorium avunculum Virginis, auctores secessionis. Tum C. Sicinium, progeniem ejus, quem primum tribunum plebis creatum in Sacro monte,

te, proditum memoriæ est ; & M. Duilius, qui tribunatum insignem ante decemviros creatos gesserat, nec in decemviralibus certaminibus plebi defuerat. Spe deinde magis, quàm meritis, electi, M. Titinius, M. Pomponius, C. Apronius, P. Villius, C. Oppius. Tribunatu inito, L. Icilius extemplo plebem rogavit, & plebs scivit, ne cui fraudi esset secessio ab decemviris facta. Confestim de consulibus creandis cum provocatione M. Duilius rogationem pertulit. ea omnia in pratis Flaminii concilio plebis acta, quem nunc Circum Flaminium appellant.

LV. Per-interregem deinde consules creati, L. Valerius, M. Horatius ; qui extemplo magistratum ceperunt : quorum consulatus popularis sine ulla Patrum injuria, nec sine offensione fuit. quicquid enim libertati plebis caveretur, id suis decedere opibus credebant. Omnium primum, quum veluti in controverso jure esset, tenerentur Patres plebiscitis, legem centuriatis comitiis tulere, *Ut, quod tributim plebes jussisset, populum teneret.* quâ lege tribuniciis rogationibus telum acerrimum datum est. Aliam deinde consularem legem de provocatione, unicum præsidium libertatis, decemviralis potestate everfam, non restituumt modò, sed etiam in posterum muniunt, sanciendo novam legem, *Ne quis ullum magistratum sine provocatione crearet. qui creasset, cum jus fasque esset occidi : neque ea cades capitalis noxa haberetur.* Et quum plebem hinc provocatione, hinc tribunicio auxilio satis firmassent, ipsis quoque tribunis, ut sacrosancti viderentur, (cujus rei propè jam memoria aboleverat) relatis quibusdam ex magno intervallo ceremoniis, renovârunt ; & quum religione in-violatos eos, tum lege etiam fecerunt, sanciendo, *Ut, qui tribunis plebis, edilibus, judicibus, decemviris nocuisset, ejus caput Jovi sacrum esset. familia ad adem Cereris, Liberi, Liberæque uenum iret.* Hâc lege juris interpretes negant quemquam sacrosanctum esse : sed eum, qui eo-  
rum

rum cuiquam nocuerit, sacrum sanciri. Itaque ædilem prehendi ducique à majoribus magistratibus: quod etsi non jure fiat, (noceri enim ei, cui hæc lege non liceat) tamen argumentum esse, non haberi pro sacrosancto ædilem: tribunos vetere jurejurando plebis, quum primùm eam potestatem creavit, sacrosanctos esse. Fuere, qui interpretarentur, eadem hæc Horatiâ lege consulibus quoque & prætoribus, quia iisdem auspiciis, quibus consules, crearentur, cautum esse: judicem enim consulem appellari. Quæ refellitur interpretatio, quòd his temporibus nondum consulem judicem, sed prætorem, appellari mos fuerit. Hæ consulares leges fuere. Institutum etiam ab iisdem consulibus, ut senatusconsulta in ædem Cereris ad ædiles plebis deferrentur; quæ antea arbitrio consulum supprimebantur vitiabanturque. M. Duilius deinde tribunus plebis plebem rogavit, plebesque scivit; *qui plebem sine tribunis reliquisset, quique magistratum sine provocatione creasset, tergo ac capite puniretur.* Hæc omnia ut invitis, ita non adversantibus, patriciis transacta; quia nondum in quemquam unum sæviebatur.

LVI. Fundatâ deinde & potestate tribunicia, & plebis libertate, tum tribuni aggredi singulos tutum maturumque jam rati, accusatorem primum Virginium & Appium reum deligunt. Quum diem Appio Virginius dixisset, & Appius, stipatus patriciis juvenibus, in forum descendisset; redintegrata extemplo est omnibus memoria fœdissimæ potestatis, quum ipsum satelitesque ejus vidissent. Tum Virginius, *Oratio*, inquit, *rebus dubiis inventa est.* Itaque neque ego accusando apud vos eum tempus teram, à cujus crudelitate vosmet ipsi armis vindicastis: nec istum ad cetera scelera impudentiam in defendendo se adjicere patiar. Omnium igitur tibi, *Ap. Claudii*, quæ impiè nefariæque per biennium alia super alia es ausus, gratiam facio. unius tantum criminis, ni judicem dices, te ab libertate in servitutem contra leges vindicias non dedisse,

*in vincula te duci jubeo.* Nec in tribunicio auxilio Appius, nec in judicio populi ullam spem habebat. at tamen & tribunos appellavit: & nullo morante, arreptus à viatore, *Provoco*, inquit. Audita vox una vindicæ libertatis, ex eo missa ore, quo vindiciæ nuper ab libertate dictæ erant, silentium fecit. Et, dum pro se quisque, *Deos tandem esse, & non negligere humana*, fremunt, & *superbiæ crudelitatisque, etsi seras, non leves tamen venire pœnas; provocare, qui provocationem sustulisset; & implorare præsidium populi, qui omnia jura populi obtrisset; rapique in vincula egentem jure libertatis, qui liberum corpus in servitutem addixisset; ipsius Appii, inter concionis murmur fidem populi Romani implorantis, vox audiebatur.* Majorum merita in rempublicam domi militiæque commemorabat: suum infelix erga plebem Romanam studium, quod æquandarum legum causâ cum maxima offensione Patrum consulatu abisset: suas leges, quibus manentibus lator earum in vincula ducatur. Ceterum sua propria bona malaque, quum causa dicenda data facultas sit, tum se experturum. In præsentia se communi jure civitatis civem Romanum die dictâ postulare, ut dicere liceat, ut judicium populi Romani experiri. non ita se invidiam pertimuisse, ut nihil in æquitate & misericordia civium suorum spei habeat. Quod si indictâ causâ in vincula ducatur, iterum se tribunos plebei appellare, & monere, ne imitentur, quos oderint. Quod si tribuni eodem fœdere obligatos se fateantur tollendæ appellationis causâ, in quam conspirasse decemviros criminati sint; ait se provocare ad populum: implorare leges de provocatione, & consulares, & tribunicias, eo ipso anno latas. Quem enim provocaturum, si hoc indemnato indictâ causâ non liceat? Cui plebeio & humili præsidium in legibus fore, si Ap. Claudio non sit? se documento futurum, utrum novis legibus dominatio, an libertas firmata sit: & appellatio provocatioque adversus injuriam magistratum ostentata tantum inanibus literis, an verè data sit.

LVII. Contra ea Virginius, unum Ap. Claudium  
&

& legum expertem & civilis & humani foederis esse, aiebat. *Respicerent tribunal homines, castellum omnium scelerum: ubi decemvir ille perpetuus, bonis, tergo, sanguini civium infestus, virgas securesque omnibus minitans, Deorum hominumque contemptor; carnificibus, non licitoribus, stipatus, jam ab rapinis & cadibus animo ad libidinem verso, virginem ingenuam in oculis populi Romani, velut bello captam, ab complexu patris abreptam, ministro cubiculi sui clienti dono dederit. Ubi crudeli decreto nefandisque vindictis dexteram patris in filiam armaverit: ubi, tollentes corpus semianime virginis, sponsum avunculumque in carcerem duci jusserit; stupro interpellato magis, quam cade, motus. & illi carcerem adificatum esse, quod domicilium plebis Romana vocare fit solitus. Proinde, ut ille iterum ac sepius provocet, sic se iterum ac sepius judicem illi ferre, ni vindicias ab libertate in servitutem dederit. si ad judicem non eat, pro damnato in vincula duci jubere. Ut haud quoquam improbante, sic magno motu animorum, quum tanti viri supplicio suamet plebi jam nimia libertas videretur, in carcerem est coniectus. tribunus ei diem prodixit. Inter hæc ab Latinis & Hernicis legati gratulatum de concordia Patrum ac plebis Romam venerunt; donumque ob eam Jovi optimo maximo coronam auream in Capitolium tulere parvi ponderis, prout res haud opulentæ erant, colebanturque religiones piæ magis, quam magnificæ. Iisdem auctoribus cognitum est, Æquos Volscosque summâ vi bellum apparare. Itaque partiri prævincias consules jussi. Horatio Sabini, Valerio Æqui Volsci-que evenere. Quum ad ea bella delectum edixissent, favore plebis non juniores modò, sed emeritis etiam stipendiis, pars magna voluntariorum, ad nomina danda præsto fuere. coque non copiâ modò, sed genere etiam militum, veteranis admistis, firmior exercitus fuit. Priusquam urbem egrederentur, leges decemvira-les, quibus *tabulis duodecim* est nomen, in æs incisas in*

publico proposuerunt. Sunt, qui jussu tribunorum ædiles sanctos eo ministerio scribant.

LVIII. C. Claudius, (qui, perosus decemvirorum scelera, & ante omnes fratris filii superbix infestus, Regillum, antiquam in patriam, se contulerat) is magno jam natu, quum ad pericula ejus deprecanda redisset, cujus vitia fugerat, sordidatus cum gentilibus clientibusque in foro prensabat singulos; orabatque, *Ne Claudia genti eam iniustam maculam vellent, ut carceris & vinculis viderentur digni: virum, honoratissima imaginis futurum ad posteros, legum latorem conditoremque Romani juris, jacere victum inter fures nocturnos ac latrones. Averterent ab ira parumper ad cognitionem cogitationemque animos: & potius unum tot Claudis deprecantibus condonarent, quam propter unius odium multorum preces aspernarentur. Se quoque id generi ac nomini dare, nec cum eo in gratiam redisse, cuius adversa fortuna velit succursus. Virtute libertatem recuperatam esse: clementiam concordiam ordinum stabiliri posse.* Erant, quos moveret sua magis pietate, quam ejus, pro quo agebat, causa. sed Virginus, sui potius ut misererentur, orabat, filiaque: *nec gentis Claudia, regnum in plebem sortita, sed necessarium. Virgine trium tribunorum preces audirent; qui, ad auxilium plebis creati, ipsi plebis fidem atque auxilium implerarent.* Justiores hæ lacrimæ videbantur. itaque, spe incisa, priusquam prodita dies adesset, Appius sibi mortem conscivit. Subinde arreptus à P. Numitorio Sp. Oppius, proximus invidiæ, quod in urbe fuerat, quum injustæ vindiciæ à collega dicerentur. Plus tamen facta injuria Oppio, quam non prohibita, invidiæ fecit. testis productus, qui, septem & viginti enumeratis stipendiis, officis extra ordinem donatus, donaque ea gerens in conspectu populi, scissâ veste tergum laceratum virgis ostendit, nihilum deprecans, *quin, si quam suam noxam reus dicere posset, privatus iterum in se sevirer.* Oppius quoque ductus in vincula est, & ante judicii diem finem ibi vitæ fecit.

fecit. Bona Claudii Oppiique tribuni publicavere. collegæ eorum exsilii causâ solum verterunt: bona publicata sunt. & M. Claudius, assertor Virginie, die dictâ damnatus, ipso remittente Virginio ultimam pœnam, dimissus Tibur exsulatum abiit: manesque Virginie, mortuæ quàm vivæ felicioris, per tot domos ad petendas pœnas vagati, nullo relicto fonte tandem quieverunt.

LIX. Ingens metus incesserat Patres, vultusque jam idem tribunorum erant, qui decemvirorum fuerant, quum M. Duilius tribunus plebis, inhibito salubriter modo nimie potestatis, *Et libertatis, inquit, nostra & pœnarum ex inimicis satis est. itaque hoc anno nec diem dici cuiquam, nec in vincula duci quemquam sum passurus. Nam neque vetera peccata repeti jam obliterata placet, quum nova expiata sint decemvirorum suppliciis; & nihil admissum irt, quod vim tribuniciam desideret, spondet perpetua consulum amborum in libertate vestra tuenda cura.* Ea primum moderatio tribuni metum Patribus dempsit, eademque auxit consulum invidiam; quod adeo toti plebis fuissent, ut Patrum salutis libertatisque prior plebeio magistratu, quàm patricio, cura fuisset; & ante inimicos satiety pœnarum suarum cepisset, quàm obviam ituros licentie eorum consules appareret. Multique erant, qui mollius consultum dicerent, quod legum ab iis latarum Patres auctores fuissent. neque erat dubium, quin, turbato reipublicæ statu, tempori succubuissent.

LX. Consules, rebus urbanis compositis, fundatoque plebis statu, in provincias diversi abiere. Valerius adversus conjunctos jam in Algido exercitus Æquorum Volscorumque sustinuit consilio bellum. Quod si extemplo rem fortunæ commisisset, haud scio, an (quum animi ab decemvirorum infelicibus auspiciis Romanis hostibusque erant) magno detrimento certamen staturum fuerit. Castris, mille passuum ab hoste positis, copias continebat. hostes medium inter bina ca-



stra spatium acie instructâ complebant. provocantibusque ad proelium responsum Romanus nemo reddebatur. Tandem fatigati stando, ac nequicquam expectando certamen, Æqui Volscique, postquam concessum propemodum de victoria credebant, pars in Hernicos, pars in Latinos prædatum abeunt. relinquitur magis castris præsidium, quàm satis virium ad certamen. quod ubi consul sensit, reddit illatum antea terrorem, instructâque acie ultro hostem laceffit. Ubi illi, conscientia quid abesset virium, detractavere pugnam, crevit extemplo Romanis animus, & pro victis habebant paventes intra vallum. Quum per totum diem stetissent intenti ad certamen, nocti cessere: & Romani quidem pleni spei corpora curabant. Haudquaquam pari hostes animo nuncios passim trepidi ad revocandos prædatores dimittunt. recurritur ex proximis locis; ultiores non inventi. Ubi illuxit, egreditur castris Romanus, vallum invasurus, ni copia pugnae fieret. &, postquam multa jam dies erat, neque movebatur quicquam ab hoste, jubet signa inferri consul. motâque acie, indignatio Æquos & Volscos incescit, si victores exercitus vallum potius, quàm virtus & arma tenerent. igitur & ipsi efflagitatum ab ducibus signum pugnae acceperunt. Jamque pars egressa portis erat, deincepsque alii servabant ordinem, in suum quisque locum descendentes, quum consul Romanus prius, quàm totis viribus fulta constaret hostium acies, intulit signa: adortusque nec omnes dum eductos, nec, qui erant, satis explicatis ordinibus, prope fluctuantem turbam trepidantium huc atque illuc, circumspectantiumque se ac suos, addito turbatis mentibus clamore atque impetu, invadit. Retulere primò pedem hostes. deinde, quum animos collegissent, & undique duces, *victisne cessuri essent*, increparent, restituitur pugna.

LXI. Consul ex altera parte Romanos *meminisse* jubebat, *illo die præmium liberos pro libera urbe Romana pugnare.*

gnare. Sibi met ipsis victuros, non ut decemviro-  
rum victores premium essent. Non Appio duce rem geri, sed consule  
Valerio, à liberatoribus populi Romani orto, liberatore ipso.  
Ostenderent, prioribus praeliis per duces, non per milites, ste-  
tisse, ne vincerent. Turpe esse, contra cives plus animi ha-  
buisset, quàm contra hostes : & domi, quàm foris, servitutem  
magis timuisse. Unam Virginiam fuisse, cujus pudicitia in  
pace periculum esset : unum Appium civem periculosa libidi-  
nis. at, si fortuna belli inclinet, omnium liberis ab tot milli-  
bus hostium periculum fore. Nolle ominari, quæ nec Jupiter,  
nec Mars pater passuri sint, iis auspiciis condita urbi accidere.  
Aventini Sacrique montis admonebat, ut, ubi libertas  
parata esset paucis antè mensibus, eò imperium illibatum refer-  
rent : ostenderentque, eandem indolem militibus Romanis post  
exactos decemviros esse, quæ ante creatos fuerit : nec, aequatis  
legibus, imminutam virtutem populi Romani esse. Hæc ubi  
inter signa peditum dicta dedit; avolat deinde ad e-  
quites, Agite, juvenes, inquit, præstate virtute peditem,  
ut honore atque ordine præstatis. Primo concursu pedes mo-  
vit hostem. pulsum vos, immisissis equis, exigite è campo.  
Non sustinebunt impetum. & nunc cunctantur magis, quàm  
resistunt. Concitant equos, permittuntque in hostem,  
pedestri jam turbatum pugna : & perruptis ordinibus,  
elati ad novissimam aciem, pars libero spatio circum-  
vecti, jam fugam undique capeffentes plerosque à ca-  
stris avertunt, præterequantisque absterrent. Peditum  
acies, & consul ipse, visque omnis belli fertur in  
castra : captisque cum ingenti cæde, majore præda po-  
titur. Hujus pugnae fama perlata non in urbem modò,  
sed in Sabinos ad alterum exercitum. In urbe lætitia  
modò celebrata est; in castris animos militum ad æmu-  
landum decus accendit. Jam Horatius eos, excursio-  
nibus sufficiendo, præliisque levibus experiundo assue-  
fecerat sibi potius fidere, quàm meminisse ignominia  
decemviro-  
rum ductu acceptæ; parvaque certamina in  
summam totius profecerant spei. Nec cessabant Sabi-

ni, feroces ab re priore anno bene gesta, laceßere atque instare, rogitantes, *Quid latrocinii modo procurßantes pauci recurrentesque tererent tempus, & in multa prælia parvaque carperent summam unius belli? Quin illi congrederentur acie, inclinandamque semel fortune rem darent?*

LXII. Ad id, quod suâ sponte satis collectum animorum erat, indignitate etiam Romani accendebantur. *Jam alterum exercitum victorem in urbem rediturum; sibi ultro per contumelias hostem insultare. quando autem se, si tum non sint, pares hostibus fore?* Ubi hæc fremere militem in castris consul sensit, concione advocatâ, *Quemadmodum, inquit, in Alcido res gesta sit, arbitror vos, milites, audisse: qualem liberi populi exercitum decuit esse, talis fuit. consultu collega, virtute militum victoria parta est. Quod ad me attinet, id consilii animique habiturus sum, quod vos mihi effeceritis. & trahi bellum salubriter, & maturè perfici potest. Si trabendum est, ego, ut in dies spes virtutisque vestra crescat, eadè, quâ institui, disciplinâ efficiam. Si jam satis animi est, decernique placet, agendum, clamorem, qualem in acie sublaturi estis, tollite hic, indicem voluntatis virtutisque vestræ.* Postquam ingenti alacritate clamor est sublatus, *Quod bene vertat, gesturum se illis morè, posteroque die in aciem deducturum,* affirmat. Reliquum diei apparandis armis consumptum est. Postero die simul instrui Romanam aciem Sabini videre, & ipsi, jam pridem avidi certaminis, procedunt. Prælium fuit, quale inter fidentes sibi met ambo exercitus, veteris perpetuæque æterum gloriæ, alterum nuper novæ victoriæ elatum. Consilio etiam Sabini vires adjuvere. nam quum æquassent aciem, duo extra ordinem millia, quæ in sinistrum cornu Romanorum in ipso certamine impressionem facerent, tenere. quæ ubi, illatis ex transverso signis, degravabant prope circumventum cornu; equites duarum legionum sexcenti fere ex equis desiliunt, cedentibusque jam suis provolant in primum; simulque & hosti se opponunt, & æquato pri-

mum

mum periculo, pudore deinde, animos peditum accendunt. Verecundiæ erat, equitem suo alienoque Marte pugnare : peditem ne ad pedes quidem degresso equiti parem esse.

LXIII. Vadunt igitur in prælium ab sua parte commissum ; & locum, ex quo cesserant, repetunt : momentoque non restituta modò pugna, sed inclinatur etiam Sabinis cornu. Eques inter ordines peditum tentus se ad equos recipit. transvolat inde in partem alteram, suis victoriæ nuncius ; simul & in hostes jam pavidos, quippe fuso suæ partis validiore cornu, impetum facit. non aliorum eo prælio virtus magis enituit. Consul providere omnia, laudare fortes, increpare, sicubi segnior pugna esset. Castigati fortium statim virorum operam edebant : tantumque hos pudor, quantum alios laudes excitabant. Redintegrato clamore, undique omnes connisi hostem avertunt, nec deinde Romana vis sustineri potuit. Sabini, fusi passim per agros, castra hosti ad prædam relinquunt. ibi non sociorum, sicut in Algido, res, sed suas Romanus, populationibus agrorum amissas, recipit. Geminâ victoriâ duobus bisariam præliis partâ, malignè senatus in unum diem supplicationes consulum nomine decrevit. Populus injussu & altero die frequens iit supplicatum. & hæc vaga popularisque supplicatio studiis propè celebratior fuit. Consules, ex composito, eodem biduo ad urbem accessere, senatumque in Martium campum evocavere. ubi quum de rebus ab se gestis agerent, questi primores Patrum, senatum inter milites deditâ operâ terroris causâ haberi. itaque inde consules, ne criminationi locus esset, in prata Flaminia, ubi nunc ædes Apollinis est, (jam tum Apollinarem appellabant) avocavere senatum. Ubi quum ingenti consensu Patrum negaretur triumphus, L. Icilius tribunus plebis tulit ad populum de triumpho consulum, multis dissuasum prodeuntibus, maximè C. Claudio vociferante,

rante, *De Patribus, non de hostibus, consules triumphare velle; gratiamque pro privato merito in tribunalum, non pro virtute honorem, peti. nunquam antè de triumpho per populum actum, semper estimationem arbitriumque ejus honoris penes senatum fuisse. ne reges quidem majestatem summi ordinis imminuisse. ne ita omnia tribuni potestatis sue implerent, ut nullum publicum consilium sinerent esse. Ita demum liberam civitatem fore, ita aequatas leges, si sua quisque jura ordo, suam majestatem teneat. In eandem sententiam multa & à ceteris senioribus Patrum quum essent dicta, omnes tribus eam rogationem acceperunt. Tum primum, sine auctoritate senatûs, populi jussu triumphatum est.*

LXIV. Hæc victoria tribunorum plebisque propè in haud salubrem luxuriam vertit, conspiratione inter tribunos factâ, ut iidem tribuni reficerentur, &, quo sua minùs cupiditas emereret, consulibus quoque continuarent magistratum. Consensum Patrum causabantur, quo per contumeliam consulum jura plebis labefacta essent. *Quid futurum, nondum firmatis legibus, si novos tribunos per factiones suas consules adorti essent? non enim semper Valerios Horatiosque consules fore, qui libertati plebis suas opes postferrent.* Forte quadam utili ad tempus, ut comitiis præesset, potissimum M. Duilio sorte evenit, viro prudenti, & ex continuatione magistratûs invidiam imminentem cernenti. qui quum ex veteribus tribunis negaret ullius se rationem habiturum, pugnarentque collegæ, ut liberis tribus in suffragium mitteret, aut concederet sortem comitiorum collegis, habituris è lege potiùs comitiâ, quàm ex voluntate Patrum; injectâ contentione, Duilius, consules ad subsellia accitos quum interrogâisset, quid de comitiis consularibus in animo haberent, respondissentque, se novos consules creaturos, auctores popularis sententiæ haud populares natus, in concionem cum iis processit. Ubi quum consules, producti ad populum, interrogatique, si eos populus

pulus Romanus, memor libertatis per illos receptæ domi, memor militiæ rerumque gestarum, consules iterum faceret, quidnam facturi essent, nihil sententiæ suæ mutassent; collaudatis consulibus, quod perseverarent ad ultimum dissimiles decemvirorum esse, comitia habuit: & quique tribunis plebis creatis, quum præ studiis apertè petentium novem tribunorum alii candidati tribus non explerent, concilium dimisit; nec deinde comitiorum causâ habuit. Satisfactum legi aiebat, quæ, numero nusquam præfinito tribunis, modò ut relinquerentur, sanciret; & ab iis, qui creati essent, cooptari collegas juberet. Recitabatque rogationis carmen, in quo, *Si tribunos plebei decem rogabo, si quæ vos minus hodie decem tribunos plebei feceritis: hi tum uti, quos sibi collegas cooptassint, ut illi legitimi eadem lege tribuni plebei sint, ut illi, quos hodie tribunos plebei feceritis.* Duilius, quum ad ultimum perseverasset, negando quindecim tribunos plebei rempublicam habere posse, victâ collegarum cupiditate, pariter Patribus plebique acceptus, magistratu abiit.

LXV. Novi tribuni plebis in cooptandis collegis Patrum voluntatem foverunt. duos etiam patricios consularesque, Sp. Tarpeium & A. Aterium, cooptavere. Consules creati, Lar. Herminius, T. Virginius Cœlimontanus, nihil magnopere ad Patrum aut plebis causam inclinati, otium domi ac foris habuere. L. Trebonius tribunus plebis, infestus Patribus, quod se ab iis in cooptandis tribunis fraude captum, proditum à collegis, aiebat, rogationem tulit, *ut qui plebem Romanam tribunos plebi rogaret, is usque eò rogaret, dum decem tribunos plebi faceret;* insectandisque Patribus, unde Aspero etiam inditum est cognomen, tribunatum gessit. Inde M. Geganius Macerinus & C. Julius, consules facti, coitiones tribunorum, adversus nobilium juventutem ortas, sine insectatione potestatis ejus, conservatâ majestate Patrum, sedavere. plebem, decreto ad bellum  
Volsco-

Volsorum & Æquorum delectu, sustinendo rem, ad seditionibus continuere: urbano quoque otio foris omnia tranquilla esse affirmantes, per discordias civiles externos tollere animos. Cura pacis, concordiae quoque intestinæ causa fuit. Sed alter semper ordo gravis alterius modestiæ erat. quiescenti plebi ab junioribus Patrum injuriæ fieri coeptæ. ubi tribuni auxilio humilioribus essent, in primis parum proderat: deinde ne ipsi quidem inviolati erant, utique postremis mensibus, quum & per coitiones potentiorum injuria fieret, & vis potestatis omnis aliquanto posteriore anni parte languidior ferme esset: jamque plebs ita in tribunatu ponere aliquid spei, si similes Icilio tribunos haberet: nomina tantum se biennio habuisse. Seniores contra Patrum, ut nimis feroces suos credere juvenes esse; ita malle, si modus excedendus esset, suis, quam adversariis, superesse animos. adeo moderatio tuendæ libertatis, dum æquari velle simulando ita se quisque extollit, ut deprimat alium, in difficili est: cavendoque ne metuant homines, metuendos ultro se efficiunt: & injuriam à nobis repulsam, tanquam aut facere aut pati necesse sit, injungimus aliis.

LXVI. T. Quinctius Capitolinus quartum & Agrippa Furius, consules inde facti, nec seditionem domi, nec foris bellum, acceperunt: sed imminebat utrumque. Jam non ultra discordia civium reprimi poterat, & tribunis & plebe incitata in Patres, quum dies alieni nobilium dicta novis semper certaminibus conciones turbaret. ad quarum primum strepitum, velut signo accepto, arma cepere Æqui ac Volsci: simul quod persuaserant iis duces, cupidi prædarum, biennio ante delectum indictum haberi non potuisse, abnuente jam plebe imperium. eo adversus se non esse missos exercitus. dissolvi licentiâ militandi morem. nec pro communi jam patria Romam esse. quicquid irarum simultatumque cum externis fuerit, in ipsos verti. occacatos lupos intestinâ rabie opprimendi.

*mendā occasionem esse.* Coniunctis exercitibus Latinum primum agrum perpopulati sunt : deinde postquam ibi nemo vindex occurrebat, tum verò, exsultantibus belli auctoribus, ad mœnia ipsa Romæ populabundi regione portæ Esquilinæ accessere, vastationem agrorum per contumeliam urbi ostentantes. unde postquam inulti, prædam præ se agentes, retro ad Corbionem agmine iere, Quintius consul ad concionem populum vocavit.

LXVII. *Ibi in hanc sententiam locutum accipio : Etsi mihi nullius noxæ conscius, Quirites, sum, tamen cum pudore summo in concionem vestram processi. Hoc vos scire, hoc posteris memoria traditum iri, Æquos & Volscos, vix Hernicis modò pares, T. Quintio quartum consule, ad mœnia urbis Roma impune armatos venisse. Hanc ego ignominiam, (quanquam jam diu ita vivitur, is status rerum est, ut nihil boni divinet animus) si huic potissimum imminere anno scissem, vel exsilio, vel morte, si alia fuga honoris non esset, vitassem. Ergo, si viri arma illa habuissent, quæ in portis fuere nostris, capi Roma me consule potuit ? satis honorum, satis superque vite erat : mori consulem tertium oportuit. Quem tandem ignavissimi hostium contempsere ? nos consules ? an vos Quirites ? Si culpa in nobis est, auferte imperium indignis ; & si id parum est, insuper pœnas expetite. Si in vobis, nemo Deorum nec hominum sit, qui vestra puniat peccata, Quirites ; vosmet tantum eorum pœniteat. Non illi vestram ignaviam contempsere, nec sue virtuti confisi sunt ; quippe toties fusi fugatique, castris exuti, agro multati, sub jugum missi, & se & vos novere. Discordia ordinum est venenum urbis huius ; Patrum ac plebis certamina : dum nec nobis imperii, nec vobis libertatis est modus, dum tadet vos patriciorum, hos plebeiorum magistratum, sustulere illi animos. Pro Deum fidem, quid vobis vultis ? Tribunos plebis concupistis. concordia causâ concessimus. Decemviros desiderastis. creati passi sumus. Decemvirorum vos pertasum est. coëgimus abire magistratu. Manente in eosdem privatos ira vestra, mo-*



vi atque exfulare nobilissimos viros honoratissimosque passi sumus. Tribunos plebis creare iterum voluistis. credistis. Consules facere vestrarum partium, etsi Patribus videbamus iniquum; patricium quoque magistratum plebi donum fieri vidimus. auxilium tribunicium, provocationem ad populum, scita plebis injuncta patribus. sub titulo aquandarum legum, nostra jura oppressa tulimus & ferimus. Qui finis erit discordiarum? Ecquando unam urbem habere, ecquando communem hanc esse patriam licebit? Victi nos equiore animo quiescimus, quam vos victores. Satisne est, nobis vos metuendos esse? Adversus nos Aventinum capitur, adversus nos Sacer occupatur mons. Esquilias quidem ab hoste propè captas, & scandentem in aggerem Volscum hostem nemo submovit. in nos viri, in nos armati estis.

LXVIII. Agitedum, ubi hic curiam circumfederitis, & forum infestum feceritis, & carcerem impleveritis principibus; iisdem istis ferocibus animis egredimini extra portam Esquilinam: aut, si ne hoc quidem audetis, ex muris visite agros vestros ferro ignique vastatos, prædam abigi, fumare incensa passim tecta. At enim communis res per hæc loco est pejore: ager uritur, urbs obsidetur, belli gloria penes hostes est. Quid tandem? privata res vestra in quo statu sunt? Jam unicuique ex agris sua damna nunciabuntur. quid est tandem domi, unde ea expleatis? Tribuni vobis amissa reddent ac restituent? vocis verborumque quantum voletis, ingerent, & criminum in principes, & legum aliarum super alias, & concionum. Sed ex illis concionibus nunquam vestrum quisquam re, fortunâ, domum auctior rediit. Ecquis retulit aliquid ad conjugem ac liberos, præter odia, offensiones, similitates publicas privataeque? à quibus semper non vestra virtute innocentiaque, sed auxilio alieno tuti sitis. At, Hercules, quum stipendia, nobis consulibus, non tribunis ducibus, & in castris, non in foro, faciebatis, & in acie vestrum clamorem hostes, non in concione Patres Romani borrebant, prædâ partâ, agro ex hoste capto, pleni fortunarum gloriaque, simul publica, simul privata, triumphantes domum ad penates redibatis. nunc oneratum vestris

vestris fortunis hostem abire finitis. Hærete affixi concionibus, & in foro vivite: sequitur vos necessitas militandi, quam fugitis. Grave erat in Æquos & Volscos proficisci? ante portas est bellum. si inde non pellitur, jam intra mœnia erit, & arcem & Capitolium scandet, & in domos vestras vos persequetur. Biennio antè senatus delectum haberi, & educi exercitum in Algidum jussit. sedemus desides domi, mulierum ritu inter nos altercantes; præsentī pace lati, nec cernentes, ex otio illo brevi multiplex bellum rediturum. His ego gratiora dictū alia esse scio: sed me vera pro gratis loqui, etsi meum ingenium non moneret, necessitas cogit. Vellem equidem vobis placere, Quirites; sed multo malo vos salvos esse, qualicunque erga me animo futuri estis. Naturā hoc ita comparatum est, ut, qui apud multitudinem suā causā loquitur, gratior eo sit, cujus mens nihil, præter publicum commodum, videt. nisi fortè assentatores publicos, plebicolos istos, qui vos nec in armis nec in otio esse sinunt, vestrā vos causā incitare & stimulare putatis. Concitati, aut honori, aut questui illis estis: & quia in concordia ordinum nullos se usquam esse vident, mala rei se, quā nullius, turbarum ac seditionum, duces esse volunt. Quarum rerum si vos tedium tandem capere potest, & patrum vestrosque antiquos mores vultis pro his novis sumere, nulla supplicia recuso, nisi paucis diebus hos populatores agrorum nostrorum fusos fugatosque castris exuero, & à portis nostris mœnibusque ad illorum urbes hunc belli terrorem, quo nunc vos attoniti estis, transtulero.

LXIX. Rarò aliàs tribuni popularis oratio acceptior plebi, quā tunc severissimi consulis, fuit. Juventus quoque, quæ inter tales metus detractationem militiæ, telum acerrimum adversus Patres, habere solita erat, arma & bellum spectabat: & agrestium fuga spoliatique in agris & vulnerati, fœdiora illis, quæ subjiciebantur oculis, nunciantes, totam urbem irā implevere. In senatum ubi ventum est, ibi verò in Quinctium omnes versi, ut unum vindicem majestatis Romanæ intueri; & primores Patrum dignam dicere concionem imperio

perio consulari, dignam tot consulatibus anteaſtis, dignam vitâ omni, plenâ honorum ſape geſtorum, ſapius meritorum. Alios conſules aut per proditionem dignitatis Patrum plebi adulatos, aut acerbè tuendo jura ordinis aſperiores domando multitudinem feciſſe: T. Quintium orationem memorem majestatis Patrum, concordieque ordinum, & temporum in primis habuiſſe. Orare eum collegamque, ut capeſſerent rempublicam: orare tribunos, ut uno animo cum conſulibus bellum ab urbe ac mœnibus propuſſari vellent, plebemque obedientem in re tam trepida Patribus præberent: appellare tribunos communem patriam, auxiliumque eorum implorare, vaſtatis agris, urbe propè oppugnata. Conſenſu omnium delectus decernitur habeturque. Quum conſules in concione pronuntiâſſent, Tempus non eſſe cauſas cognoscendi; omnes juniores poſtero die primâ luce in campo Martio adeſſent; cognoscendis cauſis eorum, qui nomina non dediſſent, bello perfectò ſe daturus tempus; pro deſertore futurum, cujus non probâſſent cauſam: omnis juventus adfuit poſtero die. Cohortes ſibi quæque centuriones legerunt: bini ſenatores ſingulis cohortibus præpoſiti. Hæc omnia aded maturè perfectâ accepimus, ut ſigna, eo ipſo die à quaſtoribus ex ærario prompta delataque in campum, quartâ dici horâ mota ex campo ſint: exercitusque novus, paucis cohortibus veterum militum voluntate ſequentibus, manſerit ad decimum lapidem. Inſequens dies hoſtem in conſpectum dedit, caſtraque ad Corbionem caſtris ſunt conjuncta. Tertio die, quum ira Romanos, illos, quum toties rebellâſſent, conſcientia culpæ ac deſperatio irritaret, mora dimicandi nulla eſt facta.

LXX. In exercitu Romano quum duo conſules eſſent poteſtate pari; quod ſaluberrimum in adminiſtratione magnarum rerum eſt, ſumma imperii, concedente Agrippâ, penes collegam erat: & prælatus ille facilitati ſubmittentis ſe comiter reſpondebat, communicando conſilia laudesque, & æquando imparem ſibi. In acie Quintius dextrum cornu, Agrippa ſiniſtrum tenuit:

nuit: Sp. Postumio Albo legato datur media acies tuenda; legatum alterum Ser. Sulpicium equitibus præficiunt. Pedites ab dextro cornu egregie pugnare, haud segniter resistentibus Volscis. Ser. Sulpicius per mediam hostium aciem cum equitatu perripit. unde quum eadem reverti posset ad suos, priusquam hostis turbatos ordines reficeret, terga impugnare hostium satius visum est. momentoque temporis, in averfam incursando aciem, ancipiti terrore dissipasset hostes, ni suo proprio eum prælio equites Volscorum & Æquorum exceptum aliquamdiu tenuissent. Ibi verò Sulpicius, negare *cunctandi tempus esse, circumventos interclusosque ab suis vociferans, ni equestre prælium commisi omnes vi perficerent. Nec fugare equitem integrum satis esse, conficerent equos virosque, ne quis reveberetur inde ad prælium, aut integraret pugnam. non posse illos resistere sibi, quibus conferta peditum acies cessisset.* Haud surdis auribus dicta: impressione unâ totum equitatum fudere, magnam vim ex equis præcipitavere, ipsos equosque spiculis confodere. is finis pugnae equestris fuit. Tunc, adorti peditum aciem, nuncios ad consules rei gestæ mittunt, ubi jam inclinabatur hostium acies. nuncius deinde & vincentibus Romanis animos auxit, & referentes gradum perculit Æquos. In media primùm acie vinci cœpti, quâ permissus equitatus turbaverat ordines. Sinistrum deinde cornu ab Quinctio consule pellicæptum; in dextro plurimum laboris fuit. Ibi Agrippa, ætate viribusque ferox, quum omni parte pugnae meliùs res geri, quàm apud se, videret, accepta signa ab signiferis ipse inferre, quædam jacere etiam in confertos hostes cœpit. Cujus ignominia metu concitati milites, invadere hostem. ita æquata ex omni parte victoria est. Nuncius tum à Quinctio venit, victorem jam se imminere hostium castris; nolle irrumpere, antequam sciat debellatum & in sinistro cornu esse. Sæ jam sudisset hostes, conferret ad se signa, ut simul omnia

mnis exercitus prædâ potiretur. Victor Agrippa cum mutua gratulatione ad victorem collegam castraque hostium venit. ibi paucis defendentibus, momentoque fufis, sine certamine in munitiones irrumpunt; prædâque ingenti compotem exercitum, suis etiam rebus recuperatis, quæ populatione agrorum amiffæ erant, reducunt. Triumphum nec ipsos postulâsse, nec delatum iis ab senatu, accipio: nec traditur causa spereti aut non sperati honoris. Ego quantum in tanto intervallo temporum conjicio, quum Valerio atque Horatio consulibus, qui præter Volscos & Æquos Sabini etiam belli perfecti gloriam pepererant, negatus ab senatu triumphus esset, verecundiæ fuit pro parte dimidia rerum consulibus petere triumphum: ne etiam, si impetrâssent, magis hominum ratio, quàm meritorum, habita videretur.

LXXI. Victoriâ honestâ, ex hostibus partâ, turpe domi de finibus sociorum iudicium populi deformavit. Aricini atque Ardeates de ambiguo agrò quum sæpe bello certâssent, multis in vicem cladibus fessi, iudicem populum Romanum cepere. Quum ad causam orandam venissent, concilio populi à magistratibus dato, magnâ contentione actum. jamque editis testibus, quum tribus vocari, & populum inire suffragium oporteret, confurgit P. Scaptius de plebe, magno natu: &, *Si licet, inquit, consules, de republica dicere, errare ego populum in hac causa non patiar.* Quum, ut vanum, eum negarent consules audiendum esse, vociferantemque, *prodi publicam causam*, submoveri iussissent, tribunos appellat. Tribuni, ut ferè semper reguntur a multitudine magis, quàm regunt, dedere cupidæ audiendi plebi, ut, quæ vellet, Scaptius diceret. Ibi inquit, *Annum se tertium & octogesimum agere, & in eo agro, de quo agitur, militâsse, non juvenem, vicesima jam stipendia merentem, quum ad Coriolos sit bellatum. Eo rem se vetustate oblitteratam, ceterùm suâ memoriâ infixam, asferre:*

*ferre: agrum, de quo ambigitur, finium Coriolanorum fuisse, captisque Coriolis, jure belli publicum populi Romani factum. Mirari se, quonam more Ardeates Aricinique, cujus agri jus nunquam usurpaverint incolumi Coriolanâ re, cum se à populo Romano, quem pro domino judicem fecerint, intercepturos sperent. Sibi exiguum vitæ tempus superesse: non potuisse se tamen inducere in animum, quin, quem agrum miles pro parte virili manu cepisset, eum senex quoque voce, quâ nâ posset, vindicaret. Magnopere se suadere populo, ne inutili pudore suam ipse causam damnaret.*

LXXII. Consules quum Scaptium non silentio modò, sed cum assensu etiam, audiri animadvertissent, Deos hominesque testantes flagitium ingens fieri, Patrum primores arcessunt. cum his circumire tribunos, orare, *Ne pessimum facinus pejore exemplo admitterent judices, in suam rem litem vertendo, quum præsertim, etiam si fas sit, curam emolumentum sui judicii esse, nequaquam tantum agro intercipiendo acquiratur, quantum amittatur alienandis injuriâ sociorum animis. Nam famæ quidem ac fidei damna majora esse, quàm quæ æstimari possent. Hoc legatos referre domum: hoc vulgari: hoc socios audire: hoc hostes. quo cum dolore hos? quo cum gaudio illos? Scaptione hoc, concionalis seni, assignaturos putarent finitimos populos? Clarum hæc fore imagine Scaptium: populum Romanum quadruplatoris & interceptoris litis alienæ personam laturum. quem enim hoc privata rei judicem fecisse, ut sibi controversosam adjudicaret rem? Scaptium ipsum id quidem, etsi præmortui jam sit pudoris, non facturum. Hæc consules, hæc Patres vociferantur. sed plus cupiditas & auctor cupiditatis Scaptius valet. Vocatæ tribus judicaverunt, agrum publicum populi Romani esse. Nec abnuitur ita fuisse, si ad judices alios itum foret: nunc haud sanè quicquam bono causæ levatur dedecus judicii. idque non Aricinis Ardeatibusque, quàm Patribus Romanis, fœdius atque acerbius visum. Reliquum anni quietum ab urbanis motibus & ab externis mansit.*

## LIBER IV.

## EPITOME.

**I. &c.** **L** Ex de connubio Patrum & plebis à tribunis plebis contentione magnâ, Patribus repugnantibus, perlata est. VI, VII. Tribuni militares. Aliquot annis res populi Romani domi militiaeque per hoc genus magistratûs administratae sunt. VIII. Item censores tunc primùm creati sunt. XI. Ager Ardeatibus populi Romani judicio ablatus, missis in eum colonis, restitutus est. XII, XIII, &c. Quum fame populus Romanus laboraret, Sp. Malius, eques Romanus, frumentum populo suâ impensâ largitus est: & ob id factum conciliatâ sibi plebe, regnum affectans à C. Servilio Ahala, magistro equitum, jussu Quintii Cincinnati dictatoris occisus est. XVI. L. Minucius index bove auratâ donatus est. XVII, XVIII. Legatis Romanis à Fidenatibus occisis, quoniam ob rempublicam occubuerant, statuae in Rostris posita sunt. XIX, XX. Cossus Cornelius tribunus militum, occiso Tolumnio rege Vejentium, opima spolia secunda retulit. XXIV. Mam. Æmilius dictator, censura honore, qui antea per quinquennium gerebatur, anni & sex mensium spatio finito, ob eam rem à censoribus notatus est. XXXI, &c. XXXIV. Fidena in potestatem redacta, eoque coloni missi sunt. quibus occisis, Fidenates, quum defecissent, à Mam. Æmilio dictatore victi sunt, & Fidena captae. XLV. Conjunctio servorum oppressa est. XLIX, L. Postumius, tribunus militum, propter crudelitatem ab exercitu occisus est. LIX. Stipendium ex arario tum primùm militibus datum est. LX, LXI. Res praeterea gestas adversus Volscos, & Fidenates, & Faliscos, continet.

**I.** **H** OS secuti M. Genucius & C. Curtius consules. Fuit annus domi forisque infestus. nam anni principio & de connubio Patrum &

& plebis C. Canuleius tribunus plebis rogationem promulgavit; quâ contaminari sanguinem suum Patres, confundique jura gentium rebantur: & mentio, primò sensim illata à tribunis, ut alterum ex plebe consulem liceret fieri, eò processit deinde, ut rogationem novem tribuni promulgarent, *ut populo potestas esset, seu de plebe, seu de Patribus vellet, consules faciendi.* Id verò si fieret, non vulgari modò cum infimis, sed prorsus auferri à primoribus ad plebem, summum imperium credebant. Læti ergo audiere Patres, Ardeatium populum ob injuriam agri abjudicati descisse, & Veientes depopulatos extrema agri Romani, & Volscos Æquosque ob communitam Verruginem fremere. adeò vel infelix bellum ignominiosæ paci præferebant. His itaque in majus etiam acceptis, ut inter strepitum tot bellorum conticescerent actiones tribunicia, delectus haberi, bellum armaque vi summâ apparari jubent; si quo intentius possit, quàm T. Quinctio consule apparatus sit. Tum C. Canuleius pauca in senatu vociferatus, *nequicquam territando consules avertere plebem à cura novarum legum; nunquam eos se vivo delectum habituros, antequam ea, qua promulgata ab se collegisque essent, plebes scivisset; & confestim ad concionem advocavit.*

II. Eodem tempore & consules senatum in tribunalum, & tribunus populum in consules incitabat. Negabant consules, *jam ultra ferri posse furoribus tribunicios. ventum jam ad finem esse; domi plus belli concitari, quàm foris.* Id adeò non plebis, quàm Patrum; neque tribunorum magis, quàm consulum, culpâ ascidere. cujus rei premium sit in civitate, eam maximis semper ausibus crescere: sic pace bonos, sic bello fieri. Maximum Roma premium seditionum esse: id & singulis universisque semper bonori fuisse. Reminiscerentur, quam majestatem senatûs ipsi à patribus accepissent, quam liberis tradituri essent; ut (quemadmodum plebs gloriari posset) auctiorem amplioremque esse. Finem ergo non fieri, nec futuram, donec, quàm felices seditiones, tam bonorati



rati seditionum auctores essent. Quas quantasque res C. Canuleium aggressum? colluvionem gentium, perturbationem auspiciorum publicorum privatorumque afferre, ne quid sinceri, ne quid incontaminati sit: ut, discrimine omni sublato, nec se quisquam, nec suos noverit. Quam enim aliam vim connubia promiscua habere, nisi ut ferarum prope ritu vulgentur concubitus plebis Patrumque? ut, qui natus sit, ignoret, cujus sanguinis, quorum sacrorum sit; dimidius Patrum sit, dimidius plebis, ne secum quidem ipse concors. Parum id videri, quod omnia divina humanaque turbentur: jam ad consulatum vulgi turbatores accingi; & primò, ut alter consul ex plebe fieret, id modò sermonibus tentasse: nunc rogari, ut, seu ex patribus, seu ex plebe velit, populus consules creet: & creaturos haud dubiè ex plebe seditiosissimum quemque. Canuleios igitur Iciliosque consules fore. ne id Jupiter optimus maximus sineret, regia majestatis imperium eò recidere: & se millies morituros potiùs, quàm ut tantum dedecoris admitti patiantur. Certum habere, majores quoque, si divinassent, concedendo omnia non mitiorem in se plebem, sed asperiores alia ex aliis iniquiora postulando, quum prima impetrasset, futuram, primò quamlibet dimicationem subituros fuisse potiùs, quàm eas leges sibi imponi paterentur. Quia tum concessum sit de tribunis, iterum concessum esse. finem non fieri. Posse in eadem civitate tribunos plebis & Patres esse? aut hunc ordinem, aut illum magistratum tollendum esse: potiùsque serò, quàm nunquam obviam eundum audacie temeritatique. Illine ut impune primò discordias ferentes concitent finitima bella, deinde adversus ea, quæ concitaverint, armari civitatem defendique prohibeant? & quum hostes tantum non arcefferint, exercitus conscribi adversus hostes non patiantur? Sed audeat Canuleius in senatu proloqui, se, nisi suas leges tanquam victoris Patres accipi sinant, delectum haberi prohibebiturum. quid esse aliud, quàm minari, se proditurum patriam? oppugnari atque capi passurum? quid eam vocem animorum, non plebi Romanae, sed Volscis & Aëquis & Vejentibus allaturam? Nonne, Canuleio duce, se speraturos Capitolium atque arcem scandere

dere posse, si Patribus tribuni, cum jure ac majestate adempta, animos etiam eripuerint? Consules paratos esse duces prius adversus scelus civium, quàm adversus hostium arma.

III. Quum maximè hæc in senatu agerentur, Cantileius pro legibus suis & adversus consules ita disseruit: Quantopere vos, Quirites, contemnerent Patres, quàm indignos ducerent, qui unâ secum urbe intra eadem mœnia viveretis, sæpe equidem & antè videor animadvertisse: nunc tamen maximè, quòd adeò atroces in has rogationes nostras coorti sunt: quibus quid aliud quàm admonemus, cives nos eorum esse, & si non easdem opes habere, eandem tamen patriam incolere? Alterâ connubium petimus, quod finitimis externisque dari solet. nos quidem civitatem, quæ plus quàm connubium est, hostibus etiam victis dedimus. Alterâ nihil novi ferimus; sed id, quod populi est, repetimus atque usurpamus: ut, quibus velit, populus Romanus honores mandet. Quid tandem est, cur cælum ac terras misceant? cur in me impetus modò penè in senatu sit factus? negent se manibus temperaturas, violaturosque denuncient sacrosanctam potestatem? Si populo Romano liberum suffragium datur, ut, quibus velit, consulatûm mandet, & non præciditur spes plebei quoque, si dignus summo honore erit, apiscendi summi honoris, stare urbs hæc non poterit? de imperio actum est? & perinde hoc valet, plebeius ne consul fiat, tanquam servum aut libertinum aliquis consulem futurum dicat? Ecquid sentitis, in quanto contemptu vivatis? Lucis vobis hujus partem, si liceat, adimant. quòd spiratis, quòd vocem mittitis, quòd formas hominum habetis, indignantur. Quin etiam (si Diis placet) nefas aiunt esse, consulem plebeium fieri. Obsecro vos, si non ad fastos, non ad commentarios pontificum admittimur; ne ea quidem scimus, quæ omnes peregrini etiam sciunt? consules in locum regum successisse? nec aut juris, aut majestatis quicquam habere, quòd non in regibus antè fuerit? En unquam creditis fando auditam esse, Numam Pompiliam, non modò non patricium, sed ne civem quidem Romanum, ex Sabino agro accitum, populi jussu, Patribus auctoribus, Roma regnasse? L.

K

deinde

deinde Tarquinium, non Romana modò, sed ne Italica quidem gentis, Damarati Corinthii filium, incolam ab Tarquiniis, vivis liberis Anci, regem factum? Ser. Tullium post hunc, captivum Corniculana natum, patre nullo, matre serva, ingenio, virtute regnum tenuisse? Quid enim de T. Tatius Sabino dicam, quem ipse Romulus, parens urbis, in societatem regni accepit? Ergo, dum nullum fastiditur genus, in quo eniteret virtus, crevit imperium Romanum. Pœniteat nunc vos plebcii consulis, quum majores nostri advenas reges non fastidierint, & ne regibus quidem exactis clausa urbs fuerit peregrina virtuti. Claudiam certè gentem, post reges exactos, ex Sabinis non in civitatem modò accepimus, sed etiam in patriciorum numerum. Ex peregrinone patricius, deinde consul fiat? civis Romanus si sit ex plebe, præfisa consulatus spes erit? Utrùm tandem non credimus fieri posse, ut vir fortis ac strenuus, pace belloque bonus, ex plebe, sit Numa, L. Tarquinio, Ser. Tullio similis? An ne, si sit, quidem ad gubernacula reipublice accedere eum patiemur? potiusque decemviris, teterrimis mortalium, qui tum omnes ex Patribus erant, quàm optimis regum novis hominibus, similes consules sumus habituri?

IV. At enim nemo post reges exactos de plebe consul fuit. Quid postea? Nullane res nova institui debet? &, quod nondum est factum (multa enim nondum sunt facta in novo populo) ea, ne si utilia quidem sint, fieri oportet? Pontifices, augures, Romulo regnante, nulli erant: ab Numa Pompilio creati sunt. census in civitate & descriptio centuriarum classiumque non erat: ab Ser. Tullio est facta. Consules nunquam fuerant: regibus exactis creati sunt. Dictatoris nec imperium nec nomen fuerat: apud patres esse cœpit. Tribuni plebis, ædiles, questores, nulli erant: institutum est, ut fierent. Decemviros legibus scribendis intra decem hos annos & creavimus, & è republica sustulimus. Quis dubitat, quin, in æternum urbe condita, in immensum crescente, nova imperia, sacerdotia, jura gentium hominumque instituantur? Hoc ipsum, ne connubium Patribus cum plebe esset, non decemviri tulerunt paucis bis annis. pessimo exempla publico, cum summa injuria

injuria plebis? An esse ulla major aut insignitior contumelia potest, quàm partem civitatis, velut contaminatam, indignam connubio haberi? Quid est aliud, quàm exsilium intra eadem mœnia, quàm relegationem pati? Ne affinitatibus, ne propinquitatibus immisceamur, cavent; ne societur sanguis. Quid? hoc si polluit nobilitatem istam vestram, quam plerique oriundi ex Albanis & Sabinis, non genere nec sanguine, sed per cooptationem in Patres habetis, aut ab regibus lecti, aut post reges exactos jussu populi; sinceram servare privatis consiliis non poteratis, nec ducendo ex plebe, neque vestras filias sororesque enubere sinendo à Patribus? Nemo plebeius patriciæ virginis vim afferret: patriciorum ista libido est. nemo invitum patilionem nuptialem quemquam facere coëgisset. Verùm enim verò lege id prohiberi, & connubium tolli Patrum ac plebis, id demum contumeliosum plebi est. cur enim non confertis, ne sit connubium divitibus ac pauperibus? Quod privatorum consiliorum ubique semper fuit, ut, in quam cuique femina convenisset domum, nuberet; ex qua pactus esset vir domo, in matrimonium duceret; id vos sub legis superbissima vincula conjicitis, quâ dirimatis societatem civilem, duasque ex una civitate faciatis. Cur non sancitis, ne vicinus patricio sit plebeius? ne eodem itinere eat? ne idem convivium ineat? ne in foro eodem consistat? Quid enim in re est aliud, si plebeiam patricius duxerit, si patriciam plebeius? quid juris tandem mutatur? nempe patrem sequuntur liberi. nec, quod nos ex connubio vestro petamus, quicquam est, præterquam ut hominum, ut civium numero simus. nec, vos (nisi in contumeliam ignominiamque nostram certare juvat). quod contendatis, quicquam est.

V. Denique, utrùm tandem populi Romani, an vestrum summum imperium est? Regibus exactis, utrùm vobis dominatio, an omnibus aqua libertas parta est? Oportet licere populo Romano, si velit, jubere legem. an, ut quæque rogatio promulgata erit, vos delectum pro pœna decerneretis? & simul ego tribunus vocare tribus in suffragium cœpero, tu statim consul sacramento juniores adiges, & in castra educes? &

*minaberis plebi, minaberis tribuno? Quid, si non, quantum ista mina adversus plebis consensum valeret, bis jam experti essetis? scilicet, quia nobis consultum volebatis, certamine abstinuisistis. an idem non est dimicatum, quod, quæ pars firmior, eadem modestior fuit? Nec nunc erit certamen, Quirites. animos vestros illi tentabunt semper, vires non experientur. Itaque ad bella ista, seu falsa, seu vera sunt, consules, parata vobis plebes est, si, connubiis redditis, unam hanc civitatem tandem facitis; si coalescere, si jungi miscerique vobis privatis necessitudinibus possunt; si spes, si aditus ad honores viris strenuis & fortibus datur; si in consortio, si in societate reipublicæ esse, si, quod aquæ libertatis est, in vicem annuis magistratibus parere atque imperitare licet. Si hac impedit aliquis, ferte sermonibus, & multiplicata famâ bella; nemo est nomen daturus, nemo arma capturus, nemo dimicaturus pro superbis dominis, cum quibus nec in re publica honorum, nec in privata connubii societas est.*

VI. Quum in concionem & consules processissent, & res à perpetuis orationibus in altercationem vertisset; interroganti tribuno, *clt̃r plebeium consulem fieri non oporteret?* ut fortasse verè, sic parum utiliter in præsens certamen respondit, *quod nemo plebeius auspicia haberet. idèoque decemviros connubium direxisse, ne incertâ prole auspicia turbarentur.* Plebes ad id maximè indignatione exarsit, quod auspicari, tanquam invisi Diis immortalibus, negarentur posse. nec antè finis contentionum fuit, (quum & tribunum acerrimum auctorem plebes nata esset, & ipsa cum eo pertinaciâ certaret) quàm victi tandem Patres, ut de connubio ferretur, consensere: ita maximè rati contentionem de plebeiis consulibus tribunos aut totam deposituros, aut post bellum dilatos esse; contentamque interim connubio plebem paratam delectui fore. Quum Canuleius victoriâ de Patribus & plebis favore ingens esset, accensi alii tribuni ad certamen, pro rogatione sua, summâ vi pugnant, & crescente in dies famâ belli, delectum impediunt. Consules,

fufes, quum per senatum, intercedentibus tribunis, nihil agi posset, confilia principum domi habebant. apparebat, aut hostibus, aut civibus de victoria concedendum esse. Soli ex consularibus Valerius atque Horatius non intererant consiliis. C. Claudii sententia consules armabat in tribunos: Quinctiorum, Cincinnatique & Capitolini, sententiæ abhorrebant à cædē violandisque, quos, fœdere isto cum plebe, sacrosantos accepissent. Per hæc consilia eò deducta res est, ut tribunos militum consulari potestate promiscuè ex Patribus ac plebe creari sinerent; de consulibus creandis nihil mutaretur. eoque contenti tribuni, contenta plebs fuit. Comitia tribunis consulari potestate tribus creandis indicuntur. quibus indictis, extemplo, quicunque aliquid seditiosè dixerat, aut fecerat, quam maximè tribunicii, & prensare homines, & concurrare toto foro candidati cœpere: ut patricos desperatio primò, irritatà plebe, adipiscendi honoris, deinde indignatio, si cum his gerendus esset honos, deterreret. postremò coacti tamen à primoribus pettere, ne cessasse possessione reipublicæ viderentur. Eventus eorum comitiorum docuit, alios animos in contentione libertatis dignitatisque, alios, secundum deposita certamina, incorrupto iudicio esse: tribunos enim omnes patricos creavit populus: contentus eo, quòd ratio habita plebeiorum esset. Hanc modestiam æquitatemque & altitudinem animi ubi nunc in uno inveneris, quæ tum populi universi fuit?

VII. Anno trecentesimo decimo, quàm urbs Roma condita erat, primùm tribuni militum pro consulibus magistratum ineunt, A. Sempronius Atratinus, L. Atilius, T. Cæcilius; quorum in magistratu concordia domi pacem etiam foris præbuit. Sunt, qui propter adjectum Æquorum Volscorumque bello & Ardeatium defectioni Vejens bellum, quia duo consules obire tot simul bella nequirent, tribunos militum tres creatos di-

cant, sine mentione promulgatæ legis de consulibus creandis ex plebe, & imperio & insignibus consularibus usos. Non tamen pro firmato jam stetit magistratûs ejus jus; quia tertio mense, quàm inierunt, augurum decreto, perinde ac vitio creati, honore abiere; quòd C. Curtius, qui comitiis eorum præfuerat, parum rectè tabernaculum cepisset. Legati ab Ardea Romam venerunt, ita de injuria querentes, ut, si demeretur ea, in fœdere atque amicitia mansuros, restituto agro, appareret. Ab senatu responsum est, *judicium populi rescindi ab senatu non posse, præterquam quòd nullo nec exemplo nec jure fieret, concordia etiam ordinum causâ. Si Ardeates sua tempora expectare velint, arbitriumque senatui levanda injuriæ suæ permittant, fore, ut postmodo gaudeant, se ira moderatos; sciantque, Patribus aequè curæ fuisse, ne quæ injuria in eos oriretur, ac ne orta diuturna esset.* Ita legati, quum se rem integram relatueros dixissent, comiter dimissi. Patricii, quum sine curuli magistratu republica esset, coiere, & interregem creavere. contentio, consulesne, an tribuni militum crearentur, in interregno rem dies complures tenuit. Intertex ac senatus, consulum comitia; tribuni plebis & plebs, tribunorum militum ut habeantur, tendunt. Vicerunt Patres, quia & plebs, patriciis seu hunc seu illum delatura honorem, frustra certare superfedit: & principes plebis ea comitia malebant, quibus non haberetur ratio sui, quàm quibus ut indigni præterirentur. tribuni quoque plebis certamen sine effectu in beneficio apud primores Patrum reliquero. T. Quinctius Barbatus interrex consules creat L. Papirium Mugillanum, L. Sempronium Atratinum. His consulibus cum Ardeatibus fœdus renovatum est. idque mœnimentum est, consules eos illo anno fuisse, qui neque in annalibus priscis, neque in libris magistratuum inveniuntur. credo, quòd tribuni militum initio anni fuerunt, eo, perinde ac si totum annum in imperio fuerint, suffectis his consulibus, præter-

prætermiffa nomina consulum horum. Licinius Maceꝝ auctor est, & in fœdere Ardeatino, & in linteis libris ad Monetæ inventa. Et foris, quum tot terrores à finitimis ostentati essent, & domi otium fuit.

VIII. Hunc annum (seu tribunos modò, seu tribunis suffectos consules quoque habuit) sequitur annus haud dubiis consulibus, M. Geganio Macerino iterum, T. Quinctio Capitolino quintum consulibus. Idem hic annus censuræ initium fuit, rei à parva origine ortæ: quæ deinde tanto incremento aucta est, ut morum disciplinæque Romanæ penes eam regimen, senatus, equitumque centuriæ, decoris dedecorisque discrimen sub ditione ejus magistratûs, publicorum jus privatorumque locorum, vestigalia populi Romani sub nutu atque arbitrio essent. Ortum autem initium rei est, quòd in populo, per multos annos incenso, neque differri census poterat, neque consulibus, quum tot populorum bella imminerent, operæ erat id negotium agere. Mentio illata ab senatu est, *Rem operosam ac minime consularem suo proprio magistratu egere: cui scribarum ministerium, custodiaque & tabularum cura, cuius arbitrium formula censendi subjiceretur.* Et Patres, quanquam rem parvam, tamen, quo plures patricii magistratus in republica essent, læti acceperunt: id, quod evenit, futurum credo etiam rati, ut mox opes eorum, qui præfessent, ipsi honori jus majestatemque adjicerent. Et tribuni, (id quod tunc erat) magis necessariam, quam speciosi ministerii procurationem intuentes, ne in parvis quoque rebus incommodè adversarentur, haud sanè tetendere. Quum à primoribus civitatis spretus honor esset, Papirium Semproniumque, quorum de consulatu dubitatur, ut eo magistratu parum solidum consulatum explerent, censui agendo populus suffragiis præfecit. Censores ab re appellati sunt.

IX. Dum hæc Romæ geruntur, legati ab Ardea veniunt, pro veterrima societate renovatoque fœdere



recenti, auxilium propè eversæ urbi implorantes. Frustramque pace, optimo consilio cum populo Romano servatâ, per intestina arma non licuit; quorum causa atque initium traditur ex certamine factionum ortum: quæ fuere eruntque pluribus populis magis exitio, quàm bella externa, quàm fames morbive, quæque alia in Deum iras, velut ultima publicorum malorum, vertunt. Virginem plebeii generis, maximè formâ notam, petiere juvenes: alter virgini genere par, tutoribus fretus, qui & ipsi ejusdem corporis erant; nobilis alter, nullâ re, præterquam formâ, captus. adjuvabant eum optimatum studia, per quæ in domum quoque puellæ certamen partium penetravit. nobilis superior judicio matris esse, quæ quàm splendidissimis nuptiis jungi puellam volebat. tutores, in ea quoque re parium memores, ad suum tendere. Quum res peragi intra parietes nequisset, ventum in jus est. postulatu audito matris tutorumque, magistratus secundum parentis arbitrium dant jus nuptiarum. sed vis potentior fuit. namque tutores, inter suæ partis homines de injuria decreti palam in foro concionati, manu factâ virginem ex domo matris rapiunt. adversus quos infestior coorta optimatum acies sequitur accensum injuriâ juvenem. fit proelium atrox. Pulsa plebs, nihil Romanæ plebi similis, armata ex urbe profecta, colle quodam capto, in agros optimatum cum ferro ignique excursionem facit. urbem quoque, omnis etiam expertem antè certaminis, multitudine opificum ad spem prædæ evocatâ, obsidere parat. nec ulla species cladisque belli abest; velut contactâ civitate rabie duorum juvenum, funestas nuptias ex occasu patriæ petentium. Parum parti utrique domi armorum bellicæ est visum. optimates Romanos ad auxilium urbis obsessæ, plebs ad expugnandam secum Ardeam Volscos excivere. Priores Volsci, duce Æquo Clælio, Ardeam venire, & moenibus hostium vallum objicere. Quod ubi Romam est

est nunciatum, extemplo M. Geganius consul, cum exercitu profectus, tria millia passuum ab hoste locum castris cepit, præcipitque jam die curare corpora milites jubet. quartâ deinde vigiliâ signa profert: cæptumque opus adedò appropriatum est, ut, sole orto, Volsci firmiore se munimento ab Romanis circumvallatos, quàm à se urbem, viderent. & aliâ parte consul muro Ardeæ brachium injunxerat; quâ ex oppido sui commeare possent.

X. Volscus imperator, qui ad eam diem, non comineatu præparato, sed ex populatione agrorum raptò in diem frumento, aluisset militem, postquam septus vallo repentè inopem omnium rerum videt, ad colloquium consule evocato, *si solvenda obsidionis causâ venerit Romanus, abducturum se inde Volscos*, ait. Adversus eum consul, *victis conditiones accipiendas esse, non ferendas, respondit; neque, ut venerint ad oppugnandos socios populi Romani suo arbitrio, ita abituros Volscos esse. Dedit imperatorem, arma poni, jubet, fatentes victos se esse, & imperio parere. aliter, tam abeuntibus, quàm manentibus, se hostem insensum, victoriam potius ex Volscis, quàm pacem infidam, Romanis relaturum*. Volsci exiguam spem in armis, aliâ undique abscissâ, quum tentassent, præter cetera adversa loco quoque iniquo ad pugnam congressi, iniquiore ad fugam, quum ab omni parte cæderentur, ad preces à certamine versi, dedito imperatore traditisque armis; sub jugum missi, cum singulis vestimentis ignominie cladisque pleni dimittuntur. & quum haud procul urbe Tusculo consedissent, vetere Tusculanorum odio inermes oppressi dederunt pœnas, vix nunciis cædis relicti. Romanus Ardeæ turbatas seditione res, principibus ejus motus securi percussis, bonisque eorum in publicum Ardeatium redactis, composuit: demptamque injuriam judicii tanto beneficio populi Romani Ardeates credebant; senatui superesse aliquid ad delendum publicæ avaritiæ monumentum videbatur. Con-

ful triumphans in urbem redit, Clælio duce Volscorum ante currum ducto, prælatisque spoliis, quibus dearmatum exercitum hostium sub jugum miserat. Æquavit, quod haud facile est, Quinctius consul togatus armati gloriam collegæ: quia concordie pacisque domesticam curam, jura infimis summisque moderando, ita tenuit, ut cum & Patres severum consulem, & plebs satis comem crediderint. Et adversus tribunos auctoritate plura, quàm certamine, tenuit. quinque consulatus, eodem tenore gesti, vitæque omnis, consulariter acta, verendum penè ipsum magis, quàm honorem, faciebant. eo tribunorum militarium nulla mentio his consulibus fuit.

XI. Consules creant M. Fabium Vibulanum, Postumum Æbutium Cornicinem. Fabius & Æbutius consules, quo majori gloriæ rerum, domi forisque gestarum, succedere se cernebant, (maximè autem memorabilem annum apud finitimos socios hostesque esse, quod Ardeatibus in re præcipiti tantà foret curâ subventum) eo impensius, ut delerent prorsus ex animis hominum infamiam judicii, senatusconsultum fecerunt; ut, quoniam civitas Ardeatium intestino tumultu redacta ad paucos esset, coloni eò præsidii causâ adversus Volscos scriberentur. Hoc palam relatum in tabulas, ut plebem tribunosque falleret judicii rescindendi consilium initum. Consenserant autem, ut, multo majore parte Rutulorum colonorum, quàm Romanorum, scriptâ, nec ager ullus divideretur, nisi is, qui interceptus judicio infami erat; nec ulli prius Romano ibi, quàm omnibus Rutulis divisus esset, gleba ulla agri assignaretur. Sic ager ad Ardeates rediit. Triumviri ad coloniam Ardeam deducendam creati Agrippa Menenius, T. Clælius Siculus, M. Æbutius Elva. qui, per minimè populare ministerium agro assignando sociis, quem populus Romanus suum judicasset, quum plebem offenderent, ne primoribus quidem Patrum satis

tis accepti, quòd nihil gratiæ cuiusquam dederant; vexationes, ad populum jam die dicta ab tribunis, coloni adscripti remanendo in colonia, quam testem integritatis justitiæque habebant, vitavere.

XII. Pax domi forisque fuit & hoc & insequenti anno, C. Furio Pacilo & M. Papirio Crasso consulibus. Ludi, ab decemviris per secessionem plebis à Patribus ex senatusconsulto voti, eo anno facti sunt. Causa seditionum nequicquam à Poetelio quæsitæ. qui, tribunus plebis iterum ea ipsa denunciando factus, neque, ut de agris dividendis plebi referrent consules ad senatum, pervincere potuit: &, quum magno certamine obtinuisset, ut consulerentur Patres, consulum an tribunorum placeret comitia haberi, consules creati jussi sunt. ludibrioque erant minæ tribuni, denunciantis se delectum impediturum; quum, quietis finitimis, neque bello, neque belli apparatu opus esset. Sequitur hanc tranquillitatem rerum annus, Proculo Geganio Macerino, L. Menenio Lanato consulibus, multiplici clade ac periculo insignis, seditionibus, fame, regno propè per largitionis dulcedinem in cervices accepto. Unum a fuit bellum externum: quo si aggravatæ res essent, vix ope Deorum omnium resisti potuisset. Cœpere à fame mala, seu adversus annus frugibus fuit, seu dulcedine concionum & urbis deserto agrorum cultu. nam utrumque traditur. & Patres plebem desidem, & tribuni plebis nunc fraudem nunc negligentiam consulum accusabant. Postremò perpulere plebei, haud adversante senatu, ut L. Minucius præfectus annonæ crearetur; felicior in eo magistratu ad custodiam libertatis futurus, quàm ad curationem ministerii sui: quam postremò annonæ quoque levatæ haud immeritam & gratiam & gloriam tulit. Qui quum, multis circa finitimos populos legationibus terrâ marique nequicquam missis, (nisi quòd ex Etruria haud ita multum frumenti advectum est) nullum momentum an-

nonæ fecisset; & revolutus ad dispensationem inopiæ, profiteri cogendo frumentum, & vendere, quod usu inenstruo superesset, fraudandoque parte diurni cibi servitia, criminando inde & objiciendo iræ populi frumentarios, acerbâ inquisitione aperiret magis, quàm levaret, inopiam; multi ex plebe, spe amissâ, potius quàm ut cruciarentur trahendo animam, capitibus obvolutis se in Tiberim præcipitaverunt.

XIII. Tum Sp. Mælius ex equestri ordine, ut illis temporibus, prædives, rem utilem, pessimo exemplo, pejore consilio, est aggressus. frumento namque ex Extruria privatâ pecuniâ per hospitum clientiumque ministeria cœmpto, (quæ, credo, ipsa res ad levandam publicâ curâ annonam impedimento fuerat) largitiones frumenti facere instituit: plebemque, hoc munere delimitam, quacunque incederet, conspectus elatusque supra modum hominis privati, secum trahere; haud dubium consulatum favore ac spe despondentem. Ipse, ut est humanus animus insatiabilis eo, quod fortuna spondet, ad altiora & non concessa tendere. & quoniam consulatus quoque eripiendus invitis Patribus esset, de regno agitare: id unum dignum tanto apparatu consiliorum & certamine, quod ingens exsudandum esset, præmium fore. Jam comitia consularia instabant. quæ res eum; nec dum compositis maturisve satis consiliis, oppressit. Consul sextum creatus T. Quintius Capitolinus, minimè opportunus vir novanti res: collega additur ei Agrippa Menenius, cui Lanato erat cognomen. & L. Minucius præfectus annonæ, seu refectus, seu, quoad res posceret, in incertum creatus. nihil enim constat, nisi in libros linteos utroque anno relatum inter magistratus præfecti nomen. Hic Minucius, eandem publicè curationem agens, quam Mælius privatim agendam susceperat, quum in utraque domo genus idem hominum versaretur, rem compertam ad senatum refert, *Tela in domum Mælii conferri, eunque*  
*cognitiones*

*conciones domi habere: ac non dubia regni consilia esse. tempus agenda rei nondum stare; cetera jam convenisse; & tribunos mercede emptos ad prodendam libertatem, & partita duobus multitudinis ministeria esse. Seriùs se penè, quàm tutum fuerit, ne cujus incerti vanique auctor esset, ea deferre. Quæ postquam sunt audita, & undique primores Patrum & prioris anni consules increparent, quòd eas largitiones cœtusque plebis in privata domo passî essent fieri, & novos consules, quòd expectassent, donec à præfecto annonæ tanta res ad senatum deferretur, quæ consulem non auctorem solùm desideraret, sed etiam vindicem; tum T. Quinctius, consules immeritò increpari, ait, qui, constricti legibus de provocatione ad dissolvendum imperium latis, nequaquam tantum virium in magistratu ad eam rem pro atrocitate vindicandam, quantum animi, haberent. opus esse non forti solùm viro, sed etiam libero exsolutoque legum vinculis. Itaque se dictatorem L. Quinctium dicturum. ibi animum parem tantæ potestati esse. Approbantibus cunctis, primò Quinctius abnuere: &, quid sibi vellent, rogitare, qui se atate exactâ tantæ dimicationi objicerent. Dein, quum undique plus in illo senili animo non consilii modò, sed etiam virtutis esse, quàm in omnibus aliis dicerent, laudibusque haud immeritis onerarent, & consul nihil remitteret; precatus tandem Deos immortales Cincinnatus, ne senectus sua in tam trepidis rebus damno dedecorive reipublicæ esset, dictator à consule dicitur. ipse deinde C. Servilium Ahalam magistrum equitum dicit.*

XIV. Postero die, dispositis præsidiis, quum in forum descendisset, conversaque in eum plebs novitate rei ac miraculo esset, & Mæliani atque ipse dux eorum in se intentam vim tanti imperii cernerent; expertes consiliorum regni, qui tumultus, quod bellum repens, aut dictatoriam majestatem, aut Quinctium post octogesimum annum rectorem reipublicæ quæsisset, rogarent; missus ab dicta-

dictatore Servilius magister equitum ad Mælium, *Vocat te, inquit, dictator. Quum pavidus ille, quid vellet, quæreret; Serviliusque causam dicendam esse proponeret. crimenque, à Minucio delatum ad senatum, diluendum; tunc Mælius recipere se in catervam suorum, & primum circumspiciens tergiversari: postremò, quum apparitor jussu magistri equitum duceret, ereptus à circumstantibus, fugiensque, fidem plebis Romanæ implorare: & opprimi se consensu Patrum dicere, quòd plebi benignè fecisset: orare, ut opem sibi ultimo in discrimine ferrent, neve ante oculos suos trucidari sinerent. Hæc cum vociferantem affecutus Ahala Servilius obtruncat: respersusque cruore obtruncati, stipatus catervâ patriciorum juvenum, dictatori renunciat, vocatum ad eum Mælium, repulso apparitore concitantem multitudinem, poenam meritam habere. Tum dictator, *Macte virtute, inquit, C. Servili, esto, liberatâ republicâ.**

XV. Tumultuantem deinde multitudinem incertâ existimatione facti, ad concionem vocari jussit; & Mælium jure casum, pronunciavit, etiam si regni crimine insons fuerit; qui vocatus à magistro equitum ad dictatorem non venisset. Se ad causam cognoscendam confedissee; quâ cognitâ, habiturum fuisse Mælium similem causâ fortunam. Vim parantem, ne judicio se committeret, vi coercitum esse. nec cum eo, tanquam cum cive, agendum fuisse; qui natus in libero populo inter jura legesque, ex qua urbe reges exactos sciret, eodemque anno sororis filios regis, & liberos consulis liberatoris patriæ, propter passionem indicatam recipiendorum in urbem regum, à patre securi esse percussos; ex qua Collatinum Tarquinium consulem nominis odio abdicare se magistratu atque exulare jussum; in qua de Sp. Cassio, post aliquot annos, propter consilia inita de regno supplicium sumptum; in qua nuper decemviros bonis, exilio, capite multatos ob superbiam regiam, in ea Sp. Mælius spem regni conceperit. Et quis homo? quanquam nullam nobilitatem, nullos honores, nulla merita cuiquam ad dominationem pandere viam; sed tamen  
Clau-

*Claudios, Cassios, consulatibus, decemviratibus, suis majorumque honoribus, splendore familiarum sustulisse animos, quod nefas fuerit: Sp. Malium, cui tribunatus plebis magis optandus, quam sperandus, fuerit, frumentarium divitem, biliteris farris sperasse libertatem se civium suorum emisse, ciboque obijciendo ratum victorem finitimorum omnium populum in servitutem perlici posse: ut, quem senatorem concoquere civitas vix posset, regem ferret, Romuli conditoris, ab Diis orti, recepti ad Deos, insignia atque imperium habentem. Non pro scelere id magis, quam pro monstro, habendum. Nec satis esse sanguine ejus expiatum, nisi tecta parietesque, intra qua tantum amentia conceptum esset, dissiparentur; bonaque, contacta pretiis regni mercandi, publicarentur. jubere itaque, quaestores vendere ea bona, atque in publicum redigere.*

XVI. Domum deinde, ut monumento area esset oppressæ nefariæ spei, dirui extemplo jussit. id Æquimælium appellatum est. L. Minucius bove aurato extra portam Trigeminam est donatus, ne plebe quidem invitâ, quia frumentum Mælianum, assibus in modios æstimatum, plebi divisit. Hunc Minucium, apud quosdam auctores, transisse à Patribus ad plebem, undecimumque tribunum plebis cooptatum seditionem, motam ex Mæliana cæde, sedasse, invenio. Ceterum vix credibile est, numerum tribunorum Patres augeri passos, idque potissimum exemplum à patricio homine introductum; nec deinde id plebem concessum semel obtinuisse, aut certè tentasse. sed ante omnia refellit falsum imaginis titulum paucis antè annis lege cautum, ne tribunis collegam cooptare liceret. Q. Cæcilius, Q. Junius, Sext. Titinius, soli ex collegio tribunorum neque tulerant de honoribus Minucii legem; & criminari nunc Minucium, nunc Servilium apud plebem, querique indignam necem Mælii non destiterant. Pervicerunt igitur, ut tribunorum militum potius, quam cōsulum, comitia haberentur; haud dubii, quin sex locis (tot enim jam creari licebat) & plebei aliqui, profitendo



fitendo se ultores fore Mælianæ cædis, crearentur. Plebs, quanquam agitata multis eo anno & variis motibus erat, nec plures, quàm tres, tribunos consulari potestate creavit, & in iis L. Quinctium Cincinnati filium: ex cujus dictaturæ invidia tumultus quærebatur. Prælati suffragiis Quinctio Mam. Æmilium, vir summæ dignitatis. L. Julium tertium creant.

XVII. In horum magistratu Fidenæ, colonia Romana, ad Lartem Tolumnium Vejentium regem ac Vejentes defecerè. Majus additum defectioni scelus. C. Fulcinium, Clœlium Tullum, Sp. Ancium, L. Roscium, legatos Romanos, causam novi consilii quærentes, jussu Tolumnii interfecerunt. Levant quidam regis facinus. in tesserarum prospero jactu vocem ejus ambiguan, ut occidi jussisse videretur, ab Fidenatibus exceptam, causam mortis legatis fuisse. Rem incredibilem; interventu Fidenatium, novorum sociorum, consulentium de cæde ruptura jus gentium, non aversum ab intentione lusûs animum: nec deinde in horrorem versum facinus. propius est fidem, obstringi Fidenatium populum, ne respicere spem ullam ab Romanis posset, conscientia tanti sceleris voluisse. Legatorum, qui Fidenis cæsi erant, statuæ publicè in Rostris positæ sunt. Cum Vejentibus Fidenatibusque, præterquam finitimis populis, ab causa etiam tam nefanda bellum exorsis, atrox dimicatio instabat, Itaque ad curam summæ rerum, quietà plebe tribunisque ejus, nihil controversiæ fuit, quin consules crearentur M. Geganius Macerinus tertium & L. Sergius Fidenas; à bello credo, quod deinde gessit, appellatum. Hic enim primus eis Anienem cum rege Vejentium secundo proelio conflixit, nec incruentam victoriam retulit. Major itaque ex civibus amissis dolor, quàm lætitia fuis hostibus fuit. & senatus, ut in trepidis rebus, dictatorem dici Mam. Æmilium jussit. Is magistrum equitum ex collegio prioris anni, quo simul tribuni militum consulari

fulari potestate fuerant, L. Quinctium Cincinnatum, dignum parente juvenem, dixit. Ad delectum à consulibus habitum centuriones veteres belli periti adjecti, & numerus amissorum proximâ pugnam expletus. Legatos Quinctium Capitolinum & M. Fabium Vibulanum sequi se dictator iussit. Quum potestas major, tum vir quoque potestati par, hostes ex agro Romano trans Anienem submovere, collesque inter Fidenas atque Anienem ceperunt, referentes castra: nec antè in campos degressi sunt, quàm legiones auxilio Faliscorum venerunt. Tum demum castra Etruscorum promoenibus Fidenarum posita. & dictator Romanus haud procul inde ad confluentes consedit in utriusque ripis amnis, quâ sequi munimento poterat, vallo interposito. postero die in aciem eduxit.

XVIII. Inter hostes variæ fuere sententiæ. Faliscus, procul ab domo militiam ægrè patiens, satisque fidens sibi, poscere pugnam: Vejenti Fidenatibusque plus spei in trahendo bello esse. Tolumnius, quanquam suorum magis placebant consilia, ne longinquam militiam non paterentur Falisci, postero die se pugnaturum edixit. Dictatori ac Romanis, quod detrectasset pugnam hostis, animi accessere: posteroque die, jam militibus castra urbemque se oppugnuros frementibus, ni copia pugnae fiat, utrinque acies inter bina castra in medium campi procedunt. Vejens, multitudine abundans, qui inter dimicationem castra Romana aggredierentur, post montes circummissa. Trium populorum exercitus ita stetit instructus, ut dextrum cornu Vejentes, sinistrum Falisci tenerent, medii Fidenates essent. Dictator dextro cornu adversus Faliscos, sinistro contra Vejentem Capitolinus Quinctius intulit signa. ante mediam aciem cum equitatu magister equitum processit. Parumper silentium & quies fuit, nec Etruscis, nisi cogerentur, pugnam inituris, & dictatore arcem Romanam respectante, ut ab auguri-

bus,

bus, simul aves rite admisissent, ex composito tollere-  
tur signum. Quod simul conspexit, primos equites  
clamore sublato in hostem emisit. secuta peditum aci-  
es ingenti vi confixit. Nullâ parte legiones Etruscæ  
sustinuere impetum Romanorum. eques maximè resi-  
stebat; equitumque longè fortissimus ipse rex, ab o-  
mni parte effusè sequentibus obequitans Romanis, tra-  
hebat certamen.

XIX. Erat tum inter equites tribunus militum A.  
Cornelius Cossus, eximiâ pulchritudine corporis, ani-  
mo ac viribus par, memorque generis, quod, amplif-  
simum acceptum, majus auctiusque reliquit posteris.  
is quum ad impetum Tolumnii, quacunque se inten-  
disset, trepidantes Romanas videret turmas, insignem-  
que cum regio habitu volitantem totâ acie cognôset,  
*Hiccine est, inquit, ruptor fœderis humani, violatorque gen-  
tium juris? jam ego hanc mactatam victimam, (si modò san-  
cti quicquam in terris esse Dii volunt) legatorum manibus da-  
bo.* Calcaribus subditis, infestâ cuspide in unum fer-  
tur hostem. quem quum ictum equo dejecisset, con-  
festim & ipse hastâ innifus se in pedes excepit. Assur-  
gentem ibi regem umbone resupinat, repetitumque sæ-  
pius cuspide ad terram affixit. tum exsanguî detracta  
spolia; caputque abscissum victor spiculo gerens, ter-  
rore cæsi regis hostes fundit. Ita equitum quoque fu-  
sa acies, quæ una fecerat anceps certamen. Dictator  
legionibus fugatis instat, & ad castra compulsos cædit.  
Fidenatium plurimi locorum notitiâ effugere in mon-  
tes. Cossus, Tiberim cum equitatu transvectus, ex  
agro Vejentano ingentem detulit prædam ad urbem.  
Inter prælium & ad castra Romana pugnatum est ad-  
versus partem copiarum, ab Tolumnio, ut antè di-  
ctum est, ad castra missam. Fabius Vibulanus coronâ  
primùm vallum defendit: intentos deinde hostes in  
vallum, egressus dextrâ principali cum triariis repentè  
invadit. quo pavore injecto, cædes minor, quia pau-  
ciores

ciores erant; fuga non minus trepida, quam in acie, fuit.

XX. Omnibus locis re bene gesta, dictator senatusconsulto jussuque populi triumphans in urbem rediit. Longè maximum triumphi spectaculum fuit Cossus, spolia opima regis interfecti gerens. in eum milites carmina incondita, æquantes eum Romulo, canere. Spolia in æde Jovis Feretrii prope Romuli spolia, quæ, prima Opima appellata, sola eà tempestate erant, cum solenni dedicatione dono fixit. averteratque in se à curru dictatoris civium ora, & celebritatis ejus dici fructum propè solus tulerat. Dictator coronam auream libram pondo ex publica pecunia, populi jussu, in Capitolio Jovi donum posuit. Omnes ante me auctores secutus, A. Cornelium Cossum tribunum militum secunda spolia opima Jovis Feretrii templo intulisse, exposui. ceterum, præterquam quòd ea rite opima spolia habentur, quæ dux duci detraxit; nec ducem novimus, nisi cujus auspicio bellum geritur; titulus ipse, spoliis inscriptus, illos meque arguit, consulem ea Cossus cepisse. Hoc ego quum Augustum Cæsarem, templorum omnium conditorem aut restitutorem, ingressum ædem Feretrii Jovis, quam vetustate dilapsam refecit, se ipsum in thorace linteo scriptum legisse audissem; prope sacrilegium ratus sum, Cossus spoliis suorum Cæsarem, ipsius templi auctorem, subtrahere testem. qui si ea in re sit error, quòd tam veteres annales, quòdque magistratum libri, quos linteos in æde repositos Monetæ Macer Licinius citat identidem auctores, nono post demum anno cum T. Quintio Penno A. Cornelium Cossum consulem habeant; existimatio communis omnibus est. nam etiam illud accedit, ne tam clara pugna in eum annum transferri posset, quòd imbelles triennium ferme pestilentia inopiaque frugum circa A. Cornelium consulem fuit: adeò ut quidam annales, velut funesti, nihil præter nomina consulum  
fugge-

fuggerant. Tertius ab consulatu Cossi annus tribunum cum militum consulari potestate habet; eodem anno magistrum equitum: quo in imperio alteram insignem edidit pugnam equestrem. ea libera conjectura est. Sed, (ut ego arbitror) vana versare in omnes opiniones licet: quum auctor pugnae, recentibus spoliis in sacra sede positis, Jovem propè ipsum, cui vota erant, Romanulumque intuens, haud spernendos falsi tituli testes, se A. Cornelium Cossium consulem scripserit.

XXI. M. Cornelio Maluginense, L. Papirio Crasso consulibus, exercitus in agrum Vejentem ac Faliscum ducti: praeda abacta hominum pecorumque: hostis in agris nusquam inventus, neque pugnandi copia facta. urbes tamen non oppugnatae, quia pestilentia populum invasit. Et seditiones domi quaesitae sunt, nec motae tamen, ab Sp. Maelio tribuno plebis; qui, favore nominis moturum se aliquid ratus, & Minucio diem dixerat, & rogationem de publicandis bonis Servilii Ahalae tulerat: falsis criminibus à Minucio circumventum Maelium arguens, Servilio caedem civis indemnati obijciens. quae vaniora ad populum ipso auctore fuere. Ceterum magis vis morbi ingravescens curae erat, terroresque ac prodigia; maximè quòd crebris motibus terrae ruere in agris nunciabantur testa. Obsecratio itaque à populo, duumviris praecuntibus, est facta. Pestilentior inde annus, C. Julio iterum & L. Virginio consulibus, tantum metum vastitatis in urbe agrisque fecit, ut non modò praedandi causà quisquam ex agro Romano non exiret, bellive inferendi memoria Patribus aut plebi esset; sed ultro Fidenates, qui se primò aut oppido, aut montibus, aut muris tenuerant, populiabundi descenderent in agrum Romanum. deinde, Vejentium exercitu accito, (nam Falisci perpelli ad instaurandum bellum, neque clade Romanorum, neque sociorum precibus, potuere) duo populi transiere Atnienem; atque haud procul Collinà portà signa habuere.

buere. Trepidatum itaque, non in agris magis, quam in urbe, est. Julius consul in aggere murisque explicat copias. à Virginio senatus in æde Quirini consulitur. Dictatorem dici A. Servilium placet, cui Prisco alii, alii Strueto fuisse cognomen tradunt. Virginius, dum collegam consuleret, moratus, permittente eo, nocte dictatorem dixit. is sibi magistrum equitum Postumum Æbutium Elvam dicit.

XXII. Dictator omnes lucē primā extra portam Collinam adesse jubet. quibuscunque vires suppetebant ad arma ferenda, præsto fuere : signa ex ærario prompta feruntur ad dictatorem. Quæ quum agerentur, hostes in loca altiora concessere. eò dictator agmine infesto subit : nec procul Nomento signis collatis, fudit Etruscas legiones. compulit inde in urbem Fidenas, valloque circumdedit. Sed neque scalis capi poterat urbs alta & munita; neque in obsidione vis ulla erat, quia frumentum non necessitati modò satis, sed copiarum quoque, abunde ex antè convecto sufficiebat. Ita, expugnandi pariter cogendique ad deditionem spe amisâ, dictator in locis, propter propinquitatem notis, ab averfa parte urbis maximè neglecta, quia suapte naturā tutissima erat, agere in arcem cuniculum instituit. ipse, diversissimis locis subeundo ad mœnia quadrifariam diviso exercitu, qui alii aliis succederent ad pugnam, continenti die ac nocte prælio ab sensu operis hostes avertebat : donec, perfosso à castris monte, erecta in arcem via est; intentisque Etruscis ad vanas à certo periculo minas, clamor supra caput hostilis captam urbem ostendit. Eo anno C. Furius Pacilus & M. Geganius Macerinus censores villam publicam in campo Martio probaverunt : ibique primum census populi est actus.

XXIII. Eisdem consules insequenti anno resectos, Julium tertium, Virginium iterum, apud Macrum Licinium inveniō. Valerius Antias & Q. Tubero M.  
Manlium

Manlium & Q. Sulpicium consules in eum annum e-  
dunt. ceterum in tam discrepante editione & Tubero  
& Macer libros linteos auctores profitentur: neuter,  
tribunos militum eo anno fuisse, traditum à scriptori-  
bus antiquis dissimulat. Licinio libros haud dubiè se-  
qui linteos placet: & Tubero incertus veri est. sed  
inter cetera, vetustate incomperta, hoc quoque in in-  
certo positum. Trepidatum in Etruria est post Fide-  
nas captas, non Vejentibus solum exterritis metu simi-  
lis excidii, sed etiam Faliscis memorià initi primò cum  
iis belli: quanquam rebellantibus non adfuerant. Igi-  
tur quum duæ civitates, legatis circa duodecim popu-  
los missis, impetrassent, ut ad Voltumnæ fanum indi-  
ceretur omni Etruriæ concilium; velut magno inde  
tumultu imminente, senatus Mam. Æmilium dictato-  
rem iterum dici iussit. ab eo A. Postumius Tubertus  
magister equitum est dictus; bellumque tanto majore,  
quàm proximo, conatu apparatus est, quanto plus e-  
rat ab omni Etruria periculi, quàm ab duobus populis  
fuerat.

XXIV. Ea res aliquanto expectatione omnium  
tranquillior fuit. Itaque quum renunciatum à merca-  
toribus esset, negata Vejentibus auxilia, iussosque suo  
consilio bellum initum suis viribus exsequi, nec ad-  
verfarum rerum quærere socios, cum quibus spem in-  
tegram communicati non sint: tum dictator, ne ne-  
quicquam creatus esset, materiâ quærendæ bello glo-  
riæ ademptâ, in pace aliquid operis edere, quod mo-  
numentum esset dictaturæ, cupiens, censuram minuere  
parat: seu nimiam potestatem ratus, seu non tam ma-  
gnitudine honoris, quàm diuturnitate, offensus. Con-  
cione itaque advocatâ, *republicam foris gerendam, ait,*  
*tutaque omnia præstanda, Deos immortales suscepisse: se,*  
*quod intra muros agendum esset, libertati populi Romani con-*  
*sulturum. maximam autem ejus custodiam esse, si magna im-*  
*peria diuturna non essent; & temporis modus imponeretur,*  
*quibus*

quibus juris imponi non posset. *Alios magistratus annuos esse, quinquennalem censuram : grave esse, iisdem per tot annos magnâ parte vitæ obnoxios vivere. se legem laturum, ne plus, quàm annua ac semestris, censura esset.* Consensu ingenti populi legem postero die pertulit. Et, *ut re ipsâ,* inquit, *sciatis Quirites, quàm mihi diuturna non placeant imperia, dictaturâ me abdicô.* Deposito suo magistratu, modo aliorum magistratui imposito, sine alteri, cum gratulatione ac favore ingenti populi domum est reductus. Censores ægrè passi, Mamercum, quod magistratum populi Romani minuisse, tribu moverunt, octuplicatoque censu ærarium fecerunt. quam rem ipsum ingenti animo tulisse ferunt, causam potius ignominie intuentem, quàm ignominiam ; primores Patrum, quam deminutum censuræ jus noluisse, exemplo acerbitatis censoriæ offensos : quippe quum se quisque diutius ac sæpius subjectum censoribus fore cerneret, quàm censuram gesturum. Populi certè tanta indignatio coorta dicitur, ut vis à censoribus nullius auctoritate, præterquam ipsius Mamerci, deterreri quiverit.

XXV. Tribuni plebis, assiduis concionibus prohibendo consularia comitia, quum res propè ad interregnum perducta esset, evicere tandem, ut tribuni militum consulari potestate crearentur : victoriæ præmium, quod petebatur, ut plebeius crearetur, nullum fuit. omnes patricii creati sunt, M. Fabius Vibulanus, M. Foslius, L. Sergius Fidenas. Pestilentia eo anno aliarum rerum otium præbuit. ædis Apollini pro valetudine populi vota est. multa duumviri ex libris, placandæ Deum iræ, avertendæque à populo pestis causâ, fecere : magna tamen clades in urbe agrisque, promiscuè hominum pecorumque perniciæ, accepta. famem cultoribus agrorum timentes in Etruriam, Pomptinumque agrum & Cumas, postremò in Siciliam quoque frumenti causâ misere. Consularium comitorum nulla mentio habita est. Tribuni militum consulari



fulari potestate omnes patricii creati sunt, L. Pinatius Mamercinus, L. Furius Medullinus, Sp. Postumius Albus. Eo anno vis morbi levata, neque à penuria frumenti, quia antè provisum erat, periculum fuit. Consilia ad movenda bella in Volscorum Æquorumque conciliis, & in Etruria ad fanum Voltumnæ, agitata. Ibi prolata in annum res, decretoque cautum, ne quod antè concilium fieret; nequicquam Vejente populo querente, eandem, quâ Fidenæ deletæ sint, imminere Vejis fortunam. Interim Romæ principes plebis, jam diu nequicquam imminentes spei majoris honoris, dum foris otium esset, cœtus indicere in dōmos tribunorum plebei. ibi secreta consilia agitare: queri, *se à plebe ad eò spretos, ut, quum per tot annos tribuni militum consulari potestate creentur, nulli unquam plebeio ad eum honorem aditus fuerit. multum providisse suos majores, qui caverint, ne qui patricio plebei magistratus paterent; aut patricos habendos fuisse tribunos plebei. adeò se suis etiam sordere, nec à plebe minas, quàm à Patribus contemni.* Alii purgare plebem, culpam in Patres vertere: *eorum ambitione artibusque fieri, ut obseptum plebi sit ad honorem iter. Si plebi respirare ab eorum mixtis precibus nimisque liceat, memorem eam suorum inturam suffragia esse, & parto auxilio imperium quoque adscituram.* Placet, tollendæ ambitionis causâ tribunos legem promulgare, ne cui album in vestimentum addere, petitionis liceret causâ. Parva nunc res, & vix seriò agenda videri possit, quæ tunc ingenti certamine Patres ac plebem accendit. Vicere tamen tribuni, ut legem perferrent: apparebatque, irritatis animis, plebem ad suos studia inclinaturam. quæ ne libera essent, senatusconsultum factum est, ut consularia comitia haberentur.

XXVI. Tumultus causa fuit, quem ab Æquis & Volscis Latini atque Hernici nunciabant. T. Quintius, Lucii filius, Cincinnatus (eidem & Penno cognomen additur) & C. Julius Mento, consules facti: nec ultra

ultrà terror belli est dilatus. Lege sacratâ, quæ maxima apud eos vis cogendæ militiæ erat, delectu habito, utrinque validi exercitus profecti in Algidum convenere. ibique, seorsum Æqui, seorsum Volsci, castra communivere; intentiorque, quàm unquam antè, muniendi exercendique militem cura ducibus erat. eo plus nuncii terroris Romam attulere. Senatui dictatorem dici placuit: quia, etsi sæpe victi populi, majore tamen conatu, quàm aliàs unquam, rebellarent: & aliquantum Romanæ juventutis morbo absumptum erat. ante omnia pravitas consulum discordiaque inter ipsos, & certamina in consiliis omnibus terrebant. Sunt, qui malè pugnatum ab his consulibus in Algido auctores sint, eamque causam dictatoris creandi fuisse. Illud satis constat, ad alia discordes in uno adversus Patrum voluntatem consensisse, ne dicerent dictatorem: donec, quum alia aliis terribiliora adferrentur, nec in auctoritate senatûs consules essent, Q. Servilius Priscus, summis honoribus egregiè usus, *Vos, inquit, tribuni plebis, quoniam ad extrema ventum est, senatus appellat, ut in tanto discrimine reipublica dictatorem dicere consules pro potestate vestra cogatis.* Quâ voce auditâ, occasionem oblatam rati tribuni augendæ potestatis secedunt, proque collegio pronunciant, *placere, consules senatui dicto audientes esse: si adversus consensum amplissimi ordinis ultrà tendant, in vincula se duci eos iussuros.* Consules ab tribunis, quàm ab senatu, vinci maluerunt; *proditum à Patribus summi imperii jus, datumque sub jugum tribunicia potestati consulatum memorantes; siquidem cogi aliquid pro potestate ab tribuno consules, & (quod quid ulterius privato timendum foret?) in vincula etiam duci possent.* Sors, ut dictatorem diceret, (nam ne id quidem inter collegas convenerat) T. Quinctio evenit. is A. Postumium Tubertum, focerum suum, severissimi imperii virum, dictatorem dixit: ab eo L. Julius magister equitum est dictus, simul edicitur & L. justitium:

justitium : neque aliud totâ urbe agi, quàm bellum apparari : cognitio vacantium militiæ munere post bellum differtur. ita dubii quoque inclinant ad nomina danda. & Hernicis Latinisque milites imperati. utrinque enixè obeditum dictatori est.

XXVII. Hæc omnia celeritate ingenti acta : relictoque C. Julio consule ad præsidium urbis, & L. Julio magistro equitum ad subita belli ministeria, ne quæ res, quæ eguissent in castris, moraretur, dictator, præeunte A. Cornelio pontifice maximo, ludos magnos tumultus causâ vovit : profectusque ab urbe, diviso cum Quintio consule exercitu, ad hostes pervenit. Sicut bina castra hostium, parvo inter se spatio distantia, viderant, ipsi quoque mille ferme passus ab hoste, dictator Tusculo, consul Lanuvio, propiorè locum castris ceperunt. Ita quatuor exercitus, totidem munimenta, planitiem in medio, non parvis modò excursionibus ad prælia, sed vel ad explicandas utrinque acies satis patentem, habebant. nec, ex quo castris, castra collata sunt, cessatum à levibus præliis est ; facile patiente dictatore, conferendo vires spem universæ victoriæ, tentato paulatim eventu certaminum, suos præcipere. Itaque hostes, nullâ in prælio justo relicta spe, noctu adorti castra consulis, rem in casum anticipis eventus committunt. Clamor subito ortus, non consulis modò vigiles, exercitum deinde omnem, sed dictatorem quoque ex somno excivit. Ubi præsentiope res egebant, consul nec animo defecit, nec consilio : pars militum portarum stationes firmant : pars coronâ vallum cingunt. In alteris apud dictatorem castris, quo minus tumultus est, eo plus animadvertitur, quid opus factò sit. misso extemplo ad castra subsidio, cui Sp. Postumius Albus legatus præficitur, ipse parte copiarum parvo circuitu locum maximè secretum ab tumultu petit, unde ex necopinato aversum hostem invadat. Q. Sulpicium legatum præficit castris :  
M. Fa-

M. Fabio legato assignat equites. nec ante lucem movere jubet manum, inter nocturnos tumultus moderatu difficilem. Omnia, quæ vel alius imperator prudens & impiger in tali re præciperet ageretque, præcipit ordine atque agit. illud eximium consilii animique specimen, & neutiquam vulgatæ laudis, quod ultro ad oppugnanda castra hostium, unde majore agmine profectos exploratum fuerat, M. Geganium cum cohortibus delectis misit. qui, postquam intentos homines in eventum periculi alieni, pro se incautos neglectis vigiliis stationibusque, est adortus, prius penè cepit castra, quàm oppugnari hostes satis scirent. inde, fumo, ut convenerat, datum signum ubi conspectum ab dictatore est, exclamat, capta hostium castra, nunciarique passim jubet.

XXVIII. Et jam luceſcebat, omniaque sub oculis erant: & Fabius cum equitatu impetum dederat, & consul eruptionem e castris, in trepidos jam hostes fecerat. Dictator autem, parte altera subsidia & secundam aciem adortus, circumagenti se ad dissonos clamores ac subitos tumultus hosti undique objecerat victorem peditem equitemque. Circumventi igitur jam in medio ad unum omnes pœnas rebellionis dedissent, ni Vectius Messius ex Volscis, nobilior vir factis, quàm genere, jam orbem volventes suos increpans clara voce, *Hic præbituri, inquit, vos telis hostiam estis, indefensi, inulti? Quid igitur arma habetis? aut quid ultra bellum intulistis; in otia tumultuosi, in bello segnes? Quid hic stantibus spei est? an Deum aliquem protectarum vos, rapturumque hinc putatis? ferro via facienda est. Hæc, quæ me prægressum videritis, agite, qui visuri domos, parentes, conjuges, liberos estis, ite mecum. Non murus, nec vallum, sed armati armatis obstant. virtute pares, necessitate, quæ ultimum ac maximum telum est, superiores estis.* Hæc locutum est sequentemque dicta rediintegrato clamore secuti, dant impressionem, quæ Postumius Albus cohortes

tes objecerat : & moverunt victorem, donec dictator, pedem jam referentibus suis, advenit : eoque omne prælium verfum est. Uni viro Messio fortuna hostium ininitur. multa utrinque vulnera, multa passim cædes est. Jam ne duces quidem Romani incruenti pugnant. Unus Postumius, ictus saxo, perfracto capite, acie excessit. non dictatorem humerus vulneratus, non Fabium propè affixum equo femur, non brachium abscissum consulem ex tam ancipiti prælio submovit.

XXIX. Messium impetus per stratos cæde hostes cum globo fortissimorum juvenum extulit ad castra Volscorum, quæ nondum capta erant. eodem omnis acies inclinatur. Consul, effusos usque ad vallum persecutus, ipsa castra vallumque aggreditur. eodem & dictator aliâ parte copias admovet. non segnior oppugnationis est, quàm pugna fuerat. Consulem signum quoque intra vallum iniecisse ferunt, quo milites acrius subirent; repetendoque signo primam impressionem factam. Et dictator, proruto vallo, jam in castra prælium intulerat. Tum abjici passim arma, ac dedi hostes cæpti. castrisque & his captis, hostes, præter senatores, omnes venundati sunt. Prædæ pars sua cognoscentibus Latinis atque Hernicis reddita; partem sub hasta dictator vendidit: præpositoque consule castris, ipse, triumphans in vectus urbem, dictaturâ se abdicavit. Egregiæ dictaturæ tristem memoriam faciunt, qui filium ab A. Postumio, quod, occasione benè pugnandi captus, injussu decesserit præsidio, victorem securi percussus tradunt. nec libet credere; & licet, in variis opinionibus. & argumento est, quod *imperia Manliana*, non *Postumiana*, appellata sint: quum, qui prior auctor tam sævi exempli foret, occupaturus insignem titulum crudelitatis fuerit. *Imperioso* quoque Manlio cognomen inditum: Postumius nullâ tristi notâ est insignitus. C. Julius consul ædem Apollinis, absente collegâ, sine sorte dedicavit: ægrè id passus Quinctius, quum, di-

mille

misso exercitu, in urbem redisset, nequicquam in senatu est conquestus. Insigni magnis rebus anno additur, nihil tum ad rem Romanam pertinere visum, quod Karthaginenses, tanti hostes futuri, tum primum per seditiones Siculorum ad partis alterius auxilium in Siciliam exercitum trajecere.

XXX. Agitatum in urbe ab tribunis plebis, ut tribuni militum consulari potestate crearentur; nec obtineri potuit. Consules fiunt L. Papirius Crassus, L. Julius. Æquorum legati fœdus ab senatu cum petissent, & pro fœdere deditio ostentaretur, inducias annorum octo impetraverunt. Volscorum res, super acceptam in Algidio cladem, pertinaci certamine inter pacis bellicque auctores in jurgia & seditiones versa. Undique otium fuit Romanis. Legem de multarum æstimatione pergratam populo, quum ab tribunis parari consules unius ex collegio proditione exceperant, ipsi præoccupaverunt ferre. Consules L. Sergius Fidenas iterum, Hostus Lucretius Tricipitinus. Nihil dignum dictu actum his consulibus. Secuti eos consules, A. Cornelius Cossus, T. Quinctius Pennus iterum. Vementes in agrum Romanum excursions fecerunt. Fama fuit, quosdam ex Fidenatum juventute participes ejus populationis fuisse: cognitioque ejus rei L. Sergio, & Q. Servilio, & Mam. Æmilio permissa. Quidam Ostiam relegati, quod, cur per eos dies à Fidenis afuissent, parum constabat. colonorum additus numerus, agerque iis bello interemptorum assignatus. Siccitate eo anno plurimum laboratum est: nec coelestes modò defuerunt aquæ, sed terra quoque, ingenito humore egens, vix ad perennes suffecit amnes. defectus alibi aquarum circa torridos fontes rivosque stragem siti pecorum morientium dedit: scabie alia absumpta: vulgatique contactu in homines morbi, & primò in agrestes ingruerant servitiaque. urbs deinde impletur. Nec corpora modò affecta tabo, sed animos quoque

multiplex religio, & pleraque externa, invasit; novos ritus sacrificandi vaticinando inferentibus in domos, quibus quæstui sunt capti superstitione animi: donec publicus jam pudor ad primores civitatis pervenit, cernentes in omnibus vicis facellisque peregrina atque insolita piacula pacis Deum exposcendæ. Datum inde negotium ædilibus, ut animadverterent, ne qui, nisi Romani Dii, neu quo alio more, quàm patrio, colerentur. Iræ adversus Vejentes in insequentem annum, C. Servilium Ahalam, L. Papirium Mugillanum consules, dilatæ sunt. Tunc quoque, ne confestim bellum indiceretur, neve exercitus mitterentur, religio obsti- tit. feciales prius mittendos ad res repetendas censue- re. Cum Vejentibus nuper acie dimicatum ad No- mentum & Fidenas fuerat: induciæque inde, non pax, facta, quarum & dies exierat, & ante diem rebellave- rant. Missi tamen feciales: nec eorum, quum more patrum jurati repeterent res, verba sunt audita. Con- troversia inde fuit, utrùm populi jussu indiceretur bellum, an satis esset senatusconsultum. Pervicere tribuni; denunciando impedituros se delectum, ut con- sules de bello ad populum ferrent. omnes centuriæ jussere. In eo quoque plebs superior fuit, quòd te- nuit, ne consules in proximum annum crearentur.

XXXI. Tribuni militum consulari potestate quatuor creati sunt, T. Quinctius Pennus ex consulatu, C. Furius, M. Postumius, A. Cornelius Cossus. ex iis Cossus præfuit urbi. tres, delectu habito, profecti sunt Vejos, documentoque fuere, quàm plurimum imperium bello inutile esset. Tendendo ad sua quisque consilia, quum aliud alii videretur, aperuerunt ad occasionem locum hosti. incertam namque aciem, signum aliis dari receptui, aliis cani jubentibus, invasere opportunè Vejentes: castra propinqua turbatos ac terga dantes acceperunt. plus itaque ignominia, quàm cladis, est acceptum. Mœsta civitas fuit, vinci insueta: odisse tri-  
bunos,

bunos, poscere dictatorem, in eo verti spes civitatis. & quum ibi quoque religio obstaret, ne non posset nisi ab consule dici dictator, augures consulti eam religionem exemere. A. Cornelius dictatorem Mam. Æmilium dixit: & ipse ab eo magister equitum est dictus. Adeò, simul fortuna civitatis virtute verà eguit, nihil censoria animadversio effecit, quo minùs regimen rerum ex notata indignè domo peteretur. Vejentes, re secundà elati, missis circum Etruriæ populos legatis, iactando tres duces Romanos ab se uno prælio fusos, quum tamen nullam publici consilii societatem movissent, voluntarios undique ad spem prædæ adsciverunt. Uni Fidenatium populo rebellare placuit: & tanquam nisi ab scelere bellum ordiri nefas esset, sicut legatorum antea, ita tum novorum colonorum cæde imbutis armis, Vejentibus sese conjungunt. Consul-tare inde principes duorum populorum, Vejos an Fidenas sedem belli caperent. Fidenæ visæ opportunitiores. itaque, trajecto Tiberi, Vejentes Fidenas transfulerunt bellum. Romæ terror ingens erat. accito exercitu ab Vejis, eoque ipso ab re malè gesta perculso, castra locantur ante portam Collinam, & in muris armati dispositi, & iustitium in foro, tabernæque clausæ: fiuntque omnia castris, quàm urbi, similiora.

XXXII. Tum trepidam civitatem, præconibus per vicos dimissis, dictator ad concionem advocatam increpuit, *quòd animos ex tam levibus fortuna momentis suspensos gererent, ut, parvâ iacturâ acceptâ, quæ ipsa non virtute hostium, nec ignaviâ Romani exercitûs, sed discordiâ imperatorum, accepta sit, Vejentem, hostem sexies victum, pertimescant, Fidenasque propè sapiùs captas quàm oppugnatas. Eosdem & Romanos & hostes esse, qui per tot secula fuerint: eosdem animos, easdem corporis vires, eadem arma gerere. se quoque eundem dictatorem Mam. Æmilium esse, qui antè Vejentium Fidenatiumque, adjunctis Faliscis, ad Nomentum exercitus fuderit: & magistrum equitum A. Cornelium eun-*



dem in acie fore, qui priore bello tribunus militum, Latte Tolumnio rege Vejentium in conspectu duorum exercituum occiso, spolia opima Jovis Feretrii templo intulerit. Proin memores, secum triumphos, secum spolia, secum victoriam esse; cum hostibus scelus legatorum contra jus gentium interfectorum, eadem in pace Fidenatium colonorum, inducias ruptas, septimam infelicem defectionem, arma caperent. Simul castra castris conjunxissent, satis confidere, nec sceleratissimis hostibus diuturnum ex ignominia exercitus Romani gaudium fore; & populum Romanum intellecturum, quanto melius de republica meriti sint, qui se dictatorem tertium dixerint; quam eos, qui, ob ereptum censura regnum, labem secunda dictatura sue imposuerint. Votis deinde nuncupatis profectus, mille & quingentos passus citra Fidenas castra locat: dextrâ montibus, lævâ Tiberi amne septus. T. Quintium Pennum legatum occupare montes jubet, occultumque id jugum capere, quod ab tergo hostibus foret. Ipse postero die, quum Etrusci pleni animorum ab pristini diei meliore occasione, quam pugna, in aciem processissent, cunctatus parumper, dum speculatores referrent, Quintium evasisse in jugum propinquum arcis Fidenarum, signa profert: peditumque aciem instructam pleno gradu in hostem inducit: magistro equitum præcipit, ne injussu pugnam incipiat: se, quum opus sit, equestri auxilio signum daturum. tum ut memor regia pugna, memor opimi doni, Romulique ac Jovis Feretrii, rem gereret. Legiones impetu ingenti confligunt. Romanus odio accensus, impium Fidenatem, prædonem Vejentem, ruptores induciarum, cruentos legatorum infandâ cæde, resperfos sanguine colonorum suorum, perfidos socios, imbelles hostes compellans, factis simul dictisque odium explet.

XXXIII. Concusserat primo statim congressu hostem: quum repentè, patefactis Fidenarum portis, nova erumpit acies, inaudita ante id tempus invisitataque.

que. ignibus armata ingens multitudo, facibusque ardentibus tota collucens, velut fanatico instincta cursu, in hostem ruit: formaque insolitæ pugnæ Romanos parumper exterruit. Tum dictator, magistro equitum equitibusque, tum ex montibus Quintio accito, præhunc ciens, ipse in sinistrum cornu, quod, incendio similis quàm prælio, territum cesserat flammis, accurrit: clarâque voce, *Fumone victi, inquit, velut examen apum loco vestro exacti, inermi cedetis hosti? Non ferro extinguetis ignes? non faces has ipsas pro se quisque, si igni, non telis, pugnandum est, ereptas ultro inferetis? Agite, nominis Romani ac virtutis patrum vestraque memores, vertite incendium hoc in hostium urbem; & suis flammis delete Fidenas, quas vestris beneficiis placare non potuistis. Legatorum hoc vos vestrorum colonorumque sanguis, vastatique fines monent.* Ad imperium dictatoris mota cuncta acies: faces partim emissæ excipiuntur, partim vi eripiuntur: utraque acies armatur igni. Magister equitum & ipse novat pugnam equestrem. frenos ut detrahant equis, imperat: & ipse princeps, calcaribus subditis equestus, effreno equo in medios ignes infertur: & alii concitati equi libero cursu ferunt equitem in hostem. Pulvis elatus, mixtusque fumo, lucem ex oculis virorum equorumque aufert. ea, quæ militem terruerat, species nihil terruit equos. ruinæ igitur similem stragem eques, quacunque pervaserat, dedit. Clamor deinde accidit novus: qui quum utramque mirabundam in se aciem vertisset, dictator exclamat; *Quintium legatum & suos ab tergo hostem adortos*: ipse, redintegrato clamore, infert acrius signa. Quum duæ acies, duo diversa prælia, circumventos Etruscos & à fronte & ab tergo urguerent, neque in castra retrò, neque in montes, unde se novus hostis objecerat, iter fugæ esset, & equitem passim liberi frenis dispulissent equi, Vejentium maxima pars Tiberim effusi petunt. Fidenatum qui supersunt, ad urbem Fidenas tendunt. Infert pavidos

fuga in mediam cædem: obtruncantur in ripis: alios, in aquam compulso; gurgites ferunt: etiam peritos nandi lassitudo & vulnera & pavor degravant; pauci ex multis tranant: alterum agmen fertur per castra in urbem. eadem & Romanos sequentes impetus rapit; Quinctium maximè, & cum eo degressos modò de montibus, recentissimum ad laborem militem, quia ultimo prælio advenerat.

XXXIV. Hi, postquam mixti hostibus portam intravere, in muros evadunt; suisque capti oppidi signum ex muro tollunt. Quod ubi dictator conspexit, (jam enim & ipse in deserta hostium castra penetraverat) cupientem militem discurrere ad prædam, spe injecta majoris in urbe prædæ, ad portam ducit; receptusque intra muros in arcem, quò ruerè fugientium turbam videbat, pergit. Nec minor cædes in urbe, quàm in prælio, fuit; donèc, abjectis armis, nihil præter vitam petentes, dictatori deduntur. Urbs castraque diripiuntur. Postero die singulis captivis ab equite ad centurionem sorte ductis, &, quorum eximia virtus fuerat, binis, aliis sub corona venundatis, exercitum victorem opulentumque prædà triumphans dictator Romam reduxit: jussuque magistro equitum abdicare se magistratu, ipse deinde abdicat die sextodecimo, reddito in pace imperio, quod in bello trepidisque rebus acceperat. Classi quoque ad Fidenas pugnatum cum Vejentibus, quidam annales retulere: rem æquè difficilem atque incredibilem: nec nunc lato satis ad hoc amne; & tum aliquanto, ut à veteribus accepimus, arctiore: nisi in trajectu fortè fluminis prohibendo, aliquarum navium concursum in majus (ut fit) celebrantes, navalis victoriæ vanum titulum appetivere.

XXXV. Insequens annus tribunos militares consulari potestate habuit, A. Sempronium Atratinum, L. Quinctium Cincinnatum, L. Furium Medullinum, L. Horatium Barbatum. Vejentibus annorum viginti induciæ

ducia datæ, & Æquis triennii, quum plurimum annorum petissent. Et ab seditionibus urbanis otium fuit. Annum insequentem, neque bello foris, neque domi seditione insignem, ludi bello voti celebrem, & tribunorum militum apparatu, & finitimorum concursu, fecere. Tribuni consulari potestate erant Ap. Claudius Crassus, Sp. Nautius Rutilus, L. Sergius Fidenas, Sex. Julius Iulus. Spectaculum comitate etiam hospitum, ad quod publico consensu venerant, advenis gratius fuit. Post ludos conciones seditiosæ tribunorum plebi fuerunt, objurgantium multitudinem, quod, admiratione eorum, quos odisset, stupens, in aeterno se ipsa teneret servitio: & non modò ad spem consulatus in partem revocandam adspirare non auderet, sed ne in tribunis quidem militum creandis (quæ communia essent comitia Patrum ac plebis) aut sui aut suorum meminisset. Desineret ergo mirari, cur nemo de commodis plebis ageret: ed impendi laborem ac periculum, unde emolumentum atque bonos speretur. Nihil non aggressuros homines, si magna conatis magna præmia proponantur. Ut quidem aliquis tribunus plebis ruat cæcus incertamina periculo ingenti, fructu nullo; ex quibus pro certo habeat, Patres, adversus quos tenderet, bello inexpiabili se persecuturos; apud plebem, pro qua dimicaverit, nibilo se honoratiorem fore, neque sperandum, neque postulandum esse. Magnos animos magnis honoribus fieri. neminem se plebeium contempturum, ubi contemni desissent. Experiendam rem denique in uno aut altero esse, sitne aliquis plebeius ferendo magna honori; an portento simile miraculoque sit, fortem ac strenuum virum aliquem existere ortum ex plebe. Summâ vi expugnatum esse, ut tribuni militum consulari potestate & ex plebe crearentur. Petisse viros domi militiaque spectatos: primis annis sugillatos; repulsos, risui Patribus fuisse: desisse postremò præbere ad contumeliam os. Nec se videre, cur non lex quoque abrogetur, quâ id liceat, quod nunquam futurum sit. minorem quippe ruborem fore in juris iniquitate, quàm si per indignitatem ipsorum prætereantur.

XXXVI. Hujus generis orationes, cum assensu audita, incitavere quosdam ad petendum tribunatum militum, alium alia de commodis plebis laturum se in magistratu profitentem. Agri publici dividendi coloniarumque deducendarum ostentata spes, & vestigali possessoribus agrorum imposito, in stipendium militum erogandi æris. Captatum deinde tempus ab tribunis militum, quo per discessum hominum ab urbe, quum Patres clandestinâ denunciatione revocati ad diem certam essent, senatusconsultum fieret, absentibus tribunis plebi : ut, quoniam Volscos in Hernicorum agros prædatum exisse fama esset, ad rem inspiciendam tribuni militum profisciscerentur, consulariaque comitia haberentur. Profecti Ap. Claudium, filium decemviri, præfectum urbis relinquunt, impigrum juvenem, & jam inde ab incunabulis imbutum odio tribunorum plebisque. tribunis plebi nec cum absentibus iis, qui senatusconsultum fecerant, nec cum Appio, transactâ re, quod contenderent, fuit.

XXXVII. Creati consules sunt C. Sempronius Atratinus, Q. Fabius Vibulanus. Peregrina res, sed memoriâ digna, traditur eo anno facta : Vulturum, Etruscorum urbem, quæ nunc Capua est, ab Samnitibus captam; Capuamque ab duce eorum Capye, vel (quod propius vero est) à campestri agro appellatam. Cepere autem, prius bello fatigatis Etruscis, in societatem urbis agrorumque accepti : deinde festo die graves somno epulisque incolas veteres novi coloni nocturnâ cæde adorti. His rebus actis, consules ii, quos diximus, Idibus Decembribus magistratum occepere. Jam non solum, qui ad id missi erant, retulerant, imminere Volsicum bellum; sed legati quoque ab Latinis & Hernicis nunciabant, *Non antè unquam Volscos nec duobus legendis, nec exercitui scribendo, intentiores fuisse. vulgò fremere, aut in perpetuum arma bellumque oblivioni danda, jugumque accipiendum; aut iis, cum quibus de imperio* certe-

*certetur, nec virtute, nec patientiâ, nec disciplinâ rei militaris cedendum esse.* Haud vana attulere: sed nec perinde Patres moti sunt; & C. Sempronius, cui ea provincia forti evenit, tanquam constantissimâ re, fortunâ fretus, quod victoris populi adversus victos dux esset, omnia temere ac negligenter egit. adeo ut disciplinæ Romanæ plus in Volscis exercitu, quàm in Romano, esset. Ergo fortuna, ut sæpe aliàs, virtutem est secuta. Primo prælio, quod ab Sempronio incautè inconsultèque commissum est, non subsidiis firmatâ acie, non equite aptè locato, concursus est. clamor indicium primum fuit, quò res inclinatura esset. excitatio crebriorque ab hoste sublatus; ab Romanis dissonus, impar, segniùs sæpe iteratus, incerto clamore prodidit pavorem animorum. Eo ferocior illatus hostis, urgere scutis, micare gladiis: altera ex parte nutant circumspectantibus galeæ, & incerti trepidant, applicantque se turbæ. Signa nunc resistentia deferuntur ab antesignanis, nunc inter suos manipulos recipiuntur. nondum fuga certa, nondum victoria erat. tegi magis Romanus, quàm pugnare. Volscus inferre signa, urgere aciem, plus cædis hostium videre, quàm fugæ.

XXXVIII. Jam omnibus locis ceditur. nequicquam Sempronio consule objurgante atque hortante, nihil nec imperium, nec majestas valebat: dataque mox terga hostibus forent, ni Sex. Tempanius, decurio equitum, labente jam re, præsentis animo subvenisset. qui quum magnâ voce exclamâisset, *ut equites, qui salvam rempublicam vellent esse, ex equis desilirent*; omnium turmarum equitibus, velut ad consulis imperium motis, *Nisi hæc, inquit, armata cohors sistat impetum hostium, actum de imperio est. Sequimini pro vexillo cuspidem meam. ostendite Romanis Volscisque, neque equitibus vobis ullos equites, nec peditibus esse pedites pares.* Quum clamore comprobata adhortatio esset, vadit altè cuspidem gerens. quacunque incedunt, vi viam faciunt:

eiunt: eò se inferunt objectis parmis, ubi suorum plurimum laborem vident. restituitur omnibus locis pugna, in quæ eos impetus tulit: nec dubium erat, quin, si tam pauci simul obire omnia possent, terga daturi hostes fuerint.

XXXIX. Et quum jam parte nullâ sustinerentur, dat signum Volscus imperator, ut parmatis, novæ cohorti hostium, locus detur, donec impetu illati ab suis excludantur. Quod ubi est factum, interclusi equites: nec percurrere eadem, quâ transierant, posse; ibi maxime confertis hostibus, quâ viam fecerant: & consuli legionesque Romanæ, quum, quod tegumen modò omnis exercitus fuerat, nusquam viderent, ne tot fortissimos viros interclusos opprimeret hostis, tendunt in quemcunque casum. Diversi Volsci, hinc consulem ac legiones sustinere, alterâ fronte instare Tempanio atque equitibus. qui quum sæpe conati nequissent percurrere ad suos, tumulto quodam occupato, in orbem se tutabantur, nequaquam inulti. Nec pugnae finis antè noctem fuit. consul quoque, nusquam remisso certamine, dum quicquam superfuit lucis, hostem tenuit: nox incertos diremit: tantusque ab imprudentia eveniæ utraque castra tenuit pavor, ut, relictis faucibus & magnâ parte impedimentorum, ambo pro victis exercitus se in montes proximos reciperent. Tumulus tamen circumfessus ultra mediam noctem est. quò quum circumfidentibus nunciatum esset, castra deserta esse, victos rati suos, & ipsi, quâ quemque in tenebris pavor tulit, fugerunt. Tempanius metu insidiarum suos ad lucem tenuit. digressus deinde ipse cum paucis speculatum, quum ab faucibus hostibus sciscitando compersisset, castra Volscorum deserta esse, lætus ab tumultu suos devocat, & in castra Romana penetrat. ubi quum vastâ desertaque omnia, atque eandem, quam apud hostes, fœditatem invenisset, priusquam Volscos cognitus error reduceret, quibus poterat faucibus ductis, secum,

fecum, ignarus quam regionem consul petisset, ad urbem proximis itineribus pergit.

XL. Jam eò fama pugnae adversae castrorumque desertorum perlata erat : & ante omnia deplorati erant equites, non privato magis, quam publico, luctu : Fabiusque consul, terrore urbi quoque injecto, stationem ante portas agebat : quum equites, procul visi non sine terrore ab dubiis, quinam essent, mox cogniti, tantam ex metu lætitiā fecere, ut clamor urbem pervaderet gratulantium, salvos victoresque redisse equites : & ex mœliis paulo antè domibus, quæ conclamaverant suos, procurreretur in vias ; pavidæque matres, ac conjuges, oblita præ gaudio decoris, obviam agmini occurrerent, in suos quæque, simul corpore atque animo vix præ gaudio compotes, effusæ. Tribunis plebi, qui M. Postumio & T. Quintio diem dixerant, quòd ad Vejos eorum operā malè pugnatum esset, occasio visa est per recens odium Sempronii consulis renovandæ in eos invidiæ. Itaque, advocatâ concione, quum proditam Vejis rempublicam esse ab ducibus, proditum deinde, quia illis impune fuerit, in Volscis ab consule exercitum, traditos ad cædem fortissimos equites, deserta fœdè castra, vociferati essent ; C. Julius, unus ex Tribunis, Tempanium equitem vocari jussit : coramque eis, *Sexte Tempani, inquit, quaro de te, arbitrerisne C. Sempronium consulem aut in tempore pugnam inisse, aut firmasse subsidiis aciem, aut ullo boni consulis functum officio ? Et, tunc ipse, victis legionibus Romanis, tuo consilio equitem ad pedes deduxeris, restituerisque pugnam ? excluso deinde ab acie nostra tibi atque equitibus num aut consul ipse subvenerit, aut miserit presidium ? postero denique die ecquid presidii usquam habueris ? an tu cohorsque in castrâ vestrâ virtute perruperitis ? ecquem in castris consulem, ecquem exercitum inveneritis ? an deserta castra, relictos salvos milites ? Hæc pro virtute tua fideque, quâ unâ hoc bellum respublica stetit, dicenda tibi sunt hodiè. Denique, ubi C.*  
Sem-



*Sempronius, ubi legiones nostræ sint? desertus sis, an deserueris consulem exercitumque? victi denique simus, an vicerimus?*

XLI. Adversus hæc Tempanii oratio incompta fuisse dicitur; ceterum militariter gravis, non suis vana laudibus, non crimine alieno læta: *Quanta prudentia rei bellicæ in C. Sempronio esset, non militis de imperatore existimationem esse, sed populi Romani fuisse, quum eum comitiis consulem legeret. Itaque ne ab se imperatoria consilia, neu consulares artes exquirerent, quæ pensitanda quoque magnis animis atque ingeniis essent; sed, quod viderit, referre posse. Vidiſſe autem se prius, quàm ab acie intercluderetur, consulem in prima acie pugnantem, adhortantem, inter signa Romana telaque hostium versantem: postea se, ab conspectu suorum ablatum, ex strepitu tamen & clamore sensisse, usque ad noctem extractum certamen: nec ad tumultum, quem ipse tenuerat, præ multitudine hostium credere perrumpi potuisse. Exercitus ubi esset, se nescire: arbitrari, velut ipse in re trepida loci præsidio se suosque sit tutatus, sic consulem servandi exercitus causâ, loca tutiora castris cepisse. Nec Volscorum meliores res esse credere, quàm populi Romani. Fortunam noctemque omnia erroris mutui implēſſe. precantemque deinde, ne se fessum labore ac vulneribus tenerent, cum ingenti laude, non virtutis magis, quàm moderationis, dimissum. Quum hæc agerentur, jam consul viâ Lavicanâ ad fanum Quietis erat. eò missa plaustrajumenta que alia ab urbe exercitum, affectum prælio ac viâ nocturnâ, excepere. Paulò post in urbem est ingressus consul, non ab se magis enixè amovens culpam, quàm Tempanium meritis laudibus ferens. Mœstæ civitati ab re malè gesta & iratæ ducibus M. Postumius reus objectus, qui tribunus militum pro consule ad Vejos fuerat, decem millibus æris gravis damnatur. T. Quinctium collegam ejus, quia & in Volscis consul auspicio dictatoris Postumii Tuberti, & ad Fidenas legatus dictatoris alterius Mam. Æmilii, res pro-*

prosperè gesserat, totam culpam ejus temporis in prædamnatum collegam transferentem, omnes tribus absolverunt. profuisse ei Cincinnati patris memoria dicitur, venerabilis viri, & exactæ jam ætatis Capitolinus Quinctius, suppliciter orans, ne se, brevi reliquo vitæ spatio, tam tristem nuncium ferre ad Cincinnatum paterentur.

XLII. Plebs tribunos plebi absentes, Sex. Tempanium, A. Sellium, Sex. Antistium, & Sp. Icilium, fecit; quos & pro centurionibus sibi præfecerant, Tempanio auctore, equites. Senatus, quum odio Sempronii consulare nomen offenderet, tribunos militum consulari potestate creari jussit. creati sunt L. Manlius Capitolinus, Q. Antonius Merenda, L. Papirius Mugillanus. Principio statim anni L. Hortensius tribunus plebis C. Sempronio consuli anni prioris diem dixit. quem quum quatuor collegæ, inspectante populo Romano, orarent, ne imperatorem suum innoxium, in quo nihil præter fortunam reprehendi posset, vexaret: ægrè Hortensius pati, tentationem eam credens esse perseverantiæ suæ; nec precibus tribunorum, quæ in speciem modò jactentur, sed auxilio confidere reum. itaque modò ad eum conversus, *Ubi illi patricii spiritus, ubi submissus & fidens innocentia animus esset? quærebat. sub tribunicia umbra consularem virum delituisse. modò ad collegas, Vos autem, si reum perago, quid acturi estis? an erepturi jus populo, & eversuri tribuniciam potestatem? Quum illi, & de Sempronio & de omnibus summam populi Romani potestatem esse, dicerent, nec se judicium populi tollere aut velle, aut posse; sed, si preces sue pro imperatore, qui sibi parentis esset loco, non valuissent, se vestem cum eo mutaturos: tum Hortensius, Non videbit, inquit, plebs Romana sordidatos tribunos suos. C. Sempronium nihil moror, quando hoc est in imperio consecutus, ut tam carus esset militibus. Nec pietas quatuor tribunorum, quàm Hortensii tam placabile ad justas preces ingenium, pariter plebi*

plebi Patribusque gratior fuit. Non diutius fortuna Æquis indulſit, qui ambiguum victoriam Volſcorum pro ſua amplexi fuerant.

XLIII. Proximo anno N. Fabio Vibulano, T. Quintio, Capitolini filio, Capitolino conſulibus, ductu Fabii, cui ſorte ea provincia evenerat, nihil dignum memoratu actum. quum trepidam tantum oſtendiſſent aciem Æqui, turpi fugâ funduntur, haud magno conſulis decore. itaque triumphus negatur. Ceterum ob Sempronianæ cladis levatam ignominiam, ut ovans urbem intraret, conſeſſum eſt. Quemadmodum bellum minore, quàm timuerant, dimicatione erat perfectum, ſic in urbe ex tranquillo necopinata moles diſcordiarum inter plebem ac Patres exorta eſt, cœpta ab duplicando quæſtorum numero. quam rem, (ut, præter duos urbanos quæſtores, duo conſulibus ad miniſteria belli præſto eſſent) à conſulibus relata, quum & Patres ſummâ ope approbaſſent, conſulibus tribuni plebis certamen intulerunt, ut pars quæſtorum (nam ad id tempus patricii creati erant) ex plebe fieret. Adverſus quam actionem primò & conſules & Patres ſummâ ope admiſi ſunt: concedendo deinde, ut, quemadmodum in tribunis conſulari poteſtate creandis uſi ſunt, adæquè in quæſtoribus liberum eſſet arbitrium populi, quum parum proficerent, totam rem de augendo quæſtorum numero omittunt. Excipiunt omiſſam tribuni, aliæque ſubinde, inter quas & agrariæ legis, ſeditioſæ actiones exiſtunt: propter quos motus quum ſenatus conſules, quàm tribunos, creari mallet, neque poſſet per interceſſiones tribunicias ſenatusconſultum fieri; reſpublica à conſulibus ad interregnum, neque id ipſum (nam coire patricios tribuni prohibebant) ſine certamine ingenti, redit. Quum pars major inſequentis anni per novos tribunos plebi & aliquot interreges certaminibus extracta eſſet, modò prohibentibus tribunis patricios coire ad prodendum interregem,

regem, modò interregem interpellantibus, ne senatusconsultum de comitiis consularibus faceret; postremò L. Papirius Mugillanus, proditus interrex, castigando nunc Patres, nunc tribunos plebi, *desertam omissamque ab hominibus rempublicam, Deorum providentiâ curâque exceptam*, memorabat Vejentibus induciis & cunctatione *Æquorum stare*. Unde si quid increpet terroris, sine patricio magistratu placere rempublicam opprimi? non exercitum, non ducem scribendo exercitui esse? an bello intestino bellum externum propulsaturos? quæ si in unum convenient, vix Deorum opibus, quin obruatur Romana res, resisti posse. quin illi, remittendo de summa quisque juris, mediis copularent concordiam: Patres, patiendò tribunos militum pro consulibus fieri: tribuni plebis, non intercedendo, quo minùs quatuor quæstores promiscuè de plebe ac Patribus libero suffragio populi fierent.

XLIV. Tribunicia primùm comitia sunt habita. creati tribuni consulari potestate omnes patricii, L. Quinctius Cincinnatus tertium, L. Furius Medullinus iterum, M. Manlius, A. Sempronius Atratinus. Hoc tribuno comitia quæstorum habente, petentibusque inter aliquot plebeios filio Antistii tribuni plebis, & fratre alterius tribuni plebis Sex. Pompilii, nec potestas, nec suffragatio horum valuit, quin, quorum patres avosque consules viderant, eos nobilitate præferrent. Furere omnes tribuni plebis, ante omnes Pompilius Antistiusque, repulsâ suorum accensi, *Quidnam id rei esset? non suis beneficiis, non Patrum injuriis, non denique usurpandi libidine, quum liceat, quod antè non licuerit, si non tribunum militarem, ne quæstorem quidem quemquam ex plebe factum. non valuisse patris pro filio, fratris pro fratre preces, tribunorum plebis, potestatis sacrosanctæ, ad auxilium libertatis create. Fraudem profectò in re esse, & A. Sempronium comitiis plus artis adhibuisse, quàm fidei. Ejus injuriâ queri suos honore dejectos*. Itaque quum in ipsum, & innocentiam tutum & magistratu, in quo tunc erat, impetus fieri non posset, flexere iras in

C. Sem-

C. Sempronium, patruelem Atratini: eique ob ignominiam Volsci belli, adjutore collegâ M. Canuleio, diem dixere. Subinde ab eisdem tribunis mentio in senatu de agris dividendis illata est, (cui actioni semper acerrimè C. Sempronius resisterat) ratis, id quod erat, aut depositâ causâ leviozem futurum apud Patres reum, aut perseverantem sub judicii tempus plebem offensurum. Adversæ invidiæ objici maluit, & suæ nocere causæ, quàm publicæ deesse; stetitque in eadem sententia, *Ne qua largitio, cessura in trium gratiam tribunorum, fieret. nec tum agrum plebi, sed sibi invidiam, queri. Se quoque subiturum eam tempestatem forti animo. nec senatui tanti se civem, aut quemquam alium debere esse, ut in parcendo uni malum publicum fiat.* Nihilo demissiore animo, quum dies venit, causâ ipse pro se dictâ, nequicquam omnia expertis Patribus, ut mitigarent plebem, quindecim millibus æris damnatur. Eodem anno Postumia, virgo Vestalis, de incestu causam dixit, crimine innoxia; ob suspicionem propter cultum amœniores ingeniumque liberius, quàm virginem decet, parum abhorrens famam. Ampliatam, deinde absolutam, pro collegii sententia pontifex maximus abstinerre joci, colique sanctè potiùs, quàm scitè, jussit. Eodem anno à Campanis Cumæ, quam Græci tum urbem tenebant, capiuntur. Insequens annus tribunos militum consulari potestate habuit, Agrippam Menenium Lanatum, P. Lucretium Tricipitinum, Sp. Nautium Rutilum.

XLV. Annus, felicitate populi Romani, periculo potiùs ingenti, quàm clade, insignis. Servitia, urbem ut incenderent distantibus locis, conjurârunt; populoque ad opem passim ferendam testis intento, ut arcem Capitoliumque armati occuparent. Avertit nefanda consilia Jupiter: indicioque duorum comprehensi fontes pœnas dederunt. indicibus dena millia gravis æris, quæ tum divitiæ habebantur, ex ærario numerata, & liber-

tas præmium fuit. Bellum inde ab Æquis reparari cœptum : & , novos hostes Lavicanos consilia cum veteribus jungere, haud incertis auctoribus Romam est allatum. Æquorum jam velut anniversariis armis assuebat civitas. Lavicos legati missi quum responsa inde retulissent dubia, quibus, nec tum bellum parari, nec diuturnam pacem fore, appareret : Tusculanis negotium datum, *adverterent animos, ne quid novi tumultus Lavicis oriretur.* Ad insequentis anni tribunos militum consulari potestate, inito magistratu, legati ab Tusculo venerunt, L. Sergium Fidenatem, M. Papirium Mugillanum, C. Servilium, Prisci filium, quo dictatore Fidenæ captæ fuerant. Nunciabant legati, Lavicanos arma cepisse, & cum Æquorum exercitu depopulatos agrum Tusculanum castra in Algido posuisse. Tum Lavicanis bellum indictum : factoque senatusconsulto, ut duo ex tribunis ad bellum profiscerentur, unus res Romæ curaret, certamen subito inter tribunos exortum. se quisque belli ducem potiolem ferre, curam urbis, ut ingratam ignobilemque, aspernari. Quum parum decorum inter collegas certamen mirabundi Patres conspicerent, Q. Servilius, *Quando nec ordinis hujus ulla, inquit, nec reipublicæ est verecundia, patria majestas altercationem istam dirimet. filius meus extra sortem urbi prærit. Bellum utinam, qui appetunt, consideratius concordiusque, quàm cupiunt, gerant.*

XLVI. Delectum haberi non ex toto passim populo placuit. decem tribus sorte ductæ sunt ; ex his scriptos juniores duo tribuni ad bellum duxere. Cœpta inter eos in urbe certamina cupiditate eadem imperii multo impensius in castris accendi : nihil sentire idem, pro sententia pugnare : sua consilia velle, sua imperia sola rata esse : contemnere in vicem, & contemni. donec, castigantibus legatis, tandem ita comparatum est, ut alternis diebus summam imperii haberent. Quæ quum allatæ Romam essent, dicitur Q. Servilius, ætate & usu doctus,

doctus, precatus ab Diis immortalibus, ne discordia tribunorum damnosior reipublicæ esset, quàm ad Vejes fuisset: &, velut haud dubiâ clade imminente, instituisse filio, ut milites scriberet, & arma pararet. Nec falsus vates fuit. nam ductu L. Sergii, cujus dies imperii erat, loco iniquo sub hostium castris, quum, quia simulato metu receperat se hostis ad vallum, spes vana expugnandi castra eò traxisset, repentino impetu Æquorum per supinam vallem fusi sunt, multique in ruina majore quàm fuga oppressi obtruncatique: castraque, eo die ægrè retenta, postero die, circumfusis jam magna ex parte hostibus, per averfam portam fugâ turpi deferuntur. duces legatique, & quod circa signa roboris de exercitu fuit, Tusculum pettere. Palati alii per agros passim multis itineribus, majoris, quàm accepta erat, cladis nuncii Romam contenderunt. Minus trepidationis fuit, quòd eventus timori hominum congruens fuerat; & quòd subsidia, quæ respicerent in re trepida, præparata erant ab tribuno militum: jussuque ejusdem, per minores magistratus sedato in urbe tumultu, speculatores properè missi nunciavere, Tusculi duces exercitumque esse; hostem castra loco non movisse. &, quod plurimum animorum fecit, dictator ex senatusconsulto dictus Q. Servilius Priscus; vir, cujus providentiam in republica, quum multis aliis tempestatibus antè experta civitas erat, tum eventu ejus belli, quòd uni certamen tribunorum suspectum ante rem malè gestam fuerat; magistro equitum creato, à quo ipse tribuno militum dictator erat dictus, filio suo, ut tradidere quidam, (nam alii Abalam Servilium magistrum equitum eo anno fuisse scribunt) novo exercitu profectus ad bellum, accitis qui Tusculi erant, duo millia passuum ab hoste locum castris cepit.

XLVII. Transierat ex re bene gesta superbia negligentiaque ad Æquos, quæ in Romanis ducibus fuerat: itaque primo statim progio, quum dictator equitatu im-

misso

misso antesignanos hostium turbasset, legionum inde signa inferri properè jussit, signiferumque ex suis unum cunctantem occidit. Tantus ardor ad dimicandum fuit, ut impetum Æqui non tulerint: victique acie quum fugâ effusâ petissent castra, brevior tempore & certamine minor castrorum oppugnatio fuit, quàm prælium fuerat. Captis direptisque castris, quum prædam dictator militi concessisset, secutique fugientem ex castris hostem equites renunciâssent, omnes Lavicanos victos, magnam partem Æquorum Lavicos confugisse; postero die ad Lavicos ductus exercitus: oppidumque, coronâ circumdatum, scalis captum ac direptum est. Dictator, exercitu victore Romam reducto, die octavo, quàm creatus erat, magistratu se abdicavit; & opportunè senatus, priusquam ab tribunis plebi agrariæ seditiones, mentione illatâ de agro Lavicano dividendo, fierent, censuit frequens, coloniam Lavicos deducendam. coloni ab urbe mille & quingenti missi bina jugera acceperunt. Captis Lavicis, ac deinde tribunis militum consulari potestate, Agrippâ Menenio Lanato, & L. Servilio Structo, & P. Lucretio Tricipitino, iterum omnibus his, & Sp. Rutilio Crasso, & insequente anno A. Sempronio Atriatino tertium, & duobus iterum M. Papirio Mugillano, & Sp. Nautio Rutilo, biennium tranquillæ externæ res, discordia domi ex agrariis legibus fuit.

XLVIII. Turbatores vulgi erant Spurii Mæcilius quartum & Metilius tertium tribuni plebis, ambo absentes creati. & quum rogationem promulgassent, ut ager ex hostibus captus viritim divideretur, magnæque partis nobilium eo plebiscito publicarentur fortunæ; (nec enim ferme quicquam agri, ut in urbe alieno solo posita, non armis partum erat; nec, quod venisset assignatumve publicè esset, præterquam plebs habebat) atrox plebi Patribusque propositum videbatur certamen: nec tribuni militum, nunc in senatu, nunc



In conciliis privatis principum cogendis, viam consilii inveniebant; quum Ap. Claudius, nepos ejus, qui decemvir legibus scribendis fuerat, minimus natus ex Patrum concilio, dicitur dixisse, *Vetus se ac familiare consilium domo asferre. proavum enim suum Ap. Claudium ostendisse Patribus viam unam dissolvendae tribuniciae potestatis per collegarum intercessionem. Facile homines novos auctoritate principum de sententia deduci, si temporum interdum potius, quam majestatis, memor adhibeatur oratio. Pro fortuna illis animos esse. ubi videant, collegas principes agenda rei gratiam omnem ad plebem praecipuisse, nec locum in ea relictum sibi; haud gravate acclinaturos se ad causam senatus, per quam universo ordini cum prioribus se Patrum concilient.* Approbantibus cunctis, & ante omnes Q. Servilio Prisco, quod non degenerasset ab stirpe Claudia, collaudante juvenem, negotium datur, ut, quos quisque posset ex collegio tribunorum, ad intercessionem perlicerent. Misso senatu, prensantur ab principibus tribuni: suadendo, monendo, pollicendoque gratum id singulis privatim, gratum universo senatui fore, se ad intercessionem comparavere. Posteroque die quum ex composito relatum ad senatum esset de seditione, quam Mæcilius Metiliusque largitione pessimi exempli concirent; eae orationes à primoribus Patrum habitae sunt, ut pro se quisque jam nec consilium sibi suppeteret diceret, nec se ullam opem cernere aliam usquam, praeterquam in tribunicio auxilio. in ejus potestatis fidem circumventam rempublicam, tanquam privatum inopem, confugere. Praeclarum ipsis potestatique esse, non ad vexandum senatum discordiamque ordinum movendam plus in tribunatu virium esse, quam ad resistendum improbis collegis. Fremitus deinde universi senatus ortus, quum ex omnibus partibus curiae tribuni appellarentur: tum, silentio facto, ii, qui praeparati erant gratia principum, quam rogationem à collegis promulgatam senatus censeat dissolvendae reipublicae

blicæ esse, ei se intercessuros ostendunt. Gratiæ intercessoribus ab senatu actæ. Latores rogationis, concione advocatâ, proditores plebis commodorum æs servos consularium appellantes, aliâque truci oratione in collegas investiti, actionem deposuere.

XLIX. Duo assidua bella insequens annus habuisset, quo P. Cornelius Cossus, C. Valerius Potitus, Q. Quintus Cincinnatus, N. Fabius Vibulanus, tribuni militum consulari potestate fuerunt; ni Vejens bellum religio principum distulisset, quorum agros Tiberis, super ripas effusus, maximè ruinis villarum vastavit. Simul Æquos triennio antè accepta clades prohibuit Bolanis, suæ gentis populo, præsidium ferre. Excursionibus inde in confinem agrum Lavicanum factæ erant, novisque colonis bellum illatum. quam noxam quum se consensu omnium Æquorum defensuros sperassent, deserti ab suis, ne memorabili quidem bello, per obfidionem levemque unam pugnam & oppidum & fines amisere. Tentatum ab L. Sextio tribuno plebis, ut rogationem ferret, quâ Bolas quoque, sicut Lavicos, coloni mitterentur, per intercessionem collegarum, qui nullum plebiscitum, nisi ex auctoritate senatus, passuros se perferri ostenderunt, discussum est. Bolis insequente anno receptis, Æqui, coloniâque eò deductâ, novis viribus oppidum firmarunt, tribunis militum Romæ consulari potestate Cn. Cornelio Cossio, L. Valerio Potito, Q. Fabio Vibulano iterum, M. Postumio Regillensi. Huic bellum adversus Æquos permissum est, pravæ mentis homini; quam tamen victoria magis, quàm bellum, ostendit. Nam, exercitu impigre scripto ductoque ad Bolas, quum levibus præliis Æquorum animos fregisset, postremò in oppidum irrupit. deinde ab hostibus in cives certamen vertit: &, quum inter oppugnationem prædam militis fore edixisset, capto oppido, fidem mutavit. Eam, magis adducor, ut credam iræ causam exercitui fuisse, quàm

M

quod

quod in urbe auper direpta coloniaque nova minus prædicatione tribuni prædæ fuerit. Auxit eam iram, postquam, ab collegis arcessitus, propter seditiones tribunicias in urbem revertit, audita vox ejus in concione stolidi ac propè vecors; quâ Sextio tribuno plebis, legem agrariam ferenti, simul, Bolas quoque ut mitterentur coloni, laturum se dicenti, dignos enim esse qui armis cepissent, eorum urbem agrumque Bolanum esse; *Malum quidem militibus meis*, inquit, *nisi quieverint*. quod auditum non concionem magis, quàm mox Patres, offendit. & tribunus plebis, vir acer nec infacundus, nactus inter adversarios superbum ingenium immodicamque linguam, quam irritando agitandoque in eas impelleret voces, quæ invidiæ, non ipsi tantum, sed causæ atque universo ordini, essent, neminem ex collegio tribunorum militum sæpius, quàm Postumium, in disceptationem trahebat. Tum verò secundum tam sævum atque inhumanum dictum, *Auditis*, inquit, *Quirites, sicut servis malum minantem militibus?* *tamen hac bellua dignior vobis tanto honore videbitur, quàm qui vos, urbe agrisque donatos, in colonias mittunt; qui sedem senectuti vestrae prospiciunt; qui pro vestris commodis adversus tam crudeles superbosque adversarios depugnant. Incipite deinde mirari, cur pauci jam vestram suscipiant causam. quid ut à vobis sperent? an honores, quos adversarius vestris potius, quàm populi Romani propugnatoribus, datis? Invenistis modo, voce hujus auditâ. quid id refert? jam, si suffragium detur, hunc, qui malum vobis minatur, iis, quæ agros sedesque ac fortunas stabilire volunt, præferetis.*

L. Perlata hæc vox Postumii ad milites multo in castris majorem indignationem movit. *Prædane interceptorem fraudatoremque etiam malum minari militibus?* Itaque quum fremitus apertè esset, & quæstor P. Sestius eadem violentiâ coerceri putaret seditionem posse, quâ mota erat; misso ad vociferantem quendam militem lictore, quum inde clamor & jurgium oriretur, fa-

no ictus turbâ excedit; insuper increpante, qui vulne-  
raverat, *habere questorem, quod imperator esset militibus mi-  
natus.* Ad hunc tumultum accitus Postumius asperiora  
omnia fecit acerbis quæstionibus, crudelibus suppliciis.  
postremò quum modum iræ nullum faceret, ad vocife-  
rationem eorum, quos necari sub crate iusserat, con-  
cursu facto, ipse ad interpellantes pœnam vecors de  
tribunali decurrit. Ibi quum submoventes passim li-  
ctores centurionesque vexarent turbam, eò indignatio  
erupit, ut tribunus militum ab exercitu suo lapidibus  
cooperiretur. Quod tam atrox facinus postquam est  
Romam nunciatum, tribunis militum de morte colle-  
gæ per senatum quæstiones decernentibus, tribuni ple-  
bis intercedebant. sed ea contentio ex certamine aliò  
pendebat; quòd cura incesserat Patres, ne metu quæ-  
stionum plebs iraque tribunos militum ex plebe crea-  
ret: tendebantque summâ ope, ut consules crearentur.  
Quum senatusconsultum fieri tribuni plebis non pate-  
rentur, iidem intercederent consularibus comitiis, res  
ad interregnum rediit. victoria deinde penes Patres  
fuit.

LI. Q. Fabio Vibulano interrege comitia habente,  
consules creati sunt A. Cornelius Cossus, L. Furius  
Medullinus. His consulibus principio anni senatuscon-  
sultum factum est, ut de quæstione Postumianæ cœdis  
tribuni primo quoque tempore ad plebem ferrent; ple-  
besque præficeret quæstioni, quem vellet. A plebe  
consensu populi consulibus negotium mandatur. qui,  
summâ moderatione ac lenitate per paucorum suppli-  
cium, quos sibi et ipsos confesse mortem satis credi-  
tum est, transactâ re, nequivere tamen consequi, ut  
non ægerimè id plebs ferret. *jacere tamdiu irritas san-  
ctiones, quæ de suis commodis ferrentur: quum interim de  
sanguine & supplicio suo latam legem confestim exercei, &  
tantam vim habere.* Aptissimum tempus erat, vindica-  
tis seditionibus, delatamentum animis Bolani agri di-

visionem objici : quo facto minuissent desiderium agrariæ legis, quæ possessio per injuriam agro publico Patres pellebat. Tunc hæc ipsa indignitas angebat animos, non in retinendis modò publicis agris, quos vi teneret, pertinacem nobilitatem esse ; sed ne vacuum quidem agrum, nuper ex hostibus captum, plebi dividere ; mox paucis, ut cetera, futurum prædæ. Eodem anno adversus Volscos, populantes Hernicorum fines, legiones ductæ à Furio consule, quum hostem ibi non invenissent, Ferentinum, quò magna multitudo Volscorum se contulerat, cepere. minus prædæ, quàm speraverant, fuit : quòd Volsci, postquam spes tuendi exigua erat, sublatis rebus, nocte oppidum reliquerunt. postero die propè desertum capitur. Hernicis ipse ager dono datus.

LII. Annum modestiâ tribunorum quietum excepit tribunus plebis, L. Icilius, Q. Fabio Ambusto, C. Furio Pacilo consulibus. Is quum principio statim anni, velut pensum nominis familiarque, seditiones agrariis legibus promulgandis ciceret ; pestilentia coorta, minacior tamen quàm perniciosior, cogitationes hominum à foro certaminibusque publicis ad domum curamque corporum nutriendorum avertit. minúsque eam damnosam fuisse, quàm seditio futura fuerit, credunt. Defunctâ civitate plurimorum morbis, perpaucis funerebus, pestilentem annum inopia frugum, neglecto cultu agrorum, (ut plerumque fit) excepit, M. Papirio Artratio, C. Nautio Rutilo consulibus. Jam fames, quàm pestilentia, tristior erat : ni, dimissis circa omnes populos legatis, qui Etruseum mare, quique Tiberim accolunt, ad frumentum mercandum, annonæ foret subventum. Superbè ab Samnitibus, qui Capuam habebant Cumasque, legati prohibiti commercio sunt : contra ea benignè ab Siculorum tyrannis adjuvi. maximos commeatus summo Etruriæ studio Tiberis devexit. Solitudinem in civitate ægra experti consules sunt : quum,

q̄tum, in legationes non plus singulis senatoribus inveniētes, coacti sunt binos equites adjicere. Præterquam ab morbo annonaque, nihil eo biennio intestini externeve incommodi fuit. at ubi hæc sollicitudines discesse-  
re, omnia, quibus turbari solita erat civitas, domi discordia, foris bellum exortum.

LIII. M. Æmilio, C. Valerio Potito consulibus, bellum Æqui parabant: Volscis, quanquam non publico consilio, capeffentibus arma, voluntariis mercede secutis militiam. Ad quæram famam hostium (jam enim in Latinum Hernicumque transcenderant agrum) delectum habentem Valerium consulem M. Mænius tribunus plebis, legis agrariæ lator, quum impediret, auxilioque tribuni nemo invitatus sacramento diceret; repente nunciatur, arcem Carventanam ab hostibus occupatam esse. Ea ignominia accepta, quum apud Patres invidiæ Mænio fuit, tum ceteris tribunis, jam antè preparatis intercessoribus legis agrariæ, præbuit justiore causam resistendi collegæ. Itaque quum res diu ducta per altercationem esset; consulibus Deos hominesque testantibus, *quicquid ab hostibus cladis ignominiaque, aut jam acceptum esset, aut immineret, culpam penes Mæniam fore, qui delectum impediret; Mænio contra voceiferante, si injusti domini possessione agri publici cederent, se moram delectui non facere;* decreto interposito, novem tribuni sustulerunt certamen; pronunciaveruntque ex collegii sententia, C. Valerio consuli se, *damnum aliamque coercitionem, adversus intercessionem collegæ, delectus causâ detrectantibus militiam inhibenti, auxilio futuros esse.* Hoc decreto consul armatus, quum paucis, appellantibus tribunum, collum torsisset, metu ceteri sacramento dixerunt. Ductus exercitus ad Carventanam arcem, quam invisus infestusque consuli erat, impigrè primo statim adventu, dejectis qui in præsidio erant, arcem recepit. prædatores, ex præsidio per negligentiam lapsi, occasionem aperuere ad invadendum. Præde

ex assiduis populationibus, quod omnia in locum tutum congesta erant, fuit aliquantum. venditum sub hasta consul in ærarium redigere quæstores iussit; tum prædicans participem prædæ fore exercitum, quum militiam non abuisset. Auctæ inde plebis ac militum in consulem iræ. itaque, quam ex senatusconsulto urbem ovans introiret, alternis inconditi versus militari licentiâ iactati: quibus consul increpitus; Mæni celebre nomen laudibus fuit, quum ad omnem mentionem tribuni favor circumstantis populi plausuque & assensu cum vocibus militum certaret. Plusque ea res, quam propè solennis militum lascivia in consulem, curæ Patribus iniecit. & tanquam haud dubius inter tribunos militum honos Mæni, si peteret, consularibus comitiis est exclusus.

LIV. Creati consules sunt Cn. Cornelius Cossus, L. Furius Medullinus iterum. Non alitis agris plebs tulit, tribunicia sibi comitia non concessa: cum dolor rem quæstoris comitiis simul ostendit, & alia est, totæ primæ plebis quæstoribus creatæ: ita ut, in quæstione creandæ, ubi patriis K. Fabio Ambrosio relinqueretur locus; tres plebei, Q. Silius, P. Atilius, P. Papirius clarissimarum familiarum juvenibus præferrentur. Auctores fuisse tam liberi populo suffragii lectios accipio, ex familia infestissima patribus tres in eum annum tribunos plebis creatos; multarum magnarumque rerum molem avidissimo ad eum populo ostentantes: quum affirmassent, nihil se moturos; & ne quæstoris quidem comitiis, quæ sola promissa plebi Patribusque reliquisset senatus, satis amari populo esset ad id, quod tandem vellent; & per leges liceret. Pro ingenti itaque victoria id fuit plebi: quæsturamque eam non honoris ipsius sine æstimabant; sed patefactus ad consularum ac triumphos locus novis hominibus videbatur. Patres contra, non pro communicatis, sed pro amissis honoribus, fremere negant. *Si et ita sint, liberos tollentes*

des

*dos esse : qui pulsi majorum loco, cernentesque alios in possessione dignitatis suae, Salii Flaminesque nusquam aliò, quàm ad sacrificandum pro populo, sine imperiis ac potestatibus relinquuntur.* Irritatis utriusque partis animis, quum & spiritus plebes sumpsisset, & tres ad popularem causam celeberrimi nominis haberet duces ; Patres omnia quaestoriis comitiis, ubi utrumque plebi liceret, similia ferre cernentes, tendere ad consulum comitia, quæ nondum promiscua essent. Icilius contra tribunos militum creandos dicere, & tandem aliquando impartiendos plebi honores.

L.V. Sed nulla erat consularis actio, quam impediendo id, quod petebant, exprimerent : quum mirâ opportunitate, Volscos & Aequos prædatum extra fines exisse in agrum Latinum Hernicumque, affertur, ad quod bellum ubi ex senatusconsulto consules delectum habere occipiunt ; ob stare tunc enixè tribuni, sibi plebique eam fortunam oblatam memorantes. Tres erant, & omnes acerrimi viri, generosique jam, ut inter plebeios, duo, singuli singulos, sibi consules asseruandos affiduâ operâ desumunt : uni concionibus data nunc detinenda, nunc concienda, plebs. Nec delectum consules, nec comitia, quæ petebant, tribuni expediebant. inclinante deinde se fortunâ ad causam plebis, nuntii veniunt, arcem Carventanam, dilapsis ad prædam militibus, qui in præsidio erant, Aequos, interfectis paucis custodibus arcis, invalisse. alios recurrentes in arcem, alios palantes in agris cæsos. Ea adversa civitati res vires tribunicia actioni adjecit. nequicquam enim tentati, ut tum denique desisterent impediendo bello, postquam non cessere nec publicæ tempestati, nec suæ invidiæ, pervincunt, ut senatusconsultum fiat de tribunis militum creandis : certo tamen pacto, ne cujus ratio haberetur, qui eo anno tribunus plebis esset : neve quis reficeretur in annum tribunus plebis ; haud dubiè Icilius denotante senatu, quos mer-



eodem seditiosi tribunatus petere consulatum insimulabant. Tum delectus haberi, bellumque omnium ordinum consensu apparari coeptum. Consules ambo profecti sint ad arcem Carventanam, an alter ad comitia habenda subsisterit, incertum diversi auctores faciunt: illa pro certo habenda, in quibus non dissentiant, ab arce Carventana quum diu nequicquam oppugnata esset, recessum: Verruginem in Volscis eodem exercitu receptam, populationesque & prædas & in Æquis & in Volscis agro ingentes factas.

LVI. Romæ sicut plebis victoria fuit in eo, ut, quæ mallent, comitia haberent: ita eventu comitiorum Patres vicere: namque tribuni militum consulari potestate contra spem omnium tres patricii creati sunt, C. Julius Iulus, P. Cornelius Cossus, C. Servilius Ahala. Artem adhibitam ferunt à patriciis, (cujus eos Icilium quoque insimulabant) quod turbam indignorum candidatorum intermiscendo dignis, tædio sordium in quibusdam insignium, populum à plebeis avertissent. Volscos deinde & Æquos, seu Carventana arx retenta in spem, seu Verrugine amissum præsidium ad iram compulisset, tanta asserta summa vi ad bellum coortos: caput rerum Antiates esse: eorum legatos utriusque gentis populos circumisse, castigantes ignaviam, quod, abditæ intra muros, populabundos in agris vagari Romanos priore anno, & opprimi Verruginis præsidium, passi essent. jam non exercitus modo armatos; sed colonias etiam, in suos fines mitti: nec ipsos modo Romanos sua divisa habere, sed Ferentinum etiam de se captum Hernicis donasse. Ad hæc quum inflammarentur animi, ut ad quosque ventum erat, numerus juniorum conscribatur. Ita omnium populorum juvenus Antium contracta, ibi castris positæ hostem opperiebantur. Quæ ubi tumultu majore etiam, quàm res erat, nunciantur Romam, senatus extemplo (quod in rebus trepidis ultimum consilium erat) dicta-

dictatorem dici iussit. quam rem ægrè passos Julium Corneliumque ferunt; magnoque certamine animorum rem actam: quum primores Patrum, nequicquam conquesti, non esse in auctoritate senatûs tribunos militum, postremò etiam tribunos plebei appellarent, & consulibus quoque ab ea potestate vim super tali re inhibitam referrent: tribuni plebei, læti discordiâ Patrum, nihil esse in his auxilii dicerent, qui non civium, non denique hominum numero essent; si quando promiscui honores, communicata respublica esset, tum se animadversuros, ne qua, superbiâ magistratuum, irrita senatusconsulta essent; interim patricii, soluti legum magistratuumque verecundiâ, per se quoque tribuniciam potestatem agerent.

LVII. Hæc contentio minimè idoneo tempore, quum tantum belli in manibus esset, occupaverat cogitationes hominum: donec, ubi diu alternis Julius Corneliusque, *quam ad id bellum ipsi satis idonei duces essent, non esse æquum mandatum sibi à populo eripi bonorem, disseruere;* tum Ahala Servilius tribunus militum, *Tassisse se tamdiu, ait, non quia incertus sententia fuerit; (quem enim bonum civem secernere sua à publicis consilia?) sed quia maluerit, collegas suos sponte cedere auctoritati senatûs, quàm tribuniciam potestatem adversus se implorari paterentur. Tum quoque, si res sineret, libenter se daturum tempus iis fuisse ad receptum nimis pertinacis sententia. sed, quum bellî necessitates non expectent humana consilia; potiorē sibi collegarum gratiâ rempublicam fore: Et, si maneat in sententiâ senatus, dictatorem nocte proximâ dicturum: ac, si quis intercedat senatusconsulto, auctoritate se fore contentum.* Quo facto quum haud immeritam laudem gratiamque apud omnes tulisset, dictatore P. Cornelio dicto, ipse ab eo magister equitum creatus exemplo fuit collegas eumque intuitibus, quàm gratia atque honos opportuniore intendum non cupientibus essent. Bellum haud memorabile fuit. una atque eo facili prælio cæsi ad Antium

M 5

hostes.

hostes. videri exercitus depopulatus Volscum agrum castrum ad lacum Fucinum vi expugnatum: atque haec tria millia hominum capta; ceteris Volscis intra moenia compulsi; ac defendentibus agros. Dictator, bello ita gesto, ut tantum non deuisse fortunas videretur, felicitate, quam gloria, major in urbem rediit, magistratuque se abdicavit. Tribunum militum, mentione nulla comitiorum consularium habita, (caedo ob iram dictatoris creati) tribunorum inilipum comitia edixerunt. Tam veroprius cura Pastibus inest; quippe quam prodi causam ab suis accerent. Itaque sicut prior anno per indignissimos ex plebeis candidatos omnium, etiam dignorum, radium fecerant; sic tum, primoribus Patrum splendore gratiaque ad petendum praeparatis, omnia loca obstruere; ne cui plebeio aditus esset. Quatuor creati sunt, omnes jam functi eo honore, L. Furius Medullianus, C. Valerius Potitius, N. Fabius Vibullianus, C. Servilius Ahala. his relictis continuato honore, quam ob alias virtutes, tum ob recentem favorem unice moderatione partum.

LVIII. Eo anno, quia tempus indiciarum cum Veienti populo exierat, per legatos socialisque res repeti ceptae, quibus venientibus ad finem legatio Veientium obviam fuit. Petere, ne prius, quam ipsi senatum Romanum adfuerit, Veios inermes ab senatu impetratum, quia discordie intestinae laborarent Veios, ne res ab iis repeterentur, tantum efuit, ut ex incommode alieno sua occasio peteretur. Et in Volscis recepta clades, amisso Verrugine praesidio, ubi tantum in tempore fuit momenti, ut, quam precantibus optem militibus, qui ibi a Volscis obsidebantur, succursu si maturatum esset, potuisset, ad id venerit exercitus subsidio missus, ut ab recenti caede parat ad praedandum hostes opprimerentur. Partitis causa in senatu magis fuit, quam in tribunis: qui, quia summa vi relictis nunciabantur, parum cogitaverunt, nulla virtute superari

perari humanarum virium modum. Fortissimi milites non tamen, nec vivi, nec post mortem, inulti fuerunt. Insequenti anno, P. & Cn. Cornelii Cossis, N. Fabio Ambusto, L. Valerio Potito, tribunis militum consulari potestate, Vejens bellum motum ob superbum responsum Vejentis senatus; qui legatis repetentibus res, ni facerent properè urbe finibusque, daturus, quod Lars Tolumnius dedisset, responderi iussit. id Patres agrè passi decrevere, ut tribuni militum de bello indicendo Vejentibus primo quoque die ad populum ferrent. Quod ubi primò promulgatum est, fremere juvenus, *Nondum debellatum cum Volscis esse: modò deo præsidia occisione occisa, & cum periculo retineri. Nullum annum esse, quo non acie dimicetur: &, tanquam pœniteat laboris, nequum bellum cum finitimo populo & potentissimo parari, qui omnem Etruriam sit concitaturus.* Hæc suâ sponte agitata. insuper tribuni plebis accendunt: *Maximum bellum patribus cum plebe esse dictitant: eam de industriâ vexandam militiâ, trucidandamque hostibus objici: eam procul urbe haberi atque ablegari, ne domi per otium memor libertatis coloniarumque, aut agri publici, aut suffragii liberè ferendi consilia agitet: prestantesque veteranos, stipendia cuiusque & vulnera ac cicatrices numerabant: quid jam integri esse in corpore loci ad nova vulnera accipienda? quid super sanguinis, qui dari pro republica posset? rogantes.* Hæc quum in sermonibus concionibusque interdum agitatores advertissent plebem ab suscipiendo bello, profertur tempus secundæ legis: quam, si subiecta invidia esset, antiquas apparebat.

LIX. Interim tribunos militum in Volscum agrum ducere exercitum placuit. Cn. Cornelius unus Romæ relictus. Tres tribuni, postquam nullo loco castra Volscorum esse, nec commissuros se proelio apparuit, tripartitò ad devastandos fines discessere. Valerius Antium petit, Cornelius Rebras: quacumque incessere, late populati sunt tota agrosque, ut distingerent Volcos:

Fabius, quod maximè petebatur, ad Anxur oppugnandum sine ulla populatione accessit. Anxur fuit, quæ nunc Tarracinæ sunt; urbs prona in paludes. ab ea parte Fabius oppugnationem ostendit. Circummissæ quatuor cohortes cum C. Servilio Ahala quum imminentem urbi collem cepissent; ex loco altiore, quâ nullum erat præsidium, ingenti clamore ac tumultu moenia invasere. ad quem tumultum obstupescati, qui adversus Fabium urbem infimam tuebantur, locum dedere scalas admovehdi; plenaque hostium cuncta erant, & immitis diu cædes pariter fugientium ac resistentium armatorum atque inermium fuit. cogebantur itaque victi, quia cedentibus spei nihil erat, pugnam inire: quum pronunciatum repentè, ne quis præter armatos violaretur, reliquam omnem multitudinem voluntariam exuit armis: quorum ad duo millia & quingenti vivi capiuntur. à cetera præda Fabius militem abstulit, donec collegæ venirent: ab illis quoque exercitibus captum Anxur distitans esse, qui ceteros Volscos à præsidio ejus loci avertissent. Qui ubi venerunt, oppidum vetere fortunâ opulentum tres exercitus diripere. eaque primùm benignitas imperatorum plebem Patribus conciliavit. Additum deinde omnium maximè tempestivo principum in multitudinem munere, ut ante mentionem ullam plebis tribunorumve decerneret senatus, ut stipendium miles de publico acciperet, quum ante id tempus de suo quisque sanctus eo munere esset.

LX. Nihil acceptum unquam à plebe tanto gaudio traditur. Concursum itaque ad curiam esse, pressasque exeuntium manus, & Patres verè appellatos; effectum esse fatentibus, ut nemo pro tam munifica patria, donec quicquam virium superesset, corpori aut sanguini suo parceret. Quum commoditas juvaret, rem familiarem saltem acquiescere eo tempore, quo corpus additum atque operatum reipublicæ esset, tum, quod

quod ultro sibi oblatum esset, non à tribunis plebis unquam agitatam, non suis sermonibus efflagitatum, id efficiebat multiplex gaudium cumulationemque gratiam rei. Tribuni plebis, communis ordinum lætitiæ concordiaque soli expertes, negare, *Tam id lætiam Patribus universis nec prosperum fore, quàm ipsi crederent. consilium specie primâ melius fuisse, quàm usu appariturum. Unde enim eam pecuniam confici posse, nisi tributo populo indicto? ex alieno igitur aliis largitos. neque, id etiam si ceteri ferant, passuras eos, quibus jam emerita stipendia essent, meliore conditione alios militare, quàm ipsi militassent; & eosdem in sua stipendia impensas fecisse, & in aliorum facere.* His vocibus moverunt partem plebis. postremò, indicto jam tributo, edixerunt etiam tribuni, auxilio se futuros, si quis in militare stipendium tributum non contulisset. Patres bene cœptam rem perseveranter tueri: conferre ipsi primi: &, quia nondum argentum signatum erat, æs grave plaustris quidam ad ærarium convehentes, speciosam etiam collationem faciebant. Quum senatus summâ fide ex censu contulisset, primores plebis, nobilium amici, ex composito conferre incipiunt. quos quum & à Patribus collaudari, & à militari ætate tanquam bonos cives conspici vulgus hominum vidit, repentè, spreto tribunicio auxilio, certamen conferendi est ortum. &, lege perlatâ de indicendo Vejentibus bello, exercitum magna ex parte voluntarium novi tribuni militum consulari potestate Vejos duxere.

LXI. Fuere autem tribuni T. Quinctius Capitolinus, Q. Quinctius Cincinnatus, C. Julius Iulus iterum, A. Manlius, L. Furius Medullinus tertium, M. Æmilius Mamercinus. Ab his primum circumfessi Veji sunt; sub cujus initium obsidionis quum Etruscorum concilium ad fanum Voltumnæ frequenter habitum esset, parum constitit, bellone publico gentis universæ tuendi Veientes essent. Ea oppugnatio segnior insequenti  
anno

anno fuit, parte tribunorum exercitusque ad Volscum  
 advocatū bellum. Tribunos militum consulari potesta-  
 te is annus habuit C. Valerium Potitum tertium, M.  
 Sergium Fidenatem, P. Cornelium Maluginensem, Cn.  
 Cornelium Cossium, K. Fabium Ambustum, Sp. Nau-  
 tium Rutilum iterum. Cum Volscis inter Ferentinum  
 atque Ecetram signis collatis dimicatum, Romanis se-  
 cunda fortuna pugne fuit. Artena inde, Volscorum  
 oppidum, ab tribunis obsideri coepta. inde inter eru-  
 ptionem tentatam, compulso in urbem hoste, occasio  
 data est Romanis irrumpendi. præterque arcem cetera  
 capta. in arcem munitam naturā globus armatorum  
 concessit. Infra arcem caeli captique multi mortales,  
 arx deinde obsidebatur: nec aut vi capi poterat, quia  
 pro spatio loci satis præsidii habebat; aut spem dabat  
 deditionis, omni publico frumento, priusquam urbs  
 caperetur, in arcem convector. tædioque recessum in-  
 de foret, si servus arcem Romanis prodidisset. ab eo  
 milites per locum arduum accepti cepere, à quibus  
 quum custodes trucidarentur, cetera multitudo, repen-  
 tino pavore oppressa, in deditionem venit. Diruta &  
 arce & urbe Artenā, reductæ legiones ex Volscis o-  
 mnibusque vis Romana Vejos conversa est. proditori,  
 præter libertatem, duarum familiarum bona in præmi-  
 um data. Servius Romanus vocatus. Sunt, qui Ar-  
 tenam Vejentium, non Volscorum, fuisse credent. Præ-  
 bet errorem, quod ejusdem nominis urbs inter Cære  
 atque Vejos fuit: sed eam reges Romani delevere,  
 Cæretumque, non Vejentium, fuerat. Altera hæc no-  
 mine eodem in Volco agro fuit, cujus excidium est  
 dictum.

## LIBER V.

## E P I T O M E.

II, &c. **I**N obsidione Vejorum hibernacula militibus facta sunt. ea res, quam esset nova, indignationem tribunorum plebis movit, quarentium non dari plebi nec per biemem militia requiem. VII. Equites tum primùm equis suis metra comperunt. XV. Quam inundatio ex lacu Albano facta esset, vates, qui eam rem interpretaretur, de hostibus captus est. XIX, XX, XXI. Furius Camillus dictator decem annos obsessos Vejos cepit: XXII. Simulacrum Junonis Romam transtulit: XXIII. Decimam partem praeda Delphos Apollini misit. XXVII. Idem tribunus militum, quam Faliscos obsideret, proditis hostium filios parentibus remisit: statimque deditione facta, Faliscorum victoriam justitiā consecutus est. XXXI. Quam aliter ex censoribus C. Julius decessisset, in locum ejus M. Cornelius successus est. nec id postea factum est: quoniam eo lustro à Gallis Roma capta est. XXXII. Furius Camillus, quam ei dies à L. Appulcio tribuno plebis dicta esset, in exilium abiit. XXXIII, &c. Quam Senones Galli Clusiam obsiderent, & legati, à senatu missi ad componendam inter eos & Clusinos pacem, perguantes contra Galles in acie Clusinorum stetissent; hoc facto eorum concitati Senones urbem infesta exercitu potterunt, XXXVIII, XXXIX, &c. fessisque ad Alliam flumen Romanis, cepere urbem, preter Capitolium, in quod se juvenes contulerat: XLI. Majores natu, cum insignibus honorum, quos quisque gesserat, in vestibulis adium sedentes, occiderunt. XLVII. Et quam per averfam partem Capitolii jam in summum evasissent, proditi clangore auctum, M. Manlii praecipua opera decessi sunt, XLVIII. Coactis deinde propter famem Romanis descendere, ut mille pondo auri darent, & hoc pretio finita obsidione mittant: XLIX. Furius Camillus,



lus, dictator absens creatus, inter pendendum aurum cum exercitu venit, & Gallos post sextum mensem urbe expulit, ceciditque. L. *Ædes Ajo* Locutio facta: quo loco ante urbem captam vox audita erat, adventare Gallos. Dictum est, ad Vejos migrandum esse propter incensam & dirutam urbem. LI, &c. Quod consilium Camillo auctore discussum est. LV. Movit populum vocis quoque omen ex centurione audita, qui, quum in forum venisset, manipulariis suis dixerat, Ita milites; hic optime manebimus.

I. **P**ACE alibi partâ, Romani Veji que in armis erant tantâ irâ odioque, ut victis finem adesse appareret. Comitia utriusque populi longè diversâ ratione facta sunt. Romani auxere tribunorum militum consulari potestate numerum. octo, quot nunquam antea, creati, M. Æmilius Mamercinus iterum, L. Valerius Potitus tertium, Ap. Claudius Crassus, M. Quintilius Varus, L. Julius Iulus, M. Postumius, M. Furius Camillus, M. Postumius Albinus. Vejentem contra tædiâ annuæ ambitionis, quæ interdum discordiarum causa erat, regem creavere. Offendit ea res populorum Etruriæ animos, non majore odio regni, quam ipsius regis: gravis jam is antea genti fuerat opibus superbiâque, quia solennia ludorum, quos intermitteri nefas est, violenter diremisset: quum ob hanc repulsa, quod suffragio duodecim populorum alius sacerdos ei prælatus esset, artifices, quorum magna pars ipsius servi erant, ex medio ludicro repente abduxit. Gens itaque, ante omnes alias eo magis dedita religionibus, quod excelleret arte colendi eas, auxilium Vejentibus negandum, donec sub rege essent, decrevit. cujus decreti suppressa fama est Vejis propter metum regis; qui, a quo tale quid dictum referretur, pro seditionis eum principe, non vani sermonis auctorem, habebat. Romanis etsi quietæ res ex Etruria nunciabantur, tamen, quia omnibus conciliis tam rem agitari viscebat,

tur, ita muniebant, ut ancipitia munimenta essent: alia in urbem & contra oppidanorum eruptiones versa: aliis frons in Etruriam spectans auxiliis, si qua forte inde venirent, obstruebatur.

II. Quum spes major imperatoribus Romanis in obsidione, quam in oppugnatione, esset; hibernacula etiam, res nova militi Romano, ædificari cœpta: conciliumque erat, hiemando continuare bellum. quod postquam tribunis plebis, jamdiu nullam novandi res causam invenientibus, Romam est allatum, in concionem profiliunt, sollicitant plebis animos, *Hoc illud esse dicentes, quod ara militibus sint constituta. nec se fessisse, id donum inimicorum veneno illitum fore. Venisse libertatem plebis: remotam in perpetuum & ablegatam ab urbe & ab republica juventutem, jam ne hiemi quidem aut temporis anni cedere, ac domos & res invadere suas. Quam putarent continuata militia causam esse? nullam profecto aliam inventuros, quam ne quid per frequentiam juvenum eorum, in quibus vires omnes plebis essent, agi de commodis eorum posset. Vexari præterea & subigi multo acrius, quam Vejentes. quippe illos hiemem sub tellis suis agere, egregiis maris situque naturali urbem tutantes: militem Romanum in opere ac labore, nivibus pruinisque obrutum, sub pellibus durare, ne hiemis quidem spatio, qua omnium bellorum terrâ marique sit quies, arma deponentem. Hoc neque reges, neque ante tribuniciam potestatem creatam superbos illos consules, neque tristre dictatoris imperium, neque importunos decemviros injunxisse servitutis, ut perennem militiam facerent, quod tribunum militum in plebe Romana regnum exercerent. Quidnam illi consules dictatoresve facturi essent, qui proconsularem imaginem tam favam ac truem fecerint? Sed id accidere baud immerito. non fuisse ne in octo quidem tribunis militum locum ulli plebcio. Antea tria loca cum contentione summa patricios explere solitas: nunc jam octojuges ad imperia obtinenda ire; & ne in turba quidem habere plebeium quemquam; qui, si nihil aliud, admoveat collegas; liberos, & cives eorum, non servos,*

servos, militare, quos hieme saltem in domis ac testis reduci oporteat : & aliquo tempore anni parentes liberosque ac conjuges invisere, & usurpare libertatem, & creare magistratus. Hæc, taliaque vociferantes adversarium haud imparem nacti sunt Ap. Claudium, relictum à collegis ad tribunicias seditiones comprimendas ; virum imbutum jam ab juvena certaminibus plebeiis : quem auctorem aliquot annis antè fuisse memoratum est, per collegarum intercessionem, tribunicie potestatis dissolvendæ.

III. Is tum jam, non promptus ingenio tantum, sed usu etiam exercitatus, talem orationem habuit : Si unquam dubitatum est, Quirites, utrum tribuni plebis vestra, an sua, causâ seditionum semper auctores fuerint, id ego hoc anno desisse dubitari certum habeo. & quum lætor, tandem longi erroris vobis finem factum esse, tum, quod secundis potissimum vestris rebus hic error est sublatus, & vobis, & propter vos reipublica gratus. An est quisquam, qui dubitet, nullis injuriis vestris, si qua fortè aliquando fuerunt, unquam æque, quàm numerare Patrum in plebem, quam era militantis constituta sunt, tribunos plebis offensos ac concitados esse ? quid illos aliud aut tum timuisse creditis, aut hodie turbare velle, nisi concordiam ordinum, quam dissolvenda maxime tribunicia potestatis rentur esse ? Sic, hercule, tanquam artifices improbi, opus quæruunt : qui & semper agri aliquid esse in republica volunt, ut sit, ad cujus curationem à vobis adhibeantur. Utrum enim defenditis, an impugnatis plebem ? utrum militantium adversarii estis, an causam agitis ? nisi forte hoc dicitis, Quicquid Patres faciunt, displicet ; sive illud pro plebe, sive contra plebem est. Et, quemadmodum servis suis vetant domini quicquam rei cum alienis hominibus esse, pariterque in iis beneficio ac maleficio abstinere æquum censent : sic vos interdicitis Patribus commercio plebis ; ne nos comitate ac magnificentia nostra provocemus plebem, nec plebs nobis dicto audiens atque obediens sit. Quanto tandem, si quicquam in vobis, non dico civilis, sed humani esset, favere vos magis, & quantum in vobis esset, indulgere potius comitati Patrum atque

que obsequia plebis oportuit? que si perpetua concordia sit, quis non spondere ausis, maximum hoc imperium inter finitimos brevi futurum esse?

IV. Atque ego, quàm hoc consilium collegarum meorum, quo abducere infectâ re à Vejis exercitum voluerunt, non utile solum, sed etiam necessarium fuerit, postea differam: nunc de ipsa conditione dicere militantium libet. Quam orationem, non apud vos solum, sed etiam in castris, si habeatur, ipso exercitu disceptante, equam arbitrar videri posse. in qua si mihi ipsi nihil, quod dicerem, in mentem venire posset, adversariorum ceteris orationibus contentus essem. Negabam nuper, danda esse ara militibus, quia nunquam data essent: quoniam modo igitur nunc indignari possunt, quibus aliquid novi adjecum commodi sit, eis laborem etiam novum pro portione iungi? nusquam nec opera sine emolumento, nec emolumentum ferme sine impensa operta est. labor voluptasque, dissimilitudo, natura, societas quondam inter se naturali sunt juncta. Molestè antea forebat miles, se suo sumptu operam republicæ præbere: gaudebat idem, partem anni se agrum suum colere, quærere, unde domi militiæque se ac suos duci posset. Gaudet nunc, fructus sibi republicam esse, et latus stipendium accipit. equo igitur animo patitur, se ab domo, ab re familiari, cui gravis impensa non est, paulo diutius abesse. At, si ad calculos cum republica vocet, non meritis dicat? annua æra habes, annuam operam edo. An tu æquum censet, militiæ semestri solidum te stipendium accipere? Invitus de hac parte orationis, Quirites, mutor: sic enim agere debent, qui mercenario milite utuntur. at nos tanquam cum civibus agere volumus: agique tanquam cum patria nobiscum æquum censemus. Aut non suscipi bellum oportuit; aut gerit pro dignitate populi Romani, et perfici quàm primum oportet. Perficietur autem, si urgemus obsessos: si non ante abscedimus, quàm spei nostræ finem captis Vejis imposuerimus. Si, Hercules, nulla alia causa, ipsa indignitas perseverantiam imponere debuit. Decem quondam annos urbs oppugnata est ob unam mulierem ab universa Græcia: quàm procul ab domo?

quod

quot terras, quot maria distans? nos intra viceſimum lapidem, in conſpectu propè urbis noſtræ, annuam oppugnationem perſerre piget: ſcilicet, quia levis cauſa belli eſt, nec ſatis quidquam juſti doloris eſt, quod nos ad perſeverandum ſtimulet. Septios rebellârunt, in pace nunquam fida fuerunt: agros noſtros millies depopulati ſunt: Fidenates deficere à nobis cœgerunt: colonos noſtros ibi interfecerunt: auctores fuere contra jus gentium cadis impia legatorum noſtrorum: Etruriam omnem adverſus nos concitare voluerunt, bodieque id moliantur: res repetentes legatos noſtros, haud procut aſuit, quin violarent.

V. Cum his molliter & per dilationes bellum geri oportet? ſi nos tam juſtum odium nihil movet, ne illa quidem, oro vos, movent? Operibus ingentibus ſepta urbs eſt, quibus intra muros cœrceatur hoſtis. agrum non colunt, & culta evaſtata ſunt bello. Si reducimus exercitum, quis eſt, qui habitet, illos, non à cupiditate ſolam alcifcendi, ſed etiam neceſſitate impoſita ex alieno prædandi, quum ſua amiſerint, agrum noſtrum invaſuros? non differimus igitur bellum iſto conſilio, ſed intra fines noſtros accipimus. Quid? illud, quod propriè ad milites pertinet, quibus boni tribuni plebis quum ſtipendium extorquere voluerint, nunc conſultum repente volunt, quale eſt? Vallum ſoſſamque, ingentis atramque rem operis, per tantum ſpatium duxerunt: caſtella primò pauca, poſtea, exercitu aucto, creberrima fecerunt: munitiones non in urbem modo, ſed in Etruriam etiam ſpectantes, ſi qua inde auxilia veniant, oppoſuere. Quid turres, quid vineas teſtudinesque & alium oppugandarum urbium apparatus loquar? quum tantum laboris exhaustum ſit, & ad finem jam operis tandem perventum; relinquendane hæc cenſetis, ut ad æſtatam rursus novus de integro his inſtituendis exſudetur labor? quanto eſt minus opera turri facta, & inſtare, & perſeverare, deſungique curâ? Brevis enim proſectò res eſt, ſi uno tenore peragitur, nec ipſi per intermiſſiones hæc intervallaque lentioſam ſpem noſtram facimus. loquor de opere, & de temporis poſtura. Quid? periculi, quod differendo bello adimus, num. obliviſci nos hæc tam crebra Etruriæ conſilia de mittendis Veſas auxiliis patiuntur?

Ut

Ut nunc res se habet, irati sunt, oderunt, negant missuros: quantum in illis est, capere Vejos licet. quis est, qui spondeat, eundem, si differtur bellum; animum postea fore? quam, si laxamentum dederis, major frequentiorque legatio itura sit: quum id, quod nunc offendis Etruscos, rex creatus Vejis, spatio interposito mutari possit, vel consensu civitatis, ut eo reconcilient Etruria animos, vel ipsius voluntate regis, qui obstare regnum suum saluti civium nolit. Videte, quot res, quam inutiles, sequantur illam viam consilii: jactura operum tanto labore factorum, vastatio imminens finium nostrorum, Etruscum bellum pro Vejente concitatum. Hæc sunt, tribuni, consilia vestra, non, hercule, dissimilia, ac si quis egro, qui, curari se fortiter passus, ex templo convalescere possit, cibi gratia presentis aut potionis longinquum & forsitan insanabilem morbum efficiat.

VI. Si, me Dius Fidius, ad hoc bellum nihil pertineret, ad disciplinam certe militia plurimum intererat, insuescere militem nostrum, non solum paratâ victoriâ frui; sed, si res etiam lentior sit, pati tadium, & quamvis sera spei exitum expectare; & si non sit æstate perfectum bellum, hiemem opperiri; nec, sicut æstivas aves, statim autumnio tella ac recessum circumspicere. Obsecro vos, venandi studium ac voluptas homines per nives ac pruinas in montes silvasque rapit; belli necessitatibus eam patientiam non adhibebimus, quam vel lusus ac voluptas elicere solet? Adeone effeminata corpora militum nostrorum esse putamus, adeo molles animos, ut hiemem unam durare in castris, abesse ab domo non possint? ut, tanquam navale bellum, tempestatibus captandis & observando tempore anni, gerant, non æstus, non frigora pati possint? Erubescant profecto, si quis eis hæc objiciat; contendantque, & animis & corporibus suis virilem patientiam inesse, & se juxta hieme atque æstate bella gerere posse: nec se patrociniū mollitia inertieque mandasse tribunis, & meminisse, hanc ipsam potestatem non in umbrâ nec in tectis majores suos creasse. Hæc virtute militum vestrorum, hæc Romano nomine sunt digna; non Vejos tantum, nec hoc bellum intueri, quod instat; sed famam

nam & ad alia bella & ad ceteros populos in posteram quere-  
re. An mediocre discrimen opinionis secuturam ex hac re pu-  
tatis? utrum tandem finitimi populum Romanum cum esse pu-  
tent, cujus si qua urbs primum illum brevissimi temporis susti-  
nuerit impetum, nihil deinde timeat? an hic sit terror nominis  
nostri, ut exercitum Romanum non tedium longinqua oppugna-  
tionis, non vis biennis ab urbe circumfessa semel amovere pos-  
sit, nec finem ullum aliam bellum, quam victoriam, noverit;  
nec impetu potius bella, quam perseverantia, gerat? quae in  
omni quidem genere militia, maxime tamen in obsidendis urbi-  
bus, necessaria est; quarum plerasque, munitionibus ac natu-  
rali situ inexpugnabiles, fame sitique tempus ipsum vincit atque  
expugnat: sicut Vejos expugnavit; nisi auxilio hostibus tribuni  
plebis fuerint, & Roma invenerint praesidia Vejentes, quae ne-  
quicquam in Etruria quaerunt. An est quicquam, quod Vejen-  
tibus optatum aequè contingere possit, quam ut seditionibus pri-  
mum urbs Romana, deinde velut ex contagione castra implean-  
tur? At, hercule, apud hostes tanta modestia est, ut non  
obsidionis tadio, non denique regni, quicquam apud eos nova-  
tum sit; non negata auxilia ab Etruscis irritaverint animos.  
moriatur enim extemplo, quicumque erit seditionis auctor. nec  
cuiquam dicere ea licebit, quae apud vos impune dicuntur. Fu-  
stuarium meretur, qui signa relinquit, aut praesidio decedit. Au-  
ctores signa relinquendi, & deserendi castra, non uni aut alteri  
militi, sed universis exercitibus, palam in concione audiuntur.  
adeo quicquid tribunus plebi loquitur, etsi prodenda patriae dis-  
solvendaque reipublica est, assuescitis equi audire; & ductuine  
potestatis ejus capiti, qualibet sub ea scelera latere finitii. Re-  
liquum est, ut, quae hic vociferantur, eadem in castris & apud  
milites agant, & exercitus corrumpan, ducibusque parere non  
patiantur: quoniam ea demum Roma libertas est, non sena-  
tum, non magistratus, non leges, non mores majorum, non in-  
stituta patrum, non disciplinam veteri militia.

VII. Par jam etiam in concionibus erat Appius tri-  
bunus plebis; quum subito, unde minime quis crederet,  
accepta calamitas apud Vejos & superiorem Apulum  
in

in causa, & concordiam ordinum maiorem ardoremque ad obsidendos pertinacius Vejos fecit. Nam quum agger promotus ad urbem, vineæque tantum non jam injunctæ mœnibus essent, dum opera interdū fiunt intentius, quàm nocte custodiuntur, patefactâ repente portâ, ingens multitudo, facibus maximè armata, ignes conjecit: horæque momento simul aggerem ac vineas, tam longi temporis opus, incendium hausit: multique ibi mortales nequiequam opem ferentes, ferro ignique absumpti sunt. Quod ubi Romam est nunciatum, mœstitiam omnibus, senatui curam metumque iniecit, ne tum verò sustineri nec in urbe seditio, nec in castris posset, & tribuni plebis velut ab se victæ reipublicæ insultarent: quum repente, quibus census equester erat, equi publici non erant assignati, consilio prius inter sese habito, senatum adeunt; factâque dicendi potestate, *equis se suis stipendia facturos* promittunt. Quibus quum amplissimis verbis gratiæ ab senatu actæ essent, fama que ea forum atque urbem pervasisset, subito ad curiam concursus fit plebis. *Pedestris ordinis se, aiunt, nunc esse, operamque reipublica extra ordinem polliceri, seu Vejos, seu quod aliud ducere velint. si Vejos ducti sint, negant, se inde prius, quàm captâ urbe hostium, redituros esse.* Tum verò jam superfundenti se lætitiæ vix temperatum est. non enim, sicut equites, dato magistratibus negotio, laudari iussi; neque aut in curiam vocati, quibus responsum daretur, aut limine curiæ continebatur senatus: sed pro se quisque ex superiore loco ad multitudinem, in comitio stantem, voce manibusque significare publicam lætitiā. Beatam urbem Romanam, & invictam, & æternam illā concordia dicere: laudare equites, laudare plebem, diem ipsum laudibus ferre: victam esse fateri comitatem benignitatemque senatus. Certatim Patribus plebique manare gaudio lacrimæ; donec, revocatis in curiam Patribus, senatusconsultum factum est, *Ut tribuni militares, concili-*



one advocatâ, peditibus equitibusque gratias agerent : memorem pietatis eorum erga patriam dicerent senatum fore. placere autem, omnibus his voluntariam extra ordinem professis militiam ara procedere. & equiti certus numerus æris est assignatus. Tum primum equis merere equites cœperunt. Voluntarius ductus exercitus Vejos non amissa modò restituit opera, sed nova etiam instituit. ab urbe commeatus intentiore, quàm antea, subvehi curâ; ne quid tam bene merito exercitui ad usum deesset.

VIII. Insequens annus tribunos militum consulari potestate habuit C. Servilium Ahalam tertium, Q. Servilium, L. Virginium, Q. Sulpicium, A. Manlium iterum, M. Sergium iterum. his tribunis, dum cura omnium in Vejens bellum intenta est, neglectum Anxuri præsidium vacationibus militum, & Volscos mercatores vulgò receptando, proditis repentè portarum custodibus, oppressum est. minus militum periit, quia præter ægros lixarum in modum omnes per agros vicinasque urbes negociabantur. Nec Vejis meliùs gestares, quod tum caput omnium curarum publicarum erat. nam & duces Romani plus inter se irarum, quàm adversus hostes animi, habuerunt : & auctum est bellum adventu repentino Capenatium atque Faliscorum. Hi duo Etruriæ populi, quia proximi regione erant, devictis Vejis, bello quoque Romano se proximos fore credentes ; Falisci propriâ etiam causâ infesti, quòd Fidenati bello se jam antea immiscuerant, per legatos ultrò citròque missos jurejurando inter se obligati, cum exercitibus necopinatò ad Vejos accessere. Fortè eâ regione, quâ M. Sergius tribunus militum præerat, castra adorti sunt, ingentemque terrorem intulere; quia Etruriam omnem excitam sedibus magnâ mole adesse Romani crediderant. eadem opinio Vejentes in urbe concitavit. Ita ancipiti prælio castra Romana oppugnabantur; concursantesque, quum huc atque illuc signa transferrent, nec Vejentem satis cohibere intra

tra munitiones, nec suis munimentis arcere vim, ac tueri se ab exteriori poterant hoste. una spes erat, si ex majoribus castris subveniretur, ut diversæ legiones, aliæ adversus Capenatem ac Faliscum, aliæ contra eruptionem oppidanorum pugnarent. Sed castris præerat Virginius, privatim Sergio invisus infestusque, is, quum pleraque castella oppugnata, superatas munitiones, utrinque invehi hostem nunciaretur, in armis milites tenuit: si opus foret auxilio, collegam dictitans ad se missurum. Hujus arrogantiam pertinacia alterius æquabat; qui, ne quam opem ab inimico videretur petisse, vinci ab hoste, quàm vincere per civem, maluit. Diu in medio cæsi milites; postremò, desertis munitionibus, perpauci in majora castra, pars maxima atque ipse Sergius Romam pertenderunt. ubi quum omnem culpam in collegam inclinaret, acciri Virginium ex castris, interea præesse legatos placuit. Acta deinde in senatu res est, certatumque inter collegas maledictis: pauci reipublicæ, huic atque illi, ut quosque studium privatim aut gratia occupaverunt, adfunt.

IX. Primores Patrum, sive culpâ sive infelicitate imperatorum tam ignominiosa clades accepta esset, censuere, *Non expectandum justum tempus comitiorum, sed extemplo novos tribunos militum creandos esse, qui Kalendis Octobribus magistratum occiperent.* In quam sententiam quum pedibus iretur, ceteri tribuni militum nihil contradicere. at enimvero Sergius Virginiusque, propter quos poenitere magistratum ejus anni senatum apparebat, primò deprecari ignominiam, deinde intercedere senatusconsulto: negare, se ante Idus Decembres, solennem ineundis magistratibus diem, honore abituros esse. Inter hæc tribuni plebis, quum in concordia hominum secundisque rebus civitatis inviti silentium tenuissent, feroces repentè minari tribunis militum, nisi in auctoritate senatûs essent, se in vincula eos duci jussuros esse. Tum C. Servilius Ahala tribunus militum: *Quod*

N

ad

*ad vos attinet, tribuni plebis, minasque vestras, ne ego liber-  
ter experirer, quam non plus in his juris, quam in vobis ani-  
mâ, esset. Sed nefas est tendere adversus auctoritatem sena-  
tus. proinde et vos desinite inter nostra certamina locum inju-  
ria querere: et collega aut facient, quod censet senatus, aut,  
si pertinacius tendent, dictatorem exemplo dicam, qui eos ab-  
ire magistratu cogat. Quam omnium assensu comproba-  
ta oratio esset, gauderentque Patres, sine tribuniciæ  
potestatis terribulis inventam esse aliam vim majorem  
ad coercendos magistratus; victi consensu omnium co-  
micia tribunorum militum habuere, qui Kalendis Oc-  
tobribus magistratum occiperent: seque ante eam di-  
em magistratu abdicavere.*

X. L. Valerio Potito quartum, M. Furio Camillo  
iterum, M. Emilio Mamercino tertium, Cn. Corne-  
lio Cossio iterum, K. Fabio Ambusto, L. Julio Iulo,  
tribunis militum consulari potestate, multa domi mili-  
tizque gesta. nam & bellum multiplex fuit eodem  
tempore, ad Vejos, & ad Capenam, & ad Falerios, &  
in Volscis, ut Anxur ab hostibus recuperaretur: &  
Romæ simul delectu, simul tributo conferendo, labo-  
raturum est: & de tribunis plebei cooptandis contentio  
fuit: & haud parvum motum duo judicia eorum, qui  
paulo antè consulari potestate fuerant, excivere. O-  
mnium primum tribunis militum fuit, delectum habe-  
ri; nec juniores modò conscripti, sed seniores etiam  
coacti nomina dare, ut urbis custodiam agerent. Quan-  
tum autem augebatur militum numerus, tanto majore  
pecuniâ in stipendium opus erat: eaque tributo confe-  
rebatur, invitis conferentibus, qui domi remanebant,  
quia tuentibus urbem operâ quoque militari laboran-  
dum, serviendumque reipublicæ erat. Hæc per se gra-  
via, indigniora ut viderentur, tribuni plebis seditiosis  
concionibus faciebant; ideo era militibus constituta esse ar-  
guendo, ut plebis partem militiâ, partem tributo conficerent.  
*Unum bellum annum jam tertium trahi, et consilio male geri,*  
ut

ut diutius gerant. in quatuor deinde bella uno delectu exercitus scriptos, & pueros quoque ac senes extractos. Jam non æstatis nec hiemis discrimen esse, ne ulla quies unquam misera plebi sit: qua nunc etiam vestigialis ad ultimum facta sit; ut, quum confecta labore, vulneribus, postremo etate corpora retulerint, incultaque omnia diutino dominorum desiderio domi invenerint, tributum ex affecta re familiari pendant; araque militaria, velut sænore accepta, multiplicia reipublica reddant. Inter delectum tributumque, & occupatos animos majorum rerum curis, comitiis tribunorum plebis numerus expleri nequit. Pugnatum inde, in loca vacua ut patricii cooptarentur. postquam obtineri non poterat, tamen labefactandæ legis Treboniæ causâ effectum est, ut cooptarentur tribuni plebis C. Lacerius & M. Acutius, haud dubiè patriciorum opibus.

XI. Fors ita tulit, ut eo anno tribunus plebis Cn. Trebonius esset, qui nomini ac familiæ debitum præstare videretur Treboniæ legis patrociniū. is, quod petissent Patres quidam, primo incepto repulsi, tamen tribunos militum expugnasse, vociferans, legem Treboniam sublatam, & cooptatos tribunos plebis non suffragiis populi, sed imperio patriciorum; & eò revolvī rem, ut aut patricii, aut patriciorum affectu habendi tribuni plebis sint: eripi sacratas leges, extorqueri tribuniciam potestatem: id fraude patriciorum, scelere ac proditione collegarum factum arguere. Quum arderent invidia, non Patres modò, sed etiam tribuni plebis, cooptati pariter, & qui cooptaverant; tum ex collegio tres, P. Curatius, M. Metilius, & M. Minucius, trepidi rerum suarum, in Sergium Virginiumque, prioris anni tribunos militares, incurrunt: in eos ab se iram plebis invidiamque, die dictâ, avertunt. Quibus delectus, quibus tributum, quibus diutina militia longinquitasque belli sit gravis, qui clade acceptâ ad Vejos doleant, qui amissis liberis, fratribus, propinquis, affinis, lugubres domos habeant; iis publici privatique doloris exsequendi jus potestatemque ex duobus noxiis capitibus datam ab se, memorant.

rant. Omnium namque malorum in Sergio Virginioque causas esse: nec id accusatorem magis arguere, quam fateri reos: qui, noxii ambo, alter in alterum causam conferant, fugam Sergii Virginii, Sergius prodicionem increpans Virginii. Quorum adeo incredibilem amentiam fuisse, ut multo verifimilius sit, compacto eam rem & communi fraude patriciorum actam. Ab his & prius datum locum Vejentibus ad incendenda opera, belli trabendi causâ; & nunc proditum exercitum, traditâ Faliscis Romana castra. Omnia fieri, ut consenescat ad Vejos juvenus: nec de agris, nec de aliis commodis plebis ferre ad populum tribuni, frequentiaque urbanâ celebrare actiones, & resistere conspirationi patriciorum possint. Prajudicium jam de reis & ab senatu, & ab populo Romano, & ab ipsorum collegis factum esse. nam & senatusconsulto eos ab republica remotos esse, & recusantes abdicare se magistratu, dictatoris metu ab collegis coërcitos esse: & populum Romanum tribunos credisse, qui non Idibus Decembribus die solenni, sed extemplo Kalendis Octobribus magistratum occiperent, quia stare diutius de republica, his manentibus in magistratu, non posset. Et tamen eos, tot judiciis confossos prædamnatosque, venire ad populi iudicium; & existimare, defunctos se esse, satisque pœnarum dedisse, quod duobus mensibus citius privati facti sint: neque intelligere, nocendi sibi diutius tum potestatem ereptam esse, non pœnam irrogatam; quippe & collegis abrogatum imperium, qui certè nihil deliquissent. Illos repeterent animos Quirites, quos recenti clade acceptâ habuissent, quum fugâ trepidum, plenum vulnery ac pavore incidentem portis exercitum viderint, non fortunam aut quemquam Deorum, sed hos duces accusantem. Pro certo se habere, neminem in concione stare, qui illo die non caput, domum, fortunamque L. Virginii ac M. Sergii sit exsecratus detestatusque. Minimè convenire, quibus iratos quisque Deos precatus sit, in iis suâ potestate, quum liceat & oporteat, non uti. Nunquam Deos ipsos admoovere innocentibus manus. satis esse, si occasione ulciscendi lesos arment.

XII. His orationibus incitata plebs denis millibus  
aeris

æris gravis reos condemnat, nequicquam Sergio Martem communem belli fortunamque accusante, Virgino deprecante, ne infelicior domi, quàm militiæ, esset. In hos versa ira populi cooptationis tribunorum fraudisque, contra legem Treboniam factæ, memoriæ am obscuram fecit. Victores tribuni, ut præsentem mercedem judicii plebes haberet, legem agrariam promulgant, tributumque conferri prohibent: quum tot exercitibus stipendio opus esset, resque militiæ ita prosperè gererentur, ut nullo bello veniretur ad exitum spei. namque Vejis castra, quæ amissa erant, recuperata castellis præsidiiisque firmantur. Præerant tribuni militum M. Æmilius & K. Fabius. M. Furio in Faliscis, & Cn. Cornelio in Capenate agro hostes nulli extra mœnia inventi: prædæ actæ, incendiisque villarum ac frugum vastati fines: oppida oppugnata, nec obseffa sunt. At in Volscis, depopulato agro, Anxur nequicquam oppugnatum, loco alto situm; &, postquam vis irrita erat, vallo fossæque obsideri cœptum. Valerio Potito Volsci provincia evenerat. Hæc statu militarium rerum, seditio intestina majore mole coorta, quàm bella tractabantur. &, quum tributum conferri per tribunos non posset, nec stipendium imperatoribus mitteretur, æraque militaria flagitaret miles, haud procul erat, quin castra quoque urbanæ seditionis contagione turbarentur. Inter has iras plebis in Patres, quum tribuni plebis nunc illud tempus esse dicerent stabilien-  
dæ libertatis, & ab Sergiis Virginiisque ad plebeios viros fortes ac strenuos transferendi summi honoris; non tamen ultrà processum est, quàm ut unus ex plebe, usurpandi juris causâ, P. Licinius Calvus tribunus militum consulari potestate crearetur: ceteri patricii creati P. Mænius, L. Titinius, P. Mælius, L. Furius Medullinus, L. Publilius Volscus. Ipsa plebes mirabatur, se tantam rem obtinuisse; non is modò, qui creatus erat, vir nullis antè honoribus usus, vetus tantum sena-

tor, & ætate jam gravis. Nec satis constat, cur primus ac potissimus ad novum delibandum honorem sit habitus. Alii Cn. Cornelii fratris, qui tribunus militum priore anno fuerat, triplexque stipendium equitibus dederat, gratiâ extractum ad tantum honorem credunt. alii orationem ipsum tempestivam de concordia ordinum, Patribus plebique gratam, habuisse. Hac victoriâ comitiorum exsultantes tribuni plebis, quod maximè rempublicam impediēbat, de tributo remiserunt. collatum obedienter, missumque ad exercitum est.

XIII. Anxur in Volscis brevi receptum est, neglectis die festo custodiis urbis. Insignis annus hieme gelida ac nivosa fuit, adeo ut viæ clausæ, Tiberis innavigabilis fuerit. annona ex antè convecta copia nihil mutavit. Et quia P. Licinius, ut ceperat haud tumultuose magistratum, majore gaudio plebis, quàm indignatione Patrum, ita etiam gessit; dulcedo invasit proximis comitiis tribunorum militum plebeios creandi. Unus M. Veturius ex patriciis candidatis locum tenuit: plebeios alios tribunos militum consulari potestate omnes ferè centuriæ dixerunt, M. Pomponium, C. Duillium, Volteronem Publiliū, Cn. Genucium, L. Attilium. Tristem hiemem, sive ex intemperie cœli, rapidi mutatione in contrarium facta, sive alia qua de causa, gravis pestilensque omnibus animalibus ætas excepit. cujus insanabili perniciē quando nec causa nec finis inveniebatur, libri Sibyllini ex senatusconsulto aditi sunt. Duumviri sacris faciundis, lectisternio tumo primū in urbe Romanā facto, per dies octo Apollinem, Latonamque & Dianam, Herculem, Mercurium atque Neptunum tribus, quāvis amplissimè tum apparatus fieri poterat, stratis lectis placaverunt. Privatum quoque id sacrum celebratum est. totā urbe patentibus januis, promiscuoque usu rerum omnium in propatulo posito, notos ignotosque passim advenas in hospitium ductos serunt;

ferunt; & cum inimicis quoque benignè ac comiter sermones habitos, jurgiis ac litibus temperatum; vinctis quoque dempta in eos dies vincula; religioni deinde fuisse, quibus eam opem Dii tulissent, vinciri. Interim ad Vejos terror multiplex fuit; tribus in unum bellis collatis. namque eodem, quo antea, modo circa munimenta, quum repentè Capenates Faliscique subsidio venissent, adversus tres exercitus ancipiti prælio pugnatum est. Ante omnia adjuvit memoria damnationis Sergii ac Virginii. itaque majoribus castris, unde antea cessatum fuerat, brevi spatio circumductæ copiæ Capenates, in vallum Romanum versos, ab tergo aggrediuntur. Inde pugna cœpta & Faliscis intulit terrorem, trepidantesque eruptio ex castris opportunè facta avertit. repulso deinde insecuti victores ingentem ediderunt cædem. Nec ita multo post jam palantes, veluti fortè oblatis, populatores Capenatis agri reliquias pugnae absumpsere: & Vejentium refugientes in urbem multi ante portas cæsi, dum præ metu, ne simul Romanus irrumperet, objectis foribus extremos suorum excludere.

XIV. Hæc eo anno acta. Et jam comitiâ tribunorum militum aderant, quorum propè major Patribus, quàm belli, cura erat; quippe non communicatum modò cum plebe, sed propè amissum, cernentibus summum imperium. Itaque clarissimè viris ex composito præparatis ad petendum, quos prætereundi verècundiam crederent fore, nihilominus ipsi, perinde ac si omnes candidati essent, cuncta experientes, non homines modò, sed Deos etiam, excipiebant; in religionem vertentes comitiâ biennis habita: priore anno intolerandam hiemem prodigiisque divinis similem coortam: proximo non prodigia, sed jam eventus, pestilentiam agris urbiq; illatam haud dubiâ irâ Deum: quos pestis ejus arcendæ causâ placandos esse, in libris fatalibus inventum sit. Comitiiis, auspiciatò quæ fierent,



rent, indignum Diis visum honores vulgari, discriminaque gentium confundi. Præterquam majestate potentium, religione etiam attoniti homines patricios omnes, partem magnam honoratissimum quemque, tribunos militum consulari potestate creavere, L. Valerium Potitum quintum, M. Valerium Maximum, M. Furium Camillum tertium, L. Furium Medullinum tertium, Q. Servilium Fidenatem iterum, Q. Sulpicium Camerinum iterum. His tribunis ad Vejos nihil admodum memorabile actum est. tota vis in populationibus fuit. Duo summi imperatores, Potitus à Falcriis, Camillus à Capena, prædas ingentes egere, nullâ incolumi relicta re, cui ferro aut igni noceri posset.

XV. Prodigia interim multa nunciari; quorum pleraque, & quia singuli auctores erant, parum credita spectaque, & quia, hostibus Etruscis, per quos ea procurarent, aruspices non erant. in unum omnium curæ versæ sunt, quod lacus in Albano nemore sine ullis coelestibus aquis, causave qua alia, quæ rem miraculo eximeret, in altitudinem insolitam crevit. Quidnam eo Dii portenderent prodigio, missi sciscitatum oratores ad Delphicum oraculum: sed propior interpret factis oblatus senior quidam Vejens, qui, inter cavillantes in stationibus ac custodiis milites Romanos Etruscoque, vaticinantis in modum cecinit, *Præquam ex lacu Albano aqua emissæ foret, nunquam potiturum Vejis Romanum.* Quod primò, velut temere jactum, sperni, agitari deinde sermonibus coëptum est; donec unus ex statione Romana percunctatus proximum oppidanorum, (jam per longinquitatem belli commercio sermonum facto) quisnam is esset, qui per ambages de lacu Albano jaceret? postquam audivit aruspicem esse, vir haud intacti religione animi, causatus de privati portenti præcuratione, si operæ illi esset, consulere velle, ad colloquium vatem elicit. Quumque progressi ambo à suis longius essent inermes, sine ullo metu; prævalens juvenis

Juvenis Romanus senem infirmum, in conspectu omnium raptum, nequicquam tumultuantibus Etruscis, ad suos transtulit. qui quum perductus ad imperatorem, inde Romam ad senatum missus esset, sciscitantibus, quidnam id esset, quod de lacu Albano docuisset, respondit: *Profecto iratos Deos Vejenti populo illo fuisse die, quo sibi eam mentem objecissent, ut excidium patrie fatale proderet. itaque, que tum cecinerit divino spiritu instinctus, ea se nec, ut indicta sint, revocare posse; & tacendo forsitan, que Dii immortales vulgari velint, haud minus, quam celanda effando, nefas contrahi. Sic igitur libris fatalibus, sic disciplinâ Etruscâ traditum esse, ut quando aqua Albana abundasset, tum, si eam Romanus ritè emisisset, victoriam de Vejentibus dari. antequam id fiat, Deos mœnia Vejentium deserturos non esse.* Exsequebatur inde, quæ solennis derivatio esset. Sed auctorem levem, nec satis fidum super tanta re Patres ratî, decrevere, legatos sortesque oraculi Pythici expectandas.

XVI. Priusquam à Delphis oratores redirent, Albanive prodigii piacula invenirentur, novi tribuni militum consulari potestate, L. Julius Julus, L. Furius Medullinus quartum, L. Sergius Fidenas, A. Postumius Regillensis, P. Cornelius Maluginensis, A. Manlius, magistratum interunt. Eo anno Tarquinienfes novi hostes exorti. quia simul multis bellis, Volscorum ad Anxur, ubi præsidium obsidebatur, Æquorum ad Lavicos, qui Romanam ibi coloniam oppugnabant, ad hoc Vejenti quoque & Falisco & Capenati bello occupatos videbant Romanos, nec intra muros quietiora negotia esse certaminibus Patrum ac plebis; inter hæc locum injuriæ rati esse, prædatum in agrum Romanum cohortes expeditas mittunt. aut enim passuros inultam eam injuriam Romanos, ne novo bello se onerarent: aut exiguo, eoque parum valido, exercitu persecuturos. Romanis indignitas major quàm cura, populationis Tarquinienfium fuit. eo nec magno conatu sus-

cepta, nec in longum dilata res est. A. Postumius & L. Julius non justo defectu, (etenim ab tribunis plebis impediabantur) sed propè voluntariorum, quos adhortando incitaverant, coactâ manu, per agrum Cæretum obliquis tramitibus egressi, redeuntès à populationibus gravesque prædâ Tarquinienses oppressere. multos mortales obtruncant, omnes exuunt impedimentis; & receptis agorum suorum spoliis, Romam revertuntur. Biduum ad recognoscendas res datum dominis: tertio incognita (erant autem ea pleraque hostium ipsorum) sub hastâ venièrè: quodque inde redactum, militibus est divisum. Cetera bellâ, maximèque Vejens, incerti exitus erant. Jamque Romani, desperatâ ope humana, fata & Deos spectabant, quum legati ab Delphis venerunt, sortem oraculi afferentes, congruentem responso captivi vatis. *Romane, aquam Albanam cave lacu contineri, cave in mare manare suo flumine sinas. emissam per agros rigabis, dissipatamque rivis exstingues. Tum tu insiste audax hostium muris; memor, quam per tot annos obsides urbem, ex ea tibi his, quæ nunc panduntur, satis victoriam datam. Bello perfectò, donum amplum victor ad mea templa portato: sacraque patria, quorum omiſsa cura est, instaurata, ut aſſolet, facito.*

XVII. Ingens inde haberi captivus vates cœptus, eumque adhibere tribuni militum Cornelius Postumiusque ad prodigiû Albani procuracionem ac Deos ritè placandos cœpere. Inventumque tandem est, ubi neglectas ceremonias intermissumve solenne Dii arguerent; nihil profectò aliud esse, quàm magistratus, vitia creatos, Latinas sacrumque in Albano monte non ritè concepisse. Unam expiationem eorum esse, ut tribuni militum abdicarent se magistratu, auspicia de integro repeterentur, & interregnum iniretur. Ea ita facta sunt ex senatusconsulto. Interreges tres deinceps fuisse, L. Valerius, Q. Servilius Fidenas, M. Furius Camillus. Nunquam desitum interim turbari, comitia interpet-

terpellantibus tribunis plebis, donec convenisset prius, ut major pars tribunorum militum ex plebe crearetur. Quæ dum aguntur, concilia Etruriæ ad fanum Voltumnæ habita, postulantibusque Capenatibus ac Faliscis, ut Vejos communi animo consilioque omnes Etruriæ populi ex obsidione eriperent, responsum est: antea se id Vejentibus negasse, quæ, unde consilium non petissent super tanta re, auxilium petere non deberent. nunc jam pro se fortunam suam illis negare; maxime in ea parte Etruriæ. Gentem invisitatam, novos accolas Gallos esse, cum quibus nec pax satis fida, nec bellum pro certo sit: sanguini tamen nominis quo & presentibus periculis consanguineorum id dari, ut, si qui juventutis sue voluntate ad id bellum eant, non impediant. Eum magnum advenisse hostium numerum, fama Romæ erat. eoque mitescere discordiæ intestinæ metû communi, ut sit, coeptæ.

XVIII. Haud invitis Patribus P. Licinium Calvum prærogativa tribunum militum non petentem creant, moderationis expertæ in priore magistratu virum, ceterum jam tum exactæ ætatis: omnesque deinceps ex collegio ejusdem anni refici apparebat, L. Titinium, P. Mænium, P. Mælium, Cn. Genucium, L. Atilium: qui priusquam renunciarentur, jure vocatis tribubus permissu interregis P. Licinius Calvus ita verba fecit: Omen concordie, Quirites, rei maxime in hoc tempus utili, memoria nostri magistratus vos his comitiis petere in insequentem annum video. Si collegas eosdem reficitis, etiam usum meliores factos, me jam non eundem, sed umbram nomenque P. Licinii relictum videtis: vires corporis affectæ, sensus oculorum atque aurium hebetes, memoria labat, vigor animi obtusus. Ea vobis, inquit, juvenem, filium tenens, effigiem atque imaginem ejus, quem vos antea tribunum militum ex plebe primum fecistis. Hunc ego, institutum disciplinæ meæ, vicarium pro me reipublica do dicoque. Vosque quæso, Quirites, delatum mihi ultro honorem huic petenti, meisque pro eo adjectis precibus, mandetis. Datum id petenti patri; filiusque

filiusque ejus P. Licinius tribunus militum consulari potestate cum iis, quos supra scripsimus, declaratus. Titinius Genuciusque tribuni militum, profecti adversus Faliscos Capenatesque, dum bellum majore animo gerunt, quam consilio, præcipitavere in insidias. Genucius, morte honesta temeritatem luens, ante signa inter primores cecidit. Titinius, in editum tumultum ex multa trepidatione militibus collectis, aciem restituit; nec se tamen a quo loco hosti commisit. Plus ignominie erat, quam cladis, acceptum; quæ propè in eladem ingentem vertit; tantum inde terroris non Romæ modò, quò multiplex fama pervenerat, sed in castris quoque fuit ad Vejos. Ægrè ibi miles retentus à fuga est, quum pervasisset castra rumor, ducibus exercitusque cæso, victorem Capenatem ac Faliscum Etrurizque omnem juventutem haud procul inde abesse. His tumultuosiora Romæ, jam castra ad Vejos oppugnari, jam partem hostium tendere ad urbem agmine infesto, crediderant: concursumque in muros est, & matronarum, quas ex domo conciverat publicus pavor, obsecrationes in templis factæ: precibusque ab Diis petita, ut exitum ab urbis testis templisque ac moenibus Romanis arcerent, Vejosque cum averterent terrorem, si sacra renovata ritè, si procurata prodigia essent.

XIX. Jam ludæ Latinæque instauratæ erant: jam ex lacu Albano aqua emissâ in agros, Vejosque fata appetebant. Igitur, fatalis dux ad excidium illius urbis servandæque patriæ, M. Furius Camillus dictator dictus magistrum equitum P. Cornelium Scipionem duxit. Omnia repente mutaverat imperator mutatus. alia spes, alius animus hominum, fortuna quoque alia urbis videri. Omnium primum in eos, qui à Vejis in illo pavore fugerant, more militari animadvertit, effecitque, ne hostis maximè timendus militi esset. deinde, indicto delectu in diem certam, ipse interim Vejos  
ad

ad confirmandos militum animos intercurrit : inde Romam ad scribendum novum exercitum redit, nullo detrectante militiam. Peregrina etiam juvenus, Latini Hernicique, operam suam pollicentes ad id bellum, venire : quibus quum gratias in senatu egisset dictator, satis jam omnibus ad id bellum paratis, ludos magnos ex senatusconsulto vovit Vejis captis se facturum ; eodemque Matutæ matris resectam dedicaturum, jam antè ab rege Ser. Tullio dedicatam. Profectus cum exercitu ab urbe expectatione hominum majore, quàm spe, in agro prium Nepesino cum Faliscis & Capenatibus signa confort. Omnia ibi summâ ratione consilioque acta fortuna etiam, ut fit, secuta est. non proelio tantum fudit hostes, sed castris quoque exiit, ingentique prædâ est potitus ; ejus pars maxima ad quæstorem redacta est : haud ita multum militi datum. Inde ad Vejos exercitus ductus, densioraque castella facta ; & à procursionibus, quæ multæ temerè inter murum ac vallum fiebant, edicto, ne quis injussu pugnaret, ad opus milites traducti. Operum fuit omnium longè maximum ac laboriosissimum, cuniculus in arcem hostium agi coëptus. quod ne intermitteretur opus, neu sub terra continuus labor eisdem conficeret ; in partes sex munitorum numerum divisit : senæ horæ in orbem operi attributæ sunt : nocte ac die nunquam antè omissum, quàm in arcem viam facerent.

XX. Dictator, quum jam in manibus videret victoriam esse, urbem opulentissimam capi, tantumque prædæ fore, quantum non omnibus in unum collatis antè bellis fuisset ; ne quam inde aut militum iram ex malignitate prædæ partitæ, aut invidiam apud Patres ex prodiga largitione caperet, literas ad senatum misit *Deum immortalium benignitate, suis consiliis, patientiâ militum, Vejos jam fore in potestate populi Romani. quid de prædâ faciendum censerent ?* Duæ senatum distinebant sententiæ : senis P. Licinii, quem primum dixisse à filio inter-

interrogatum ferunt, edicti patam placere populo, ut, qui particeps esse praeda vellet, in castra Vejos iret: altera Ap. Claudii, qui, largitionem novam, prodigam, inaequalem, inconsultam arguens, si semel nefas ducerent, captam ex hostibus in arario exhausto bellis pecuniam esse, auctor erat stipendii ex ea pecunia militi numerandi, ut eo minus tributis plebes conferret. *Ejus enim doni societatem sensuras aequaliter omnium damos: non avidas in direptiones manus otiosorum urbanorum praeptas fortium bellatorum praemia esse: quam ita ferme eveniat, ut segnior sit predator, ut quisque laboris periculi praeprimam petere partem soleat.* Licinius contra suspectam & invisam semper eam pecuniam fore, alebat; causasque criminum ad plebem, seditionum inde ac legum novarum, praebitorum. Satis igitur esse, reconciliari eo domo plebis animos: exhaustis atque exinanitis tributo tot annorum succurri: & sentire praeda fructum ex eo bello, in quo prope consueverint. gratius id fore latinisque, quod quisque sua manu ex hoste captum domum retulerit, quam si multiplex alterius arbitrio accipiat. Ipsam dictatorem fugere invidiam ex eo criminaque. eo delegasse ad senatum. Senatum quoque debere rejectam rem ad se permittere plebi, ac pati habere, quod cuique fors belli dederit. Haec tutior visa sententia est, quae populum senatum faceret. Edictum itaque est, ad praedam Vejentem, quibus videretur, in castra ad dictatorem proficiscerentur.

XXI. Ingens profecta multitudo replevit castra. Tum dictator, auspiciato egressus, quum edixisset, ut arma milites caperent, *Tuo ductu, inquit, Pythice Apollo, tuoque numine insinctus pergo ad delendam urbem Vejos: ubique hinc decumam partem praeda voveo. Te simul, Juno Regina, quae nunc Vejos colis, precor, ut nos victores in nostram, tuamque mox futuram, urbem sequare: ubi te dignum amplitudine tua templum accipiat.* Haec precatus, superante multitudine, ab omnibus locis urbem aggreditur, quo minor ab eumculo ingruentis periculi sensus esset.

Vejen-

Veientes, ignari se jam ab suis vatibus, jam ab exter-  
nis oraculis proditos, jam in partem prædæ suæ voca-  
tos Deos, alios, votis ex urbe sua evocatos, hostium  
templa novasque sedes spectare, sequæ ultimum illud  
diem agere; nihil minus timentes, quam subruis cu-  
niculo mœnibus arcem jam plenam hostium esse, in  
muros pro se quisque armati discurrunt; mirantes quid-  
nam id esset, quod, quum tot per dies nemo se ab sta-  
tionibus Romanis movisset, tum, velut repentino isti  
furore, improvidi currerent ad muros. Inferitur huic  
loco fabula: immolante rege Vejentium, vocem aru-  
spicis dicentis, *qui ejus hostiæ exta profecisset, ei victoriam  
dari*, exauditam in cuniculo, movisse Romanos mili-  
tes, ut, adaperto cuniculo, exta raperent, & ad dicta-  
torem ferrent. Sed in rebus tam antiquis, si, quæ si-  
milis veri sint, pro veris accipiantur, satis habeam.  
Hæc, ad ostentationem scenæ, gaudentis miraculis, a-  
ptiora, quàm ad fidem, neque affirmare, neque refelle-  
re est operæ pretium. Cuniculus, delectis militibus eo  
tempore plenus, in æde Junonis, quæ in Vejentana ar-  
ce erat, armatos repente edidit. & pars aversos in mu-  
ris invadunt hostes: pars claustra portarum revellunt:  
pars, quum ex testis faxa tegulæque à mulieribus ac  
servitiis jacerentur, inferunt ignes. Clamor omnia va-  
riis terrentium ac paventium vocibus, mixto mulierum  
ac puerorum ploratu, complet. Momento temporis  
dejectis ex muro undique armatis, patefactisque por-  
tis, quum alii agmine irruerent, alii desertos scande-  
rent muros, urbs hostibus impletur, omnibus locis pu-  
gnatur. Deinde, multâ jam editâ cæde, senescit pugna:  
& dictator præcones edicere jubet, ut ab inermi absti-  
neatur. is finis sanguinis fuit. Dedi inde inermes cœ-  
pti: & ad prædam miles permissu dictatoris discurret,  
quæ quum ante oculos ejus aliquantum spe atque opi-  
nione major, majorisque pretii rerum ferretur, dicitur  
manus ad cælum tollens precatus esse, *ut, si cui deorum  
homi-*



*hominumque nimia sua fortuna populique Romani videretur, ut eam inguidiam lenire, quam minimo suo privato incommoda publicoque, populo Romano liceret.* Convertentem se inter hanc venerationem, traditur memoriæ, prolapsus cecidisse: idque omen pertinuisse postea eventu rem conjectantibus visum ad damnationem ipsius Camilli, captæ deinde urbis Romanæ, quod post paucos accidit annos, cladem. Atque ille dies cæde hostium ac directione urbis opulentissimæ est consumptus.

XXII. Postero die libera corpora dictator sub corona vendidit. ea sola pecunia in publicum redigitur, haud sine ira plebis. & quod retulere secum prædæ, nec duci, qui ad senatum, malignitatis auctores querendo, rem arbitrii sui rejecisset; nec senatui, sed Liciniæ familiæ, ex qua filius ad senatum retulisset, pater tam popularis sententiæ auctor fuisset, acceptum referebant. Quum jam humanæ opes egestæ à Vejis essent, amoliri tum Deum dona ipsosque Deos, sed colentium magis, quam rapientium, modo, cœpere; namque delicti ex omni exercitu juvenes, purè lautis corporibus, candidâ veste, quibus deportanda Romam regina Juno assignata erat, venerabundi templum inlere, primò religiosè admoventes manus: quòd id signum more Etrusco, nisi certæ gentis sacerdos, attrectare non esset solitus. dein quum quidam, seu spiritu divino tactus, seu juvenali joco, *Visne Romam ire Juno?* dixisset, annuisse ceteri Deam conclamaverunt: inde fabulæ adjectum est, vocem quoque dicentis, *Velle*, auditam. motam certè sede suâ parvi molimenti adminiculis, sequentis modo accepimus levem ac facilem translatu fuisse: integramque in Aventinum, æternam sedem suam, quò vota Romani dictatoris vocaverant, perlatam, ubi templum ei postea idem, qui voverat, Camillus dedicavit. Hic Vejorum occasus fuit, urbis opulentissimæ Etrusci nominis, magnitudinem suam vel ultimâ clade indicantis: quòd decem ætates hiemef-  
que

que continuas circumfessa, quum plus aliquanto cladum intulisset, quàm accepisset, postremò, jam fatum denique urgente, operibus tamen, non vi, expugnata est.

XXIII. Romam ut nunciatum est, Vejos captos, quanquam & prodigia procurata fuerant, & vatum responsa, & Pythicæ sortes notæ; &, quantum humanis adjuvari consiliis potuerat res, ducem M. Furium, maximum imperatorum omnium, legerant; tamen, quia tot annis variè ibi bellatum erat, multæque clades acceptæ, velut ex insperato immensum gaudium fuit: &, priusquam senatus decerneret, plena omnia templa Romanarum matrum, grates Diis agentium, erant. Senatus in quatrimum, quot dierum nullo antè bello, supplicationes decernit. Adventus quoque dictatoris, omnibus ordinibus obviàm effusus, celebratior, quàm ullius unquam antea fuit: triumphusque omnem consuetum honorandi diei illius modum aliquantum excessit. Maximè conspectus ipse est, curru equis albis juncto urbem inuestus: parumque id non civile modò, sed humanum etiam, visum. Jovis Solisque equis æquiparari dictatorem, in religionem etiam trahebant: triumphusque ob eam unam maximè rem clarior, quàm gratior, fuit. Tum Junoni reginæ templum in Aventino locavit, dedicavitque Matutæ matri. atque, his divinis humanisque rebus gestis, dictaturà se abdicavit. Agi deinde de Apollinis dono cœptum. cui se decumam vovisse prædæ partem quum diceret Camillus, pontifices solvendum religione populum censerent; haud facile inibatur ratio jubendi referre prædam populum, ut ex ea pars debita in sacrum secerneretur, tandem eò, quod levissimum videbatur, decursum est, ut; qui se domumque religione exsolvere vellet, quum sibi ipse prædam æstimasset suam, decumæ pretium partis in publicum deferret: ut ex eo donum aureum, dignum amplitudine templi ac numine Dei, ex dignitate

gnitate populi Romani fieret. Ea quoque collatio plebis animos à Camillo alienavit. Inter hæc pacificatum legati à Volscis & Æquis venerunt : impetrataque pax, magis ut fessa tam diutino bello acquiesceret civitas, quàm quòd digni peterent.

XXIV. Vejis captis, sex tribunos militum consulari potestate insequens annus habuit, duos P. Cornelios, Cossium & Scipionem, M. Valerium Maximum iterum, K. Fabium Ambustum tertium, L. Furium Medullinum quintum, Q. Servillum tertium. Cornelius Faliscum bellum, Valerius ac Servilius Capenas sorte evenit. ab iis non urbes vi aut operibus tentatæ, sed ager est depopulatus, prædæque rerum agrestium actæ. nulla felix arbor, nihil frugiferum in agro relictum. Ea clades Capenatem populum subegit. pax petentibus data. In Faliscis bellum restabat. Romæ interim multiplex seditio erat : cuius leniendæ causâ coloniam in Volscos, quò tria millia civium Romanorum scriberentur, deducendam censuerant : triumvirique ad id creati terna jugera & septuaginta viritum diviserant. Ea largitio sperni cœpta ; quia spei majoris avertendæ solatium objectum censebant. Cur enim relegari plebem in Volscos, quum pulcherrima urbs Veji agerque Vejentanus in conspectu sit, uberius ampliorque Romano agro ? Urbem quoque urbi Romæ, vel situ, vel magnificentia publicorum privatorumque tectorum ac locorum, præponebant. quin illa quoque actio movebatur, quæ post captam utique Romam à Gallis celebratior fuit, transmigrandi Vejos. Ceterum, partim plebi, partim senatui destinabant habitandos Vejos ; duasque urbes communis reipublicæ incolæ à populo Romano posse. Adversus quæ quum optimates ita tenderent, ut morituros se citius dicerent in conspectu populi Romani, quàm quicquam earum rerum rogaretur. quippe nunc in una urbe tantum dissensionum esse, quid in duabus fore ? *Vittamne ut quisquam victrici patriæ præferret ? sineretque*  
*majorem*

*maiores fortunam captis esse Vejis, quam incolumibus fuerit? Postremo, se relinqui à civibus in patria posse: ut relinquunt patriam atque cives, nullam vim unquam subacturam; & T. Sicinium (is enim ex tribunis plebis rogationis ejus lator erat) conditorem Vejos sequantur, relicto Deo Romulo, Dei filio, parente & auctore urbis Roma.*

XXV. Hæc quum fœdis certaminibus agerentur, (nam partem tribunorum plebis Patres in suam sententiam traxerant) nulla res alia manibus temperare plebem cogebat, quam quòd, ubi rixæ committendæ causâ clamor ortus esset, principes senatûs, primi turbæ offerentes se, peti, feriri, atque occidi jubebant. ab horum ætatibus dignitatibusque & honoribus violandis dum abstinébatur, & ad reliquos similes conatus verecundia iræ obstabat; Camillus identidem omnibus locis concionabatur: *Haud mirum id quidem esse; furere civitatem, quæ, damnata voti, omnium rerum potiorum curam; quàm religione se exsolvendi, habeat. Nihil de collatione dicere, stipulis verius, quàm decuma; quando eâ se quisque privatim obligaverit, liberatus sit populus. Enimvero, illud se tacere, suam conscientiam non pati: quòd ex ea tantum præda, quæ rerum moveantur sit, decuma designetur: urbis atque agri capti, quæ & ipsâ voto contineatur, mentionem nullam fieri.* Quum ea disceptatio, anceps senatui visa, delegata ad pontifices esset; adhibito Camillo, visum collegio, quod ejus antè conceptum votum Vejentium fuisset, & post votum in potestatem populi Romani venisset, ejus partem decumam Apollini sacram esse. Ità in æstimationem urbs ægerque venit: pecunia ex ætario prompta, & tribunis militum consularibus, ut aurum ex ea cœmèrent, negotium datum. cujus quum copia non esset, matronæ, cœtibus ad eam rem consultandam habitis, & communi decreto pollicitæ tribunis militum aurum & omnia ornamenta sua, in ætarium detulerunt. Grata ea res, ut quæ maximè senatui unquam, fuit: honoremque ob eam munificentiam ferunt matro-

matronis habitum, ut pilento ad sacra ludosque, carpentis festo profectoque uterentur. Pondere ab singulis auri accepto aestimatoque, ut pecuniæ solverentur, crateram auream fieri placuit, quæ donum Apollini Delphos portaretur. Simul ab religione animos remiserunt, integrant seditionem tribuni plebis: incitatur multitudo in omnes principes, ante alios in Camillum. Eum prædam Vejentanam publicando sacrandoque ad nihilum redegisse. absentes ferociter increpant: præsentium, quum se ultro iratis offerrent, verecundiam habent. Simul extrahi rem ex eo anno viderunt, tribunos plebis latores legis in annum eisdem reficiunt. & Patres hoc idem de intercessoribus legis annisi. ita tribuni plebis magna ex parte iidem refecti.

XXVI. Comitibus tribunorum militum Patres summâ ope evicerunt, ut M. Furius Camillus crearetur. propter bella simulabant parari ducem, sed largitioni tribuniciæ adversarius quærebatur. Cum Camillo creati tribuni militum consulari potestate, L. Furius Medullinus sextum, C. Æmilius, L. Valerius Publicola, Sp. Postumius, P. Cornelius iterum. Principio anni tribuni plebis nihil moverunt, donec M. Furius Camillus in Faliscos, cui id bellum mandatum erat, proficisceretur. differendo deinde elanguit res: & Camillo, quem adversarium maximè metuebant, gloria in Faliscis crevit. Nam, quum primò mœnibus se hostes tenerent, tutissimum id rati, populatione agrorum atque incendiis villarum coëgit eos egredi urbe; sed timor longius progredi prohibuit. Mille fere passuum ab oppido castra locant; nullâ re aliâ fidentes ea satis tuta esse, quàm difficultate aditus, asperis confragosisque circa, & partim arctis, partim arduis viis. Ceterum Camillus, captivum indicem ex agris secutus ducem, castris multâ nocte motis, primâ luce aliquanto superioribus locis se ostendit. Trifariam Romani muniebant. alius exercitus proelio intentus stabat. Ibi impedire

pedire opus conatos hostes fundit fugatque; tantumque inde pavoris Faliscis injectum est, ut, effusa fuga castra sua, quæ propiora erant, prælati, urbem peterent. Multi cæsi vulneratique, priusquam paventes portis inciderent. castra capta; præda ad quæstores reducta cum magna militum ira: sed, severitate imperiæ victi, eandem virtutem & oderant, & mirabantur. Obsidio inde urbis, & munitiones, & interdum per occasionem impetus oppidanorum in Romanas stationes, præliaque parva fieri; & teri tempus, neutro inclinata spe; quum frumentum copiarumque aliarum ex antè convecto largius obsessis, quam obsidentibus, suppeterent. Videbaturque æquè diuturnus futurus labor, ac Vejis fuisset; ni fortuna imperatori Romano simul & cognitæ rebus bellicis virtutis specimen & maturam victoriam dedisset.

XXVII. Mos erat Faliscis, eodem magistro liberorum & comite uti: simulque plures pueri, quod hodie quoque in Græcia manet, unius curæ demandabantur. principum liberos, sicut fere fit, qui scientiâ videbatur præcellere, erudiebat. Is quum in pace instituisset pueros ante urbem lusus exercendique causâ producere; nihil eo more per belli tempus intermissio, tum, modò brevioribus, modò longioribus spatiis, trahendo eos à porta, lusu sermonibusque variatis, longius solito, ubi res dedit, progressus, inter stationes eos hostium castraque inde Romana in prætorium ad Camillum perduxit. ibi scelesto facinori scelestiorem sermonem addidit: *Falerios se in manus Romanis tradidisse; quando eos pueros, quorum parentes capita ibi rerum sunt, in potestatem dediderit. Quæ ubi Camillus audivit, Non ad similem, inquit, tui nec populum, nec imperatorem, scelestus ipso cum scelesto munere venisti. Nobis cum Faliscis, quæ pacto sit humana, societas non est. quam ingeneravit natura, utrisque est, eritque. Sunt et belli, sicut pacis, jura: justæque ea, non minus quam fortiter, didicimus gerere. Arma habemus, non adver-*

*adversus eam etatem, cui etiam captis urbibus parcitur; sed adversus armatos, & ipsos, qui, nec laesi, nec laceffiti à nobis, castra Romana ad Vejos oppugnârunt. Eos tu, quantum in te fuit, novo scelere vicisti: ego Romanis artibus, virtute, opere, armis, sicut Vejos, vincam. Denudatum deinde eum, manibus post tergum illigatis, reducendum Falerios pueris tradidit: virgasque eis, quibus proditorem agerent in urbem verberantes, dedit. Ad quod spectaculum concursu populi primùm factò, deinde à magistratibus de re nova vocato senatù, tanta mutatio animis est injecta, ut, qui modò, efferati odio iraque, Vejentium exitum penè, quàm Capenatium pacem, malent, apud eos pacem universa posceret civitas. Fides Romana, justitia imperatoris, in foro & curia celebrantur: consensuque omnium legati ad Camillum in castra, atque inde permissu Camilli Romam ad senatum, qui dederent Falerios, proficiscuntur. Introducti ad senatum ita locuti traduntur: *Patres conscripti, victoriâ, cui nec Deus, nec homo quisquam invidet, victi à vobis & imperatore vestro, dedimus nos vobis; rati, quò nihil victori pulchrius est, meliàs nos sub imperio vestro, quàm legibus nostris, victuros. Eventu hujus belli duo salutaria exempla prodita humano generi sient. Vos fidem in bello, quàm presentem victoriâ, maluistis: nos, fide provocati, victoriâ ultro detulimus. Sub ditione vestra sumus. Mittite, qui arma, qui obsides, qui urbem patentibus portis accipiant. Nec vos fidei nostræ, nec nos imperii vestri penitebit. Camillo & ab hostibus & à civibus gratiz actæ. Faliscis in stipendium militum ejus anni, ut populus Romanus tributo vacaret, pecunia imperata. Pace datâ, exercitus Romam reductus.**

XXVIII. Camillus meliore multo laude, quàm quum triumphantem albi per urbem vexerant equi, insignis justitiâ fideque, hostibus victis, quum in urbem redisset, tacitè ejus verecundiam non tulit senatus, quin sine mora voti liberaretur: crateramque auream donum Apol-

Apollini Delphos legati qui ferrent, L. Valerius, L. Sergius, A. Manlius, missi longâ unâ nave, haud procul freto Siculo à piratis Liparensium excepti, devehuntur Liparas. Mos erat civitatis, velut publico latrocinio partam prædam dividere. fortè eo anno in summo magistratu erat Timasitheus quidam, Romanis vir similior, quàm suis. qui, legatorum nomen, donumque, & Deum, cui mitteretur, & doni causam veritus ipse, multitudinem quoque, quæ semper ferme regenti est similis, religionis justæ implevit: adductosque in publicum hospitium legatos, cum præsidio etiam navium Delphos profectus, Romam inde sospites restituit. Hospitium cum eo senatusconsulto est factum, donaque publicè data. Eodem anno in Æquis variè bellatum: adeo ut in incerto fuerit & apud ipsos exercitus & Romæ, vicissent, victine essent. Imperatores Romani fuere ex tribunis militum C. Æmilius, Sp. Postumius. Primò rem communiter gesserunt: fuis inde acie hostibus, Æmilium præsidio Verruginem obtinere placuit, Postumium fines vastare. Ibi cum, incompositò agmine negligentius ab re bene gestâ euntem, adorti Æqui, terrore injecto, in proximos compulere tumulos: pavorque inde Verruginem etiam ad præsidium alterum est perlatus. Postumius, suis in tutum receptis, quum concione advocatâ terrorem increparet ac fugam; suos esse ab ignavissimo & fugacissimo hoste; conclamat universus exercitus, meritò se ea audire, & fateri admissum flagitium: sed eosdem correcturos esse, neque diuturnum id gaudium hostibus fore. Poscentes, ut confestim inde ad castra hostium duceret, (in conspectu erant posita in plano) nihil potius recusabant, ni ea ante noctem expugnassent. Collaudatos corpora curare, paratosque esse quartâ vigiliâ jubet: & hostes, nocturnam fugam ex tumulo Romanorum ut ab ea via, quæ ferebat Verruginem, excluderent, fuere obvii: præliumque ante lucem (sed luna pernox



pernox erat) commissum est: & haud incertius diurno proelio fuit. Sed clamor Verruginem perlatus, quum castra Romana crederent oppugnari, tantum iniecit pavoris, ut, nequicquam retinente atque obsecrante Æmilio, Tusculum palati fugerent. Inde fama Romam perlata est, Postumium exercitumque occisum. Qui, ubi prima lux metum insidiarum effusè sequentibus sustulit, quum perequitàffet aciem, promissa repetens, tantum iniecit ardoris, ut non ultrà sustinuerint impetum Æqui. cædes inde fugientium, qualis ubi irà magis, quàm virtute, res geritur, ad perniciem hostium facta est; tristemque ab Tusculo nuncium, nequicquam exterritâ civitate, literæ à Postumio laureatæ sequuntur: victoriam populi Romani esse; Æquorum exercitum deletum.

XXIX. Tribunorum plebis actiones quia nondum invenerant finem, & plebs continuare latoribus legis tribunatum, & Patres reficere intercessores legis annisi sunt. sed plus suis comitiis plebs valuit. quem doloremulti Patres sunt, senatusconsulto facto, ut consules, invisus plebi magistratus, crearentur. Annum post quintum decimum creati consules L. Lucretius Flavius, Ser. Sulpicius Camerinus. Principio hujus anni, ferociter, quia nemo ex collegio intercessurus erat, cohortis ad perferendam legem tribunis plebis, nec segnius ob id ipsum consulibus resistentibus, omnique civitate in unam eam curam conversâ, Vitelliam coloniam Romanam in suo agro Æqui expugnant. colonorum pars maxima incolumis, quia nocte proditione oppidum captum liberam per averſa urbis fugam dederat, Romam perſugere. L. Lucretio consuli ea provincia evenit. is, cum exercitu profectus, acie hostes vicit; victorque Romam ad majus aliquanto certamen rediit. Dies dicta erat tribunis plebis biennii superioris A. Virginio & Q. Pomponio: quos defendi Patrum consensu ad fidem senatûs pertinebat, neque enim eos aut vitæ ullo

nullo crimine alio aut gesti magistratûs quisquam arguebat, præterquam quòd, gratificantes Patribus, rogationi tribuniciaë intercessissent. Vicit tamen gratiam senatûs plebis ira; & pessimo exemplo innoxii denis milibus gravis æris condemnati sunt. id ægrè passi Patres. Camillus palam sceleris plebem arguere: *que, jam in suos versa, non intelligeret, se pravo judicio de tribunis intercessionem sustulisse; intercessione sublata, tribuniciam potestatem evertisse. Nam, quòd illi sperarent, effrenatam licentiam ejus magistratûs Patres laturos, falli eos. Si tribunicia vis tribunicio auxilio repelli nequeat, aliud telum Patres inventuros esse. Consulesque increpabat, quòd fide publicâ decipi tribunos eos taciti tulissent, qui senatûs auctoritatem secuti essent. Hæc propalam concionabundus in dies magis augebat iras hominum.*

XXX. Senatum verò incitare adversus legem haud desistebat: *ne aliter descenderent in forum, quum dies ferendæ legis venisset, quàm ut qui meminissent, sibi pro aris focisque & Deûm templis ac solo, in quo nati essent, dimicandum fore. Nam quod ad se privatim attineat, si suæ gloriæ sibi inter dimicationem patriæ meminisse sit fas, sibi amplum quoque esse, urbem ab se captam frequentari, quotidie se frui monumento gloriæ suæ, & ante oculos habere urbem latam in triumpho suo, insistere omnes vestigiis laudum suarum. sed nefas ducere, desertam ac relictam ab Diis immortalibus incolî urbem; & in captivo solo habitare populum Romanum, & vitricæ patriâ victam mutari. His adhortationibus principis concitati Patres, senes juvenesque, quum ferretur lex, agmine facto in forum venerunt: dissipatique per tribus, suos quisque tribules prensantes, orare cum lacrimis cœpere, Ne eam patriam, pro qua fortissimè felicissimèque ipsi ac patres eorum dimicassent, desererent, Capitolium, ædem Vestæ, cetera circà templa Deorum ostentantes. Ne exsudem, extorrem populum Romanum ab solo patrio ac diis penatibus in hostium urbem agerent; eoque rem adducerent, ut melius fuerit, non capi Vejos, ne Roma desere-*

*defereretur.* Quia non vi agebant, sed precibus, & inter preces multa Deorum mentio erat, religiosum par-  
ti maximæ fuit. & legem unâ plures tribus antiqua-  
runt, quàm jusserunt. Adeoque ea victoria læta Patri-  
bus fuit, ut postero die, referentibus consulibus, sena-  
tusconsultum fieret, ut agri Vejentani septena jugera  
plebi dividerentur; nec patribus familiæ tantum, sed  
ut omnium in domo liberorum capitum ratio haberetur;  
vellentque in eam spem liberos tollere.

XXXI. Eo munere delenitâ plebe, nihil certatum  
est, quo minùs consularia comitia haberentur. creati  
consules L. Valerius Potitus, M. Manlius, cui Capito-  
lino postea etiam fuit cognomen. Hi consules magnos  
Iudos fecere, quos M. Furius dictator voverat Vejenti  
bello. Eodem anno ædes Junonis Reginæ, ab eodem  
dictatore eodemque bello vota, dedicatur: celebratam-  
que dedicationem ingenti matronarum studio tradunt.  
Bellum haud memorabile in Algido cum Æquis gestum  
est, fusis hostibus priùs penè, quàm manus confere-  
rent. Valerio, quòd perseverantior cædendis in fuga  
fuit, triumphus; Manlio, ut ovans ingrederetur ur-  
bem, decretum est. Eodem anno novum bellum cum  
Volsiniensibus exortum: quòd propter famem pestilen-  
tiamque in agro Romano, ex siccitate caloribusque ni-  
miis ortam, exercitus duci nequivit. ob quæ Volsini-  
enses, Salpinatibus adjunctis superbîâ elati, ultro agros  
Romanos incurfavere. Bellum inde duobus populis  
indictum. C. Julius censor decessit: in ejus locum M.  
Cornelius suffectus. quæ res postea religioni fuit; quia  
eo lustro Roma est capta. Nec deinde unquam in de-  
mortui locum censor sufficitur. consulibusque morbo  
implicitis placuit, per interregnum renovari auspicia.  
Itaque, quum ex senatusconsulto consules magistrata-  
se abdicassent, interrex creatur M. Furius Camillus;  
qui P. Cornelium Scipionem, is deinde L. Valerium  
Potitum interregem prodidit, ab eo creati sex tribu-

ni militum consulari potestate; ut, etiamsi cui eorum incommoda valetudo fuisset, copia magistratuum rei-publicæ esset.

XXXII. Kalendis Quinctilibus magistratum occeperet L. Lucretius, Ser. Sulpicius, M. Æmilius, L. Furius Medullinus septimùm, Agrippa Furius, C. Æmilius iterum. Ex his L. Lucretio & C. Æmilio Volsinienſis provincia evenit: Salpinates Agrippæ Furio & Ser. Sulpicio. Priùs cum Volsinienſibus pugnatum est: bellum numero hostium ingens, certamine haud sanè asperum fuit. Fusa concursu primo acies in fugam: millia octo armatorum ab equitibus interchusa, positis armis, in deditionem venerunt. Ejus belli fama effecit, ne se pugnæ committerent Salpinates. mœnibus armati se tutabantur. Romani prædas passim & ex Salpinati agro, & ex Volsinienſi, nullo tam vim arcente, egerunt: donec Volsinienſibus fessis bello eâ conditione, ut res populo Romano redderent, stipendiumque ejus anni exercitui præstarent, in viginti annos induciæ datæ. Eodem anno M. Cædicius de plebe nunciavit tribunis, se in Nova via, ubi nunc sacellum est, supra ædem Vestæ, vocem noctis silentio audisse clariorem humanâ, quæ magistratibus dici juberet, *Gallos adventare*. Id, ut fit, propter auctoris humilitatem spretum, & quòd longinqua, eoque ignotior, gens erat. Neque Deorum modò monita, ingruente fato, spreta; sed humanam quoque opem, quæ una erat, M. Furium ab urbe amovere. qui, die dictâ ab L. Apuleio tribuno plebis propter prædam Vejentanam, filio quoque adolescente per idem tempus orbatus, quum, accitis domum tribulibus clientibusque, (magna pars plebis erat) percunctatus animos eorum, responsum tulisset, *se collaturos, quanti damnatus esset, absolvere eum non posse*, in exsilium abiit: precatus ab Diis immortalibus, *si innoxio sibi ea injuria fieret, primo quoque*

*tempore desiderium sui civitati ingrata facerent. absens quindecim millibus gravis æris damnatur.*

XXXIII. Expulso cive, quo manente, si quicquam humanorum certi est, capi Roma non potuerat; adventante fatali urbi clade, legati ab Clusinis veniunt, auxilium adversus Gallos petentes. Eam gentem traditur famâ, dulcedine frugum maximæque vini, novâ tam voluptate, captam, Alpes transisse, agrosque ab Etruscis antè cultos possedisse: & invexisse in Galliam vinum illiciendæ gentis causâ Aruntem Clusinum, irâ corruptæ uxoris ab Lucumone, cui tutor is fuerat ipse, præpotente juvene, & à quo expeti pœnæ, nisi externa vis quæsitæ esset, nequirent. hunc transeuntibus Alpes ducem, auctoremque Clusium oppugnandi fuisse. Equidem haud abnuerim, Clusium Gallos ab Arunte, seu quo alio Clusino, adductos: sed eos, qui oppugnaverint Clusium, non fuisse, qui primi Alpes transierint, satis constat. ducentis quippe annis antè, quàm Clusium oppugnarent, urbemque Romam caperent, in Italiam Galli transcenderunt: nec cum his primùm Etruscorum, sed multo antè cum iis, qui intèr Apenninum Alpesque incolebant, sæpe exercitus Gallici pugnare. Tuscorum ante Romanum imperium latè terrâ marique opes patuere. mari supero inferoque, quibus Italia insulæ modo cingitur, quantum potuerint, nomina sunt argumento, quòd alterum Tuscum communi vocabulo gentis, alterum Hadriaticum mare, ab Hadria Tuscorum colonia, vocavere Italicæ gentes. Græci eadem Tyrrenum atque Hadriaticum vocant. Ii in utrumque mare vergentes incolere urbibus duodecim terras, priùs cis Apenninum ad inferum mare, postea trans Apenninum, totidem, quot capita originis erant, coloniis missis: quæ trans Padum omnia loca, excepto Venetorum angulo, qui sinum circumcolunt maris, usque ad Alpes tenuere. Alpinis quoque ea gentibus haud dubiè origo est, maximè Rætis: quos loca ipsa

esse-

efferrant, ne quid ex antiquo, præter sonum linguarum, nec eum incorruptum, retinerent.

XXXIV. De transitu in Italiam Gallorum hæc accepimus. Prisco Tarquinio Romæ regnante, Celtarum, quæ pars Galliæ tertia est, penes Bituriges summa imperii fuit. ii regem Celtico dabant. Ambigatus is fuit, virtute fortunæque quum suâ, tum publicâ, præpollens, quòd imperio ejus Gallia adeo frugum hominumque fertilis fuit, ut abundans multitudo vix regi videretur posse. Hic magno natu ipse jam, exonerare prægravante turbâ regnum cupiens, Bellovesum ac Sigovesum, sororis filios, impigros juvenes, missurum se esse, in quas Dii dedissent auguriis sedes, ostendit. Quantum ipsi vellent numerum hominum, excirent, ne quâ gens arcere advenientes posset. Tum Sigoveso fortibus dati Hercinii saltus: Belloveso haud paulo lætiorem in Italiam viam Dii dabant. Is, quod ejus ex populis abundabat, Bituriges, Arvernos, Senones, Æduos, Ambarros, Carnutes, Aulercos, excivit. Profectus ingentibus peditum equitumque copiis, in Tricastinos venit. Alpes inde oppositæ erant; quas inexcuperabiles visas haud equidem miror, nullâ dum viâ (quod quidem continens memoria sit, nisi de Hercule fabulis credere libet) superatas. Ibi quum velut septos montium altitudo teneret Gallos, circumspectarentque, quânam per juncta cælo juga in alium orbem terrarum transirent, religio etiam tenuit, quòd allatum est, advenas querentes agrum ab Salyum gente oppugnari. Massilienses erant hi, navibus à Phocæa profecti. Id Galli fortunæ suæ omen rati adjuvere, ut, quem primum in terram egressi occupaverant, locum patentibus silvis communirent. ipsi per Taurinos saltusque invios Alpes transcenderunt: fusisque acie Tuscis haud procul Ticino flumine, quum, in quo confederant, agrum Insu-brium appellari audissent, cognomine Insu-bribus pago

Q 3.

Æduos,

Æduorum : ibi, omen sequentes loci, condidere urbem : Mediolanum appellârunt.

XXXV. Alia subinde manus Cenomanorum, Elitio duce vestigia priorum secuta, eodem saltu, favente Belloveso, quum transcendisset Alpes, ubi nunc Brixia ac Verona urbes sunt, (locos tenere Libui) confidunt. post hos Salluvii, prope antiquam gentem Lævos Ligures, incolentes circa Ticinum amnem. Penino deinde Boii Lingonesque transgressi, quum jam inter Padum atque Alpes omnia tenerentur, Pado ratibus trajecto, non Etruscos modò, sed etiam Umbros, agropellunt : intra Apenninum tamen sese tenere. Tum Senones, recentissimi advenarum, ab Utente flumine usque ad Æsim fines habuere. Hanc gentem Clusum, Romanque inde, venisse comperio. id parum certum est, solamne, an ab omnibus Cisalpinorum Gallorum populis adjutam. Clusini, novo bello exterriti, quum multitudinem, quum formas hominum invisitatas cernerent & genus armorum, audirentque, sæpe ab iis, cis Padum utraque, legiones Etruscorum fusas, quamquam adversus Romanos nullum eis jus societatis amicitiaeve erat, nisi quòd Veientes consanguineos adversus populum Romanum non defendissent, legatos Romanam, qui auxilium ab senatu peterent, misere. De auxilio nihil impetratum. legati tres M. Fabii Ambusti filii missi, qui senatùs populi que Romani nomine agerent cum Gallia, ne, à quibus nullam injuriam accepissent, socios populi Romani atque amicos oppugnarent. Romanis eos bello quoque, si res cògat, tuendos esse. sed melius visum, bellum ipsum amoveri, si posset; & Gallos, novam gentem, pace potius cognosci, quàm armis.

XXXVI. Mitis legatio, ni præferoces legatos, Gallicque magis quàm Romanis similes, habuisset. quibus, postquam mandata ediderant in concilio Gallorum, datur responsum: *Et si novum nomen audiant Romanorum,*  
tamen

nam credere viros fortes esse, quorum auxilium à Clusinis in re trepida sit imploratum. & quoniam legatione adversus se maluerint, quàm armis, tueri socios, ne se quidem pacem, quam illi afferant, aspernari, si Gallis, egentibus agro, quem latius possideant, quàm colant, Clusini, partem finium concedant: aliter pacem impetrari non posse. Et responsum coram Romanis accipere velle: & si negetur ager, coram iisdem Romanis dimicatuuros, ut nunciare domum possint, quantum Galli virtute ceteros mortales præsarent. Quodnam id jus esset, agrum à possessoribus petere, aut minari arma? Romanis quærentibus, & quid in Etruria rei Gallis esset? quum illi, se in armis jus ferre, & omnia fortium virorum esse, ferociter dicerent, accensis utrinque animis ad arma discurretur, & proelium conferitur. Ibi, jam urgentibus Romanam urbem fatis, legati contra jus gentium arma capiunt. nec id clam esse potuit, quum ante signa Etruscorum tres nobilissimi fortissimique Romanæ juventutis pugnarent. tantum eminebat peregrina virtus. Quin etiam Q. Fabius, evehsus extra aciem equo; ducem Gallorum, ferociter in ipsa signa Etruscorum incurfantem, per latus transfixum hastâ, occidit: spoliaque ejus legentem Galli agnovere, perque totam aciem, Romanum legatum esse, signum datum est. Omisâ inde in Clusinos irâ, receptæ canunt, minantes Romanis. Erant, qui extemplo Romam eundem censerent. vicere seniores, ut legati prius mitterentur questum injurias postulatæque, ut pro jure gentium violato Fabii dederentur. Legati Gallorum quum ea, sicut erant mandata, exposuissent, senatui nec factum placebat Fabiorum, & jus postulare barbari videbantur. sed, ne id, quod placebat, decernerent in tantæ nobilitatis viris, ambitio obstabat. Itaque, ne penes ipsos culpa esset cladis fortè Gallico bello acceptæ, cognitionem de postulatis Gallorum ad populum rejiciunt. ubi tanto plus gratia atque opes valere, ut, quorum de pœna agebatur, tribuni militum consulari potestate



testate in insequentem annum crearentur. Quo facto, haud secus quam dignum erat, insensu Galli, bellum propalam minantes, ad suos redeunt. Tribuni militum cum tribus Fabiis creati Q. Sulpicius Longus, Q. Servilius quartum, Ser. Cornelius Maluginensis.

XXXVII. Quum tanta moles mali instaret, (adeo occæcat animos fortuna, ubi vim suam ingruentem refringi non vult) civitas, quæ adversus Fidenatem ac Vejentem hostem aliosque finitimos populos, ultima experiens auxilia, dictatorem multis tempestatibus dixisset; ea tunc, invisitato atque inaudito hoste ab oceano terrarumque ultimis oris bellum ciente, nihil extraordinarii imperii aut auxilii quæsit. Tribuni, quorum temeritate bellum contractum erat, summæ rerum præerant: delectumque nihilo accuratiorem, quam ad media bella haberi solitus erat, (extenuantes etiam famam belli) habebant. Interim Galli, postquam accepere, ultro honorem habitum violatoribus juris humani, elusamque legationem suam esse, flagrantem irâ, cujus impotens est gens, confestim signis convulsis, citato agmine iter ingrediuntur. Ad quorum prætereuntium raptim tumultum quum exterritæ urbes ad arma concurrerent, fugaque agrestium fieret, Romam se ire, magno clamore significabant; quacunque ibant, equis virisque longè ac latè fuso agmine immensum obtinentes loci. Sed, antecedente famâ nunciisque Clusinarum, deinceps inde aliorum populorum, plurimum terroris Romam celeritas hostium tulit. quippe quibus, velut tumultuario exercitu raptim ducto, ægrè ad undecimum lapidem occursum est, quâ flumen Allia, Crustumini montibus præalto defluens alveo, haud multum infra viam Tiberino amni miscetur. Jam omnia contra circæque hostium plena erant, & nata in vanos tumultus gens, truci cantu clamoribusque variis, horrendo cuncta compleverant sono.

XXXVIII. Ibi tribuni militum, non loco castris  
antè

ante capto, non præmunito vallo, quò receptus esset, non Deorum saltem, si non hominum, memores, nec auspicato, nec litato, instruunt aciem deductam in cornua, ne circumveniri multitudine hostium possent. nec tamen æquari frontes poterant, quum extenuando infirmam & vix coherentem mediam aciem haberent. Paulum erat ab dextra editi loci, quem subsidiariis repleri placuit; eaque res, ut initium pavoris ac fugæ, sic una salus fugientibus fuit. Nam Brennus, regulus Gallorum, in paucitate hostium artem maximè timens, ratus ad id captum superiorem locum, ut, ubi Galli cum acie legionum rectà fronte concurrissent, subsidia in aversos transversosque impetum darent; ad subsidiarios signa convertit: si eos loco depulisset, haud dubius, facilem in æquo campi tantum superanti multitudini victoriam fore. adeo non fortuna modò, sed ratio etiam, cum barbaris stabat. In altera acie nihil simile Romanis, non apud duces, non apud milites, erat. pavor fugaque occupaverat animos, & tanta hominum oblivio, ut multo major pars Vejos, in hostium urbem, quum Tiberis arceret, quàm recto itinere Romam ad conjuges ac liberos fugerent. Parumper subsidiarios tutatus est locus. in reliqua acie simul est clamor, proximis ab latere, ultimis ab tergo, auditus, ignotum hostem priùs penè quàm viderent, non modò non tentato certamine, sed ne clamore quidem reddito, integri intactique fugerunt. Nec ulla cædes pugnantium fuit. Terga cæsa suomet ipsorum certamine in turba impredientium fugam. Circa ripam Tiberis, quò armis abjectis totum sinistrum cornu defugit, magna strages facta est: multosque, imperitos nandi aut invalidos, graves lorice aliisque tegminibus hausere gurgites. maxima tamen pars incolumis Vejos perfugit; unde non modò præsidii quicquam, sed ne nuntius quidem cladis, Romam est missus. Ab dextro cornu, quod procul à flumine & magis sub monte steterat,

Romam omnes petiere, & ne clausis quidem portis urbis, in arcem confugerunt.

XXXIX. Gallos quoque velut obstupefactos miraculum victoriæ tam repentinæ tenuit. & ipsi pavore defixi primum steterunt, velut ignari, quid accidisset, deinde insidias vereri; postremò cæforum spolia legere, armorumque cumulos, ut mos eis est, coacervare. Tum demum, postquam nihil usquam hostile cernebatur, viam ingressi, haud multo ante solis occasum ad urbem Romam perveniunt. ubi quum prægressi equites, non portas clausas, non stationem pro portis excubare, non armatos esse in muris, retulissent; aliud priori simile miraculum eos sustinuit; noctemque veriti & ignotæ situm urbis, inter Romam atque Anienem confedere, exploratoribus missis circa mœnia aliasque portas, quænam hostibus in perdita re consilia essent. Romani, quum pars major ex acie Vejos petisset, nemo superesse quemquam præter eos, qui Romam refugerant, crederet, complorati omnes, pariter vivi mortuique, rotam propè urbem lamentis impleverunt. Privatos deinde luctus stupefecit publicus pavor, postquam hostes adesse nunciatum est. mox ululatus cantusque dissonos, vagantibus circa mœnia turmatim barbaris, audiebant. Omne inde tempus suspensos ita tenuit animos usque ad lucem alteram, ut identidem jam in urbem futurus videretur impetus primæ adventu, quo accesserant ad urbem. mansuros enim ad Alliam fuisse, nisi hoc consilii foret. Deinde sub occasum solis, quia haud multum diei supererat, ante noctem rati se invasuros; tum in noctem dilatum consilium esse, quo plus pavoris inferrent. Postremò lux appropinquans exanimare: timorique perpetuo ipsum malum continens fuit, quum signa infecta portis sunt illata. Nequaquam tamen eâ nocte, neque insequenti die similis illi, quæ ad Alliam tam pavidè fugerat, civitas fuit. Nam quum defendi urbem posse, tam parvâ re-

licta

hæc manu, spes nulla esset, placuit, cum conjugibus ac liberis juventutem militarem senatusque robur in arcem Capitoliumque concedere: armisque & frumento collatis, ex loco inde munito Deos hominesque & Romanum nomen defendere. Flaminem sacerdotemque Vestales sacra publica à cæde, ab incendiis procul auferre: nec antè deferri cultum eorum, quàm non superessent, qui colerent. Si arx Capitoliumque, sedes Deorum, si senatus, caput publici consilii, si militaris juventus superfuerit imminenti ruinæ urbis, facilem jacturam esse seniorum, reliquæ in urbe utique perituræ turbæ. &, quo id æquiore animo de plebe multitudo ferret, senes triumphales consularesque simul se cum illis palam dicere obituros; nec his corporibus, quibus non arma ferre, non tueri patriam possent, oneratuos inopiam armatorum.

XL. Hæc inter seniores mortî destinatos jactata solatia. Versæ inde adhortationes ad agmen juvenum, quos in Capitolium atque in arcem prosequiebantur, commendantes virtuti eorum juventæque urbis per trécentos sexaginta annos omnibus bellis victricis, quæcunque reliqua esset, fortanam. Digredientibus, qui spem omnem atque opem secum ferebant, ab iis, qui captæ urbis non superesse statuerant exitio; quum ipsa res speciesque miserabilis erat, tum muliebri s fletus & concursatio incerta, nunc hos nunc illos sequentium, rogantiumque viros natosque, cui se sâto darent, nihil, quod humanis superesset malis, relinquebant. magna pars tamen earum in arcem suos prosecutæ sunt, nec prohibente ullo, nec vocante: quia, quod utile obsessis ad minuendam imbellem multitudinem, id parum humanum erat. Alia maxime plebis turba, quam nec capere tam exiguus collis, nec alere in tanta inopia frumenti poterat, ex urbe effusa velut agmine jam uno petiit Janiculum. inde pars per agros dilapsi, pars urbes petunt finitimas, sine ullo duce aut consensu, suam quisque

Q 6

spem.

spem, sua consilia, communibus deploratis, exsequentes. Flamen interim Quirinalis virginesque Vestales, omisâ rerum suarum curâ, quæ sacrorum secum ferenda, quæ (quia vires ad omnia ferenda deerant) relinquenda essent, consultantes, quivse ea locus fidei asservaturus custodiâ esset; optimum ducunt, condita in doliolis facello proximo ædibus flaminis Quirinalis, ubi nunc despui religio est, defodere: cetera, inter se onere partito, ferunt viâ quæ sublicio ponte ducit ad Janiculum. In eo clivo eas quum L. Albinus, de plebe Romana homo, conspexisset, plaustrum conjugem ac liberos vehens inter ceteram turbam, quæ inutilis bello urbe excedebat; salvo etiam tum discrimine divinarum humanarumque rerum, irreligiosum ratus, sacerdotes publicos sacraque populi Romani pedibus ire, ferrique; se ac suos in vehiculo conspici; descendere uxorem ac pueros jussit, virgines sacraque in plaustrum imposuit: & Cære, quò iter sacerdotibus erat, pervexit.

XLII. Romæ interim, satis jam omnibus, ut in tali re, ad tuendam arcem compositis, turba seniorum, domos regressa, adventum hostium obstinato ad mortem animo expectabat. qui eorum curules gesserant magistratus, ut in fortunæ pristinæ honorumque aut virtutis insignibus morerentur, quæ augustissima vestis est tenfas ducentibus triumphantibusve, eâ vestiti medio ædium eburneis sellis sedere. Sunt qui, M. Fabio pontifice maximo præfante carmen, devovisse eos se pro patria Quiritibusque Romanis, tradant. Galli, & quia interpositâ nocte à contentione pugnæ remiserant animos, & quòd nec in acie ancipiti usquam certaverant prælio, nec tum impetu aut vi capiebant urbem, sine ira, sine ardore animorum ingressi postero die urbem patente Collinâ portâ, in forum perveniunt; circumferentes oculos ad templa Deum arcemque, solam belli speciem tenentem. Inde, modico relicto præsidio, (ne quis

quis in dissipatos ex arce aut Capitolio impetus fieret) dilapsi ad prædam vacuis occurfu hominum viis, pars in proxima quæque tectorum agmine ruunt; pars ultima, velut ea demum intacta & referta prædâ, petunt. inde rursus ipsâ solitudine absterriti, ne qua fraus hostilis vagos exciperet, in forum ac propinqua foro loca conglobati redibant: ubi eos, plebis ædificiis obsecratis, patentibus atriis principum, major propè cunctatio tenebat aperta, quàm clausa, invadendi. adeo haud secus quàm venerabundi intuebantur in ædium vestibulis sedentes viros, præter ornatum habitumque humano augustiorem, majestate etiam, quam vultus gravitasque oris præ se ferebat, simillimos Diis. Ad eos velut simulacra versi quum starent, M. Papirius unus ex his dicitur Gallo, barbam suam, ut tum omnibus promissa erat, permulcenti, scipione eburneo in caput incusso iram movisse; atque ab eo initium cædis ortum, ceteros in sedibus suis trucidatos. Post principum cædem nulli deinde mortalium parci, diripi tecta, exhaustis injici ignes.

XLII. Ceterum, seu non omnibus delendæ urbis libido erat, seu ita placuerat principibus Gallorum, & ostentari quædam incendia terroris causâ, si compelli ad deditionem caritate sedium suarum obsessi possent; & non omnia concremari tecta, ut, quodcunque superesset urbis, id pignus ad flectendos hostium animos haberent; nequaquam perinde atque in capta urbe primâ die aut passim aut latè vagatus est ignis. Romani, ex arce plenam hostium urbem cernentes, vagosque per vias omnes cursus, quum aliâ atque aliâ parte nova aliqua clades oriretur, non mentibus solum conspice, sed ne auribus quidem atque oculis satis constare poterant. Quocunque clamor hostium, mulierum puerorumque ploratus, sonitus flammæ, & fragor ruentium tectorum avertisset, paventes ad omnia, animos oraque & oculos flectebant, velut ad spectaculum  
à for-

à fortuna positi occidentis patriæ, nec ullius rerum suarum relictî, præterquam corporum, vindices. tanto ante alios miserandi magis, qui unquam obsessi sunt, quod interclusi à patria obsidebantur, omnia sua cernentes in hostium potestate. Nec tranquillior nox diem tam fœdè actum excepit: lux deinde noctem inquietam insecuta est. nec ullum erat tempus, quod à novæ semper cladis alicujus spectaculo cessaret. Nihil tamen, tot onerati atque obruti malis, flexerunt animos, quin, etsi omnia flammis ac ruinis æquata vidissent, quamvis inopem parvumque, quem tenebant, collem, libertati relictum, virtute defenderent; & jam, quum eadem quotidie acciderent, velut assueti malis, abalienaverant ab sensu rerum suarum animos; arma tantum ferrumque in dextris, velut solas reliquias spei suæ, intuentes.

XLIII. Galli quoque, per aliquot dies in testa modo urbis nequicquam bello gesto, quum inter incendia ac ruinas captæ urbis nihil superesse, præter armatos hostes, viderent, nec quicquam tot cladibus territos, nec flexuros ad deditionem animos, ni vis adhiberetur; experiri ultima, & impetum facere in arcem statuunt. Primâ luce, signo dato multitudo omnis in foro instruitur. inde, clamore sublato ac testudine factâ, subeunt. adversus quos Romani nihil temerè nec trepidè, ad omnes aditus stationibus firmatis, quâ signa ferri videbant, eâ robore virorum opposito scandere hostem sinunt: quo successerit magis in arduum, eo pellere posse per præclive facillius rati. Medio fere clivo resistere: atque inde ex loco superiore, qui propè suâ sponte in hostem inferebat, impetu facto, strage ac ruinâ fudere Gallos: ut nunquam postea nec pars, nec universi tentaverint tale pugnae genus. Omisâ itaque spe per vim atque arma subeundi, obsidionem parant: cujus ad id tempus immemores, & quod in urbe fuerat, frumentum incendiis urbis absumpserant, & ex a-

gris

gris per ipsos dies raptum omne Vejos erat. Igitur, exercitu diviso, partim per finitimos populos prædari placuit, partim obsideri arcem; ut obsidentibus frumentum populatores agrorum præberent. Proficiscentes Gallos ab urbe ad Romanam experiendam virtutem fortuna ipsa Ardeam, ubi Camillus exsulabat, duxit: qui mæstior ibi fortunâ publicâ, quàm suâ, quum Diis hominibusque accusandis senesceret, indignandô mirandoque ubi illi viri essent, qui secum Vejos Falerosque cepissent, qui alia bella fortius semper, quàm felicius, gessissent; repenti audit, Gallorum exercitum adventare, atque de eo pavidos Ardeates consultare. nec secus quàm divino spiritu tactus, quum se in mediam concionem intulisset, abstinere suctus antè talibus conciliis;

XLIV. *Ardeates, inquit, veteres amici, nobis etiam cives mei, quando et vestrum beneficium ita tulit, et fortuna hoc egit mea, nemo vestrum conditionis mee oblitum me huc processisse patet: sed res ac periculum commune cogit, quod quisque possit in re trepida præsidii, in medium conferre. Ea quando ego vobis pro tantis vestris in me meritis gratiam referam, si nunc cessavero? aut ubi usus erit mei vobis, si in bello non fuerit? Hac arte in patria stetit; et, invidius bello, in pace ab ingratibus civibus pulsus sum. Vobis autem, Ardeates, fortuna oblata est, et pro tantis pristinis populi Romani beneficiis, quanta ipsi meministis, (nec enim exprobranda apud memores sunt) gratia referenda, et huic urbi decus ingens belli ex hoste communi parienti. Qua effuso agmine adventat, gens est, cui natura corpora animosque magna magis, quàm firma, dederit. eo in certamen omne plus terroris, quàm virium, ferunt. Argumento sit clades Romana. patientem cepere urbem; ex arce Capitolioque his exigua resistitur manu. Jam obsidionis tadio vincti abscedunt, vagique per agros palantur, cibo vinoque raptim hausto repleti. Ubi non appetit, prope rivus aquarum, sine munimento, sine stationibus ac custodiis, passim ferarum ritu sternuntur, nunc ab secundis*



cundis rebus magis etiam solito incauti. Si vobis in animo est tueri mœnia vestra, nec pati hæc omnia Galliam fieri, primâ vigiliâ capite arma frequentes: me sequimini ad cadem, non ad pugnam. nisi victos somno, velut pecudes, trucidandos tradidero, non recuso eundem Ardea rerum mearum exitum, quem Romæ habui.

XLV. Æquis iniquisque persuasum erat, tantum bello virum neminem usquam eâ tempestate esse. Concione dimissâ, corpora curant, intenti, quàm mox signum daretur. quo dato, primæ silentio noctis ad portas Camillo præsto fuere. Egressi, haud procul urbe, sicut prædictum erat, castra Gallorum, intuta neglectaque ab omni parte nacti, clamore invadunt. Nusquam prælium, omnibus locis cædes est: nuda corpora & soluta somno trucidantur. extremos tamén pavor cubilibus suis exiitos, quæ aut unde vis esset, ignaros, in fugam, & quosdam in hostem ipsum improvidos tulit. magna pars in agrum Antiatem delati, incursione ab oppidanis in palatos factâ, circumveniuntur. Similis in agro Vejenti Tuscorum facta strages est: qui urbis, jam prope quadringentesimum annum vicinæ, oppressæ ab hoste invisitato inauditoque, adeo nihil miserriti sunt, ut in agrum Romanum eo tempore incursiones facerent, plenique prædæ Vejosi etiam, præsidiumque & spem ultimam Romani nominis, in animo habuerint oppugnare. Viderant eos milites Romani, vagantes per agros & congregatos agmine, prædam præ se agentes, & castra cernebant haud procul Vejis posita. inde primùm miseratio sui, deinde indignitas, atque ex ea ira animos capit, *Etruscisque etiam; à quibus bellum Gallicum in se avertissent, ludibrio esse clades suas?* Vix temperavere animis, quin extemplo impetum facerent: compressique à Cædicio centurione, quem sibi met ipsi præfecerant, rem in noctem sustinuerunt. Tantum par Camillo defuit auctor, cetera eodem ordine eodemque fortunæ eventu gesta. quin etiam, ducibus captivis, qui

qui cædi nocturnæ superfuerant, ad aliam manum Tuscorum ad Salinas profecti, nocte insequenti ex improvviso majorem cædem edidere, duplicique victoriâ ovantes Vejos redeunt.

XLVI. Romæ interim plerumque obsidio segnis & utrinque silentium esse, ad id tantum intentis Gallis, ne quis hostium evadere inter stationes posset: quum repentè juvenis Romanus admiratione in se cives hostesque convertit. Sacrificium erat statum in Quirinali colle genti Fabiæ. ad id faciendum C. Fabius Dorso, Gabino cinctu, sacra manibus gerens, quum de Capitolio descendisset, per medias hostium stationes egressus, nihil ad vocem cujusquam terroremve motus, in Quirinalem collem pervenit. ibique omnibus solenniter peractis, eadem revertens similiter constanti vultu graduque, satis sperans propitios esse Deos, quorum cultum ne mortis quidem metu prohibitus deferuisset, in Capitolium ad suos rediit, seu attonitis Gallis miraculo audaciæ, seu religione etiam motis, cujus haudquaquam negligens est gens. Vojis interim non animi tantum in dies, sed etiam vires, crescebant: nec Romanis solum eò convenientibus ex agris, qui à prælio adverfo aut clade captæ urbis palati fuerant, sed etiam ex Latio voluntariis confluentibus, ut in parte prædæ essent. Maturum jam videbatur, repeti patriam eripique ex hostium manibus: sed corpori valido caput deerat. Locus ipse admonebat Camilli, & magna pars militum erat, qui ductu auspicioque ejus res prosperè gesserant: & Cædicus negare, se commissurum, eum sibi aut Deorum aut hominum quisquam imperium finiret potius, quam ipse memor ordinis sui posceret imperatorem. Consensu omnium placuit, ab Ardea Camillum acciri; sed antea consulto senatu, qui Romæ esset. adeo regebat omnia pudor, discriminaque rerum propè perditis rebus servabant. Ingenti periculo transeundum per hostium custodias erat. ad e-

am

am rem Pontius Cominius, impiger juvenis, operam pollicitus, incubans cortici, secundo Tiberi ad urbem defertur. inde, quâ proximum fuit à ripa, per præruptum, eoque neglectum hostium custodiæ, saxum in Capitolium evadit: &, ad magistratus ductus, mandata exercitus edit. accepto inde senatus decreto, ut &, comitiis curiatis revocatus de exilio, jussu populi Camillus dictator extemplo diceretur, militesque haberent imperatorem, quem vellent, eadem degressus nuncius Vejos contendit: missique Ardeam legati ad Camillum, Vejos eum perduxere: seu, (quod magis credere libet, non prius profectum ab Ardea, quam comperit legem latam; quod nec injussu populi mutari finibus posset, nec, nisi dictator dictus, auspicia in exercitu habere) lex curiata lata est, dictatorque absens dictus.

XLVII. Dum hæc Vejis agebantur, interim arx Romæ Capitoliumque in ingenti periculo fuit. namque Galli, seu vestigio notato humano, quâ nuncius à Vejis pervenerat, seu suâ sponte animadverso ad Carmentis saxorum ascensu æquo, nocte sublusfri, quum primò inermem, qui tentaret viam, præmisissent, tradentes inde arma, ubi quid iniqui esset, alterni innisi, sublevantesque in vicem & trahentes alii alios, prout postulare locus; tanto silentio in summum evasere, ut non custodes solum fallerent, sed ne canes quidem, sollicitum animal ad nocturnos strepitus, excitarent. Anseres non fefellere, quibus sacris Junoni in summa inopia cibi tamen abstinebatur. quæ res saluti fuit. Namque clangore eorum alarumque crepitu excitus M. Manlius, qui triennio antè consul fuerat, vir bello egregius, armis arreptis, simul ad arma ceteros ciens, vadit; &, dum ceteri trepidant, Gallum, qui jam in summo constiterat, umbone ictum deturbat: Cujus casus prolapsi quum proximos sterneret, trepidantes alios, armisque omisiss saxa, quibus adhærebant, manibus

bus amplexos, trucidat. jamque & alii congregati telis missilibusque faxis proturbare hostes, ruinâque tota prolapsa acies in præceps deferri. Sedato deinde tumultu, reliquum noctis (quantum in turbatis mentibus poterat, quum præteritum quoque periculum sollicitaret) quieti datum est. Luce ortâ, vocatis classico ad concilium militibus ad tribunos, quum & rectè & perperam factò pretium deberetur; Manlius primùm ob virtutem laudatus donatusque, non ab tribunis solum militum, sed consensu etiam militari: cui universi se libras farris & quartarios vini ad ædes ejus, quæ in arce erant, contulerunt. rem dictu parvam, ceterum inopia fecerat eam argumentum ingens caritatis, quum, se quisque victu suo fraudans, detractum corpori atque usibus necessariis ad honorem unius viri conferret. Tum vigiles ejus loci, quâ fesellerat ascendens hostis, citati: & quum in omnes more militari se animadversurum Q. Sulpicius tribunus militum pronunciasset; consentiente clamore militum, in unum vigilem conjicientium culpam, deterritus, à ceteris abstinuit: reum haud dubium ejus noxæ, approbantibus cunctis, de saxo dejecit. Inde intentiores utrinque custodiæ esse; & apud Gallos, quia vulgatum erat, inter Vejos Romanque nuncios commeare; & apud Romanos, ab nocturni periculi memoria.

XLVIII. Sed ante omnia obsidionis bellique mala fames utrinque exercitum urgebat: Gallos pestilentia etiam, quum loco jacente inter tumulos castra habentes, tum ab incendiis torrido & vaporis pleno, cineremque, non pulverem modò, ferente, quum quid ventum motum esset. quorum intolerantissima gens, humorique ac frigori assucta, quum æstu & angore vexata, vulgatis velut in pecora morbis, moreretur; jam pigritiâ singulos sepeliendi promiscuè acervatos cumulos hominum urebant: bustorumque inde Gallicorum nomine insignem locum fecere. Induciæ deinde cum Romanis

manis factæ, & colloquia permissu imperatorum habitæ : in quibus quum identidem Galli famem objicerent, eaque necessitate ad deditionem vocarent, dicitur avertendæ ejus opinionis causâ multis locis panis de Capitolio jactatus esse in hostium stationes. Sed jam neque dissimulari, neque ferri ultrâ fames poterat. Itaque, dum dictator delectum per se Ardeæ habet, magistrum equitum L. Valerium à Vejis abducere exercitum jubet, parat, instruitque, quibus haud impar adoriatur hostes : interim Capitolinus exercitus, stationibus vigiliisque fessus, superatis tamen humanis omnibus malis, quum famem unam natura vinci non sineret, diem de die prospectans, ecquod auxilium ab dictatore appareret; postremò spe quoque jam, non solum cibo, deficiente, &, quum stationes procederent, propè obruentibus infirmum corpus armis, vel dedi, vel redimi se, quacunque pactione possent, jussit; jactantibus non obscurè Gallis, haud magnâ mercede se adduci posse, ut obsidionem relinquunt. Tum senatus habitus, tribunisque militum negotium datum, ut paciscerentur. Inde inter Q. Sulpicium tribunum militum & Brennum regulum Gallorum colloquio transacta res est, & mille pondo auri pretium populi gentibus mox imperaturi factum. Rei, foedissimæ per se, adjecta indignitas est. pondera ab Gallis allata iniqua, &, tribuno recusante, additus ab insolente Gallo ponderi gladius: auditaque intoleranda Romanis vox, *Va victis esse.*

XLIX. Sed Diique & homines prohibuere redemptos vivere Romanos. nam forte quâdam, prius quàm infanda merces perficeretur, per altercationem nondum omni auro appenso, dictator intervenit; auferrique aurum de medio, & Gallos submoveri jubet. Quum illi renitentes pactos dicerent sese, negat eam pactionem ratam esse, quæ, postquam ipse dictator creatus esset, injussu suo ab inferioris juris magistratu facta esset: denunciat.

nunciatque Gallis, ut se ad prœlium expediant. Suos in acervum conjicere sarcinas, & arma aptare, ferroque, non auro, recuperare patriam jubet, in conspectu habentes fana Deûm, & conjuges, & liberos, & solum patriæ deforme belli malis, & omnia, quæ defendi repetique & ulcisci fas sit. Instruit deinde aciem, ut loci natura patiebatur, in semirutæ solo urbis, & naturâ inæquali; & omnia, quæ arte belli secunda suis eligi præpararive poterant, providit. Galli, novâ re trepidi, arma capiunt, irâque magis, quàm consilio, in Romanos incurrunt. Jam verterat fortuna, jam Deorum opes humanaque consilia rem Romanam adjuvant. igitur primo concursu haud majore momento fusi Galli sunt, quàm ad Alliam vicerant. Justiore altero deinde prœlio ad octavum lapidem Gabinâ viâ, quò se ex fuga contulerant, ejusdem ductu auspicioque Camilli vincuntur. Ibi cædes omnia obtinuit. castra capiuntur, & ne nuncius quidem cladis relictus. Dictator, recuperatâ ex hostibus patriâ, triumphans in urbem redit: interque jocos militares, quos inconditos jaciunt, Romulus ac parens patriæ conditorque alter urbis haud vanis laudibus appellatur. Servatam deinde bello patriam iterum in pace haud dubiè servavit, quum prohibuit migrari Vejos, & tribunis rem intentiùs agentibus post incensam urbem, & per se inclinatâ magis plebe ad id consilium. eaque causa fuit non abdicandæ post triumphum dictaturæ, senatu obsecrante, ne rempublicam in incerto relinqueret statu.

L. Omnium primùm, ut erat diligentissimus religionum cultor, quæ ad Deos immortales pertinebant, retulit; & senatusconsultum facit, *Fana omnia, quòd ea hostis possedisset, restituerentur, terminarentur, expiarenturque, expiatioque eorum in libris per duumviros quaeretur. Cum Caretibus hospitium publicè fieret, quòd sacra populi Romani ac sacerdotes recepissent, beneficioque ejus populi non intermissus bonos Deûm immortalium esset: ludî Capitolini fierent,*

rent, quòd *Jupiter optimus maximus* suam sedem atque urbem populi Romani in re trepida tutatus esset: collegiumque ad eam rem *M. Furius dictator* constitueret ex iis, qui in *Capitolio* atque arce habitarent. Expiandæ etiam vocis nocturnæ, quæ nuncia cladis ante bellum Gallicum audita neglectaque esset, mentio illata, jussumque templum in Nova via Ajo Locutio fieri. Aurum, quod Gallis ereptum erat, quodque ex aliis templis inter trepidationem in Jovis cellam collatum, quum, in quæ referri oporteret, confusa memoria esset, sacrum omne judicatum, & sub Jovis sella poni jussum. Jam antè in eo religio civitatis apparuerat, quòd, quum in publico deesset aurum, ex quo summa pactæ mercedis Gallis confieret, à matronis collatum acceperant, ut sacro auro abstineretur. Matronis gratiæ actæ, honosque additus, ut earum, sicut virorum, post mortem solennis laudatio esset. Iis peractis, quæ ad Deos pertinebant, quæque per senatum agi poterant; tum demum, agitantibus tribunis plebem assiduis concionibus, ut, relictis ruinis, in urbem paratam Vejos transmigrarent, in concionem, universo senatu prosequente, descendit, atque ita verba fecit:

LI. Adeo mihi acerba sunt, *Quirites*, contentiones cum tribunis plebis, ut nec tristissimi exsilii solatium aliud haberim, quoad *Ardeæ* vixi, quàm quòd procul ab his certaminibus eram: & ob eadem hæc, non, si millies senatusconsulto populi que jussu revocaretis, rediturus unquam fuerim. Nec nunc me, ut redirem, mea voluntas mutata, sed vestra fortuna perpulit. quippe, ut in sua sede maneret patria, id agebatur; non ut ego utique in patria essem. & nunc quiescerem ac tacerem libenter, nisi hæc quoque pro patria dimicatio esset; cui deesse, quoad vita suppetat, aliis turpe, *Camillo* etiam nefas est. Quid enim repetimus? quid obsessam ex hostium manibus eripimus, si recuperatam ipsi deserimus? & quum, victoribus Gallis, captâ totâ urbe, *Capitolium* tamen atque arcem Diique & homines Romani tenuerint, habitaverint;

vint; victoribus Romanis, recuperatâ urbe, arx quoque & Capitolium deseretur? & plus vastitatis huic urbi secunda nostra fortuna faciet, quàm adversa fecit? Equidem, si nobis cum urbe simul posita traditæque per manus religiones nulla essent, tamen tam evidens nimen hac tempestate rebus adfuit Romanis, ut omnem negligentiam divini cultûs exemptam hominibus putem. Intuemini enim horum deinceps annorum vel secandas res, vel adversas: invenietis omnia prosperè evenisse sequentibus Deos, adversa spernentibus. Jam omnium primum Vejens bellum (per quot annos, quanto labore gestum!) non antè cepit finem, quàm monitu Deorum aqua ex lacu Albano emissâ est. Quid hæc tandem urbis nostræ clades nova? num antè exorta est, quàm spreta vox cælo emissâ de adventu Gallorum? quàm gentium jus ab legatis nostris violatum? quàm à nobis, quum vindicari deberet, eâdem negligentia Deorum prætermisum? Igitur victi captique ac redempti tantum pœnarum Diis hominibusque dedimus, ut terrarum orbi documento essemus. Adversa deinde res admonuerunt religionum. Confugimus in Capitolium ad Deos, ad sedem Jovis optimi maximi: sacra in ruina rerum nostrarum alia terræ celavimus, alia, avectâ in finitimas urbes, amovimus ab hostium oculis. Deorum cultum, deserti ab Diis hominibusque, tamen non intermisimus. Reddidere igitur patriam, & victoriam, & antiquum belli decus amissum: & in hostes, qui cæci avaritiâ in pondere auri fœdus ac fidem fefellerunt, verterunt terrorem fugamque & cadem.

LII. Hæc culti neglectique numinis tanta monumenta in rebus humanis cernentes, ecquid sentitis, Quirites, quantum vixdum è naufragiis prioris culpæ cladisque emergentes paremus nefas? Urbem auspiciatò inauguratòque conditam habemus: nullus locus in ea non religionum Deorumque est plenus: sacrificiis solennibus non dies magis statî, quàm loca sunt, in quibus fiant. Hos omnes Deos, publicos privatosque, Quirites, deserturi estis? Quàm par vestrum factum est, quod in obsidione nuper in egregio adolescente C. Fabio, non minore hostium admiratione, quàm vestrâ, conspectum est; quum in-



ter Gallica tela degressus ex arce solenne Fabia gentis in colle Quirinali obiit? An gentilitia sacra ne in bello quidem intermitteri, publica sacra & Romanos Deos etiam in pace deferi placet? & pontifices flaminesque negligentiores publicorum religionum esse, quàm privatus in solenni gentis fuerit? Forstian aliquis dicat, aut Vejis ea nos facturos, aut huc inde misuros sacerdotes nostros, qui faciant: quorum neutrum fieri solvis ceremoniis potest. & ne omnia generatim sacra omnesque percenseam Deos; in Jovis epulo nam alibi, quàm in Capitolio, pulvinar suscipi potest? Quid de aternis Vestæ ignibus signoque, quod imperii pignus custodiâ ejus templi tenetur, loquar? quid de ancilibus vestris, Mars Gradive, tuque Quirine pater? hæc omnia in profano deferi placet sacra, æqualia urbi, quedam vetustiora origine urbis? Et videte, quid inter nos ac majores intersit. illi sacra quedam in monte Albano Lavinioque nobis facienda tradiderunt. An ex hostium urbibus Romam ad nos transferri sacra religiosum fuit: hinc sine piaculo in hostium urbem Vejos transferemus? Recordamini, agitedum, quoties sacra instaurentur, quia aliquid ex patrio ritu negligentia casuve prætermisum est. Modò quæ res, post prodigium Albani lacus, nisi instauratio sacrarum auspiciorumque renovatio, affecta Vejenti bello reipublicæ remedio fuit? At etiam, tanquam veterum religionum memores, & peregrinos Deos transtulimus Romam, & institui-mus novos. Juno Regina, transvecta à Vejis, nuper in Aventino quàm insigni ob excellens matronarum studium celebrique dedicata est die? Ajo Locutio templum, propter cælestem vocem exauditam in Nova via, jussimus fieri: Capitolinos ludos solennibus aliis addidimus; collegiumque ad id novum, auctore senatu, condidimus. Quid horum opus fuit suscipi, si unâ cum Gallis urbem Romanam relicturi fuimus? si non voluntate mansimus in Capitolio per tot menses obsidionis? si ab hostibus metu retenti sumus? De sacris loquimur & de templis: quid tandem de sacerdotibus? Nonne in mentem venit, quantum piaculi committatur? Vestalibus nempe una illa sedes est, ex qua eas nihil unquam, præterquam urbs capta, movit.

movit. Flaminii Diali noctem unam manere extra urbem nefas est. Hos Vejentes pro Romanis facturi estis sacerdotes, & Vestales tuæ te deserent, Vesta? & flamen peregrè habitando in singulas noctes tantum sibi rei publicae piaculi contrahet? Quid alia, quæ auspiciatò agimus omnia ferè intra pomerium, cui oblivioni, aut cui negligentia damus? Comititia curiata, quæ rem militarem continent; comitia centuriata, quibus consules tribunosque militares creatis, ubi auspiciatò, nisi ubi adsolent, fieri possunt? Vejotne hac transferemus? an comitiorum causâ populus tanto incommodo in desertam hanc ab Diis hominibusque urbem conveniet?

LIII. Sed res ipsa cogit vastam incendiis ruinisque relinquere urbem, & ad integra omnia Vejos migrare, nec hîc edificando inopem plebem vexare. Hanc autem jactari magis causam, quàm veram esse, ut ego non dicam, apparere vobis, Quirites, puto; qui meministis, ante Gallorum adventum, salvis testis publicis privatisque, stante incolumi urbe, hanc eandem rem actam esse, ut Vejos transmigraremus. Et videte, quantum inter meam sententiam vestramque intersit, tribuni. Vos, etiamsi tunc faciendum non fuerit, nunc utique faciendum putatis: ego contrà, (nec id mirati sitis prius, quàm, quale sit, audieritis) etiamsi tunc migrandum fuisset, incolumi totâ urbe, nunc has ruinas relinquendas non censerem. Quippe tum causa nobis in urbem captam migrandi victoria esset, gloriosa nobis ac posteris nostris; nunc hæc migratio nobis misera ac turpis, Gallis gloriosa est. non enim reliquisse viatores, sed amisisse victi, patriam videbimur. hoc ad Alliam fuga, hoc capta urbs, hoc circumfessum Capitolium necessitatis imposuisse, ut desereremus penates nostros, exiliumque ac fugam nobis ex eo loco conscisceremus, quem tueri non possemus. & Galli evertere potuerunt Romam, quam Romani restituere non videbuntur potuisse? Quid restat, nisi ut, si jam novis copiis veniant, (constat enim vix credibilem multitudinem esse) & habitare in capta ab se, deserta à vobis, hac urbe velint, finatis? Quid? si non Galli hoc, sed veteres hostes vestri, Æqui Volscive, faciant, ut commigrent Romam, velitne il-

los Romanos, vós Veientes esse? an malitis hanc solitudinem vestram, quàm urbem hostium, esse? non equidem video, quid magis nefas sit. Hæc scelera, quia piget edificare, hæc dedecora pati parati estis? Si totâ urbe nullum melius ampliusve tectum fieri possit, quàm casa illa conditoris est nostri, non in casis, ritu pastorum agrestiumque, habitare est satius inter sacra penatesque vestros, quàm exsulatum publicè ire? Majores nostri, convena pastoresque, quum in his locis nihil, præter silvas paludesque, esset, novam urbem tam brevi edificarunt: nos, Capitolio, arce incolumi, stantibus templis Deorum, edificare incensa piget? & quod singuli facturi fuimus, si adēs nostra deflagrassent, hoc in publico incendio universi recusamus facere?

LIV. Quid tandem? si fraude, si casu Vejis incendium ortum sit, ventoque (ut fieri potest) diffusa flamma magnam partem urbis absumat; Fidenas inde, aut Gabios, aliamve quam urbem quesituri sumus, quò transmigemus? Adeo nihil tenet solum patria, nec hæc terra, quam matrem appellamus, sed in superficie tignisque caritas nobis patria pendet? Equidem, fatebor vobis, etsi minùs injuria vestra, quàm mea calamitatis, meminisse juvat, quum abessem, quotiescunque patria in mentem veniret, hæc omnia occurrebant, colles, campique, & Tiberis, & assueta oculis regio, & hoc cælum, sub quo natus educatusque essem. quæ vos, Quirites, nunc moveant potiùs caritate suâ, ut maneatis in sede vestra, quàm postea, quum reliqueritis ea, macerent desiderio. Non sine causa Dii hominesque hunc urbi condendæ locum elegerunt, saluberrimos colles, flumen opportunum, quo ex mediterraneis locis fruges debebantur, quo maritimi commeatus accipiantur; mare vicinum ad commoditates, nec expositum nimîa propinquitate ad pericula classium externarum: regionum Italia mediæ, ad incrementum urbis natum unicè locum. Argumento est ipsa magnitudo tam novæ urbis. trecentessimus sexagesimus quintus annus urbis, Quirites, agitur: inter tot veterrimos populos tamdiu bella geritis; quum interea, ne singulas loquar urbes, non conjuncti cum Æquis Volsci, tot tam valida oppida,

da, non universa Etruria, tantum terrâ marique pollens, atque inter duo maria latitudinem obtinens Italia, bello vobis par est. Quod quum ita sit, quæ (malum) ratio est, expertis alia experiri, quum jam, ut virtus vestra transire aliò possit, fortuna certè loci hujus transferri non possit? Hic Capitolium est, ubi quondam capite humano invento responsum est, eo loco caput rerum summamque imperii fore. hic, quum auguratò liberaretur Capitolium, Juventas Terminisque maximo gaudio patrum nostrorum moveri se non passi. hic Vestæ ignes, hic ancilia cælo demissa, hic omnes propitii manentibus vobis Dii.

LV. Movisse eos Camillus quum aliâ oratione, tum eâ, quæ ad religiones pertinebat, maximè dicitur. sed rem dubiam decrevit vox opportuna emissa; quòd, quum senatus post paulo de his rebus in curia Hostilia haberetur, cohortesque, ex præsidiis revertentes, fortè agmine forum transirent, centurio in comitio exclamavit: Signifer, statue signum: hic manebimus optimè. quâ voce auditâ, & senatus, accipere se omen, ex curia egressus, conclamavit, & plebs circumfusa approbavit. Antiquatâ deinde lege, promiscuè urbs ædificari cœpta. Tegula publicè præbita est: saxi materiæque cædendæ, unde quisque vellet, jus factum; prædibus acceptis, eo anno ædificia perfecturos. Festinatio curam exemit vicos dirigendi, dum, omisso sui alienique discrimine, in vacuo ædificant. Ea est causa, ut veteres cloacæ, primò per publicum ductæ, nunc privata passim subeant tecta; formaque urbis sit occupatæ magis, quàm divisæ, similis.

## LIBER VI.

## E P I T O M E.

I, &c. **R**ES adversus Volscos & Æquos & Prænestinos prosperè gestas continet. V. Quatuor tribus addite sunt, Stellatina, Sabatina, Tromentina, Arniensis. XIV, &c. XX. M. Manlius, qui Capitolium à Gallis defenderat, quum obstrictos ære alieno liberaret, nexos exsolveret, crimine affectati regni damnatus, de saxo Tarpeio dejectus est: in cujus notam senatusconsultum factum est, ne cui de Manlia gente Marco cognomen esset. XXXIV, XXXV, &c. C. Licinius & L. Sextius tribuni plebis legem promulgarunt, ut consules etiam ex plebe fierent, qui ex Patribus creabantur. eamque legem cum magna contentione, repugnantibus Patribus, quum iidem tribuni plebis per quinquennium soli magistratus fuissent, pertulerunt; & primus ex plebe consul L. Sextius creatus est. Lata est & altera lex, ne cui plus quingentis jugeribus agri liceret possidere.

I. **Q**UÆ ab condita urbe Roma ad captam eandem urbem Romani sub regibus primùm, consulibus deinde ac dictatoribus, decemvirisque ac tribunis consularibus gessere, foris bella, domi seditiones, quinque libris exposui; res quum vetustate nimia obscuras, velut quæ magno ex intervallo loci vix cernuntur; tum quòd parvæ & raræ per eadem tempora literæ fuere, una custodia fidelis memoriæ rerum gestarum: & quòd, etiamsi quæ in commentariis pontificum aliisque publicis privatisque erant monumentis, incensâ urbe pleræque interiire. Clariora deinceps certioraque ab secunda origine, velut ab stirpibus lætius feraciùsque renatæ urbis, gesta domi militiæque exponuntur. Ceterum quo primo admi-

adminiculo erecta erat, eodem innisa M. Furio principe stetit. neque eum abdicare se dictaturâ, nisi anno circumacto, passi sunt. Comitia in insequentem annum tribunos habere, quorum in magistratu capta urbs esset, non placuit: res ad interregnum rediit. Quum civitas in opere ac labore assiduo reficiendæ urbis teneretur, interim Q. Fabio, simul primùm magistratu abiit, ab C. Marcio tribuno plebis dicta dies est, quòd legatus in Gallos, ad quos missus erat orator, contra jus gentium pugnâset. cui iudicio eum mors, adeo opportuna, ut voluntariam magna pars crederet, subtraxit. Interregnum initum. P. Cornelius Scipio interrex, & post eum M. Furius Camillus iterum. Is tribunos militum consulari potestate creat, L. Valerium Publicolam iterum, L. Virginium, P. Cornelium, A. Manlium, L. Æmilium, L. Postumium. Hi ex interregno quum extemplo magistratum inissent, nulla de re priùs, quàm de religionibus, senatum consuluerunt. In primis fœdera ac leges (erant autem eæ duodecim tabulæ & quædam regiæ leges) conquiri, quæ comparerent, iusserunt: alia ex eis edita etiam in vulgus: quæ autem ad sacra pertinebant, à pontificibus maximè, ut religione obstrictos haberent multitudinis animos, suppressa. Tum de diebus religiosis agitari cœptum, diemque ante diem xv. Kalendas Sextiles, duplici clade insignem, (quo die ad Cremeram Fabii cæsi, quo deinde ad Alliam cum exitio urbis fœdè pugnatum) à posteriore clade Alliensē appellârunt, insignemque rei nulli publicè privatimque agendæ fecerunt. Quidam, quòd postridie Idus Quinctiles non lictasset Sulpicius tribunus militum, neque inventâ pace Deum post diem tertium objectus hosti exercitus Romanus esset, etiam postridie Idus rebus divinis supersederi iussum: inde, ut postridie Kalendas quoque ac Nonas eadem religio esset, traditum, putant.

II. Nec diu licuit quietis consilia erigendæ ex tam

P 3

gravi

gravi casu reipublicæ secum agitare. Hinc Volsci, veteres hostes, ad extinguendum nomen Romanum arma ceperant, hinc Etruriæ principum ex omnibus populis conjurationem de bello, ad sanum Voltumnæ factam, mercatores afferebant. novus quoque terror accesserat defectione Latinorum Hernicorumque, qui, post pugnam ad lacum Regillum factam, per annos propè centum nunquam ambigua fide in amicitiam populi Romani fuerant. Itaque quum tanti undique terrores circumstarent, appareretque omnibus, non odio solum apud hostes, sed contemptu etiam inter socios nomen Romanum laborare; placuit eisdem auspiciis defendi rempublicam, quibus recuperata esset, dictatoremque dici M. Furium Camillum. Is dictator C. Servilium Ahalam magistrum equitum dixit: justitioque indicto, delectum juniorum habuit, ita ut seniores quoque, quibus aliquid roboris superesset, in verba sua juratos centuriaret. Exercitum conscriptum armatumque trifariam divisit. partem unam in agro Veiente Etruriæ opposuit: alteram ante urbem castra locare jussit. tribunus militum his A. Manlius, illis, qui adversus Etruscos mittebantur, L. Æmilius præpositus: tertiam partem ipse ad Volscos duxit. nec procul ab Lanuvio (*ad Mæcium* is locus dicitur) castra oppugnare est adortus. Quibus, ab contemptu (quod propè omnem deletam à Gallis Romanam juventutem crederent) ad bellum profectis, tantum Camillus auditus imperator terroris intulerat, ut vallo se ipsi, vallum congestis arboribus sepirent, ne quâ intrare ad munimenta hostis posset. Quod ubi animadvertit Camillus, ignem in objectam sepem conjici jussit. & forte erat vis magna venti versa in hostem. itaque non aperuit solum incendio viam, sed, flammis in castra tendentibus, vapore etiam ac fumo crepituque viridis materiæ flagrantis, ita consternavit hostes; ut minor motus superantibus vallum in castra Volscorum Romanis

his fuerit, quàm transcendentibus septem incendio consumptam fuerat. Fufis hostibus caesisque, quum castra impetu cepisset dictator, prædam militi dedit, quo minus speratam, minime largitore duce, eo militi gratiorem. persecutus deinde fugientes, quum omnem Volscum agrum depopulatus esset, ad deditionem Volscos septuagesimo demum anno subegit. Victor ex Volscis in Æquos transiit, & ipsos bellum molientes: exercitum eorum ad Bols oppressit; nec castra modo, sed urbem etiam aggressus, impetu primo cepit.

III. Quum in ea parte, in qua caput rei Romanæ Camillus erat, ea fortuna esset, aliam in partem terror ingens ingruerat. Etruria propè omnis armata Sutrium, socios populi Romani, obsidebat: quorum legati, operi rebus affectis orantes, quum senatum adissent, decretum tulere, ut dictator primo quoque tempore auxilium Sutrinis ferret. Cujus spei moram quum pati fortuna obsessorum non potuisset, confecta que paucitas oppidanorum, opere, vigiliis, vulneribus, quæ semper eosdem urgebant, per pacationem urbe hostibus tradita, inermes cum singulis emissi vestimentis, miserabili agmine penates relinquerent; eo fortè tempore Camillus cum exercitu Romano intervenit. cui quum se mœsta turba ad pedes provolvisset, principumque orationem, necessitate ultimâ expressam, fletus mulierum ac puerorum, qui exilii comites trahebantur, excepisset; parere lamentis Sutrinis iussit: Etruscis se luctum lacrimasque ferre. Sarcinas inde deponi, Sutrinosque ibi confidere, modico præsidio relicto, arma secum militem ferre jubet. Ita expedito exercitu profectus ad Sutrium, id quod rebatur, soluta omnia rebus (ut fit) secundis invenit: nullam stationem ante mœnia, patentes portas, victorem vagum prædam ex hostium testis egerentem. Iterum igitur eodem die Sutrium capitur: victores Etrusci passim trucidantur ab novo-hoste, neque se conglobandi, cœundique in



unum, aut arma capiendi datur spatium. quum pro se quisque tenderent ad portas, si quâ fortè se in agros ejicere possent, clausas (id enim primum dictator imperaverat) portas inveniunt. Inde alii arma capere, alii, quos fortè armatos tumultus occupaverat, convocare suos, ut prœlium inirent. quod accensum ab desperatione hostium fuisset; ni præcones, per urbem dimissi, poni arma, & parci inermi jussissent, nec præter armatos quenquam violari. Tum etiam, quibus animi in spe ultima obstinati ad decertandum fuerant, postquam data spes vitæ est, jactare passim arma, inermesque, quod tutius fortuna fecerat, se hosti offerre. Magna multitudo in custodias divisa: oppidum ante noctem redditum Sutrinis inviolatum integrumque ab omni clade belli, quia non vi captum, sed traditum per conditiones fuerat.

IV. Camillus in urbem triumphans rediit, triumphum bellorum victor. Longè plurimos captivos ex Etruscis ante currum duxit. quibus sub hasta venundatis, tantum æris redactum est, ut, pretio pro auro matronis perfoluto, ex eo, quod supererat, tres patere aureæ factæ sint: quas, cum titulo nominis Camilli, ante Capitolium incensum in Jovis cella constat ante pedes Junonis positas fuisse. Eo anno in civitatem accepti, qui Vejentium Capenatiumque ac Faliscorum per ea bella transfugerant ad Romanos, agerque iis novis civibus assignatus. revocati quoque in urbem senatusconsulto à Vejis, qui ædificandi Romæ pigritiâ, occupatis ibi vacuis testis, Vejos se contulerant. & primò fremitus fuit aspernantium imperium: dies deinde præstituta capitalisque poena, qui non remigrasset Romani, ex ferocibus universis singulos, metu suo quemque, obediens fecit. Et Roma quum frequentia crescere, tum tota simul exsurgere ædificiis, & republicâ impensas adjuvante, & ædilibus velut publicum exigentibus opus, & ipsis privatis (admonebat enim des-

desiderium usûs) festinantibus ad effectum operis. intraque annum nova urbs stetit. Exitu anni comitia tribunorum militum consulari potestate habita. creati T. Quinctius Cincinnatus, Q. Servilius Fidenas quintum, L. Julius Julius, L. Aquillius Corvus, L. Lucretius Tricipitinus, Ser. Sulpicius Rufus. Exercitum alterum in Æquos, non ad bellum, (victos namque se fatebantur) sed ab odio ad pervastandos fines, ne quid ad nova consilia relinquerent virium, duxere: alterum in agrum Tarquiniensem. Ibi oppida Etruscorum Cortuosa & Contenebra vi capta dirutaque. Ad Cortuosam nihil certaminis fuit. improvisè adorti, primo clamore atque impetu cepere: direptum oppidum atque incensum est. Contenebra paucos dies oppugnationem sustinuit; laborque continuus, non die non nocte remissus, subegit eos. quum in sex partes divisus exercitus Romanus senis horis in orbem succederet prælio, oppidanos eosdem integro semper certamini paucitas fessos objiceret; cessere tandem, locusque invadendi urbem Romanis datus est. Publicari prædam tribunis placebat: sed imperium, quàm consilium, segnius fuit. dum cunctantur, jam militum præda erat; nec, nisi per invidiam, adimi poterat. Eodem anno, ne privatis tantum operibus cresceret urbs, Capitolium quoque saxo quadrato substructum est: opus vel in hac magnificentia urbis conspiciendum.

V. Jam & tribuni plebis, civitate ædificando occupatâ, conciones suas frequentare legibus agrariis conabantur. ostentabatur in spem Pomptinus ager, tum primum, post accisas à Camillo Volscorum res, possessionis haud ambiguae. Criminabantur, *multo eum infestiores agrum ab nobilitate esse, quàm à Volscis fuerit; ab illis enim tantum, quoad vires & arma habuerunt, incursionem eò factas. nobiles homines in possessionem agri publici grassari: nec, nisi, antequam omnia precipiant; divisus sit, locum ibi plebi fore.* Haud magno opere plebem moverant,

& infrequentem in foro propter ædificandi curam, & eodem exhaustam impensis, coque agri immemorem, ad quem instruendam vires non essent. In civitate plena religionum, tum etiam ab recenti clade superstitionis principibus, ut renovarentur auspicia, res ad interregnum rediit. interreges deinceps M. Manlius Capitolinus, Ser. Sulpicius Camerinus, L. Valerius Potitus. Hic demum tribunorum militum consulari potestate comitia habuit. L. Papirium, C. Cornelium, C. Sergium, L. Æmilium iterum, L. Menenium, L. Valerium Publicolam tertium creat. hi ex interregno magistratum occepere. Eo anno ædes Martis, Gallico bello vota, dedicata est à T. Quinctio duumviro sacris faciundis. Tribus quatuor ex novis civibus additæ, Stellatina, Tromentina, Sabatina, Arnienfis: cæque viginti quinque tribuum numerum explevere.

VI. De agro Pomptino ab L. Sicinio tribuno plebis actum ad frequentiore jam populum, mobilioremque ad cupiditatem agri, quam fuerat. Et de Latino Herinicoque bello mentio facta in senatu, majoris belli curâ, quod Etruria in armis erat, dilata est. Res ad Camillum tribunum militum consulari potestate rediit. collegæ additi quinque, Ser. Cornelius Maluginensis, Q. Servilius Fidenas sextum, L. Quinctius Cincinnatus, L. Horatius Pulvillus, P. Valerius. Principio anni averse curæ hominum sunt à bello Etrusco, quod fugientiam ex agro Pomptino agmen repente illatum in urbem attulit, Antiates in armis esse, Latinorumque populos juventutem submisisse ad id bellum; eo abauentes publicum fuisse consilium, quod non prohibitos tantummodo voluntarios dicerent militare, ubi vellent. Desierant jam ulla contemni bella. itaque senatus Diis agere gratias, quod Camillus in magistratu esset: dictatorem quippe dicendum eum fuisse, si privatus esset. & collegæ fateri, *regimen omnium rerum, ubi quid bellici terroris ingruat, in viro uno esse: sibi que destina-*

stinatum in animo esse, Camillo submittere imperium. nec quicquam de maiestate sua detractum credere, quod maiestati ejus viri concessissent. Collaudatis ab senatu tribunis, & ipse Camillus, confusus animo, gratias egit. Ingens, inde ait, onus à populo Romano sibi, qui se dictatorem jam quartum crederet, magnum à senatu talibus de se judiciis ejus ordinis, maximam tam honoratorum collegatum obsequio injungi. Itaque si quid laboris vigiliarumque adjici possit, certantem secum ipsum annisurum, ut tanto de se consensu civitatis opinionem, quæ maxima sit, etiam constantem efficiat. Quod ad bellum atque Antiates attineat, plus ibi minarum, quam periculi, esse. se tamen, ut nihil timendi, sic nihil contemnendi auctorem esse. Circumsederi urbem Romanam ab invidia & odio finitimorum : itaque & ducibus pluribus & exercitibus administrandam rempublicam esse. Te, inquit, P. Valeri, socium imperii consiliique, legiones tecum adversas Antiatem hostem ducere placet : te, Q. Servili, altero exercitu instructo paratoque, in urbe castra habere ; intentum, sive Etruria se interim, ut nuper, sive nova hæc cura, Latini atque Hernici, moverint. Pro certo habeo, ita rem gesturum, ut patre, avo, teque ipso ac sex tribunatibus dignum est. Tertius exercitus ex causariis sentoribusque à L. Quintio scribatur, qui urbi mœnibusque presidio sit. L. Horatius arma, tela, frumentum, quæque belli alia tempora poscent, provideat. Te, Ser. Corneli, presidem hujus publici consilii, custodem religionum, comitiorum, legum, rerum omnium urbanarum, collega facimus. Cunctis in partes muneri sui benignè pollicentibus operam, Valerius, socius imperii lectus, adjecit ; M. Furium sibi pro dictatore, seque ei pro magistro equitum futurum : proinde, quam opinionem de unico imperatore, eam spem de bello haberent. Se verò bene sperare, Patres, & de bello, & de pace universaque republica, erecti gaudio, fremunt : nec dictatore unquam opus fore reipublicæ, si tales viros in magistratu habeat, tam concordibus sanctos animis, parere atque imperare juxta paratos, lau- u

demque conferentes potius in medium, quàm ex communi ad se trahentes.

VII. Justitio indicto, delectuque habito, Furius ac Valerius ad Satricum profecti: quò non Volscorum modò juventutem Antiates ex nova sobole lectam, sed ingentem Latinorum Hernicorumque conciverant ex integerrimis diutinà pace populis: itaque novus hostis veteri adjunctus commovit animos militis Romani. Quod ubi aciem jam instruenti Camillo centuriones renunciaverunt, turbatas militum mentes esse, segniter arma capta, cunctabundosque & resistentes egressos castris esse; quin voces quoque auditas, cum centenis hostibus singulos pugnatu-ros; & agrè inermem tantam multitudinem, nedum armatam, sustineri posse; in equum infilit, &, ante signa obversus in aciem, ordines interequitans, *Quæ tristitia, milites, hæc, quæ insolitâ cunctatio est? Hostem, an me, an vos ignoratis? Hostis est quid aliud, quàm perpetua materia virtutis glorieque vestra? Vos contra, me duce, (ut Falerios Vejosque captos, & in capta patria Gallorum legiones casus taceam) modò trigeminæ victoriæ triplicem triumphum ex his ipsis Volscis, & Æquis, & ex Etruria egistis. An me, quoddam dictator vobis, sed tribunus, signum dedi, non agnoscitis ducem? neque ego maxima imperia in vos desidero: & vos in me nihil, præter me ipsum, intueri decet. neque enim dictatura mihi unquam animos fecit, ut ne exsilium quidem ademit. Idem igitur omnes sumus: &, quum eadem omnia in hoc bellum afferamus, quæ in priora attulimus, eundem eventum belli expectemus. Simul concurreritis, quod quisque didicit ac consuevit, faciet. Vos vincetis, illi fugient.*

VIII. Dato deinde signo, ex equo desiluit, & proximum signiferum, manu arreptum, secum in hostem rapit; *infer, miles, clamitans, signum.* Quod ubi videre, ipsum Camillum, jam ad munera corporis senectâ invalidum, vadentem in hostes, procurrunt pariter omnes, clamore sublato, *Sequere imperatorem, pro se*

qu

quisque clamantes. Emissum etiam signum Camilli jussu in hostium aciem ferunt; idque ut repeteretur, concitatos antesignanos. Ibi primum pulsum Antiatem, terroremque non in primam tantum aciem, sed etiam ad subsidiarios perlatum. nec vis tantum militum movebat, excitata presentia ducis, sed quod Volscorum animis nihil terribilius erat, quam ipsius Camilli forte oblata species. Ita, quocunque se intulisset, victoriam secum haud dubiam trahebat. maxime id evidens fuit, quum, in laevum cornu, prope jam pulsum, arrepto repente equo cum scuto pedestri, advectus, conspectu suo proelium restituit, ostentans vincentem ceteram aciem. Jam inclinata res erat, sed turbam hostium & fuga impediabatur, & longa caede conficienda multitudo tanta fesso militi erat: quum repente ingentibus procellis fusus imber certam magis victoriam, quam proelium, diremit. Signo deinde receptui dato, nox insecuta, quietis Romanis, perfecit bellum. Latini namque & Hernici, relictis Volscis, domos profecti sunt, malis consiliis pares adepti eventus. Volsci, ubi se desertos ab eis videre, quorum fiducia rebellaverant, relictis castris, moenibus Satrici se includunt. quos primo Camillus vallo circumdare, & aggere atque operibus oppugnare est adortus. Quam postquam nullam eruptionem impediri videt; minus esse animi ratus in hoste, quam ut in eo tam lentæ spei victoriam exspectaret, cohortatus milites, ne, tanquam Vejos oppugnantes, in opere longinquo sese tererent, victoriam in manibus esse; ingenti militum alacritate moenia undique aggressus, scalis oppidum cepit. Volsci abjectis armis sese dediderunt.

IX. Ceterum animus ducis rei majori, Antio, imminebat. id caput Volscorum, eam fuisse originem proximi belli. Sed quia nisi magno apparatu, tormentis machinisque, tam valida urbs capi non poterat; relicto ad exercitum collega, Romam est profectus,

*demque conferentes potius in medium, quam ex communi ad se trahentes.*

7 VII. Justitio indicto, delectuque habito, Furius ac Valerius ad Satricum profecti: quò non Volscorum modò juventutem Antiates ex nova sobole lectam, sed ingentem Latinorum Hernicorumque conciverant ex integerrimis diutinà pace populis. itaque novus hostis veteri adjunctus commovit animos militis Romani. Quod ubi aciem jam instruenti Camillo centuriones renunciaverunt, *turbatas militum mentes esse, segniter arma capta, cunctabundosque & resistentes egressos castris esse; quin voces quoque auditas, cum centenis hostibus singulos pugnaturos; & agrè inermem tantam multitudinem, nedum armatam, sustineri posse; in equum infilit, &, ante signa obversus in aciem, ordines interequitans, Quæ tristitia, milites, hæc, quæ insolita cunctatio est? Hostem, an me, an vos ignoratis? Hostis est quid aliud, quam perpetua materia virtutis gloriæque vestra? Vos contra, me duce, (ut Falerios Vejosque captos, & in capta patria Gallorum legiones casas taceam) modò trigeminæ victoriæ triplicem triumphum ex his ipsis Volscis, & Æquis, & ex Etruria egistis. An me, quòd non dictator vobis, sed tribunus, signum dedi, non agnoscitis ducem? neque ego maxima imperia in vos desidero: & vos in me nihil, præter me ipsum, intueri decet. neque enim dictatura mihi unquam animos fecit, ut ne exsilium quidem ademit. Idem igitur omnes sumus: &, quum eadem omnia in hoc bellum afferamus, quæ in priora attulimus, eundem eventum belli expectemus. Simul concurreritis, quod quisque didicit ac consuevit, faciet. Vos vincetis, illi fugient.*

VIII. Dato deinde signo, ex equo desilit, & proximum signiferum, manu arreptum, secum in hostem rapit; *infer, miles, clamitans, signum.* Quod ubi videre, ipsum Camillum, jam ad munera corporis senectà invalidum, vadentem in hostes, procurrunt pariter omnes, clamore sublato, *Sequere imperatorem, pro se*  
qu

quisque clamantes. Emissum etiam signum Camilli jussu in hostium aciem ferunt; idque ut repeteretur, concitatos antesignanos. Ibi primum pulsum Antiatem, terroremque non in primam tantum aciem, sed etiam ad subsidiarios perlatum. nec vis tantum militum movebat, excitata presentia ducis, sed quod Volscorum animis nihil terribilius erat, quam ipsius Camilli fortè oblata species. Ita, quocunque se intulisset, victoriam secum haud dubiam trahebat. maximè id evidens fuit, quum, in lævum cornu, propè jam pulsum, arrepto repentè equo cum scuto pedestri, advectus, conspectu suo proelium restituit, ostentans vincentem ceteram aciem. Jam inclinata res erat, sed turbà hostium & fuga impedièbatur, & longà cæde conficienda multitudo tanta fesso militi erat: quum repentè ingentibus procellis fusus imber certam magis victoriam, quàm proelium, diremit. Signo deinde receptui dato, nox insecuta, quietis Romanis, perfecit bellum. Latini namque & Hernici, relictis Volscis, domos profecti sunt, malis consiliis pares adepti eventus. Volsci, ubi se desertos ab eis videre, quorum fiducia rebellaverant, relictis castris, mœnibus Satrici se includunt. quos primò Camillus vallo circumdare, & aggere atque operibus oppugnare est adortus. Quæ postquam nullà eruptione impediri videt; minus esse animi ratus in hoste, quàm ut in eo tam lentæ spei victoriam exspectaret, cohortatus milites, ne, tanquam Vejos oppugnantes, in opere longinquo sese tererent, victoriam in manibus esse; ingenti militum alacritate mœnia undique aggressus, scalis oppidum cepit. Volsci abjectis armis sese dediderunt.

IX. Ceterum animus ducis rei majori, Antio, imminebat. id caput Volscorum, eam fuisse originem proximi belli. Sed quia nisi magno apparatu, tormentis machinisque, tam valida urbs capi non poterat; relicto ad exercitum collegâ, Romam est profectus,



tus, ut senatum ad exeidendum Antium hortaretur. Inter sermonem ejus (credo, rem Antiatem diuturniorē manere, Diis cordi fuisse) legati ab Nepete ac Sutrio, auxilium adversus Etruscos petentes, veniunt, brevem occasionem esse ferendi auxilii memorantes. eō vim Camilli ab Antio fortuna avertit. Namque quā ea loca opposita Etruriæ; & velut claustra inde portæque essent; & illis occupandi ea, quum quid novi molirentur, & Romanis recuperandi tuendique curā erat. Igitur senatui cum Camillo agi placuit, ut, omissio Antio, bellum Etruscum susceperet. Legiones urbanæ, quibus Quinctius præfuerat, ei decernuntur. quanquam expertum exercitum assuetumque imperio, qui in Volscis erat, mallet, nihil recusavit: Valerium tantummodo imperii socium depoposcit. Quinctius Horatiusque successores Valerio in Volscis missi. Profecti ab urbe Sutrium Furius & Valerius partem oppidi jam captam ab Etruscis invenere; ex parte altera, interseptis itineribus, ægrè oppidanos vim hostium ab se arcentes. Quum Romani auxilii adventus, tum Camilli nomen celeberrimum apud hostes sociosque, & in præsentia rem inclinatam sustinuit, & spatium ad opem ferendam dedit. Itaque diviso exercitu, Camillus collegam, eam in partem circumductis copiis, quam hostes tenebant, mœnia aggredi jubet, non tantā spe scalis capi urbem posse, quā ut, averfis eō hostibus, & oppidanis jam pugnando fessis laxaretur labor, & ipse spatium intrandi sine certamine mœnia haberet. Quod quum simul utrinque factum esset, ancepsque terror Etruscos circumstaret, & mœnia summā vi oppugnari, & intra mœnia esse hostem viderent; portā se, quæ una fortē non obsidebatur, trepidi uno agmine ejecere. Magna cædes fugientium & in urbe & per agros est facta. plures à Furianis intra mœnia cæsi: Valeriani expeditiores ad persequendos fuere; nec ante noctem, quæ conspectum ademit, finem cædendi fecere.

cere. Sutrio recepto restitutoque fociiis, Nepete exercitus ductus, quod per deditionem acceptum jam totum Etrusci habebant.

X. Videbatur plus in ea urbe recipienda laboris fore; non in eo solum, quod tota hostium erat, sed etiam quod, parte Nepefinorum prædente civitatem, facta erat deditio. Mitti tamen ad principes eorum placuit, ut secernerent se ab Etruscis, fidemque, quam implorassent ab Romanis, ipsi præstarent. Unde quum responsum allatum esset, *nihil sue potestatis esse, Etruscos moenia custodiasque portarum tenere*; primò populationibus agri terror est oppidanis admotus: deinde, postquam deditionis, quàm societatis, fides sanctior erat, fascibus sarmentorum ex agro collatis, ductus ad moenia exercitus, completisque fossis scalæ admotæ, & clamore primo impetuque oppidum capitur. Nepefinis inde edictum, ut arma ponant; parciq; iussum inermi. Etrusci pariter armati atque inermes cæsi. Nepefinorum quoque auctores deditionis securi percussi: innoxie multitudini redditæ res, oppidumque cum præsidio relictum. Ita, duabus fociiis urbibus ex hoste receptis, victorem exercitum tribuni cum magna gloria Romam reducerunt. Eodem anno ab Latinis Hernicisque res repetitæ, quæsitumque, cur per eos annos militem ex instituto non dedissent? Responsum frequenti utriusque gentis concilio est, *nec culpam in eo publicam, nec consilium fuisse, quod sue juventutis aliqui apud Volscos militaverint. eos tamen ipsos pravi consilii penam habere, nec quenquam ex his reducem esse. Militis autem non dati causam, terrorem assiduum à Volscis fuisse, quam pestem adhaerentem lateri suo tot super alia aliis bellis exhaustiri nequisse. Quæ relata Patribus, magis tempus, quàm causam, non visa belli habere.*

XI. Insequenti anno, A. Manlio, P. Cornelio, T. & L. Quinctiis Capitolinis, L. Papirio Cursore iterum, C. Sergio iterum tribunis consulari potestate,

te, grave bellum foris, gravior domi seditio exorta : bellum à Volscis, adjuncta Latinorum atque Hernicorum defectione ; seditio, unde minimè timeri potuit, à patriciæ gentis viro & inclitæ famæ, M. Manlio Capitolino : qui nimius animi, quum alios principes sperneret, uni invideret, eximio simul honoribus atque virtutibus, M. Furio ; ægrè ferebat, *solum cum in magistratibus, solum apud exercitus esse ; tantum jam eminere, ut iisdem auspiciis creatos, non pro collegis, sed pro ministris habeat : quum interim, si quis verè æstimare velit, à M. Furio recuperari patria ex obsidione hostium non potuerit, nisi à se prius Capitolium atque arx servata esset : & ille, inter aurum accipiendum & spem pacis solutis animis, Gallos aggressus sit ; ipse armatos capientesque arcem depulerit : illius gloriæ pars virilis apud omnes milites sit, qui simul vicerint ; suæ victoriæ neminem omnium mortalium socium esse.* His opinionibus inflato animo, ad hoc vitio quoque ingenii vehemens & impotens, postquam inter Patres non, quantum æquum censebat, excellere suas opes animadvertit ; primum omnium ex Patribus popularis factus, cum plebeiis magistratibus consilia communicare ; criminando Patres, alliciendo ad se plebem, jam aurâ, non consilio, ferri, famæque magnæ malle, quàm bonæ, esse : &, non contentus agrariis legibus, quæ materia semper tribunis plebi seditionum fuisset, fidem moliri cœpit. *acriores quippe aris alieni stimulos esse, qui non egestatem modò atque ignominiam nacentur, sed nervo ac vinculis corpus liberum tentent.* & erat aris alieni magna vis, re damnosissimâ etiam divitibus, ædificando contracta. Bellum itaque Volscum, grave per se, oneratum Latinorum atque Hernicorum defectione, in speciem causæ jactatum, ut major potestas quæreretur. Sed nova consilia Manlii magis compulsero senatum ad dictatorem creandum. Creatus A. Cornélius Cossus magistrum equitum dixit T. Quinctium Capitolinum.

XII. Di-

XII. Dictator, etsi majorem dimicationem propositam domi, quàm foris, cernebat; tamen, seu quia celeritate ad bellum opus erat, seu victoriâ triumphoque dictaturæ ipsi vires se additurum ratus, delectu habito in agrum Pompinum, quod à Volscis exercitum indictum audierat, pergit. Non dubito, præter satiætem, tot jam libris assidua bella cum Volscis gesta legentibus illud quoque succursurum, (quod mihi percensenti propiores temporibus harum rerum auctores miraculo fuit) unde toties victis Volscis & Æquis suffecerint milites. quod quum ab antiquis tacitum prætermissumque sit; cujus tandem ego rei præter opinionem, quæ sua cuique conjectanti esse potest, auctor sim? Simile veri est, aut intervallis bellorum, sicut nunc in delectibus sit Romanis, aliâ atque aliâ sobole juniorum ad bella instauranda toties usos esse: aut non ex iisdem semper populis exercitus scriptos, quamquam eadem semper gens bellum intulerit: aut innumerablem multitudinem liberorum capitum in eis fuisse locis, quæ nunc, vix seminario exiguu militum relicto, servitia Romana ab solitudine vindicant. Ingens certè, (quod inter omnes auctores convenit) quamquam nuper Camilli ductu atque auspicio accisæ res erant, Volscorum exercitus fuit. ad hoc Latini Hernicique accesserant, & Circejenſium quidam, & coloni etiam à Velitris Romani. Dictator, castris eo die positis, postero quum auspiciatò prodisset, hostiæque cæsâ pacem Deum adorasset, lætus ad milites, jam arma ad propositum pugnæ signum, sicut edictum erat, luce primâ capientes, processit: *Nostra victoria est, milites, inquit, si quid Dii vatesque eorum in futurum vident. itaque, ut decet certa spei plenos, & cum imparibus manus conferturos, pilis ante pedes positis, gladius tantum dextas armemus: ne procurri quidem ab acie velim, sed obnos vos stabili gradu impetum hostium excipere. Ubi illi vana injecerint missilia, & effusi stantibus vobis se intulerint, tum mi-*

cent

cent gladii, & veniat in mentem unicuique, Deûs esse, qui Romanum adjuvent; Deos, qui secundis avibus in prælium miserint. Tu, T. Quinti, equitem intentus ad primam insticum moti certaminis teneas: ubi herere jam aciem collato pede videris, tum terrorem equestrem occupatis alio pavore infer: invelsusque ordines pugnantiam dissipas. Sic eques, sic pedes, ut præceperat, pugnant: nec dux legiones, nec fortuna fefellit ducem.

XIII. Multitudo hostium, nulli rei, præterquam numero, freta, & oculis utramque metiens aciem, temere prælium iniit, temere omisit: clamore tantum missilibusque telis & primo pugnae impetu ferox, gladios & collatum pedem & vultum hostis, ardore animi micantem, ferre non potuit. Impulsa frons prima, & trepidatio subsidii illata, & suum terrorem intulit eques: rupti inde multis locis ordines, motaque omnia, & fluctuanti similis acies erat. deinde, postquam, cadentibus primis, jam ad se quisque perventuram eadem cernebat, terga vertunt. Instare Romanus; & donec armati confertique abibant, peditum labor in persequendo fuit. postquam jactari arma passim, fugaque per agros spargi aciem hostium animadvertum est; tum equitum turmae emissæ, dato signo, ne, in singulorum morando cæde, spatium ad evadendum interim multitudini darent. satis esse, missilibus ac terrore impediri cursum, obequitandoque agmen teneri, dum assequi pedes & justâ cæde conficere hostem posset. Fugæ sequendique non ante noctem finis fuit: capta quoque ac direpta eodem die castra Volscorum, prædaque omnis, præter libera corpora, militi concessa est. Pars maxima captivorum ex Latinis atque Hernicis fuit, nec hominum de plebe, ut credi posset mercede militasse, sed principes quidam juventutis inventi, manifesta fides, publicâ opè Volscos hostes adjutos. Circejensum quoque quidam cogniti, & coloni à Velitris: Romanque omnes missi percontantibus primoribus Patrum

Patrum eadem, quæ dictatori, defectionem sui quifque populi, haud perplexè indicavere.

XIV. Dictator exercitum in stativis tenebat, minime dubius, bellum cum his populis Patres iussuros; quum major domi exorta moles coëgit acciri Romam cum, gliscente in dies seditione, quam solito magis metuendam auctor faciebat. non enim jam orationes modò M. Manlii, sed facta, popularia in speciem, tumultuosa eadem, quâ mente fierent, intuenda erant. Centurionem, nobilem militaribus factis, judicatum pecuniarum duci vidisset, medio foro cum caterva sua accurrit, & manum iniecit: vociferatusque de superbia Patrum, ac crudelitate sceleratorum, & miseriis plebis, virtutibus ejus viri fortunaque; *Tum verò ego,* inquit, *nequissquam hac dextrâ Capitolium arcemque servaverim, si civem commilitonemque meum, tanquam Gallis victoribus captum, in servitutem ac vincula duci videam.* Inde rem creditori palam populo solvit, librâque & ære liberatum emittit, Deos atque homines obtestantem, ut M. Manlio, liberatori suo, parenti plebis Romanae, gratiam referant. Acceptus extemplo in tumultuosam turbam & ipse tumultum augebat, cicatrices acceptas Vejenti, Gallico, aliisque deinceps bellis ostentans. *Se militantem, se restituentem eversos penates, multiplici jam sorte exsolutâ, mergentibus semper sortem usuris, obrutum sceleris esse: videre lucem, forum, civium ora, M. Manlii operâ: omnia parentum beneficia ab illo se habere: illi devovere corporis viteque ac sanguinis quod supersit. quodcunque sibi cum patria, penatibus publicis ac privatis juris fuerit, id cum uno homine esse.* His vocibus instincta plebes quum jam viri hominis esset, addita alia commotioris ad omnia turbanda consilii res. Fundum in Vejenti, caput patrimonii, subjecit præconi: *Ne quem vestrum,* inquit, *Quirites, donec quicquam in re mea supererit, judicatum addictumve duci patiar.* Id verò ita accendit animos, ut per omne fas ac nefas secuturi vindicem libertatis videren-

derentur. Ad hoc domi, concionantis in mòdum, sermones pleni criminum in Patres: inter quos, quum omissio discrimine, vera an vana jaceret, *thesauros Gallici auri occultari à Patribus* jecit: *nec jam possidendis publicis agris contentos esse, nisi pecuniam quoque publicam avertant: ea res si palam fiat, exsolvi plebem are alieno posse.* Quæ ubi objecta spes est, enimvero indignum facinus videri, quum conferendum ad redimendam civitatem à Gallis aurum fuerit, tributo collationem factam: idem aurum, ex hostibus captum, in paucorum prædam cecidisse. Itaque exsequebantur quærendo, ubi tantæ rei furtum occultaretur; differenteque, & tempore suo se indicaturum dicente, ceteris omisiss, eò versæ erant omnium curæ: apparebatque, nec veri indicii gratiam mediam, nec falsi offensionem fore.

XV. Ita suspensis rebus dictator, accitus ab exercitu, in urbem venit. postero die senatu habito, quum, fatis periclitatus voluntates hominum, discedere senatum ab se vetuisset, stipatus eâ multitudine, sellâ in comitio positâ, viatorem ad M. Manlium misit: qui, dictatoris jussu vocatus, quum signum suis dedisset, adesse certamen, agmine ingenti ad tribunal venit. Hinc senatus, hinc plebs, suum quisque intuentes ducem, velut in acie constiterant. Tum dictator, silentio facto, *Utinam, inquit, mihi Patribusque Romanis ita de ceteris rebus cum plebe conveniat, quemadmodum, quod ad te attinet eamque rem, quam de te sum quesiturus, conventurum fatis confido. Spem factam à te civitati video, fide incolami, ex thesauris Gallicis, quos primores Patrum occultent, creditum solvi posse.* Cui ego rei tantum abest ut impedimento sim, ut contra te, M. Manli, adhorter, liberes fœnore plebem Romanam: & istos, incubantes publicis thesauris, ex præda clandestina evolvas. *Quod nisi facis, sive quidd & ipse in parte prædæ sis, sive quia vanum indicium est, in vincula te duci jubebo, nec diutius patiar, à te multitudinem fallaci spe concitari.* Ad ea Manlius, nec se fefellisse, ait, non adversus

*adversus Volscos toties hostes, quoties Patribus expediat, nec adversus Latinos Hernicosque, quos falsis criminibus in arma agant, sed adversus se ac plebem Romanam, dictatorem creatum esse. Jam, omisso bello, quod simulatum sit, in se impetum fieri: jam dictatorem profiteri patrocinium fœneratorum adversus plebem: jam sibi ex favore multitudinis crimen & perniciem queri. Offendit, inquit, te, A. Corneli, vosque, Patres conscripti, circumfusa turba lateri meo? Quin eam diducitis à me singuli vestris beneficiis, intercedendo, eximendo de nervo cives vestros, prohibendo judicatos addictosque duci, ex eo, quod affluit opibus vestris, sustinendo necessitates aliorum? Sed quid ego vos, de vestro impendatis, hortor? Sortem aliam ferte. de capite deducite, quod usuris pernumeratum est: jam nihilo mea turba, quàm ullius, conspectior erit. At enim, quid ita solus ego civium curam ago? nihilo magis, quod respondeam, habeo, quàm si queras, quid ita solus Capitolium arcemque servaverim. Et tum universis, quam potui, opem tuli, & nunc singulis feram. Nam quod ad thesauros Gallicos attinet, rem, suapte naturâ facilem, difficilem interrogatio facit. cur enim queritis, quod scitis? cur, quod in sinu vestro est, excuti jubetis potius, quàm ponatis, nisi aliqua fraus subest? quo magis argui prastigias jubetis vestras, eo plus vereor, ne abstuleritis observantibus etiam oculos. Itaque non ego, vobis ut indicem pradas vestras, sed vos id cogendi estis, ut in mediam proferatis.*

XVI. Quum mittere ambages dictator juberet, & aut peragere verum indicium cogeret, aut fateri facinus insimulati falso crimine senatûs, oblataeque vani furti invidiæ; negantem, arbitrio inimicorum se locuturum, in vincula duci jussit. Arreptus à viatore, Jupiter, inquit, optime maxime, Junoque Regina, ac Minerva, ceterique Dii Deaque, qui Capitolium arcemque incolitis, siccine vestrum militem ac præsidem finitis vexari ab inimicis? Hæc dextra, quâ Gallos fudi à delubris vestris, jam in vinculis & catenis erit? Nullius nec oculi nec aures indignitatem ferebant: sed invicta sibi quædam patientissima



tissima iusti imperii civitas fecerat. nec adversus dictatorem vim aut tribuni plebis, aut ipsa plebs, attollere oculos aut hiscere audebant. Coniecto in carcerem Manlio, satis constat, magnam partem plebis vestem mutasse, multos mortales capillum ac barbam promississe, obversatamque vestibulo carceris moestam turbam. Dictator de Volscis triumphavit: invidiæque magis triumphus, quam gloriæ, fuit. quippe domi, non militiæ, partum cum; actumque de cive, non de hoste, fremebant: unum defuisse tantum superbiæ, quod non M. Manlius ante currum sit ductus. Jamque haud procul seditione res erat: cujus leniendæ causâ, postulante nullo, largitor voluntarius repente senatus factus, Satricum coloniam duo millia civium Romanorum deduci iussit. bina jugera & semisses agri assignati. Quod quum & parvum & paucis datum, & mercedem esse prodendi M. Manlii interpretarentur; remedio irritatur seditio. & jam magis insignis & fordibus & facie reorum turba Manliana erat, amotusque post triumphum abdicatione dictaturæ terror & linguam & animos liberaverat hominum.

XVII. Audiebantur itaque propalam voces exprobrantium multitudini, quod defensores suos semper in precipitem locum favore tollat, deinde in ipso discrimine periculi destituat. Sic Sp. Cassum, in agros plebem vocantem, sic Sp. Maelium, ab ore civium famem suis impensis propulsantem, oppressos; sic M. Manlium,mersam & obrutam fœnore partem civitatis in libertatem ac lucem extrahentem, proditum inimicis. Saginare plebem populares suos, ut jugulentur. Hocine patiendum fuisse, si ad nutum dictatoris non responderet vir consularis? Fingerent mentitum antè, atque ideo non habuisse, quod tum responderet: cui servo unquam mendacii pœnam vincula fuisse? Non obversatam esse memoriam noctis illius, quæ penè ultima atque æterna nomini Romano fuerit? non speciem agminis Gallorum, per Tarpeiam rupem scandentis? non ipsius M. Manlii, qualem cum armatum,

matum, plenum sudoris ac sanguinis, ipso pene Jove erepto ex hostium manibus, vidissent? Selibrisne farris gratiam servatori patriæ relatum? & quem propter celestem, cognomine certè Capitolino Jovi parem, fecerint, cum pati victum in carcere, in tenebris, obnoxiam carnificis arbitrio ducere animam? Adeo in uno omnibus satis auxilii fuisse, nullam opem in tam multis uni esse? Jam ne nocte quidem turba ex eo loco dilabebatur, refracturosque carcerem minabantur: quum remisso, id quod erepturi erant, ex senatusconsulto Manlius vinculis liberatur. quo facto non seditio finita, sed dux seditioni datus est. Per eosdem dies Latinis & Hernicis, simul colonis Circeiensibus & à Velitris, purgantibus se Volsci crimine belli, captivosque repetentibus, ut suis legibus in eos animadverterent, tristia responsa reddita; tristiora colonis, quòd cives Romani patriæ oppugnandæ nefanda consilia inissent. Non negatum itaque tantum de captivis; sed, in quo ab sociis tamen temperaverant, denunciatum senatûs verbis, facerent properè ex urbe, ab ore atque oculis populi Romani, ne nihil eos legationis jus, externo non civi comparatum, tegeret.

XVIII. Recrudescente Manlianâ seditione, sub exitu anni comitia habita, creatique tribuni militum consulari potestate ex Patribus Ser. Cornelius Maluginensis tertium, P. Valerius Potitus iterum, M. Furius Camillus, Ser. Sulpicius Rufus iterum, C. Papirius Crassus, T. Quinctius Cincinnatus secundum. Cujus principio anni & Patribus & plebi peropportune externa pax data: plebi, quòd non advocata delectu spem cepit, dum tam potentem haberet ducem, sænoris expugnandi; Patribus, ne quo externo terrore avocarentur animi ab sanandis domesticis malis. Igitur, quum pars utraque acrior aliquanto coorta esset, in propinquum certamen aderat & Manlius. advocatâ domum plebe, cum principibus novandarum rerum interdiu noctuque consilia agit, plenior aliquanto animum irarum-

irarumque, quàm antea fuerat. Iram accenderat ignominia recens in animo ad contumeliam inexperto: spiritus dabat, quòd nec ausus esset idem in se dictator, quod in Sp. Mælio Cincinnatus Quintius fecisset; & vinculorum suorum invidiam non dictator modò abdicando dictaturam fugisset, sed ne senatus quidem sustinere potuisset. His simul inflatus exacerbatusque jam per se accensos incitabat plebis animos: Quousque tandem ignorabitis vires vestras, quas natura ne belluas quidem ignorare voluit? numerate saltem, quot ipsi sitis, quot adversarios habeatis. Si singuli singulos aggressuri essetis, tamen acrius crederem vos pro libertate, quàm illos pro dominatione, certaturos. Quot enim clientes circa singulos fuistis patronos, tot nunc adversus unum hostem eritis. Ostendite modò bellum; pacem habebitis. Videant vos paratos ad vim; jus ipsi remittent. Audendum est aliquid universis, aut omnia singulis patienda. Quousque me circumspectabitis? Ego quidem nulli vestrùm deero. ne fortuna mea desit, videte. Ipse vindex vester, ubi visum inimicis est, nullus repente fui: & vidistis in vincula duci universi eum, qui à singulis vobis vincula depuleram. Quid sperem, si plus in me audeant inimici? an exitum Cassii Mæliique expectem? Bene facitis, quòd abominamini: Dii prohibebunt hæc: sed nunquam propter me de cælo descendent. Vobis dent mentem, oportet, ut prohibeatis: sicut mihi dederunt armato togatoque, ut vos à barbaris hostibus, à superbis defenderem civibus. Tam parvus animus tanti populi est, ut semper vobis auxilium adversus inimicos satis sit? nec ullum, nisi quatenus imperari vobis finatis, certamen adversus Patres noritis? Nec hoc naturâ insitum vobis est, sed usu possideminis. Cur enim adversus externos tantum animorum geritis, ut imperare illis æquum censeatis? quia consueistis cum eis pro imperio certare, adversus hos tentare magis, quàm tueri, libertatem. Tamen qualescunque duces habuistis, qualescunque ipsi fuistis, omnia adhuc, quantacunque petistis, obtinuistis seu vi, seu fortunâ vestrâ. tempus est, etiam majora conari. Experimini modò & vestram

*vestram felicitatem, & me (ut spero) feliciter expertum: minore negotio, qui imperet Patribus, imponetis, quàm, qui resisterent imperantibus, imposuistis. Solo equanda sunt dictatura consulatusque, ut caput attollere Romana plebes possit. Proinde adeste, prohibete jus de pecuniis dici. ego me patrum profiteor plebis, quod mihi cura mea & fides nomen induit. Vos si quo insigni magis imperii honorisve nomine vestrum appellabitis ducem, eo utemini potentiore ad obtinenda ea, quæ vultis. Inde de regno agendi ortum initium dicitur: sed nec cum quibus, nec quem ad finem consilia pervenerint, sat planum traditur.*

XIX. At in parte altera senatus de secessione, in domum privatam, plebis, fortè etiam in arce positam, & imminenti mole libertati, agitat. Magna pars vociferantur, *Servilio Ahald opus esse, qui non in vincula duci jubendo irritet publicum hostem, sed unius jacturâ civis finiat intestinum bellum. Decurritur ad leniorem verbis sententiam, vim tamen eandem habentem, Ut videant magistratus, ne quid ex perniciosis consiliis M. Manlii respublica detrimenti capiat. Tum tribuni consulari potestate, tribunique plebi (nam &, quia eundem & suæ potestatis, quem libertatis omnium, finem cernebant, Patrum auctoritati se dediderant) hi tum omnes, quid opus facto sit, consultant. Quum præter vim & cædem nihil cuiquam occurreret, eam autem ingentis dimicationis fore appareret; tum M. Mænius & Q. Publilius tribuni plebis, *Quid Patrum & plebis certamen facimus, quod civitatis esse adversus unum pestiferum civem debet? Quid cum plebe aggredimur eum, quem per ipsam plebem tutius aggredi est, ut suis ipse oneratus viribus ruat? Diem dicere ei nobis in animo est. nihil minùs populare quàm regnum est. Simul multitudo illa non secum certari viderint, & ex advocatis judices facti erunt, & accusatores de plebe, patricium reum intuebuntur, & regni crimen in medio; nulli magis, quàm libertati, favebunt, sua.**

Q

XX. Ap-

XX. Approbantibus cunctis, diem Manlio dicunt, quod ubi est factum, primò commota plebs est, utique postquam sordidatum reum viderunt; nec cum eo non modò patrum quenquam, sed ne cognatos quidem aut affines, postremò ne fratres quidem A. & T. Manlios: quod ad eum diem nunquam usu venisset, ut in tanto discrimine non & proximi vestem mutarent. Ap. Claudio in vincula ducto, C. Claudium inimicum Claudiamque omnem gentem sordidatam fuisse. consensu opprimì popularem virum, quòd primus à Patribus ad plebem defecisset. Quum dies venit, quæ, præter cœtus multitudinis seditiosasque voces, & largitionem & fallax indicium, pertinentia propriè ad regni crimen ab accusatoribus objecta sint reo, apud neminem auctorem invenio. nec dubito haud parva fuisse, quum damnandì mora plebi non in causa, sed in loco, fuerit. Illud notandum videtur, ut sciant homines, quæ & quanta decora secula cupiditas regni non ingrata solùm, sed invisa etiam, reddiderit. Homines propè quadringentos produxisse dicitur, quibus sine fœnore expensas pecunias tulisset, quorum bona venire, quos duci addictos prohibuisset. Ad hæc, decora quoque belli non commemorasse tantùm, sed protulisse etiam conspicienda; spolia hostium cæsorum ad triginta, dona imperatorum ad quadraginta: in quibus insignes duas murales coronas, civicas octo. Ad hæc servatos ex hostibus cives produxisse; inter quos C. Servilium magistrum equitum absentem nominatum. & quam ea quoque, quæ bello gesta essent, pro fastigio rerum oratione etiam magnificà, facta dictis æquando, memorasset, nudasse pectus insigne cicatricibus bello acceptis; & identidem, Capitolium spectans, Jovem Deosque alios devocasse ad auxilium fortunarum suarum: precatumque esse, ut, quam mentem sibi Capitolinam arcem protegenti ad salutem populi Romani dedissent, eam populo Romano in suo discrimine

ne darent : & orâsse singulos universosque, ut Capitolium atque arcem intuentes, ut ad Deos immortales versi, de se judicarent. In campo Martio quum centuriatim populus citaretur, & reus, ad Capitolium manus tendens, ab hominibus ad Deos preces avertisset ; apparuit tribunis, nisi oculos quoque hominum liberâssent ab tanti memoria decoris, nunquam fore in præoccupatis beneficio animis vero crimini locum. Ita prodictâ die, in Pœtelinum lucum extra portam Nomentanam, unde conspectus in Capitolium non esset, concilium populi indictum est. ibi crimen valuit, & obstinatis animis triste judicium, invisumque etiam iudicibus, factum. Sunt qui per duumviros, qui de perduellione anquirerent, creatos, auctores sint damnatum. tribuni de saxo Tarpeio dejecerunt : locusque idem in uno homine & eximie gloriæ monumentum & pœnæ ultimæ fuit. Adjectæ mortuo notæ sunt : publica una ; quodd, quum domus ejus fuisset, ubi nunc ædes atque officina Monetæ est, latum ad populum est, ne quis patricius in arce aut Capitolio habitaret : gentilicia altera ; quodd gentis Manliæ decreto cautum est, ne quis deinde M. Manlius vocaretur. Hunc exitum habuit vir, nisi in libera civitate natus esset, memorabilis. Populum brevi, postquam periculum ab eo nullum erat, per se ipsas recordantem virtutes, desiderium ejus tenuit. pestilentia etiam brevi consecuta, nullis occurrentibus tantæ cladis causis, ex Manliano supplicio magnæ parti videri orta : *violatum Capitolium esse sanguine servatoris, nec Diis cordi fuisse pœnam ejus oblatam præpè oculis suis, à quo sua templa erepta è manibus hostium essent.*

XXI. Pestilentiam inopia frugum, & vulgatam utriusque mali famam anno insequente multiplex bellum excepit, L. Valerio quartum, A. Manlio tertium, Ser. Sulpicio tertium, L. Lucretio, L. Æmilio tertium, M. Trebonio, tribunis militum consulari potestate. Hos

stes novi, præter Volscos velut sorte quâdam propè in æternum exercendo Romano militi datos, Circeiosque & Velitras colonias jamdiu molientes defectionem, & suspectum Latium, Lanuvini etiam, quæ fidelissima urbs fuerat, subito exorti. Id Patres rati contemptu accidere, quòd Veliternis civibus suis tamdiu impunita defectio esset, decreverunt, ut primo quoque tempore ad populum ferretur de bello eis indicendo. ad quam militiam quo paratior plebes esset, quinqueviros Pomptino agro dividendo, & triumviros Nepete coloniarum deducendæ creaverunt. Tum, ut bellum juberent, latum ad populum est: &, nequicquam dissuadentibus tribunis plebis, omnes tribus bellum jusserunt. Apparatum eo anno bellum est; exercitus propter pestilentiam non eductus. eaque cunctatio colonis spatium dederat deprecandi senatum; & magna hominum pars eò, ut legatio supplex Romam mitteretur, inclinabat: ni privato (ut fit) periculo publicum implicitum esset, auctoresque defectionis ab Romanis, metu ne, soli crimini subiecti, piacula iræ Romanorum dederentur, avertissent colonias à consiliis pacis. Neque in senatu solum per eos legatio impedita est, sed magna pars plebis incitata, ut prædatum in agrum Romanum exirent. hæc nova injuria exturbavit omnem spem pacis. De Prænestinorum quoque defectione eo anno primum fama exorta: arguentibusque eos Tusculanis, & Gabinis, & Lavicanis, quorum in fines incursatum erat, ita placide ab senatu responsum est, ut minus credi de criminibus, quia nollent ea vera esse, appareret.

XXII. Insequenti anno Sp. & L. Papirii, novi tribuni militum consulari potestate, Velitras legiones duxere; quatuor collegis Ser. Cornelio Maluginense quartum, Q. Servilio, Ser. Sulpicio, L. Æmilio quartum, tribunis ad præsidium urbis, & si qui ex Etruria novi motus nunciarentur, (omnia enim inde suspecta erant) relictis. Ad Velitras adversus majora penè auxilia  
Præ-

Prænestinorum, quàm ipsam colonorum multitudinem, secundo prælio pugnatum est; ita ut propinquitas urbis hosti & causa maturioris fugæ, & unum ex fuga receptaculum esset. Oppidi oppugnatione tribuni abstinere; quia & anceps erat, nec in perniciem coloniarum pugnandum censébant. Literæ Romam ad senatum eum victoriæ nunciis, acriores in Prænestinum, quàm in Veliternum hostem, missæ. Itaque ex senatusconsulto populique jussu bellum Prænestinis indictum: qui, conjuncti Volscis, anno insequente Satricum, coloniam populi Romani pertinaciter à colonis defensam, vi expugnârunt, sedéque in captis exercere victoriam. Eam rem ægrè passî Romani, M. Furium Camillum septimùm tribunum militum creavere. additi collegæ A. & L. Postumii Regillenses, ac L. Furius, cum L. Lucretio & M. Fabio Ambusto. Volscum bellum M. Furio extra ordinem decretum. adjutor ex tribunis sorte L. Furius datur; non tam è republica, quàm ut collegæ materia ad omnem laudem esset; & publicè, quòd rem temeritate ejus prolapsam restituit; & privatim, quòd ex errore gratiam potiùs ejus sibi, quàm suam gloriam, petiit. Exactæ jam ætatis Camillus erat, comitiisque jurare parato in verba excusandæ valetudini solita consensus populi restiterat. sed vegetum ingenium in vivido pectore vigebat, virebatque integris sensibus, & civiles jam res haud magnopere obeuntem bella excitabant. Quatuor legionibus quaternum millium scriptis, exercitu indicto ad portam Esquilinam in posterum diem, ad Satricum profectus. ibi cum expugnatores coloniarum haudquaquam perculsi, fidentes militum numero, quo aliquantum præstabant, opperiebantur. postquam appropinquare Romanos senserunt, extemplo in aciem procedunt, nihil dilaturi, quin periculum summæ rerum facerent: ita paucitati hostium nihil artes imperatoris unici, quibus solis considerent, profuturas esse.



XXIII. Idem ardor & in Romano exercitu erat, & in altero duce: nec præsentis dimicationis fortunam ulla res, præterquam unius viri consilium atque imperium, morabatur: qui occasionem juvandarum ratione virium trahendo bello quærebat. Eo magis hostis instare; nec jam pro castris tantum suis explicare aciem, sed procedere in medium campi, & vallo prope hostium signa inferendo, superbam fiduciam virium ostentare. Id ægrè patiebatur Romanus miles; multo ægrius alter ex tribunis militum L. Furius, ferox quum ætate & ingenio, tum multitudinis, ex incertissimo summentis animos, spe inflatus. Hic per se jam milites incitatos insuper instigabat elevando, quâ unâ poterat, ætate auctoritatem collegæ: Juvenibus bella data, distilians, & cum corporibus vigere & deflorescere animos; cum statorem ex acerrimo bellatore factum; & qui adveniens castra-urbesque primo impetu rapere sit solitus, eum residem intra vallum tempus terere: quâd accessurum fuisset, decessurumve hostium viribus sperantem? quam occasione, quod tempus, quem insidiis instruendis locum? frangere ac torpere senis consilia. Sed Camillo quàm vita satis, tum gloria esse. quid attingere, cum mortali corpore uno, civitatis, quam immortalis esse deceat, pati consenescere vires? His sermonibus tota in se averterat castra. & quum omnibus locis posceretur pugna, Sustinere, inquit, M. Furi, non possumus impetum militum: & hostis, cujus animos cunctando auximus, jam minimè tolerandâ superbiam insultat. Cede unus omnibus, & patere te vinci consilio, ut maturius bello vincas. Ad ea Camillus: Quæ bella suo animas auspicio gesta ad eam diem essent, negare in eis neque se, neque populum Romanum, aut consilii sui, aut fortuna prænituisse. nunc scire, se collegam habere jure imperioque parem, vigore ætatis præstantem. Itaque se, quod ad exercitum attingeat, regere consuevit, non regi. collegæ imperium se non posse impedire. Diis bene juvantibus ageret, quod & republica duceret. Ætati suæ se veniam etiam petere, ne in prima acie esset. quæ sentis munda

*in bello sint, iis se non defuturum. Id à Diis immortalibus precari, ne qui casus suum consilium laudabile efficiat. Nec ab hominibus salutaris sententia, nec à Diis tam piæ preces auditæ sunt. primam aciem auctor pugnae instruit, subsidia Camillus firmat, validamque stationem pro castris opponit. ipse edito loco spectator intentus in eventu alieni consilii constitit.*

XXIV. Simul primo concursu concrepuere arma, hostis dolo, non metu, pedem retulit. Icnis ab tergo elivus erat inter aciem & castra: &, quod multitudo suppedibat, aliquot validas cohortes in castris armatas instructasque reliquerant, quæ inter commissum jam certamen, ubi vallo appropinquasset hostis, erumperent. Romanus, cedentem hostem effusè sequendo in locum iniquum pertractus, opportunus huic eruptioni fuit. versus itaque in victorem terror, & novo hoste, & supinà valle Romanam inclinavit aciem. Instant Volsci recentes, qui è castris impetum fecerant; integrant & illi pugnam, qui simulatà cesserant fugà. Jam non recipiebat se Romanus miles; sed, immemor recentis ferociæ veterisque decoris, terga passim dabat, atque effuso cursu castra repetebat: quam Camillus, subiectus à circumstantibus in equum, & raptim subsidiis oppositis, *Hac est, inquit, milites, pugna, quam poposcistis? Quis homo, quis Deus est, quem accusare possitis? vestra illa temeritas, vestra ignavia hæc est. Secuti alium ducem, sequimur nunc Camillum; &, quod ductu meo soletis, vincite. Quid vallum & castra spectatis? neminem vestrum illa, nisi victorem, receptura sunt. Pudor primò tenuit effusos: inde, ut circumagi signa, obvertique aciem viderunt in hostem, & dux, præterquam quòd tot insignis triumphis, etiam ætate venerabilis, inter prima signa (ubi plurimus labor periculumque erat) se offerebat, increpare singuli se quisque & alios, & adhortatio in vicem totam alacri clamore pervasit aciem. Neque alter tribunus rei defuit: sed, missus à collega*

restituente peditum aciem ad equites, non castigando, (ad quam rem leviolem auctorem cum culpæ societas fecerat) sed, ab imperio totus ad preces versus, orare singulos universosque, *ut se, reum fortuna ejus diei, crimine eximerent. Abnuente ac prohibente collegâ, temeritatibus me omnium potius socium, quàm unius prudentia, dedî. Camillus in utraque vestra fortuna suam gloriam videt: ego, ni restituitur pugna, (quod miserrimum est) fortunam cum omnibus, infamiam solus sentiam.* Optimum visum est, in fluctuantem aciem tradi equos, & pedestri pugna invadere hostem. Eunt insignes armis animisque, quâ promi parte maximè peditum copias vident. nihil, neque apud duces, neque apud milites, remittitur à summo certamine animi. Sensit ergo eventus virtutis enisæ opem: & Volsci, quâ modò simulato metu cesserant, eâ in veram fugam effusi, magna pars & in ipso certamine, & post in fuga cæsi: ceteri in castris, quæ capta eodem impetu sunt, plures tamen capti, quàm occisi.

XXV. Ubi in recensendis captivis quum Tusculani aliquot noscitantur, secreti ab aliis ad tribunos adducuntur, percunctantibusque fassi, publico consilio se militasse. cujus tam vicini belli metu Camillus motus, *exemplo se Romam captivos ducturum, ait, ne Patres ignari sint, Tusculanos ab societate descisse. castris exercituique interim, si videatur, præsit collega.* Documento unus dies fuerat, ne sua consilia melioribus præferret. nec tamen aut ipsi, aut in exercitu cuiquam satis placato animo Camillus laturus culpam ejus videbatur, quâ data in tam præcipitem casum respublica esset. & quum in exercitu, tum Romæ constans omnium fama erat, quum variâ fortunâ in Volscis gesta res esset, adversæ pugnæ fugæque in L. Furio culpam, secundæ decus omne penes M. Furium esse. Introductis in senatum captivis, quum bello persequendos Tusculanos Patres censuissent, Camilloque id bellum mandassent; adiutorem sibi ad

ad eam rem unum petit : permissoque, ut ex collegis optaret, quem vellet, contra spem omnium L. Furium optavit. quâ moderatione animi quum collegæ levavit infamiam, tum sibi gloriam ingentem peperit. Nec fuit cum Tusculanis bellum : pace constanti vim Romanam arcuerunt, quam armis non poterant. Intransibiles fines Romanis, non demigratum ex propinquis itineris locis, non cultus agrorum intermissus : patentibus portis urbis, togati obviam frequentes imperatoribus processere : commæatus exercitui comiter in castra ex urbe & ex agris devehitur. Camillus, castris ante portas positis, eademne forma pacis, quæ in agris ostentaretur, etiam intra mœnia esset, scire cupiens ; ingressus urbem, ubi patentes januas, & tabernis apertis proposita omnia in medio vidit, intentosque opifices suo quemque operi, & ludos literarum strepe discipulorum vocibus, ac repletas semitas, inter vulgus aliud, puerorum & mulierum huc atque illuc euntium, quâ quemque suorum usuum causæ ferrent : nihil usquam, non pavidis modò, sed ne mirantibus quidem simile ; circumspiciebat omniâ, inquirens oculis, ubi nam bellum fuisset. adeo nec amotæ rei usquam, nec oblatæ ad tempus vestigium ullum erat : sed ita omniâ constanti tranquillâ pace, ut eò vix fama belli perlata videri posset.

XXVI. Victus igitur patientiâ hostium, senatum eorum vocari jussit. *Soli adhuc, inquit, Tusculani, vera arma verasque vires, quibus ab ira Romanorum vestra tutamini, invenistis. ite Romam ad senatam. æstimabunt Patres, utrùm plus antè pœnæ, an nunc veniæ meriti sitis. non præcipiam gratiam publici beneficii. deprecandi potestatem à me habueritis ; precibus eventum vestris senatus, quem videtur, dabit.* Postquam Romam Tusculani venerunt, senatusque paulo antè fidelium sociorum mœstus in vestibulo curiæ est conspectus, moti extemplo Patres, vocari eos jam tum hospitaliter magis, quàm hostiliter, jussere.

jussere. Dictator Tusculanus ita verba fecit: *Quibus bellum indixistis, intulistisque, Patres conscripti, sicut nunc videtis nos stantes in vestibulo curiæ vestre, ita armati paratique obviam imperatoribus legionibusque vestris processimus. Hic noster, hic plebis nostræ habitus fuit, eritque semper, nisi si quando à vobis, proque vobis, arma acceperimus. Gratias agimus & ducibus vestris & exercitibus, quòd oculis magis, quàm auribus, crediderunt; &, ubi nihil hostile erat, ne ipsi quidem fecerunt. Pacem, quam nos præstitimus, eam à vobis petimus: bellum eò, sicubi est, avertatis, precamur. In nos quid arma polleant vestra, si patiendo experiendum est, inermes experiemur. Hæc mens nostra est; Dii immortales faciant, tam felix, quàm pia. Quod ad crimina attinet, quibus moti bellum indixistis; etsi revicta rebus verbis confutare nihil attinet; tamen, etiamsi vera sint, vel fateri nobis ea, quum tam evidenter pœnituerit, tutum censemus. Peccetur in vos, dum digni sitis, quibus ita satisfiat. Tantum ferè verborum ab Tusculanis factum. Pacem in præsentia, nec ita multo post civitatem etiam, impetraverunt. ab Tusculo legiones reductæ.*

XXVII. Camillus, consilio & virtute in Volſco bello, felicitate in Tusculana expeditione, utrobique singulari adversus collegam patientiâ & moderatione insignis, magistratu abiit; creatis tribunis militaribus in insequentem annum, L. & P. Valeriis, Lucio quintum, Publio tertium, & C. Sergio tertium, L. Meneio secundum, Sp. Papirio, Ser. Cornelio Maluginense. Censoribus quoque eguit annus, maximè propter incertam famam æris alieni; aggravantibus summam etiam invidiæ ejus tribunis plebis, quum ab iis elevaretur, quibus fide magis, quàm fortunâ, debentium laborare creditum videri expediebat. Creati censes C. Sulpicius Camerinus, Sp. Postumius Regillensis. cœptaque jam res morte Postumii, quia collegam suffici censori religio erat, interpellata est. Igitur quum Sulpicius abdicasset se magistratu, censes alii, vitio crea-

creati, non gesserunt magistratum. tertios creari (velut Diis non accipientibus in eum annum censuram) religiosum fuit. Eam verò ludificationem plebis tribuni ferendam negabant. *Fugere senatum testes, tabulas publicas, censûs cujusque, quia nolint conspici summam aris alieni, qua indicatura sit, demersam partem à parte civitatis: quum interim obratam plebem objectari aliis atque aliis hostibus. Passim jam sine ulla discrimine bella quæri. ab Antio Satricum, ab Sâtrico Velitras, inde Tusculum legiones ductas. Latinis, Hernicis, Prænesteis jam intentari arma; civium magis quàm hostium odio; ut in armis terant plebem, nec respirare in urbe, aut per otium libertatis meminisse sinant, aut consistere in concione, ubi aliquando audiant vocem tribuniciam, de levando fœnore & sine aliarum injuriarum urgentem. Quod si sit animus plebi memor patrum libertatis, se nec addicî quenkum civem Romanum ob creditam pecuniâ passuros, nequẽ delectum haberi; donec, inspecto ere alieno, inîtâque ratione minuendi ejus, sciat unusquisque, quid sui, quid alieni sit: supersit sibi liberum corpus, an id quoque nevo debeat.* Merces seditionis proposita confestim seditionem excitavit. nam & addicebantur multi, & ad Prænestini famam belli novas legiones scribendas Patres censuerant. quæ utraque simul auxilio tribunicio & consensu plebis impediri cœpta. Nam neque duci addictos tribuni sinebant; neque juniôres nomina dabant. Quum Patribus minor præsens cura creditæ pecuniæ juris exsequendi, quàm delectûs, esset; quippe jam à Præneste profectos hostes in agro Gabino confidisse nunciabatur; interim tribunos plebis fama ea ipsa irritaverat magis ad susceptum certamen, quàm deteruerat. neque aliud ad seditionem extinguendam in urbe, quàm propè illatum mœnibus ipsis bellum, valuit.

XXVIII. Nam quum esset Prænestinis nunciatum, nullum exercitum conscriptum Romæ, nullum ducem certum esse, Patres ac plebem in semet ipsos verfos:

Q 6

occaf.

occasionem rati duces eorum, raptim agmine affo, pervastatis protinus agris, ad portam Collinam signa intulere. Ingens in urbe trepidatio fuit. conclamatum *ad arma*, concursumque in muros atque portas est: tandemque, ab seditione ad bellum versi, dictatorem T. Quinctium Cincinnatum creavere. Is magistrum equitum A. Sempronium Atratinum dixit. Quod ubi auditum est, (tantus ejus magistratus terror erat) simul hostes à moenibus recessere, & juniores Romani ad edictum sine retractatione convenere. Dum conscribitur Romæ exercitus, castra interim hostium haud procul Alliâ flumine posita: inde agrum latè populates, *fatalem se urbi Romana locum cepisse*, inter se jaëbant: *similem pavorem inde ac fugam fore, ac bello Gallico fuerit. Et enim, si diem, contactum religione, insignemque nomine ejus loci, timeant Romani, quanto magis Aliensi die Alliam ipsam, monumentum tantæ cladis, reformidaturos?* Species profectò his ibi truces Gallorum sonumque vocis in oculis atque in auribus fore. Has inanum rerum inanes ipsas volventes cogitationes, fortunæ loci delegaverant spes suas. Romani contrà, Ubicumque esset Latinus hostis, satis scire, eum esse, quem, ad Regillum lacum devictum, centum annorum pace obnoxia tenuerint. Locum, insignem memoriâ cladis, irritaturum se potiùs ad delendam memoriam dedecoris, quàm ut timorem faciat, ne qua terra sit nefasta victorie sue. Quia ipsi sibi Galli si offerantur illo loco, se ita pugnatos, ut Roma pugnauerint in repetenda patria, ut postero die ad Gabios; tunc, quum effecerint, ne quis hostis, qui mœnia Romana intrasset, nuncium secunda adversaque fortuna domum perferret.

XXIX. His utrinque animis ad Alliam ventum est. Dictator Romanus, postquam in conspectu hostes erant instructi intentique, *Videsne tu*, inquit, *A. Semproni*, *loci fortunâ illos fretos ad Alliam constitisse?* nec illis Diî immortales certioris quicquam fiducia, majorisve quod sit auxiliû, dederint. *At tu*, *fretus armis animisque, cœcitatatis equis invade*

*vade mediam aciem : ego cum legionibus in turbatos trepidantesque inferam signa. Adeſte, Dii teſtes ſæderis, & expenſite pœnas, debitas ſimul vobis violatis, nobiſque per veſtrum numen deceptis.* Non equitem, non peditem ſuſtinuere Præneſtini. primò impetu ac clamore diſſipati ordines ſunt. Dein, poſtquam nullo loco conſtabat acies, terga vertunt; conſternatique, & præter caſtra etiam ſua pavore prælati, non priùs ſe ab effuſo curſu ſiſtunt, quàm in conſpectu Præneſte fuit. Ibi ex fuga diſſipati, locum, quem tumultuario opere communirent, capiunt : ne, ſi intra mœnia ſe recepiffent, extemplo ueretur ager, depopulatiſque omnibus obſidio urbi inferretur. Sed, poſtquam, direptis ad Alliam caſtris, victor Romanus aderat, id quoque munimentum relictum : &, vix mœnia tuta rati, oppido ſe Præneſte includunt. Octo præterea oppida erant ſub ditione Præneſtinorum. ad ea circumlatum bellum : deincepsque, haud magno certamine captis, Volitras exercitus ductus. Eæ quoque expugnatae. tum ad caput belli Præneſte ventum. Id non vi, ſed per deditionem, receptum eſt. T. Quinctius, ſemel acie victor, binis caſtris hoſtium, novem oppidis vi captis, Præneſte in deditionem accepto, Romam revertit : triumphanſque ſignum, Præneſte deveſtum, Jovis Imperatoris in Capitolium tulit. Dedicatum eſt inter cellam Jovis ac Minervæ; tabulaque ſub eo fixa, monumentum rerum geſtarum, his fœnæ incifa literis fuit : *Jupiter atque divi omnes hoc dederunt, ut T. Quinctius dictator oppida novem caperet.* Die vicesimo, quàm creatus erat, diſtaturà ſe abdicavit.

XXX. Comitia inde habita tribunorum militum conſulari poteſtate; quibus æquatus patriciorum plebeiorumque numerus. Ex patribus creati P. & C. Manlii, cum L. Julio : plebes C. Sextilium, M. Albiſium, L. Antifiſtium dedit. Manliis, quòd genere plebeios, gratià Julium anteibant, Volſci provincia, ſine forte,



forte, sine comparatione, extra ordinem data: cujus & ipsos postmodo & Patres, qui dederant, pœnituit. Inexplorato pabulatum cohortes misere. quibus velut circumventis, quum id falso nunciatum esset, dum, præsidio ut essent, citati feruntur, ne auctore quidem asservato, qui eos, hostis Latinus pro milite Romano, frustratus erat, ipsi in insidias præcipitaverẽ. Ibi dum iniquo loco sola virtute militum restantes cæduntur, cæduntque, castra interim Romana, jacentia in campo, ab altera parte hostes invasere. Ab ducebus utrobique proditæ temeritate atque incitiâ res. quicquid super fuit fortunæ populi Romani, id militum etiam sine re-  
 gore stabilis virtus tutata est. Quæ ubi Romam sunt relata, primum dictatorem dici placebat: deinde, postquam quietæ res ex Volscis afferebantur, & apparuit, nescire eos victoriâ & tempore uti, revocati etiam inde exercitus ac duces: otiumque inde, quantum à Volscis, fuit. id modò extremo anno tumultuatum, quod Prænestini concitatis Latinorum populis rebellârunt. Eodem anno Setiam, ipsis querentibus penuriam hominum, novi coloni adscripti. Rebusque haud prosperis bello, domestica quies, quam tribunorum militum ex plebe gratia majestasque inter suos obtinuit, solatium fuit.

XXXI. Insequentis anni principia statim seditione ingenti arserẽ, tribunis militum consulari potestate Sp. Furio, Q. Servilio secundum, C. Licinio, P. Clælio, M. Horatio, L. Geganio. Erat autem & materia & causa seditionis res alienum: cujus noscendi gratiâ Sp. Servilius Priscus, Q. Clælius Sículus censores facti, ne rem agerent, bello impediti sunt. namque trepidi nuntii primò, fuga deinde ex agris legiones Volscorum ingressas fines, popularique passim Romanum agrum, at-  
 tulere. In quâ trepidatione tantum afuit ut civilia certamina terror exterius cohiberet, ut contrâ eo violentior potestas tribunicia impediendo delectui esset: donec

donec conditiones impositz Patribus, ne quis, quoad bellatum esset, tributum daret, aut jus de pecunia eredita diceret. Eo laxamento plebi sumpto, mora delectui non est facta. Legionibus novis scriptis, placuit, duos exercitus in agrum Volscum legionibus divisus duci. Sp. Furius, M. Horatius dextrorsus maritimam oram atque Antium, Q. Servilius & L. Geganius laevâ ad montes Ecetram pergunt. Neutrâ parte hostis obvius fuit. Populatio itaque non illi vagæ similis, quam Volscus latrocinii moré, discordiâ hostium fretus, & virtutem metuens, per trepidationem raptim fecerat; sed ab iusto exercitu iustâ irâ facta, spatio quoque temporis gravior. Quippe à Volscis, timentibus, ne interim exercitus ab Roma exiret, incursiones in extrema finium factæ erant: Romano contrâ etiam in hostico morandi causa erat, ut hostem ad certamen eliceret. Itaque, omnibus passim tectis agrorum, vitisque etiam quibusdam exustis, non arbore frugiferâ, non satis in spem frugum relictis, omni, quæ extra moenia fuit, hominum pecudumque prædâ abactâ, Romam utrinque exercitus reducti.

XXXII. Parvo intervallo ad respirandum debitoribus dato, postquam quietæ res ab hostibus erant, celebrari de integro jurisdictio; & tantum abesse spes veteris levandi sœnoris, ut tributo novum sœnus contraheretur in murum, à censoribus locatum saxo quadrato faciundum. cui succumbere oneri coacta plebes; quia, quem delectum impedirent, non habebant tribuni plebis. Tribunos etiam militares patricios omnes, coacta principum opibus, fecit, L. Æmilium, P. Valerium quartum, C. Veturium, Ser. Sulpicium, L. & C. Quinctios Cincinnatos. Iisdem opibus obtinere, ut adversus Latinos Volscosque, qui conjunctis legionibus ad Satricum castra habebant, nullo impediante omnibus junioribus sacramento adactis, tres exercitus scriberent: unum ad præsidium urbis; alterum, qui, si quæ

qui alibi motus exstitisset, ad subita belli mitti posset; tertium longè validissimum P. Valerius & L. Æmilius ad Satricum duxere: ubi quum aciem instructam hostium loco æquo invenissent, extemplo pugnatum: & ut nondum satis claram victoriam, sic prosperæ spei pugnam imber ingentibus procellis fusus diremit. Postero die iterata pugna: & aliquandiu æquâ virtute fortunâque Latinæ maximè legiones, longâ societate militiam Romanam edoctæ, restabant. eques immixtus ordines turbavit; turbatis signa pedum illata: quantumque Romana se invexit acies, tantum hostes gradu demoti. & ut semel inclinavit pugna, jam intolerabilis Romana vis erat. Fusi hostes quum Satricum, quod duo millia inde aberat, non castra, peterent, ab equitatu maximè cæsi. castra capta direptaque. Ab Satrico nocte, quæ prælio proxima fuit, fugæ simili agmine petunt Antium: & quum Romanus exercitus propè vestigiis sequeretur, plus tamen timor, quàm ira, celeritatis habuit. Prius itaque moenia intravere hostes, quàm Romanus extrema agminis carpere aut morari posset. inde aliquot dies vastando agro absumpti, nec Romanis satis instructis apparatu bellico ad moenia aggradienda, nec illis ad subeundum pugnae casum.

XXXIII. Seditio tum inter Antiates Latinosque orta; quum Antiates, victi malis subactique bello, in quo & nati erant, & consenuerant, deditionem spectarent; Latinos ex diutina pace nova defectio recentibus adhuc animis ferociore ad perseverandum in bello faceret. finis certaminis fuit, postquam utrisque apparuit, nihil per alteros stare, quo minùs incepta sequerentur. Latini profecti à societate pacis, ut rebantur, inhonestæ sese vindicaverunt. Antiates, incommodis arbitris salutarium consiliorum remotis, urbem agrosque Romanis dedunt. Ira & rabies Latinorum, quia nec Romanos bello lædere, nec Volscos in armis retinere potuerant, eo erupit, ut Satricum urbem, quæ

recē-

réceptaculum primum eis adversæ pugnae fuerat, igni concremarent: nec aliud tectum ejus superfuit urbis, (quum faces pariter sacris profanisque injicerent) quam matris Matutæ templum. Inde eos nec sua religio, nec verecundia Deum arcuisse dicitur, sed vox horrenda, edita templo cum tristibus minis, ni nefandos ignes procul delubris amovissent. Incensos eâ rabie impetus Tusculum tulit, ob iram, quòd, deserto communi concilio Latinorum, non in societatem modò Romanam, sed etiam in civitatem, se dedissent. Patentibus portis quum improvisò incidissent, primo clamore oppidum præter arcem captum est. in arcem oppidani refugere cum conjugibus ac liberis, nunciosque Romam, qui certiozem de suo casu senatum facerent, misere. Haud segnids, quam fide populi Romani dignum fuit, exercitus Tusculum ductus. L. Quinctius & Ser. Sulpicius tribuni militum duxere. clausas portas Tusculi, Latinosque simul obsidentium atque obsessorum animo hinc mœnia Tusculi tueri vident, illinc arcem oppugnare; terrere unà ac pavere. Adventus Romanorum mutaverat utriusque partis animos. Tusculanos ex ingenti metu in summam alacritatem, Latinos ex propè certa fiducia mox capiendæ arcis, quoniam oppido portirentur, in exiguam de se ipsis spem verterat. Tollitur ex arce clamor ab Tusculanis: excipitur aliquanto majore ab exercitu Romano. Utrunque urgentur Latini: nec impetus Tusculanorum, decurrentium ex superiore loco, sustinent: nec Romanos, subeuntes mœnia molientesque obices portarum, arcere possunt. Scalis prius mœnia capta; inde effracta claustra portarum. & quum anceps hostis & à fronte & à tergo urgeret; nec ad pugnam ulla vis, nec ad fugam loci quicquam superesset; in medio cæsi ad unum omnes. Recuperato ab hostibus Tusculo, exercitus Romam est reductus.

XXXIV. Quanto magis prosperis eo anno bellis tranquilla omnia foris erant, tanto in urbe vis Patrum  
ia.

in dies miseriæque plebis crescebant; quum eo ipso, quòd necesse erat solvi, facultas solvendi impediretur. Itaque, quum jam ex re nihil dari posset, famâ & corpore, judicati atque additi, creditoribus satisfaciebant, pœnaque in vicem fidei cesserat. Adeo ergo obnoxios summisserant animos non infimi solum, sed principes etiam plebis, ut non modò ad tribunatum militum inter patricios petendum, quod tantà vi, ut liceret, tenderant; sed ne ad plebeios quidem magistratus capeffendos petendosque ulli viro acri experientique animus esset: possessionemque honoris, usurpati modò à plebe per paucos annos, recuperâsse in perpetuum Patres viderentur. Ne id nimis lætum parti alteri esset, parva (ut plerumque solet) rem ingentem molundī causa intervenit. M. Fabii Ambusti, potentis viri, quum inter sui corporis homines, tum etiam ad plebem, quòd haudquaquam inter id genus contemptor ejus habebatur, filiz dux nuptæ, Ser. Sulpicio major, minor C. Licinio Stolori erat, illustri quidem, viro tamen plebeio: eaque ipsa affinitas haud sprete gratiam Fabio ad vulgum quæserat. Fortè ita incidit, ut, in Ser. Sulpicii tribuni militum domo sorores Fabiæ quum inter se (ut sit) sermonibus tempus tererent, læstor Sulpicii, quum is de foro se domum reciperet, forem, (ut mos est) virgâ percuteret. quum ad id, moris ejus infueta, expavisset minor Fabia, risui sorori fuit, miranti ignorare id sororem. Ceterum is risus stimulos parvis mobili rebus animo muliebri subdidit: frequentia quoque prosequentium rogantiumque, *namquid vellet?* credo fortunatum matrimonium ei sororis visum; sui que ipsam malo arbitrio, quo à proximis quisque minimè anteiri vult, pœnitusse. Confusam eam ex recenti morsu animi quum pater fortè vidisset, percussatus, *salin' salva?* avertentem causam doloris (quippe nec satis plam adversus sororem, nec admodum invirum honorificam) elicit comiter sciscitando, ut facere.

teretur, eam esse causam dolotis, quod juncta impari esset, nupta in domo, quam nec honos nec gratia intrare posset. Consolans inde filiam Ambustus bonum animum habere jussit: eosdem prope diem domi visuram honores, quos apud sororem videat. Inde consilia inire cum genero coepit, adhibito L. Sextio, strenuo adolescente, & cujus spei nihil præter genus patricium deesset.

XXXV. Ocasio videbatur rerum novandarum propter ingentem vim aeris alieni; cujus levamen malæ plebes, nisi suis in summo imperio locatis, nullum speraret. Accingendum ad eam cogitationem esse: cōnando agendoque jam eò gradum fecisse plebeios, unde, si porro amittantur, pervenire ad summa, & Patribus æquari, tam honore, quam virtute, possent. In præsentia tribunos plebis fieri placuit, quo in magistratu sibi met ipsi viam ad ceteros honores aperirent. creatique tribuni C. Licinius & L. Sextius promulgare leges omnes adversus opes patriciorum, & pro commodis plebis: unam de ære alieno, ut, deducto eò de capite, quod usuris pernumeratum esset, id, quod superesset, triensio æquis portionibus persolveretur: alteram de modo agrorum, ne quis plus quingentâ jugerâ agri possideret: tertiam, ne tribunorum militum comitia fierent, consulumque utique alter ex plebe crearetur. cuncta ingentia, & quæ sine certamine maximo obtineri non possent. Omnium igitur simul reatum, quarum immodica cupido inter mortales est, agri, pecuniæ, honorum, discrimine proposito, conterriti Patres, quum trepidassent, publicis privatisque consiliis nullo remedio alio, præter expertam multis jam antè certaminibus intercessionem, invento, collegas adversus tribunicias rogationes comparaverunt. qui, ubi tribus ad suffragium incundum citari à Licinio Sextioque viderunt, stipati Patrum præsidii, nec recitari rogationes, nec solenne quicquam aliud ad sciendum plebi

plebi fieri passi sunt. Jamque frustra sæpe concilio advocato, quum pro antiquatis rogationes essent; *Bene habet*, inquit Sextius, *quandoquidem tantum intercessionem pollere placet. isto ipso telo tutabimur plebem. Agitedum, comitia indicite, Patres, tribunis militum creandis. faxo, ne juvet vox ista, V E T O, quæ nunc concinentes collegas nostras tam leti auditis.* Haud irritæ cecidere minæ: comitia, præter ædilium tribunorumque plebis, nulla sunt habita. Licinius Sextiusque, tribuni plebis reselecti, nullos curules magistratus creari passi sunt: eaque solito magistratum, & plebe resciente duos tribunos, & his comitia tribunorum militum tollentibus, per quinquennium urbem tenuit.

XXXVI. Alia bella opportunè quiescere: Veliterni coloni, gessientes otio, quod nullus exercitus Romanus esset, & agrum Romanum aliquoties incurfavere, & Tusculum oppugnare adorti sunt. eaque res, Tusculanis veteribus sociis, novis civibus, opem orantibus, verecundiâ maximè non Patres modò, sed etiam plebem, movit. Remittentibus tribunis plebis, comitia per interregem sunt habita; creatique tribuni militum L. Furius, A. Manlius, Ser. Sulpicius, Ser. Cornelius, P. & C. Valerii, haudquaquam tam obedientem in dlectu, quàm in comitiis, plebem habuere: ingentique contentione exercitu scripto profecti, non ab Tusculo modò summoveere hostem, sed intra suamet ipsum moenia compulere. obsidebanturque haud paulo vi majore Velitræ, quàm Tusculum obsessum fuerat: nec tamen ab eis, à quibus obsideri coeptæ erant, expugnari potuerunt. Antè novi creati sunt tribuni militum, Q. Servilius, C. Veturius, A. & M. Cornetii, Q. Quintius, M. Fabius. nihil ne ab his quidem tribunis ad Velitras memorabile factum. In majore discrimine domi res vertebantur: nam præter Sextium Liciniumque latores legum, jam octavum tribunos plebis reselectos, Fabius quoque tribunus militum, Stolonis socer, quarum legum

legum auctor fuerat, earum suasorem se haud dubium ferebat. & quum octo ex collegio tribunorum plebis primò intercessores legum fuissent, quinque soli erant : & (ut ferme solent, qui à suis desciscunt) capti, & stupentes animi, vocibus alienis id modò, quod domi praeceptum erat, intercessioni suae prætendebant : *Vestris in exercitu plebis magnam partem abesse : in adventum militum comitia differri debere, ut universa plebes de suis commodis suffragium ferret.* Sextius Liciniusque, cum parte collegarum, & uno ex tribuniis militum Fabio, artifices jam tot annorum usu tractandi animos plebis, primores Patrum productos interrogando de singulis, quae ferebantur ad populum, fatigabant : *Auderentne postulare, ut, quum bina jugera agri plebi dividerentur, ipsis plus quingenta jugera habere liceret ? Ut singuli propè trecentorum civium possiderent agros, plebeio homini vix ad tutum necessarium, aut locum sepulturae, suus pateret ager ? An placeret, fœnore circumventam plebem potius, quàm sorte creditum solvat, corpus in nervum ac supplicia dare : & gregatim quotidie de foro addictos duci, & repleti vinctis nobiles domos ? & ubique patricius habitet, ibi carcerem privatum esse ?*

XXXVII. Hæc indigna miserandaque auditu quum apud timentes sibimet ipsos, majore audientium indignatione, quàm suâ, increpuissent : atqui nec agros occupandi modum, nec fœnore trucidandi plebem alium Patribus unquam fore, affirmabant, nisi alterum ex plebe consulem, custodem suae libertatis, plebes fecisset. Contemni jam tribunos plebis, quippe quae potestas jam suam ipsa vim frangat intercedendo. Non posse equo jure agi, ubi imperium penes illos, penes se auxilium tantum sit. nisi imperio communicato, nunquam plebem in parte pari reipublica fore : nec esse, quod quisquam satis putet, si plebeiorum ratio comitiis consularibus habeatur : nisi alterum consulem utique ex plebe fieri necesse sit, neminem fore. An jam memoriâ exîsse, quum tribunos militum idcirco potius, quàm consules, creari placuisset, ut de plebeiis



plebeis pateret summus honor, quatuor et quadraginta annis neminem ex plebe tribunum militum creatum esse? Qui crederent; duobusque in locis sua voluntate impartituros plebi honorem; qui octona loca tribunis militum creandis occupare soliti sint? et ad consulatum viam fieri passuros, qui tribunatum septem tam diu habuerint? Lege obtinendum esse, quod committi per gratiam nequeat; et seponendum extra certamen alterum consulatum, ad quem plebi sit aditus. quoniam in certamine relictus premium semper potentioris futurus sit. Nec jam posse dici id, quod antea jactare soliti sint, non esse in plebeis idoneos viros ad curules magistratus. Nunquid enim socordius aut segnius rempublicam administrari post P. Licinii Calvi tribunatum, qui primus ex plebe creatus sit, quam per eos annos gesta sit, quibus prater patricios nemo tribunus militum fuerit? quin contra patricios aliquot damnatos post tribunatum, neminem plebeium. Quæstores quoque, sicut tribunos militum, paucis ante annis ex plebe ceptos creari: nec ullius eorum populum Romanam pœnituisse. Consulatum superesse plebeis: iam esse arcem libertatis, id columen: si eò perventum sit, tum populum Romanum verè exactos ex urbe reges, et stabilem libertatem suam existimaturum. Quippe ex illa die in plebem ventura omnia, quibus patricii excellent, imperium atque honorem, gloriam belli, genus, mobilitatem, magna ipsis fruenda, majora liberis relinquenda. Hujus generis orationes ubi accipi videre; novam rogationem promulgant, ut pro duumviris sacris faciendis decemviri creentur; ita ut pars ex plebe, pars ex Patribus fiat: omniumque earum rogationum comitia in adventum ejus exercitus differunt, qui Velitras obsidebat.

XXXVIII. Prius circumactus est annus, quam à Velitis reducerentur legiones: ita suspensa de legibus res ad novos tribunos militum dilata: nam plebis tribunos eisdem, duos utique, quia legum latores erant, plebes reficiebat. Tribuni militum creati T. Quinctius, Ser. Cornelius, Ser. Sulpicius, Sp. Servilius, L. Papirius, L. Veturius. Principio statim anni ad ultimam dimicationem

creationem de legibus ventum: & quum tribus vocarentur, nec intercessio collegarum latoribus obstaret, trepidi Patres ad duo ultima auxilia, summum imperium summumque ad civem, decurrunt. Dictatorem dici placet. dicitur M. Furius Camillus, qui magistrum equitum L. Æmilium cooptat. Legum quoque latores adversus tantum apparatus adversariorum & ipsi causam plebis ingentibus animis armant: concilioque plebis indicto, tribus ad suffragium vocant. Quum dictator, stipatus agmine patriciorum, plenus iræ minarumque consedisset, atque ageretur res solito primum certamine inter se tribunorum plebi, ferentium legem intercedentiumque, & quanto jure potentior intercessio erat, tantum vinceretur favore legum ipsarum latorumque, & UTI ROGAS, primæ tribus dicerent; tum Camillus, *Quandoquidem, inquit, Quirites, jam vos tribunicia libido, non potestas, regit, & intercessionem, secessione quondam plebis partem, vobis eadem vi facitis irritam, quâ peperistis; non reipublica magis universa, quam vestra causâ, dictator intercessionem adero, eversumque vestrum auxilium imperio tutabor. Itaque, si C. Licinius & L. Sextius intercessionem collegarum cedunt; nihil patricium magistratum inseram concilio plebis. si adversus intercessionem, tanquam capta civitati leges imponere tendent, vim tribuniciam à se ipsa dissolvi non patiar.* Adversus ea quum contemptim tribuni plebis rem nihilo segnius peragerent, tum percitus irâ Camillus lictores, qui de medio plebem emoverent, misit. & addidit minas, si pergerent, sacramento omnes juniores adacturum, exercitumque extemplo ex urbe educiturum. Terrorem ingentem incussierat plebi; ducibus plebis accendit magis certamine animos, quàm minuit. sed, re neutro inclinâtâ, magistratu se abdicavit; seu quia vitio creatus erat, ut scripsere quidam: seu quia tribuni plebis tulerunt ad plebem, idque plebs scivit, ut, si M. Furius pro dictatore quid egisset, quingentum millium ei multa esset.

Sed

Sed auspiciis magis, quàm novi exempli rogatione, deterritum ut potius credam, quum ipsius viri facit ingenium, tum quòd ei suffectus est exemplo P. Manlius dictator: quem quid creari attinebat ad id certamen, quo M. Furius victus esset? & quòd eundem M. Furium dictatorem insequens annus habuit, haud sine pudore certè fractum priore anno in se imperium repetiturum: simul quòd eo tempore, quo promulgatum de multa ejus traditur, aut & huic rogationi, quàm se in ordinem cogi videbat, obistere potuit; aut ne illas quidem, propter quas & hæc lata erat, impedire: &, quoad usque ad memoriam nostram tribuniciiis consularibusque certatum viribus est, dictaturæ semper altius fastigium fuit.

XXXIX. Inter priorem dictaturam abdicatam novamque à Manlio initam, ab tribunis velut per interregnum concilio plebis habito, apparuit, quæ ex promulgatis plebi, quæ latoribus gratiora essent. nam de senore atque agro rogationes jubebant, de plebeio consulatu antiquabant. & perfecta utraque res esset, ni tribuni se in omnia simul consulere plebem dixissent. P. Manlius deinde dictator rem in causam plebis inclinavit, C. Licinio, qui tribunus militum fuerat, magistro equitum de plebe dicto. Id ægrè Patres passos accipio; dictatorem propinquâ cognatione Licinii se apud Patres excusare solitum, simul negantem, magistri equitum majus, quàm tribuni consularis, imperium esse. Licinius Sextiusque, quum tribunorum plebi creandorum indicta comitia essent, ita se gerere, ut, negando jam sibi velle continuari honorem, acerrimè accenderent ad id, quod dissimulando petebant, plebem. *Nonum se annum jam velut in aciem adversus optimates maximo privatim periculo, nullo publicè emolumento stare. consensuisse jam secum & rogationes promulgatas, & vim omnem tribunicie potestatis. Primò intercessione collegarum in leges suas pugnatum esse: deinde ablegatione juven-*  
tutis

tutis ad Veliternum bellum: postremo dictatorum fulmen in se intentatum. Jam nec collegas, nec bellum, nec dictatorem ob stare; quippe qui etiam omen plebeio consuli, magistro equitum ex plebe dicendo, dederit. se ipsam plebem & comoda morari sua. Liberam urbem ac forum à creditoribus, liberos agros ab injustis possessoribus extemplo, si velit, habere posse. Quae munera quando tandem satis grato animo aestimatos, si, inter accipiendas de suis commodis rogationes, spem honoris latoribus earum incidant? non esse modestia populi Romani id postulare, ut ipse famore levetur, & in agrum injuriâ possessum à potentibus inducatur; per quos ea consecutus sit, senes tribunicios non sine honore tantum, sed etiam sine spe honoris, relinquat. Proinde ipsi primum statuerent apud animos, quid vellent: deinde comitiis tribuniciis declararent voluntatem. Si conjunctim ferri ab se promulgatas rogationes vellent, esse, quod eosdem rescicerent tribunos plebis: perlaturus enim, quae promulgaverint. sin, quod cuique privatim opus sit, id modò accipi velint; opus esse nihil invidiosâ continuatione honoris; nec se tribunatum, nec illos ea, quae promulgata sint, habituros.

XL. Adversus tam obstinatam orationem tribunorum quum, præ indignitate rerum, stupor silentiumque inde ceteros Patrum defixisset; Ap. Claudius Crassus, nepos decemviri, dicitur odio magis iraque, quam spe, ad dissuadendum processisse, & locutus in hanc ferè sententiam esse: Neque novam, neque inopinatum mihi sit, Quirites, si, quod unam familia nostra semper obiectum est ab seditiosis tribunis, id nunc ego quoque audiam: Claudie genti jam inde ab initio nil antiquius in republica Patrum maiestate fuisse; semper plebis commodis adversatos esse. Quorum alterum neque nego, neque inficias eo, nos, ex quo adsciti sumus simul in civitatem & Patres, emixte operam dedisse, ut per nos aucta potius, quàm imminuta, maiestas earum gentium, inter quas nos esse voluistis, dici verè posset. Illud alterum pro me majoribusque meis contendere ausim, Quirites, vixi, quae pro universa republica fiant, ea

R

plebi,

plebi, tanquam aliam incolenti urbem, adversa quis putet) nihil nos, neque privatos, neque in magistratibus, quod incommodum plebi esset, scientes fecisse: nec ullum factum dictumve nostrum contra utilitatem vestram (etsi quadam contra voluntatem fuerint) verè referri posse. An hoc, si Claudia familiae non sim, nec ex patricio sanguine ortus, sed unus Quiritorium quilibet, qui modò me duobus ingenuis ortum, & vivere in libera civitate sciam, reticere possim? L. illum Sextium & C. Licinium, perpetuos (si Diis placet) tribunos, tantum licentiae novem annis, quibus regnant; sumpsisse, ut vobis negent potestatem liberam suffragii, non in comitiis, non in legibus jubendis, se permissuros esse? Sub conditione, inquit, nos reficietis decimum tribunos. Quid est aliud dicere, quod petunt alii, nos adeo fastidimus, ut sine mercede magna non accipiamus. Sed qua tandem ista merces est, quâ vos semper tribunos plebis habeamus? ut rogationes, inquit, nostras, seu placent, seu displicent, seu utiles, seu inutiles sunt, omnes conjunctim accipiatis. Obsecro vos, Tarquinii tribuni plebis, putate nec ex media concione unum civem succlamare: Bonâ veniâ vestrâ liceat ex his rogationibus legere, quas salubres nobis censemus esse; antiquare alias. Non, inquit, licebit. Tu de fœnore atque agris, quod ad vos omnes pertinet, jubeas; & hoc portenti non fiat in urbe Romana, uti L. Sextium atque hunc C. Licinium consules, quod indignaris, quod abominaris, videas? Aut omnia accipe: aut nihil fero. Ut si quis ei, quem urgeat fames, venenum ponat cum cibo; & aut abstinere eo, quod vitale sit, jubeat, aut mortiferum vitæ admisceat. Ergo, si esset libera hæc civitas, non tibi frequentes succlamassent? Abi hinc cum tribunatibus ac rogationibus tuis? quid? si tu non tuleris, quod commodum est populo accipere; nemo erit, qui ferat illud? Si quis patricius, si quis (quod illi volunt invidiosius esse) Claudius diceret, Aut omnia accipite, aut nihil fero; quis vestrum, Quirites, ferret? Nunquamne vos res potius, quam auctores, spectabitis? sed omnia semper, quæ magistratus ille dicet, secundis auribus, quæ ab nostrum quo dicentur, adversis accipietis? At  
bercule

*hercule sermo est minimè civilis. Quid? Rogatio qualis est, quam à vobis antiquatam indignantur? sermoni, Quirites, simillima. Consules, inquit, rogo, ne vobis, quos velitis, facere liceat. An aliter rogat, qui utique alterum ex plebe fieri consulem jubet; nec duos patricios creandi potestatem vobis permittit? Si hodie bella sint, quale Etruscum fuit, quum Porsena Janiculum insedit; quale Gallicum modò, quum prater Capitolium atque arcem omnia hæc hostium erant, & consulatum cum hoc M. Furio & quolibet alio ex Patribus L. ille Sextius peteret; possetisne ferre, Sextium haud pro dubio consulem esse, Camillum de repulsa dimicare? Hocine est in commune honores vocare, ut duos plebeios fieri consules liceat, duos patricios non liceat? & alterum ex plebe creari necesse sit, utrumque ex Patribus praterire liceat? Quenam ista societas, quenam consortio est? Parum est, si, cujus pars tua nulla adhuc fuit, in partem ejus venis, nisi partem petendo totum traxeris? Timeo, inquit, ne, si duos licebit creari patricios, neminem creetis plebeium. Quid est dicere aliud, quia indignos vestrâ voluntate creaturi non estis, necessitatem vobis creandi, quos non vultis, imponam? Quid sequitur, nisi ut ne beneficium quidem debeat populo, si cum duobus patriciis unus petierit plebeius, & lege se, non suffragio, creatum dicat?*

**XLI.** *Quomodo extorqueant, non quomodo petant honores, quarunt: & ita maxima sunt adepturi, ut nihil ne pro minimis quidem debeant; & occasionibus potiùs, quàm virtute, petere honores malunt. Est aliquis, qui se inspicere, æstimari fastidiat; qui certos sibi uni honores inter dimicantes competitores æquum censeat esse; qui se arbitrio vestro eximat; qui vestra necessaria suffragia pro voluntariis, & serva pro liberis faciat. Omitto Licinium Sextiumque, quorum annos in perpetua potestate, tanquam regum in Capitolio, numeratis: quis est hodie in civitate tam humilis, cui non via ad consulatum facilior per istius legis occasionem, quàm nobis ac liberis nostris, fiat? si quidem nos, ne quum volueritis quidem, creare interdum poteritis; istos, etiam si nolueritis, necesse sit. De indignitate satis dictum est: (etenim dignitas ad homines pertinet)*

plebi, tanquam aliam incolenti urbem, adversa quis putet) nihil nos, neque privatos, neque in magistratibus, quod incommodum plebi esset, scientes fecisse: nec ullum factum dictumve nostrum contra utilitatem vestram (etsi quaedam contra voluntatem fuerint) verè referri posse. An hoc, si Claudia familia non sim, nec ex patricio sanguine ortus, sed unus Quiritorium quilibet, qui modò me duobus ingenuis ortum, & vivere in libera civitate sciam, reticere possim? L. illum Sextium & C. Licinium, perpetuos (si Dñs placet) tribunos, tantum licentia novem annis, quibus regnant; sumpsisse, ut vobis negent potestatem liberam suffragii, non in comitiis, non in legibus jubendis, se permissuros esse? Sub conditione, inquit, nos rescietis decimùm tribunos. Quid est aliud dicere, quod petunt alii, nos adeo fastidimus, ut sine mercede magna non accipiamus. Sed qua tandem ista merces est, quã vos semper tribunos plebis habeamus? ut rogationes, inquit, nostras, seu placent, seu displicent, seu utiles, seu inutiles sunt, omnes conjunctim accipiatis. Obsecro vos, Tarquinii tribunum plebis, putate me ex media concione unum civem succlamare: Bonã veniã vestrà liceat ex his rogationibus legere, quas salubres nobis censemus esse; antiquare alias. Non, inquit, licebit. Tu de fœnore atque agris, quod ad vos omnes pertinet, jubeas; & hoc portentum non fiat in urbe Romana, uti L. Sextium atque hunc C. Licinium consules, quod indignaris, quod abominaris, videas? Aut omnia accipe: aut nihil fero. Ut si quis ei, quem urgeat fames, venenum ponat cum cibo; & aut abstinere eo, quod vitale sit, jubeat, aut mortiferum vitali admisceat. Ergo, si esset libera hæc civitas, non tibi frequentes succlamassent? Abi hinc cum tribunatibus ac rogationibus tuis? quid? si tu non tuleris, quod commodum est populo accipere; nemo erit, qui ferat illud? Si quis patricius, si quis (quod illi volunt invidiosius esse) Claudius diceret, Aut omnia accipite, aut nihil fero; quis vestrum, Quirites, ferret? Nunquamne vos res potiùs, quàm auctores, spectabitis? sed omnia semper, quæ magistratus ille dicet, secundis auribus, quæ ab nostrum quo dicentur, adversis accipietis? At

bercule

*hunc* sermo est minime civilis. Quid? Rogatio qualis est, quam à vobis antiquatam indignantur? sermoni, Quirites, simillima. Consules, inquit, rogo, ne vobis, quos velitis, facere liceat. An aliter rogat, qui utique alterum ex plebe fieri consulem jubet; nec duos patricios creandi potestatem vobis permittit? Si hodie bella sint, quale Etruscum fuit, quum Porsena Janiculum insedit; quale Gallicum modò, quum prater Capitolium atque arcem omnia hac hostium erant, & consulatum cum hoc M. Furio & quolibet alio ex Patribus L. ille Sextius peteret; possetisne ferre, Sextium haud pro dubio consulem esse, Camillum de repulsa dimicare? Hoccine est in commune honores vocare, ut duos plebeios fieri consules liceat, duos patricios non liceat? & alterum ex plebe creari necesse sit, utrumque ex Patribus praterire liceat? Quenam ista societas, quenam consortio est? Parum est, si, cujus pars tua nulla adhuc fuit, in partem ejus venis, nisi partem petendo totum traxeris? Timeo, inquit, ne, si duos licebit creari patricios, neminem creetis plebeium. Quid est dicere aliud, quia indignos vestra voluntate creaturi non estis, necessitatem vobis creandi, quos non vultis, imponam? Quid sequitur, nisi ut ne beneficium quidem debeat populo, si cum duobus patriciis unus petierit plebeius, & lege se, non suffragio, creatum dicat?

XLI. Quomodo extorqueant, non quomodo petant honores, querunt: & ita maxima sunt adepturi, ut nihil ne pro minimis quidem debeant; & occasionibus potius, quam virtute, petere honores malant. Est aliquis, qui se inspicere, aestimari fastidiat; qui certos sibi uni honores inter dimicantes competitores æquum censeat esse; qui se arbitrio vestro eximat; qui vestra necessaria suffragia pro voluntariis, & serva pro liberis faciat. Omitto Licinium Sextiumque, quorum annos in perpetua potestate, tanquam regum in Capitolio, numeratis: quis est hodie in civitate tam humilis, cui non via ad consulatum facilior per istius legis occasionem, quam nobis ac liberis nostris, fiat? si quidem nos, ne quum volueritis quidem, creare interdum poteritis; istos, etiam si nolueritis, necesse sit. De indignitate satis dictum est: (etenim dignitas ad homines  
R 2 pertinet)



pertinet) quid de religionibus atque auspiciis, quæ propria Deorum immortalium contemptio atque injuria est, loquar? Auspiciis hanc urbem conditam esse, auspiciis bello ac pace, domi militiaeque, omnia geri, quis est, qui ignoret? Penes quos igitur sunt auspicia more majorum? nempe, penes Patres. nam plebeius quidam magistratus nullus auspiciis creatur. Nobis adeo propria sunt auspicia, ut non solum, quos populus creat patricios magistratus, non aliter, quam auspiciis, creet; sed nos quoque ipsi sine suffragio populi auspiciis interregem prodamus, & privatim auspicia habeamus, quæ isti ne in magistratibus quidem habent. Quid igitur altius, quam tollit ex civitate auspicia, qui, plebeios consules creando, à Patribus, qui soli ea habere possunt, aufert? Eludant nunc licet religiones. Quid enim est, si pulli non pascuntur? si ex cavea tardius exierint? si occinuerit avis? Parva sunt hæc: sed parva ista non contemnendo majores nostri maximam hanc rem fecerunt. Nunc nos, tanquam jam nihil pæce Deorum opus sit, omnes ceremonias polluamus. Vulgo ergo pontifices, augures, sacrificuli reges creantur: cuiuslibet apicem dialem, dummodo homo sit, imponamus: tradamus ancilia, penetralia, Deos, Deorumque curam, quibus nefas est. non leges auspiciis ferantur, non magistratus creantur: nec centuriatis, nec curiatis comitiis Patres auctores fiant. Sextius & Licinius, tanquam Romulus ac Tatius, in urbe Romana regnent, quia pecunias alienas, quia agros dono dant. Tanta dulcedo est ex alienis fortunis prædandi: nec in mentem venit, alterâ lege solitudines vastas in agris fieri pellendo finibus dominos: alterâ fidem abrogari, cum qua omnis humana societas tollitur. Omnium rerum causâ vobis antiquandas conseo istas rogationes. Quod faxitis, Deos velim fortunare.

XLII. Oratio Appii ad id modò valuit, ut tempus rogationum jubendarum proferretur. Resecti decimùm iidem tribuni, Sextius & Licinius, de decemviris sacrorum ex parte de plebe creandis legem pertulere. creati quinque Patrum, quinque plebis: graduque eo jam via facta ad consulatum videbatur. Hac victoria contenta

contenta plebes cessit Patribus, ut, in praesentia consulum mentione omisâ, tribuni militum crearentur. creati A. & M. Cornelii iterum, M. Geganus, P. Manlius, L. Veturius, P. Valerius sextum. Quum praeter Velitrarum obsidionem, tardi magis rem exitus, quam dubii, quietæ externæ res Romanis essent; fama repens belli Gallici allata, perpulit civitatem, ut M. Furius dictator quatum diceretur. is T. Quintium Pennum magistrum equitum dixit. Bellatum cum Gallis eo anno circa Anienem flumen, auctor est Claudius; inclitamque in ponte pugnam, quâ T. Manlius Gallum, cum quo provocatus manus conseruit, in conspectu duorum exercituum casum torque spoliavit, tum pugnatum. Pluribus auctoribus magis adducor, ut credam, decem haud minus post annos ea acta: hoc autem anno in Albano agro cum Gallis, dictatore M. Furio, signa collata. Nec dubia, nec difficilis Romanis (quanquam ingentem Galli terrorem memoriâ pristinae cladis attulerant) victoria fuit. multa millia barbarorum in acie, multa captis castris caesa: palati alii Apuliam maximè petentes, quum fugâ se longinquâ, tum quod passim eos simul pavor terrorque distulerant, ab hoste sese tutati sunt. Dictatori, consensu Patrum plebisque, triumphus decretus. Vixdum perfusctum eum bello atrocior domi seditio excepit: & per ingentia certamina dictator senatusque victus, ut rogationes tribunicia acciperentur; & comitia consulum adversâ nobilitate habita, quibus L. Sextius de plebe primas consul factus. Et ne is quidem finis certaminum fuit, quia patricii se auctores futuros negabant, prope secessionem plebis res terribilesque alias minas civilium certaminum venit: quum tamen per dictatorem conditionibus sedatæ discordiæ sunt, concessumque ab nobilitate plebi de consule plebeio; à plebe nobilitati de prætore uno, qui jus in urbe diceret, ex Patribus creando. Ita ab diutina ira tandem in concordiam redactis.

etis ordinibus, quum dignam eam rem senatus censeret esse, meritóque id, si quando unquam aliàs, Deum immortalium causâ libenter facturos fore, ut ludi maximi fierent, & dies unus ad triduum adjiceretur; recusantibus id munus ædilibus plebis, conclamatum à patriciis est juvenibus, se id honoris Deum immortalium causâ libenter acturos, ut ædiles fierent. Quibus quum ab universis gratiæ actæ essent, factum senatusconsultum, ut duo viros ædiles ex Patribus dictator populum rogaret: Patres auctores omnibus ejus anni comitiis fierent.

## LIBER VII.

### EPI TOME.

I. **D**UO novi magistratus adjecti sunt, prætura & curulis ædilitas. II. Pestilentia civitas laboravit, eamque insignem fecit mors Furii Camilli. cujus remedium & finis quum per novas religiones quæreretur, ludi scenici tunc primum facti sunt. III, IV, V. Quum dies L. Manlio dicta esset à M. Pomponio tribuno plebis propter delectum acerbè actum, & T. Manlium filium rus relegatum sine ullo crimine; adolescens ipse, cujus relegatio patri objiciebatur, venit in cubiculum tribuni, strictoque gladio cœgit eum in verba sua jurare, non perseveraturum se in accusatione. VI. Quum telluris hiatu tota ad ultimum territa patria foret, tunc omnia pretiosa missa sunt in præaltam voraginem urbis Romane. in eam Curtius armatus, sedens equo, se precipitavit, eaque expleta est. IX, X. T. Manlius adolescens, qui patrem à tribunicia vexatione vindicaverat, contra Gallum, provocantem aliquem ex militibus Romanis, in singulare certamen descendit, eique occiso torquem aureum detraxit; quem ipse postea tulit, & ex eo Torquatus est nuncupatus. XV. Due tribus additæ, Pomptina

*p̄ma & Publilia. XVI. Licinius Stolo lege ab ipso latē damnatus est, quōd plus quingentis iugeribus agri possideret. XXVI. M. Valerius tribunus militum Gallum, à quo provocatus erat, infidente galea corvo, & unguibus rostroque hostem infestante, occidit, & ex eo Corvi nomen accepit; consulumque proximo anno, quum annos viginti tres haberet, ob virtutem creatus est. XXVII. Amicitia cum Karthaginensibus iuncta. XXIX, &c. Campani, quum urgerentur à Samnitibus bello, auxilio adversus eos à senatu petito, quum id non impetrarent, urbem atque agros populo Romano dederunt. ob quam causam ea, quæ populi Romani facta essent, defendi bello adversus Samnites placuit. XXXIV, &c. Quum ab A. Cornelio consule exercitus in iniquum locum deductus in magno discrimine esset, P. Decii Muris tribuni militum operâ servatus est. qui, occupato colle super id iugum, in quo Samnites confederant, occasionem consuli in auiorem locum evadendi dedit: ipse ab hostibus circumfessus erupit. XXXVIII, &c. Quum milites Romani, qui Capuæ in præsidio erant relictī, de ea occupanda urbe conspirassent; & detecto consilio, metu supplicii à populo Romano defecissent; per M. Valerium Corvum dictatorem, qui consilio suo eos à furore revocaverat, patriæ restituti sunt. Res præterea contra Hernicos, & Gallos, & Tiburtes, & Privernates, & Tarquinienses, & Samnites, & Volscos prosperè gestas continet.*

I. **A**NNUS hic erit insignis novi hominis consularu, insignis novis duobus magistratibus, præturâ & curuli ædilitate. Hos sibi patricii quæsivere honores pro concessio plebi altero consularu. Plebes consulatum L. Sextio, cujus lege partus erat, dedit: Patres præturam Sp. Furio M. filio Camillo; ædilitatem Cn. Quinctio Capitolino & P. Cornelio Scipioni, suarum gentium viris, gratiâ campestri ceperunt. L. Sextio collega ex Patribus datus L. Æmilius Mamercinus. Principio anni & de Gallis, quos, primò palatos per Apuliam congregari jam fama erat,

& de Hernicorum defectione agitata mentio. Quum de industria omnia, ne quid per plebeium consulem ageretur, proferrentur, silentium omnium ætam ac iustitio simile otium fuit: nisi quodd, non patientibus tacitum tribunis, quodd pro consule uno plebeio tres patricios magistratus, curulibus sellis prætextatos tantquam consules sedentes, nobilitas sibi sumpisset, prætorem quidem etiam jura reddentem, & collegam consulibus, atque iisdem auspiciis creatum, verecundia inde imposita est senatui ex Patribus jubendi ædiles curules creari. primò, ut alternis annis ex plebe fierent, convenerat: postea promiscuum fuit. Inde, L. Genucio & Q. Servilio consulibus, & ab seditione & à bello quietis rebus, ne quando à metu ac periculis vacarent, pestilentia ingens orta. Censorem, ædilem curulem, tres tribunos plebis mortuos ferunt, pro portione & ex multitudine alia multa funera fuisse. maximèque eam pestilentiam insignem mors quàm maturà, tam acerba, M. Furii fecit. Fuit enim verè vir unicu in omni fortuna: princeps pace belloque prius, quàm exsulatum iret; clarior in exsilio vel desiderio civitatis, quæ capta absentis imploravit opem, vel felicitate, quàm restitutus in patriam secum patriam ipsam restituit. Par deinde per quinque & viginti annos (tot enim postea vixit) titulo tantæ gloriæ fuit, dignusque habitus, quem secundum à Romulo conditorem urbis Romanæ ferrent.

II. Et hoc & insequenti anno, C. Sulpicio Petico, C. Licinio Stolone, consulibus, pestilentia fuit. eo nihil dignum memoriâ actum, nisi quodd pacis Deum exposcendæ causà tertio tum post conditam urbem iestiternium fuit. & quum vis morbi nec humanis consiliis nec ope divinà levaretur, victis superstitione animis, ludi quoque scenici, nova res bellicoso populo, (nam circi modò spectaculum fuerat) inter alia cœlestis iræ placamina instituti dicuntur. Ceterum parva quæque

que (ut ferme principia omnia) & ea ipsa peregrina res fuit. Sine carmine ullo, sine imitandorum carminum actu, ludiones ex Etruria acciti, ad tibicinis modos saltantes, haud indecoros motus more Tusco dabant. imitari deinde eos juventus, simul inconditis inter se jocularia fundentes versibus, cœpere; nec absoni à voce motus erant: Accepta itaque res sæpiusque usurpando excitata: vernaculis artificibus, quia histri Tusco verbo ludio vocabatur, nomen histrionibus inditum: qui non, sicut antè, Fescennino versu similem incompositum temerè ac rudem alternis jaciebant; sed impletas modis saturas, descripto jam ad tibicinem cantu, motuque congruenti peragebant. Livius post aliquot annos, qui ab saturis ausus est primus argumento fabulam serere, (idem scilicet, id quod omnes tunc erant, suorum carminum actor) dicitur, quum sæpius revocatus vocem obtudisset, veniam petita puerum ad canendum ante tibicinem quum statuisset, canticum egisse aliquanto magis vigente motu, quia nihil vocis usus impediabat. inde ad manum cantari histrionibus cœptum, diverbiaque tantum ipsorum voci relicta. Postquam lege hac fabularum ab risu ac soluto joco res avocabatur, & ludus in artem paulatim vertebatur; juventus, histrionibus fabellarum actu relicto, ipsa inter se more antiquo ridicula intexta versibus jactitare cœpit: quæ inde exodia postea appellata, confertaque fabellis potissimum Atellanis sunt. Quod genus ludorum ab Oscis acceptum tenuit juventus, nec ab histrionibus pollui passa est. Eo institutum manet, ut actores Atellanarum nec tribu moveantur, & stipendia, tanquam expertes artis ludicræ, faciant. Inter aliarum parva principia rerum, ludorum quoque prima origo ponenda visa est: ut apparerèt, quàm ab sano initio res in hanc vix opulentis regnis tolerabilem insaniam venerit.

III. Nec tamen ludorum primum initium, procu-

R 5

randis

randis religionibus datum, aut religione animos, aut corpora morbis levavit. quin etiam, quum medios fortè ludos circus Tiberi superfuso irrigatus impedisset, id verò, velut averfis jam Diis aspernantibusque placamina iræ, terrorem ingentem fecit. Itaque, Cn. Genucio, L. Æmilio Mamercino secundum consulibus, quum piaculorum magis conquisitio animos, quàm corpora morbi, afficerent, repetitum ex seniorum memoria dicitur, pestilentiam quondam clavo ab dictatore fixo sedatam. Eà religione adductus senatus dictatorem clavi figendi causà dici jussit. dictus L. Manlius Imperiosus, L. Pinarium magistrum equitum dixit. Lex vetusta est, priscis literis verbisque scripta, ut, qui prætor maximus sit, Idibus Septembribus clavum pangat. Fixa fuit dextro lateri ædis Jovis optimi maximi, ex qua parte Minervæ templum est. Eum clavum, quia raræ per ea tempora literæ erant, notam numeri annorum fuisse ferunt: eoque Minervæ templo dicatam legem, quia numerus Minervæ inventum sit. Volturnis quoque clavos, indices numeri annorum, fixos in templo Nortæ, Etruscæ Deæ, comparere, diligens talium monumentorum auctor Cincius affirmat. M. Horatius consul ex lege templum Jovis optimi maximi dedicavit anno post reges exactos: à consulibus postea ad dictatores, quia majus imperium erat, solenne clavi figendi translatum est. Intermissio deinde more, digna etiam per se visa res, propter quam dictator crearetur. qua de causa creatus L. Manlius, perinde ac reipublicæ gerendæ, ac non solvendæ religionē, gratiā creatus esset, bellum Hernicum affectans, delectu acerbo juventutem agitavit; tandemque, omnibus in eum tribunis plebis coortis, seu vi, seu verecundiā victus, dictaturā abiit.

IV. Neque eo minùs principio insequentis anni, Q. Servilio Ahala, L. Genucio consulibus, dies Manlio dicitur à M. Pomponio tribuno plebis, Acerbitas

bītas in delectu, non damno modò civium, sed etiam laceratione corporum lata, partim virgis cæsis, qui ad nomina non respondissent, partim in vincula ductis, invisa erat: & ante omnia invisum ipsū ingenium atrox, cognomenque Imperiosi grave liberæ civitati, ab ostentatione sævitæ adscitum; quam non magis in alienis, quàm in proximis, ac sanguine ipse suo exerceret. criminique ei tribunus inter cetera dabat, quòd filium juvenem, nullius probri compertum, extorrem urbe, domo, penetibus, foro, luce, congressu equalium prohibitum, in opus servile, propè in carcerem atque in ergastulum, dederit: ubi summo loco natus dictatorius juvenis quotidianā miserā disceret, verè imperioso patre se natum esse. At quam ob noxam? quia infacundior sit, & linguā impromptus. Quod naturæ damnum utrū nutriendum patri, (si quicquam in eo humani esset) an castigandum ac vexatione insigne faciendum fuisse? ne mutas quidem bestias minùs alere ac fovere, si quid ex progenie sua parum prosperum sit. At, bercute, L. Manlium, malum malo augere filii, & tarditatem ingenii insuper premere; & si quid in eo exiguum naturalis vigoris sit, id extinguere vitā agresti & rustico cultu, inter pecudes habendo.

V. Omnium potiùs his criminationibus, quàm ipsius juvenis, irritatus est animus: quin contrà, se quoque parenti causam invidiæ atque criminum esse, ægrè passus, (ut omnes Dii hominesque scirent, se parenti opem latam, quàm inimicis ejus, malle) capit consilium, rudis quidem atque agrestis animi, & quanquam non civilis exempli, tamen pietate laudabile. Inscientibus cunctis, cultro succinctus, manè in urbem, atque à porta domum confestim ad M. Pomponium tribunum pergit: janitori, opus esse sibi domino ejus convento extemplo, ait. nunciaret, T. Manlium L. filium esse. Mox introductus, (etenim percitum irā in patrem spes erat aut criminis aliquid novi, aut consilii ad rem agendam, deferre) salute acceptā redditāque, esse ait, quæ cum eo

R. 6.

agere.



*agere arbitris remotis vellis.* Procul inde omnibus abire jussis, cultrum stringit: & super lectum stans ferro intento, nisi, in quæ ipse conceperat verba, juraret, *se patris ejus accusandi causâ concilium plebis nunquam habiturum*, se cum extemplo transfixurum minatur. Pavidus tribunus (quippe qui ferrum ante oculos micare, se solum, inermem; illum prævalidum juvenem, & quod haud minus timendum erat, stolidè ferocem viribus suis cerneret) adjurat, in quæ adactus est verba; & præ se deinde tulit, eâ vi subactum se incepto destitisse. Nec perinde, ut maluisset plebes, sibi suffragii ferendi de tam crudeli & superbo reo potestatem fieri; ita ægtè habuit, filium id pro parente ausum: eoque id laudabilius erat, quod animum ejus tanta acerbitas patria nihil à pietate avertisset. Itaque non patri modo remissa causæ dictio est, sed ipsi etiam adolescenti ea res honori fuit. & quum eo anno primum placuisset, tribunos militum ad legiones suffragio fieri, (nam & antea, sicut nunc, quos Rufulos vocant, imperatores ipsi faciebant) secundum in sex locis tenuit, nullis domi militiæque ad conciliandam gratiam meritis; ut qui rure & procul cœtu hominum juventam egisset.

VI. Eodem anno, seu motu terræ, seu quâ vi aliâ, forum medium ferme spectu vâsto collapsum in immensam altitudinem dicitur: neque eam voraginem conjectu terræ, quum pro se quisque gereret, expleri potuisse prius, quàm Deum monitû quæri cœptum, quò plurimum populus Romanus possêt? Id enim illi loco dicandum, vates canebant, si rempublicam Romanam perpetuam esse vellent. Tum M. Curtium, juvenem bello egregium, castigasse ferunt dubitantes; an ullum magis Romanum bonum, quàm arma virtusque, esset. Silentio facto, tēpla Deorum immortalium, quæ foro imminet, Capitoliumque intuentem, & manus nunc in cœlum, nunc in patentes terræ hiatus ad Deos manes porrigentem, se devovisse: equo deinde, quàm poterat,

poterat, maxime exornato insidentem, armatum se in specum immisisse, donaque ac fruges super eum à multitudine virorum ac mulierum congestas; lacumque Curtium, non ab antiquo illo T. Tatii milite Curcio Metto, sed ab hoc appellatum. Cura non deesset, si qua ad verum via inquirentem ferret: nunc fama rerum standum est, ubi certam derogat vetustas fidem. & lacus nomen ab hac recentiore insignitius fabula est. Post tanti prodigii procurationem, eodem anno de Hernicis consultus senatus, quum feciales ad res repetendas nequiquam misisset, primo quoque die ferendum ad populum de bello indicendo Hernicis censuit; populusque id bellum frequens iussit. L. Genucio consuli ea provincia sorte evenit. In expectatione civitas erat, quod primus ille de plebe consul bellum suis auspiciis gesturus esset; perinde ut eveniret res, ita communicatos honores pro bene aut secus consulto habitura. Fortè ita tulit casus, ut Genucius, ad hostes magno conatu profectus, in insidias precipitaret; legionibus nec opinato pavore fuis, consul circumventus ab insciis, quem interfecissent, occideretur. Quod ubi est Romam nunciatum, nequaquam tantum publicæ calamitate mœsti Patres, quantum feroces infelici consulis plebeii ductu, fremunt omnibus locis: *Irent, crearent consules ex plebe, transferrent auspicia, quod nefas esset. Potuisse Patres plebiscito pelli honoribus suis: num etiam in Deos immortales inauspicatam legem valuisse? Vindicasse ipsos suum numen, sua auspicia. quæ ut primum contacta sint ab eo, à quo nec jus nec fas fuerit, deletum cum ducere exercitum documento fuisse, ne deinde, turbato gentium jure, comitia haberentur.* His vocibus curia & forum personat. Ap. Claudium, quia dissuaserat legem, majore nunc auctoritate eventum reprehensi ab se consilii incusantem, dictatorem consensu patriciorum Servilius consul dicit: delectusque & iustitium indictum.

VII. Priusquam dictator legionesque novæ in Hernicos

nicos venirent, ductu C. Sulpicii legati res per occasi-  
onem gesta egregiè est. In Hernicos, morte consulis  
contemptim ad castra Romana cum haud dubia expu-  
gnandi spe succedentes, hortante legato, & plenis iræ  
atque indignitatis militum animis, eruptio est facta.  
Multum ab spe adeundi valli res Hernicis afuit; adeo  
turbatis inde ordinibus abscessere. Dictatoris deinde  
adventu novus veteri exercitus jungitur, & copiarum du-  
plicatur: & pro concione dictator laudibus legati mi-  
litumque, quorum virtute castra defensa erant, simul  
audientibus laudes meritas, tollit animos; simul cete-  
ros ad æmulandas virtutes acuit. Neque segniùs ad  
hostes bellum apparatur, qui, & parti antè decoris me-  
mores, neque ignari auctarum virium hostis, suas quo-  
que vires augment. Omne Hernicum nomen, omnis  
militaris ætas excitur. quadringenariæ octo cohortes,  
lecta robora virorum, scribuntur. Hunc eximium flo-  
rem juventutis eo etiam, quod, ut duplex acciperent  
stipendium, decreverant, spei animorumque impleve-  
re. Immunes quoque operum militarium erant, ut, in  
unum pugnae laborem reservati, plus sibi, quàm pro  
virili parte, annitendum scirent. Extra ordinem et-  
iam in acie locati, quo conspectior virtus esset. Du-  
ùm millium planities castra Romana ab Hernicis diri-  
mebat: ibi pari ferme utrinque spatio in medio pu-  
gnatum est. Primò stetit ambigua spe pugna; nequic-  
quam sæpe copatis equitibus Romanis impetu tur-  
bare hostium aciem. Postquam equestris pugna effectus,  
quàm conatibus, vanior erat; consulto priùs dictatore  
equites, permissu deinde ejus, relictis equis, clamore in-  
genti provolant ante signa, & novam integrant pu-  
gnam. neque sustineri poterant, ni extraordinariæ co-  
hortes pari corporum animorumque robore se obje-  
cissent.

VIII. Tunc inter primores duorum populorum res  
geritur. quicquid hinc aut illinc communis Mars belli  
aufert;

aufert; multiplex, quàm pro numero, damnum est; vulgus aliud armatorum, velut delegatà primoribus pugnâ, eventum suum in virtute aliena ponit. multi utrinque cadunt, plures vulnera accipiunt. Tandem equites alius alium increpantes, *quid deinde restaret, quærendo, si neque ex equis pepulissent hostem, neque pedites quicquam momenti facerent? quam tertiam expectarent pugnam? quid ante signa feroces profiluisent, & alieno pugnarent loco?* His inter se vocibus concitati, clamore renovato, inferunt pedem: & primùm gradu moverunt hostem, deinde pepulerunt; postremò jam haud dubiè avertunt: neque, tam vires pares quæ superaverit res, facile dictu est, nisi quòd perpetua fortuna utriusque populi & extollere animos, & minuere potuit. Usque ad castra fugientes Hernicos Romanus sequitur: castrorum oppugnatione, quia serum erat dici, abstinuere. Diu non perlitatum tenuerat dictatorem, ne ante meridiem signum dare posset: eo in noctem tractum erat certamen. Postero die deserta fugâ castra Hernicorum, & faucii relictî quidam inventi; agmenque fugientium ab signis, quum præter mœnia eorum infrequentia conspecta signa essent, fusum, ac per agros trepidâ fugâ palatum est. Nec Romanis incruenta victoria fuit. quarta pars militum amissa; &, ubi haud minus jacturæ fuit, aliquot equites Romani cecidere.

IX. Insequenti anno, quum C. Sulpicius & C. Licinius Calvus consules in Hernicos exercitum duxissent, neque inventis in agro hostibus, Ferentinum urbem eorum vi cepissent, revertentibus inde eis Tiburtes portas clausere. Ea ultima fuit causa, quum multæ antea querimoniz ultro citroque jactatæ essent, cur, per seculares rebus repetitis, bellum Tiburti populo indiceretur. Dictatorem T. Quintium Pennum eo anno fuisse, satis constat, & magistrum equitum Ser. Cornelium Maluginensem. Macer Licinius comitiorum habendorum causâ, & ab Licinio consule dictum scribit.

scribit, quia; collega comitia bello præferre festinante, ut continuaret consulatum, obviam eundum prave cupiditati fuerit. Quæsitæ eâ propriæ familiæ laus leviorẽ auctorem Liciam facit, quoniam mentionem ejus rei in vetustioribus annalibus nullam inveniam, magis, ut belli Gallici causâ dictatorem creatum arbitrer, inclinat animus. eo certè anno Galli ad tertium lapidem Salaria viâ trans pontem Anienis castra habuere. Dictator, quoniam tumultus Gallici causâ justitiam edixisset, omnes juniores sacramento adegit, ingentique exercitu ab urbe profectus, in citeriore ripa Anienis castra posuit. Pons in medio erat, neutris eum rumpentibus, ne timoris indicium esset. Prælia de occupando ponte crebra erant; nec, qui potirentur, incertis viribus, satis discerni poterat. Tum eximiâ corporis magnitudine in vacuum pontem Gallus processit; & quantulum maximâ voce potuit, *Quem nunc, inquit, Roma virum fortissimum habet, procedat, agetur, ad pugnam, ut noster duorum eventus ostendat, utra gens bello sit melior.*

X. Diu inter primores juvenum Romanorum silentium fuit, quoniam & adnuere certamen veterentur, & præcipuam sortem periculi petere nolent: tum T. Manlius, L. filius, qui patrem à vexatione tribunicia vindicaverat, ex statione ad dictatorem pergit: *Injussu tuo, inquit, imperator, extra ordinem nunquam pugnaverim, non si certam victoriam videam. Si tu permittis, volo ego illi bellum offendere, quando adeo ferocem præstiterit hostium signis, me ex ea familia ortum, quæ Gallorum agmina ex rupe Tarpeia dejecit.* Tum dictator, *Macte virtute, inquit, ac pietate in patrem, patriamque, T. Manli, esto. Perge, & nomen Romanum invictum, juvantibus Diis, præsta.* Armant inde juvenem æquales. pedestre scutum capit, Hispano cingitur gladio, ad propiorem habili pugnam. Armatum adornatumque adversus Gallum stolidè lætum, & (quoniam id quoque memoriâ dignum anti-  
*quis visum est*) linguam etiam ab irrisu exercentem,  
 pro-

producunt. Recipiunt inde se ad stationem: & duo in medio armati, spectaculi magis more, quam legibelli, destituuntur, nequaquam visu ac specie æstimantibus pares. Corpus alteri magnitudine eximium, versicolori veste pictisque & auro calatis refulgens armis: media in altero militaris statura, modicaque in armis habilibus magis quam decoris species. non cantus, non exultatio armorumque agitatio vana, sed pectus, animorum iræque tacitæ plenum, omnem ferociam in discrimen ipsum certaminis distulerat. Ubi consistere inter duas acies, tot circa mortalium animis spe metuque penditibus, Gaius, velut moles supernè imminens, projecto lævâ scuto, in advenientis arma hostis vanum cæsum cum ingenti sonitu enses dejecit. Romanus, mucrone surrecto, quum scuto scutum inumperculisset, totoque corpore interior periculo vulneris factus, insinuasset se inter corpus armaque, uno alteroque subindè ictu ventrem atque inguinâ hausit, & in spatium ingens ruentem porrexit hostem. jacentis inde corpus, ab omni alia vexatione intactum, uno torque spoliavit: quem respersum cruore collo circumdedit suo. Defixerat pavor cum admiratione Gallos. Romani, alacres ab statione obviam militi suo progressi, gratulantes laudantesque ad dictatorem perducunt. Inter carminum prope modum incondita quædam militriter joculantes, Torquati cognomen auditum; celebratum deinde posteris etiam familiæque honori fuit. Dictator coronam auream addidit donum, mirisque pro concione eam pugnam laudibus tulit.

XI. Et, Hercule, tanti ea ad universi belli eventum momenti dimicatio fuit, ut Gallorum exercitus proximâ nocte, relictis trepidè castris, in Tiburtem agrum, atque inde, societate belli factâ, commeatuque benignè ab Tiburtibus adjutus, mox in Campaniam transierit. Ea fuit causa, cur proximo anno C. Pœteliæ Balbus consul, quum collegæ ejus M. Fabio Ambusto Hernici

Hernici provincia evenisset, adversus Tiburtes jussu populi exercitum duceret. ad quorum auxilium quum Galli ex Campania redissent, fœdæ populationes in Lavicano, Tusculanoque, & Albano agro, haud dubiè Tiburtibus ducibus, sunt factæ. Et, quum adversus Tiburtem hostem duce consule contenta respublica esset, Gallicus tumultus dictatorem creari coëgit. creatus Q. Servilius Ahala T. Quinctium magistrum equitum dixit; & ex auctoritate Patrum, si prosperè id bellum evenisset, ludos magnos vovit. Dictator, ad continendos proprio bello Tiburtes consulari exercitu jussu manere, omnes juniores, nullo detrectante militiam, sacramento adegit. Pugnatum haud procul portâ Collinâ est totius viribus urbis, in conspectu parentum conjugumque ac liberorum. quæ magna, etiam absentibus, hortamenta animi, tum subiecta oculis, simul verecundiâ misericordiâque militem accendebant. Magnâ utrinque editâ cæde, avertitur tandem acies Gallorum. fugâ Tibur, sicut arcem belli Gallici, possunt: palati à consule Pœtelio haud procul Tibure excepti, egressis ad opem ferendam Tiburtibus, simul cum his intra portas compelluntur. Egregiè quum ab dictatore, tum ab consule res gesta est. Et consul alter Fabius præliis primùm parvis, postremò unâ insigni pugnâ, quum hostes totis adorti copiis essent, Hernicos devincit. Dictator, consulibus in senatu & apud populum magnificè collaudatis, & suarum quoque rerum illis remisso honore, dictaturâ se abdicavit. Pœtelius de Gallis Tiburtibusque geminum triumphum egit. Fabio fatis visum, ut ovans urbem iniret. Irîdere Pœtelii triumphum Tiburtes: *Ubi enim cum se cum acie confixisse? spectatores paucos fugæ trepidationisque Gallorum, extra portas egressos, postquam in se quoque fieri impetum viderint, & sine discrimine obvios cadi, recepisse se intra urbem. Eam rem triumpho dignam visam Romanis? ut nimis mirum magnâque censerent, tumultum exciere in hostium*

*hostium portis, majorem ipsos trepidationem ante mœnia sua visuros.*

XII. Itaque insequenti anno, M. Popillio Lœnate, Cn. Manlio consulibus, primo silentio noctis ab Tibure agmine infesto profecti, ad urbem Romam venerunt. terrorem repentè ex somno excitatis subita res & nocturnus pavor præbuit: ad hoc multorum inscitia, qui, aut unde, hostes advenissent. Conclamatum tamen celeriter ad arma est, & portæ stationibus, murique præsidiiis firmati: & ubi prima lux mediocrem multitudinem ante mœnia, neque alium, quàm Tiburtem, hostem ostendit, duabus portis egressi consules utrinque aciem subeuntium jam muros aggrediuntur: apparuitque occasione magis, quàm virtute, fretos venisse. adeo vix primum impetum Romanorum sustinuerunt. Quin etiam bono fuisse Romanis adventum eorum constabat, orientemque jam seditionem inter Patres & plebem metu tam propinqui belli compressam. Alius adventus hostium fuit proximo bello, agris, quàm urbi, terribilior. Populabundi Tarquinienfes fines Romanos, maximè qua ex parte Etruriam adjacent, peragrare: rebusque nequiequam repetitis, novi consules C. Fabius & C. Plautius jussu populi bellum indixere; Fabioque ea provincia, Plautio Hernici evenere. Gallici quoque belli fama increbrescebat. Sed inter multos terrores solatio fuit pax Latinis petentibus data, & magna vis militum ab iis ex fœdere vetusto, quod multis intermiserant annis, accepta. quo præsidio, quum fulta res Romana esset, levius fuit, quòd Gallos mox Præneste venisse, atque inde circa Pedum confedissee, auditum est. Dictatorem dici C. Sulpicium placuit. consul ad id accitus C. Plautius dixit. magister equitum dictatori additus M. Valerius. Hi robora militum, ex duobus consularibus exercitibus electa, adversus Gallos duxerunt. Lentius id aliquanto bellum, quàm parti utrique placebat, fuit. quum primò Galli tantum a-

vidi



vidi certaminis fuissent, deinde Romanus miles, ruendo in arma ac dimicationem, aliquantum Gallicam ferociam vinceret; dictatori neutiquam placebat, quando nulla egeret res, fortunæ se committere adversus hostem, quem tempus deteriore in dies & locus alienus faceret, sine præparato commeatu, sine firmo munimento morantem. ad hoc iis animis corporibusque, quorum omnis in impetu vis esset, parvâ eadem languesceret morâ. His consiliis dictator bellum trahebat, gravemque edixerat poenam, si quis injussu in hostem pugnâset. Milites, ægrè id patientes, primò in stationibus vigilisque inter se dictatorem sermonibus carpere; interdum Patres communiter increpare, quod non jussissent per consules geri bellum. *Electum esse eximium imperatorem, unicum ducem, qui nihil agenti sibi de cælo devolaturam in finem victoriam censeat.* Eadem deinde hæc interdum propalam, ac ferociora his, jactare; *se injussu imperatoris aut dimicaturus, aut agmine Romanum ituros.* Immiscerique militibus centuriones: nec in circulis modò fremere, sed jam in principiis ac prætorio in unum sermones confundi, atque in concionis magnitudinem crescere turba, & vociferari ex omnibus locis, *ut extemplo ad dictatorem iretur: verba pro exercitu faceret Sex. Tullius, ut virtute ejus dignum esset.*

XIII. Septimùm primum pilum jam Tullius ducebat; neque erat in exercitu, qui quidem pedestria stipendia fecisset, vir factis nobilior. is, præcedens militum agmen, ad tribunal pergit; mirantique Sulpicio non turbam magis, quàm turbæ principem Tullium, imperiis obedientissimum militem, *Scilicet, dictator, inquit, condemnatum se universus exercitus à te ignavia ratus, & propè ignominie causâ destitutum sine armis, oravit me, ut suam causam apud te agerem. Equidem, sicubi loco cessum, si terga data hosti, si signa fœdè amissa objici nobis possent, tamen hoc à te impetrari æquum censerem, ut nos virtute culpam nostram corrigere, & abolere flagitii memoriam*  
*novâ.*

novâ gloriâ patereris. Etiam ad Alliam fusa legiones eandem, quam per pavorem amiserant, patriam, profecta postea ab Vejis, virtute recuperare. nobis, Desim benignitate, felicitate tuâ populique Romani, & res & gloria est integra. Quanquam de gloria vix dicere ausim, si nos & hostes haud secus, quàm feminas, additos intra vallum omnibus contumeliis eludunt; & tu imperator noster, quod egrius patimur, exercitum tuum sine animis, sine armis, sine manibus iudicas esse; & prius, quàm expertus nos esses, de nobis ita desperasti, ut te mancorum ac debiliū ducem iudicares esse. Quid enim aliud esse, causa credemus, cur veteranus dux, fortissimus bello, compressis, quod aiunt, manibus sed eas? utcunque enim se habet res, te de nostra virtute dubitasse videri, quàm nos de tua, verius est. Sin autem non tuum istuc, sed publicum est consilium, & consensus aliquis Patrum, non Gallicum bellum, nos ab urbe, à penatibus nostris ablegatos tenet; queso, ut ea, quæ dicam, non à militibus imperatori dicta censeas, sed à plebe Patribus; quæ, sicut vos vestra habeatis consilia, sic se sua habituram dicat. Quis tandem succenseat, milites nos esse, non servos vestros? ad bellum, non in exilium, missos? si quis det signum, in aciem educat, ut viris ac Romanis dignam sit, pugnuros? si nihil armis opus sit, otium Roma potius, quàm in castris, acturos? hæc dicta sunt Patribus. Te, imperator, milites tui oramus, ut nobis pugnandi copiam facias. quam vincere cupimus, tum te duce vincere; tibi lauream insignem deferre; tecum triumphantes urbem intro; tuum sequentes currum Jovis optimi maximi templum gratantes evanescque adire. Orationem Tullii exceperunt preces multitudinis: & undique, ut signum daret, ut capere arma juberet, clamabant.

XIV. Dictator, quanquam rem bonam exemplo haud probabili actam cernebat, tamen facturum, quod milites wellent, se recepit; Tulliumque secreto, quænam hæc res sit, aut quo acta more, percunctatur. Tullius magnopere à dictatore petere, ne se oblitum discipline militaris, ne sui, neve imperatoris majestatis, crederet:

ret: multitudinē concitata, quæ ferme auctoribus similis esset, non subtraxisse se ducem, ne quis alius, quales mota creare multitudo soleret, existeret. nam se quidem nihil non arbitrio imperatoris acturum. illi quoque tamen videndum magnopere esse, ut exercitum in potestate haberet. Differri non posse adeo concitatos animos. ipsos sibi locum ac tempus pugnandi sumpturos, si ab imperatore non detur. Dum hæc loquuntur, jumenta fortè pascentia extra vallum Gallo abigenti duo milites Romani ademerunt. In eos saxa conjecta à Gallis: deinde ab Romana statione clamor ortus, ac procursum utrinque est. Jamque haud procul justo prælio res erant, ni celeriter diremptum certamen per centuriones esset. Affirmata certè eo casu Tullii apud dictatorem fides est. nec recipiente jam dilationem re, in posterum diem edicatur, acie pugnatuuros. Dictator tamen, ut qui magis animis, quàm viribus, fretus ad certamen descenderet, omnia circumspicere atque agitare cœpit, ut arte aliquâ terrorem hostibus incuteret. Solerti animo rem novam excogitat, quâ deinde multi nostri atque externi imperatores, nostrâ quoque quidam ætate, usi sunt. Mulis strata detrahi jubet: binisque tantum centunculis relictis, agasones, partim captivis, partim ægrorum armis ornatos, imponit. His ferè mille effectis centum admiscet equites. & nocte super castra in montes evadere, ac silvis se occultare jubet: neque inde antè moveri, quàm ab se acciperent signum. Ipse, ubi illuxit, in radicibus montium extendere aciem cœpit: sedulo, ut adversus montes confisteret hostis. Instructo vani terroris apparatu, qui quidem terror plus penè veris viribus profuit, primò credere duces Gallorum, non descensuros in æquum Romanos; deinde, ubi degressos repentè viderunt, & ipsi avidi certaminis in prælium ruunt: priusque pugna cœpit, quàm signum ab ducibus daretur.

- XV. Acrius invasere Galli dextrum cornu: neque sustineri potuissent, ni fortè eo loco dictator fuisset,

*Sex.* Tullium nomine increpans rogitantque : *Siccine pugnatos milites spondisset ? ubi illi clamores sint arma poscentium ? ubi minæ injussu imperatoris prælium inituros ? en ipsum imperatorem clarâ voce vocare ad prælium, & ire armatum ante prima signa. ecquis sequeretur eorum, qui modò ducturi fuerint ; in castris feroces, in acie pavidi ?* Vera audiebant. itaque tantos pudor stimulos admovit, ut fuerent in hostium tela, alienatis à memoria periculi animis. Hic primò impetus propè vecors turbavit hostes : eques deinde emissus turbatos avertit. Ipse dictator, postquam labantem unâ parte vidit aciem, signa in lævum cornu confert, quò turbam hostium congregari cernebat ; & iis, qui in monte erant, signum, quod convenerat, dedit. Ubi inde quoque novus clamor ortus, & tendere obliquo monte ad castra Gallorum visi sunt ; tum metu, ne excluderentur, omiſsa pugna est, cursuque effuso ad castra ferebantur. ubi quum occurrisset eis M. Valerius, magister equitum, (qui, proſtigato dextro cœrnu, obequitabat hostium munimentis) ad montes silvasque vertunt fugam : plurimique ibi à fallaci equitum specie agasonibusque excepti sunt : & eorum, quos pavor pertulerat in silvas, atrox cædes post sedatum prælium fuit. Nec alius post M. Furium, quàm C. Sulpicius, justiorẽ de Gallis egit triumphum. auri quoque ex Gallicis spoliis satis magnum pondus, saxo quadrato septum, in Capitolio sacravit. Eodem anno & à consulibus vario eventu bellatum. nam Hernici à C. Plautio devicti subactique sunt. Fabius collega ejus incautè atque inconsultè adversus Tarquinienſes pugnavit : nec in acie tantum ibi cladis acceptum, quàm quòd trecentos septem milites Romanos captos Tarquinienſes immolârunt. quâ scèditate supplicii aliquanto ignominia populi Romani insigniti-or fuit. Accessit ad eam cladem & vastatio Romani agri, quam Privernates, Veliterni deinde, incursione repentinâ fecerunt. Eodem anno duæ tribus, Pom-  
ptina

ptina & Publilia, additæ. Ludi votiui, quos M. Furius dictator voverat, facti: & de ambitu ab C. Pœtelio tribuno plebis, auctoribus Patribus, tum primum ad populum latum est: eaque rogatione novorum maximè hominum ambitionem, qui nundinas & conciliabula obire soliti erant, compressam credebant.

XVI. Haud æquè læta Patribus insequenti anno, C. Marcio, Cn. Manlio consulibus, de unciario fœnore à M. Duilio, L. Mænio tribunis plebis rogatio est perlata: & plebs aliquanto eam cupidius scivit accepitque. Ad bella nova, priore anno destinata, Falisci quoque hostes exorti, duplici crimine: quòd & cum Tarquinienis juventus eorum militaverat; & eos, qui Falerios perfugerant, quum malè pugnatum est, repetentibus fecialibus Romanis non reddiderant. Ea provincia Cn. Manlio obvenit: Marcius exercitum in agrum Privernatem, integrum pace longinquâ, induxit: militemque prædâ implevit. Ad copiam rerum addidit munificentiam, quòd, nihil in publicum secerndo, augenti rem privatam militi favit. Privernates quum ante mœnia sua castris permunitis consedissent; vocatis ad concionem militibus, *Castra nunc, inquit, vobis hostium, urbemque præda do, si mihi pollicemini, vos fortiter in acie operam navaturos, nec præda magis, quàm pugna, paratos esse.* Signum pascunt ingenti clamore: celsique & spe haud dubiâ feroces in prælium vadunt. Ibi ante signa Sex. Tullius, de quo antè dictum est, exclamat: *Aspice, imperator, inquit, quemadmodum exercitus tuus tibi promissa præstet:* piloque posito, stricto gladio in hostem impetum facit. Sequuntur Tullium antesignani omnes, primoque impetu avertere hostem: fustum inde ad oppidum persecuti, quum jam scalas mœnibus admoverent, in deditionem urbem acceperunt. Triumphus de Privernatibus actus. Ab altero consule nihil memorabile gestum: nisi quòd legem, novo exemplo ad Sutrium in castris tributum de vicelima eorum,

rum, qui manumitterentur, tulit. Patres, quia eâ lege haud parvum vestigal inopi ærario additum esset, auctores fuerunt. Ceterum tribuni plebis, non tam lege, quam exemplo, moti, ne quis postea populum sevocaret, capite sanxerunt. nihil enim non per milites, juratos in consulis verba, quamvis perniciosum populo, si id liceret, ferri posse. Eodem anno C. Licinius Stolo à M. Popillio Lænate suâ lege decem millibus æris est damnatus, quod mille jugerum agri cum filio possideret, emancipandoque filium fraudem legi fecisset.

XVII. Novi consules inde, M. Fabius Ambustus secundum & M. Popillius Lænas secundum, duo bella habuere. Facile alterum cum Tiburtibus, quod Lænas gessit: qui, hoste in urbem compulso, agros vastavit. Falisci Tarquinienfisque alterum consulem primâ pugna fuderunt. inde terror maximus fuit, quod sacerdotes eorum, facibus ardentibus anguibisque prælatis, incessu furiali militem Romanum insuetâ turbaverunt specie: & tunc quidem velut lymphati & attoniti munimentis suis trepidæ agmine inciderunt; deinde, ubi consul legatique ac tribuni puerorum ritu vana miracula paventes irridebant increpabantque, vertit animos repentè pudor; & in ea ipsa, quæ fugerant, velut cæci ruebant. Discusso itaque vano apparatu hostium, quum in ipsos armatos se intulissent, averterunt totam aciem: castrisque etiam eo die potiti, prædâ ingenti partâ, victores reverterunt, militaribus jocis quum apparatus hostium, tum suum increpantes pavorem. Concitatur deinde omne nomen Etruscum, & Tarquinienfibus Faliscisque ducibus, ad Salinas perveniunt. Adversus eum terrorem dictator C. Marcius Rutilus primus de plebe dictus, magistrum equitum item de plebe C. Plautium dixit. Id verò Patribus indignum videri, etiam dictaturam jam in promiscuo esse: omnique ope impediabant, ne quid dictatori ad id bellum

lum decerneretur, parareturve. eo promptius cuncta, ferente dictatore, populus jussit. Profectus ab urbe, utraq; parte Tiberis, ratibus exercitu, quocunque fama hostium ducebat, trajecto, multos populatorum agrorum vagos palantes oppressit. Castra quoque, necopinato aggressus, cepit. & octo milibus hostium captis, ceteris aut caesis, aut ex agro Romano fugatis, sine auctoritate Patrum, populi jussu, triumphavit. Quia nec per dictatorem plebeium, nec per consulem, comitia consularia haberi volebant, & alter consul Fabius bello retinebatur, res ad interregnum redit. Interreges deinceps Q. Servilius Ahala, M. Fabius, Cn. Manlius, C. Fabius, C. Sulpicius, L. Æmilius, Q. Servilius, M. Fabius Ambustus. In secundo interregno orta contentio est, quod duo patricii consules creabantur: intercedentibusque tribunis, interrex Fabius aiebat, *in duodecim tabulis legem esse, ut, quodcunque postremam populus jussisset, id jus ratumque esset: jussum populi & suffragia esse.* Quum intercedendo tribuni nihil aliud, quam ut differrent comitia, valuissent; duo patricii consules creati sunt, C. Sulpicius Peticus tertium, M. Valerius Publicola: eodemque die magistratum inierunt.

XVIII. Quadringentesimo anno, quam urbs Romana condita erat, quinto tricesimo, quam à Gallis recuperata, ablato post undecimum annum à plebe consulari, patricii consules ambo ex interregno magistratum inierunt, C. Sulpicius Peticus tertium, M. Valerius Publicola. Empulum eo anno ex Tiburtibus haud memorando certamine captum; sive duorum consulum auspicio bellum ibi gestum est, ut scripsere quidam; seu per idem tempus Tarquiniensium quoque sunt vastati agri ab Sulpicio consule, quo Valerius adversus Tiburtes legiones duxit. Domi majus certamen consulibus cum plebe ac tribunis erat. Fidei jam suæ, non solum virtutis, ducebant esse, ut accepissent duo patricii

triciū consulatum, ita ambobus patriciis mandare. quin aut toto cedendum esse, si plebeius jam magistratus consulatus fiat, aut totum possidendum, quam possessionem integram à Patribus accepissent. Plebes contrà fremit: *Quid se vivere, quid in parte civium censerī: si, quod duorum hominum virtute, L. Sextii ac C. Licinii, partam sit, id obtinere universi non possint? Vel reges, vel decemviros, vel, si quod tristius sit imperii nomen, patiendum esse potius, quàm ambos patricios consules videant, nec in vicem parentur atque imperetur; sed pars altera, in aeterno imperio locata, plebem nusquam aliò natam, quàm ad serviendum, putet.* Non desunt tribuni auctores turbarum; sed inter concitatos per se omnes vix duces eminent. Aliquoties frustra in campum descensum quum esset, multique per seditiones acti comitiales dies; postremò victæ perseverantiâ consulum plebis eò dolor erupit, ut tribunos, actum esse de libertate vociferantes, relinquendumque non campum jam solum, sed etiam urbem captam atque oppressam regno patriciorum, moesta plebs sequeretur. Consules, relictī à parte populi, per infrequentiam comitia nihilo segnius perficiunt. creati consules ambo patricii, M. Fabius Ambustus tertium, T. Quinctius. In quibusdam annalibus pro T. Quinctio M. Popillium consulem invenio.

XIX. Duo bella eo anno prospere gesta. cum Tiburtibusque ad deditionem pugnatum. Saffula ex his urbs capta: ceteraque oppida eandem fortunam habuissent, ni universa gens, positis armis, in fidem consulis venisset. Triumphatum de Tiburtibus: alioquin mitis victoria fuit. In Tarquinienfes acerbè sævitum, multis mortalibus in acie cæsis. ex ingenti captivorum numero trecenti quinquaginta octo delecti, nobilissimus quisque, qui Romam mitterentur: vulgus aliud trucidatum. Nec populus in eos, qui missi Romam erant, mitior fuit. medio in foro omnes virgis cæsi ac securi percussi, id pro immolatis in foro Tarquinienfium Ro-



manis pœnz hostibus redditum. Res bello bene gestæ, ut Samnites quoque amicitiam peterent, effecerunt. Legatis eorum comiter ab senatu responsum: fœdere in societatem accepti. Non eadem domi, quæ militiæ, fortuna erat plebi Romanæ. nam etsi, unciario fœnore facta, levata usura erat, sorte ipsâ obruebantur inopes, nexumque inibant. eo nec patricios ambo consules, neque comitiorum curam, publicæ studia præ privatis incommodis plebs ad animum admittebat. Consulatus uterque apud patricios manet. Consules creati C. Sulpicius Patricus quartum, M. Valerius Publicola iterum. In bellum Etruscum intentam civitatem, quia Cæritem populum misericordiâ consanguinitatis Tarquinienensibus adjunctum fama ferebat, legati Latini ad Volscos convertere, nunciantes, exercitum conscriptum armatumque jam suis finibus imminere: inde populabundos in agrum Romanum venturos esse. Censuit igitur senatus, neutram negligendam rem esse: utrôque legiones scribi, consulesque sortiri provincias jussit. Inclinauit deinde pars major curæ in Etruscum bellum; postquam literis Sulpicii consulis, cui Tarquinii provincia evenerat, cognitum est, depopulatum agrum circa Romanas Salinas, prædæque partem in Cæritum fines avectam, & haud dubiè juventutem ejus populi inter prædatores fuisse. Itaque Valerium consulem, Volscis oppositum, castraque ad finem Tusculanum habentem, revocatum inde senatus dictatorem dicere jussit. T. Manlium L. filium dixit. Is, quum sibi magistrum equitum A. Cornelium Cossium dixisset, consulari exercitu contentus, ex auctoritate Patrum ac populi jussu Cæritibus bellum indixit.

XX. Tum primùm Cærites, tanquam in verbis hostium vis major ad bellum significandum, quàm in suis factis, qui per populationem Romanos lacefferant, esset, verus belli terror invasit: &, quàm non suarum virium ea dimicatio esset, cernebant. Pœnitebatque popula-

populationis, & Tarquinienſes exſecrabantur defeſſionis auctores. nec arma, aut bellum quiſquam apparare, ſed pro ſe quiſque legatos mitti jubebat ad petendam erroris veniam. Legati ſenatum quum adſſent, ab ſenatu rejeſti ad populum, Deos rogaverunt, quorum ſacra bello Gallico accepta ritè procuràſſent, ut Romanos florentes ea ſui miſericordia caperet, quæ ſe rebus affectis quondam populi Romani cepiſſet; converſique ad delubra Veſtæ, hoſpitiū flaminum Veſtaliūque ab ſe caſtè ac religioſè cultum invocabant. *Eane meritos, crederet quiſquam, hoſtes repente ſine cauſa factos? aut, ſi quid hoſtiliter feciſſent, conſilio id magis, quàm furore lapſos, feciſſe, ut ſua vetera beneficia, locata præſertim apud tam gratos, novis corrumpere maleficiis? florentemque populum Romanum ac feliciffimum bello ſibi deſumerent hoſtem, cujus afflicti amicitiam cepiſſent? ne appellarent conſilium; qua viſ ac neceſſitas appellanda eſſet. Tranſeuntes agmine infeſto per agrum ſuum Tarquinienſes, quum præter viam nihil petiſſent, traxiſſe quosdam agreſtium, populationis ejus, quæ ſibi crimini detur, comites. Eos, ſeu dedi placeat, dedere ſe paratos eſſe; ſeu ſuppliſio affici, daturus pœnas. Cære, ſacrarium populi Romani, deverſorium ſacerdotum, ac receptaculum Romanorum ſacrorum, intactum inviolatumque crimine belli, hoſpitio Veſtaliū cultiſque Diis darent. Movit populum non tam cauſa præſens, quàm vetus meritum, ut maleficii, quàm beneficii, potiùs immemores eſſent. Itaque pax populo Cæriti data, induciæque in centum annos factas in ſenatuſconſultum referri placuit. In Falifcos, eodem noxios crimine viſ belli converſa eſt: ſed hoſtes nuſquam inventi. Quum populatione peragrati fines eſſent, ab oppugnatione urbium temperatum: legionibuſque Romam reductis, reliquum anni muris turribuſque reficiendis conſumptum, & ædes Apollinis dedicata eſt.*

XXI. Extremo anno comitia conſularia certamen patrum ac plebis diremit, tribunis negantibus paſſuros

comitia haberi, ni secundum Liciniam legem haberentur; dictatore obstinato tollere potius totum è republica consulatum, quàm promiscuum Patribus ac plebi facere. Prolatandis igitur comitiis quum dictator magistratu abisset, res ad interregnum rediit. Inestam inde Patribus plebem interreges quum accepissent, ad undecimum interregem seditionibus certatum est. Legis Liciniae patrocinium tribuni iactabant. Propior dolor plebi fœnoris ingravescentis erat: curæque privatae in certaminibus publicis erumpebant. Quorum tædio Patres L. Cornelium Scipionem interregem concordiae causâ observare legem Liciniam comitiis consularibus iussere. P. Valerio Publicolæ datus è plebe collega C. Marcius Rutilus. Inclinatorum semel in concordiam animis, novi consules, fœnebrem quoque rem, quæ distingere unanimes videbatur, levare aggressi, solutionem alieni æris in publicam curam verterunt; quinqueviris creatis, quos mensarios ab dispensatione pecuniae appellarunt. Meriti æquitate curaque sunt, ut per omnium annalium monumenta celebres nominibus essent. Fuere autem C. Duilius; P. Decius Mus, M. Papirius, Q. Publilius, & Ti. Æmilius: qui rem, difficillimam tractatu, & plerumque parti utrique, semper certe alteri, gravem, quàm aliâ moderatione, tum impendio magis publico, quàm iacturâ, sustinuerunt. tarda enim nomina, & impeditiora inertia debitorum, quàm facultatibus, aut ærarium, mensis cum ære in foro positus, dissolvit, ut populo prius caveretur; aut æstimatio æquis rerum pretiis liberavit: ut non modò sine injuria, sed etiam sine querimoniis partis utriusque, exhausta vis ingens æris alieni sit. Terror inde vanus belli Etrusci, quum conjurasse duodecim populos fama esset, dictatorem dici coëgit. dictus in castris (eò enim ad consules missum senatusconsultum est) C. Julius, cui magister equitum adjectus L. Æmilius. Ceterum foris tranquilla omnia fuere.

XXII. Ten-

XXII. Tentatum domi per dictatorem, ut ambo patricii consules crearentur, rem ad interregnum perduxit. duo interreges C. Sulpicius & M. Fabius interpositi obtinere, quod dictator frustra tetenderat, mitiore jam plebe ob recens meritum levati æris alieni, ut ambo patricii consules crearentur. Creati ipse C. Sulpicius Patricus, qui prior interregno abiit, & T. Quinctius Pennus. quidam Kæsonem, alii Caium nomen Quinctio adjiciunt. Ad bellam ambo profecti, Faliscum Quinctius, Sulpicius Tarquinienſe, nusquam acie congresso hoste, cum agris magis, quam cum hominibus, utendo populandoque gesserunt bella: cujus lentæ velut tabis senio victa utriusque pertinacia populi est, ut primum à consulibus, deia permissu eorum ab senatu inducias peterent. in quadraginta annos impetraverunt. Ita, posita duorum bellorum, quæ imminebant, curâ, dum aliqua ab armis quies esset, quia solutio æris alieni multarum rerum mutaverat dominos, censum agi placuit. ceterum quum censoribus creandis indicta comitia essent, professus censuram se petere C. Marcius Rutilus, qui primus dictator de plebe fuerat, concordiam ordinem turbavit. quod videbatur quidem tempore alieno fecisse; quia ambo tum fortè patricii consules erant, qui rationem ejus se habituros negabant. Sed & ipse constantiâ inceptum obtinuit, & tribuni, omni vi recuperando jus consularibus comitiis amissum, adjuverunt; & quum ipsius viri majestas nullius honoris fastidium non æquabat, tum per eundem, qui ad dictatorem aperuisset viam, censuram quoque in partem vocari plebes volebat. Nec variatum comitiis est, quia cum Manlio Cnizo censor Marcius crearetur. Dictatorem quoque hic annus habuit M. Fabium, nullo terrore belli; sed ne Licinia lex comitiis consularibus observaretur. Magister equitum dictatori additus Q. Servilius. nec tamen dictatura potentioſem cum consen-

sum Patrum consularibus comitiis fecit, quàm censoriis fuerat.

XXIII. M. Popilius Lænas à plebe consul, à Patribus L. Cornelius Scipio datus. Fortuna quoque illustriorem plebeium consulem fecit. Nam quum ingentem Gallorum exercitum in agro Latino castra posuisse nunciatum esset; Scipione gravi morbo implicito, Gallicum bellum Popillio extra ordinem datum. Is, impigre exercitu scripto, quum omnes extra portam Capenam ad Martis ædē convenire armatos juniores jussisset, signaque eodem quæstores ex ærario deferre, quatuor expletis legionibus, quod superfuit militum, P. Valerio Publicolæ prætori tradidit; auctor Patribus scribendi alterius exercitus, quod ad incertos belli eventus subsidium reipublicæ esset. Ipse, jam satis omnibus instructis comparatisque, ad hostem pergit: cujus ut prius nosceret vires, quàm periculo ultimo tentaret; in tumulto, quem proximum castris Gallorum capere potuit, vallum ducere cœpit. Gens ferox & ingenii avidi ad pugnam, quum, procul visis Romanorum signis, ut extemplo prælium initura, explicuisset aciem; postquam neque in æquum demitti agmen vidit, & quum loci altitudine, tum vallo etiam integri Romanos, perculos pavore rata, simul opportuniore, quod intenti tum maximè operi essent, truci clamore aggreditur. Ab Romanis nec opus intermissum, (triarii erant, qui muniabant) & ab hastatis principibusque, qui pro munitoribus intenti armatique steterant, prælium intum. Præter virtutem locus quoque superior adjuvit, ut pila omnia hastæque non, tanquam ex æquo missa, vana (quod plerumque fit) caderent, sed omnia librata ponderibus figerentur; oneratique telis Galli, quibus aut corpora transfixa, aut prægravata inhærentibus gerebant scuta, quum cursu penè in adversum subissent, primo incerti resistere: dein, quum ipsa cunctatio & his animos minuisset, & auxisset hosti,

impulsi

impulsi retro ruere alii super alios, stragemque inter se cæde ipsâ fœdiorem dare. adeo præcipiti turbâ obtriti plures, quàm ferro necati.

XXIV. Nec dum certa Romanis victoria erat. alia in campum degressis supererat moles. Namque multitudo Gallorum, sensum omnem talis damni exsuperans, velut novâ rursus exoriente acie, integrum militem adversus victorem hostem ciebat. stetitque suppresso impetu Romanus; & quia iterum fessis subeunda dimicatio erat, & quòd consul, dum inter primores incautus agitatur, lævo humero matari propè trajecto, cesserat parumper ex acie. Jamque omiſſa cunctando victoria erat, quum consul, vulnere alligato, reſectus ad prima signa, *Quid ſtas, miles?* inquit. *Non cum Latino Sabinoque hoste res est, quem victum armis socium ex hoste facias. In belluas strinximus ferrum. hauriendus, aut dandus est sanguis. Propulſiſtis à caſtris, ſupinâ valle præcipientes egiſtis, ſtratis corporibus hoſtium ſuperſtatis. Complete eâdem ſtrage campos, quâ montes replēſtis. Nolite exſpectare, dum ſtantes vos fugiant. inferenda ſunt ſigna, & vadendum in hoſtem.* His adhortationibus iterum coorti pellunt loco primos manipulos Gallorum; cuneis deinde in medium agmen perrumpunt. Inde barbari diſſipati, quibus nec certa imperia, nec duces eſſent, vertunt impetum in ſuos; fuſique per campos, & præter caſtra etiam ſua fugâ prælati, quod editiſſimum inter æquales tumultos occurrebat oculis, arcem Albanam petunt. Conſul, non ultra caſtra inſecutus, (quia & vulnus dogravabat, & ſubjicere exercitum pugnâ ſeſſam tumultis ab hoſte occupatis nolebat) prædâ omni caſtrorum militi datâ, victorem exercitum, opulentumque Gallicis ſpoliis, Romam reduxit. Moram triumpho vulnus conſulis attulit. eademque cauſa dictatoris deſiderium ſenatui ſecit, ut eſſet, qui ægris conſulibus comitia haberet. Dictator L. Furius Camillus dictus, addito magiſtro equitum P. Cornelio Scipione, reddi-

dit Patribus possessionem pristinam consulatûs. ipse ob id meritum ingenti Patrum studio creatus consul, collegam Ap. Claudium Crassum dixit.

XXV. Priusquam inirent novi consules magistratum, triumphus à Popillio de Gallis actus magno favore plebis: mussantesque inter se rogitabant, *num quem plebei consulis pœniteret?* simul dictatorem increpabant, qui legis Liciniæ spretæ mercedem consulatum, privatâ cupiditate, quàm publicâ injuriâ, foediorum, cepisset, ut se ipse consulem dictator crearet. Annus multis variisque motibus fuit insignis. Galli ex Albanis montibus, quia hiemis vim pati nequiverant, per campos maritimæque loca vagi populabantur. Mare infestum classibus Græcorum erat, oraque littoris Antiatis, Laurensque tractus, & Tiberis ostia: ut prædones maritimi, cum terrestribus congressi, anticipati semel proelio decertârint; dubiique discesserint in castra Galli, Græci retrò ad naves, victos se, an victores, putarent. Inter hos longè maximus existit terror, concilia populorum Latinorum ad lucum Feroniæ habita: responsumque haud ambiguum imperantibus milites Romanis datum, abstererent imperare iis, quorum auxilio egerent. *Latinos pro sua libertate potius, quàm pro alieno imperio, laturos arma.* Inter duo simul bella externa, defectione etiam sociorum senatus anxius, quum cerneret metu tenendos, quos fides non tenuisset, extendere omnes imperii vires consules delectu habendo jussit. civili quippe standum exercitum esse, quando socialis cœtus defereret. Undique, non urbanâ tantum, sed etiam agresti juventutè, decem legiones scriptæ dicuntur quaternam millium & ducenorum peditum, equitumque trecenorum. Quem nunc novum exercitum, si qua externa vis ingruat, hæ vires populi Romani, quas vix terrarum capit orbis, contractæ in unum haud facillè efficiant: adeo in quas laboramus sola crevimus, divitias, luxuriamque. Inter

ter cetera tristitia ejus anni, consul alter Ap. Claudius in ipso belli apparatu moritur: redierantque res ad Camillum; cui unico consuli, vel ob aliam dignationem haud subjiaciendam dictaturæ, vel ob omen faustum ad Gallicum tumultum cognominis, dictatorem arrogari haud satis decorum visum est Patribus. Consul, duabus legionibus urbi præpositis, octo cum L. Pinario prætore divisis, memor paternæ virtutis, Gallicum sibi bellum extra sortem sumit: prætorem maritimam oram tutari, Græcosque atque littoribus jussit. & quum in agrum Pomptinum descendisset, (quia neque in campis congregari nullâ cogente re volebat, & prohibendo populationibus, quos raptò vivere necessitas cogeret, satis domari credebat hostem) locum idoneum stativis delegit.

XXVI. Ubi quum stationibus quieti tempus tere-  
rent, Gallus processit, magnitudine atque armis insi-  
gnis: quatiensque scutum hastâ, quum silentium fecis-  
set, provocat per interpretem unum ex Romanis, qui  
secum ferro decernat. M. erat Valerius tribunus mili-  
tum, adolescens, qui haud indigniorem eo decore se,  
quàm T. Manlium, ratus, prius sciscitatus consulis  
voluntatem, in medium armatus processit. Minus in-  
signe certamen humanum numine interposito Deorum  
factum. namque conferenti jam manum Romano cor-  
vus repente in galæa confectus, in hostem versus: quod  
primò, ut augurium cælo missum, lætus accepit tribu-  
nus. præcatus deinde, *Si divus, si diva esset, qui sibi præ-*  
*petem misisset, volens propitius adesset.* Dictu mirabile,  
tenuit non solum ales captam semel sedem, sed, quo-  
tiescunque certamen inibat est, levans se alis, os ocu-  
losque hostis rostro & unguibus appetiit: donec terri-  
tum prodigii talis visu, oculisque simul ac mente tur-  
batum, Valerius obtruncat. corvus è conspectu elatus  
orientem petit. Hactenus quietæ utrinque stationes fu-  
ere. Postquam spoliare corpus cæci hostis tribunas cor-



pit, nec Galli se statione tenuerunt, & Romanorum cursus ad victorem etiam ocior fuit. Ibi, circa jacentis Galli corpus contracto certamine, pugna atrox concitatur. Jam non manipulis proximarum stationum, sed legionibus utrinque effusis res geritur. Camillus lætum militem victoriâ tribuni, lætæ tam præsentibus ac secundis Diis, ire in prælium jubet: ostentansque insignem spoliis tribunum, *Hæc imitare, miles, aiebat; et circa jacentem ducem sterne Gallorum catervas.* Dii hominesque illi affuere pugne; depugnatumque hæcquam certamine ambiguo cum Gallis est. adeo duorum militum eventum, inter quos pugnatum erat, utraque acies animis perceperat. Inter primos, quorum concursus alios exciverat, atrox prælium fuit: alia multitudo, priusquam ad coniectum teli veniret, terga vertit. Primò per Volscos Falernumque agrum dissipati sunt: inde Apuliam ac mare inferum petierunt. Consul, concione advocatâ, laudatum tribunum decem bubus aureâque coronâ donat. ipse, jussus ab senatu bellum maritimum curare, cum prætore junxit castra. ibi, quia res trahi segnitia Græcorum non committentium se in aciem videbantur, dictatorem comitiorum causâ T. Manlium Torquatum ex auctoritate senatûs dixit. Dictator, magistro equitum A. Cornelio Cossq dicto, comitia consularia habuit, æmulumque decoris sui absentem M. Valerium Corvum, (id enim illi deinde cognominis fuit) summo favore populi, tres & viginti natum annos, consulem renunciavit. collega Corvo de plebe M. Popillius Lænas quartum consul futurus datus est. Cum Græcis à Camillo nulla memorabilis gesta res: nec illi terrâ, nec Romanus mari bel-lator erat. Postremò, quum littoribus arcerentur, a-quâ etiam præter cetera necessaria usui deficiente, Italiam reliquere. Cujus populi ea, cujusque gentis clas-sis fuerit; nihil certi est. maximè Siciliæ fuisse tyrannos crediderim. nam ulterior Græcia, eâ tempestate  
intestino

intestino fessa bello, jam Macedonum opes horrebat.

XXVII. Exercitiis dimissis, quum & foris pax & domi concordia ordinum otium esset, ne nimis late res essent, pestilentia civitatem adorta coegit senatum imperare decemviris, ut libros Sibyllinos inspicerent; eorumque monitu lectisternium fuit. Eodem anno Satricum ab Antiatibus colonia deducta, restitutaque urbs, quam Latini diruerant. & cum Karthaginien-sibus legatis Romae foedus actum, quum amicitiam ac societatem potentes venissent. Idem otium domi forisque mansit T. Manlio Torquato, C. Plautio consulibus: fenucliarium tantum ex unciario foenus factum, & in pensiones aequas triennii, ita ut quarta praesens esset, solutio aeris alieni dispensata est. & sic quoque parte plebis affecta, fides tamen publica privatis difficultatibus potior ad curam senatui fuit. Levatae maxime res, quia tributa ac delectu superfluum. Tertio anno post Satricum restitutum a Volscis, M. Valerius Corvus, secundum consul cum C. Postelio factus, quum ex Latio nunciatum esset, legatos ab Antio circumire populos Latinorum ad concitandum bellum; priusquam plus hostium fieret, Volscis arma inferre iussus, ad Satricum exercitu infesto pergit. quod quum Antiates alii-que Volsci preparatis iam ante, si quid ab Roma moveretur, copiis occurrissent, nulla mora inter infensos diutino odio dimicandi facta est. Volsci, ferocior ad rebellandum, quam ad bellandum, gens, centamine victi, fuga effusa Satrici moenia petunt. & ne in muris quidem satis firma spe, quum corona militum cincta jam scalis caperetur urbs, ad quatuor millia militum, praeter multitudinem imbellem, sese dedidere. Oppidum dirutum atque inconfam: ab aede tantum matris Matutae abstinuere ignem. Praeda omnis militi data. Extra praedam quatuor millia deditorum habita. eos vindictos consul ante currum triumphans egit: venditis deinde magnam pecuniam in aerarium redegit. Sunt qui

qui hanc multitudinem captivam servorum fuisse scribant: idque magis verisimile est, quam deditos venisse.

XXVIII. Hos consules secuti sunt M. Fabius Dorso, Ser. Sulpicius Camerinus. Auruncum inde bellum ab repentina populatione ceptum. metuque, ne id factum populi unius, consilium omnis nominis Latini esset, dictator velut adversus armatum jam Latium L. Furius creatus, magistrum equitem Ca. Manlium Capitolinum dixit. & quum, (quod per magnos tumultus fieri solitum erat) iustitio indicto, delectus sine vacationibus habitus esset; legiones, quantum maturari potuit, in Auruncos ductæ. ibi prædonum magis, quam hostium, animi inventi. Primâ itaque acie debellatum est. Dictator tamen, quia & ultro bellum intulerant, & sine detrectatione se certamini offerebant, Deorum quoque opes adhibendas ratus, inter ipsam dimicationem ædem Junoni Monetæ vovit: cujus damnatus voti quum victor Romam revertisset, dictaturâ se abdicavit. Senatus duumviros ad eam ædem pro amplitudine populi Romani faciendam creari jussit: locus in arce destinatus, quæ area ædium M. Manlii Capitolini fuerat. Consules, dictatoris exercitu ad bellum Volscum usi, Soram ex hostibus, incautos adorti, ceperunt. Anno post, quàm vota erat, ædes Monetæ dedicatur, C. Marcio Rutilo tertium, T. Manlio Torquato secundum consilium. Prodigium extemplo dedicationem secutum, semper vetusto montis Albani prodigio. namque & lapidibus phœnix & nox interdum visaitendi: librisque inspectis, quum plena religione civitas esset, senatui placuit, dictatorem feriarum constituendarum causâ dici. Dictus P. Valerius Publicola, magister equitum ei Q. Fabius Ambustus datus est. Non tribus tantum supplicatum ire placuit, sed finitimos etiam populos; ordoque his, quo quisque die supplicarent, statutus. Judicia eo anno populi tristitia in fœnera-

foeneratores facta, quibus ab ædilibus dicta dies esset, traduntur. Et res, haud ullâ insigni ad memoriam causâ, ad interregnum rediit. Ex interregno, ut id actum videri posset, ambo patricii consules creati sunt, M. Valerius Corvus tertium, A. Cornelius Cossus.

XXIX. Majora jam hinc bella, & viribus hostium, & longinquitate vel regionum, vel temporum spatio, quibus bellatum est, dicentur. namque eo anno adversus Samnites, gentem opibus armisque validam, mota arma. Samnitium bellum ancipiti Marte gestum, Pyrrhus hostis, Pyrrhum Poeni secuti. Quanta rerum moles, quoties in extrema periculorum ventum, ut in hanc magnitudinem, quæ vix sustinetur, erigi imperium posset? Belli autem causa cum Samnitibus, Romanis, quum societate amicitiaque juncti essent, extrinsecus venit; non orta inter ipsos est. Samnites Sidicinis injusta arma, quia viribus plus poterant, quum intulissent, coacti inopes ad opulentiorum auxilium confugere, Campanis sese conjungunt. Campani magis nomen ad præsidium sociorum, quam vires, quum attulissent, fluentes luxu ab dextris usu armorum in Sidicino pulsi agro, in se deinde molem omnem belli verterunt. namque Samnites, ommissis Sidicinis, ipsam arcem finitimorum Campanos adorti, unde æquè facilis victoria, prædæ atque gloriæ plus esset, Tifata, imminentes Capuæ colles, quum præsidio firmo occupassent, descendunt inde quadrato agmine in planitiem, quæ Capuam Tifataque interjacet. ibi rursus acie dimicatum: adverfoque prælio Campani intra mœnia compulsi, quum, robore juventutis suæ acciso, nulla propinqua spes esset, coacti sunt ab Romanis petere auxilium.

XXX. Legati, introducti in senatum, maximè in hanc sententiam locuti sunt: *Populus nos Campanus legatos ad vos, Patres conscripti, misit; amicitiam in perpetuum, auxilium præsens à vobis petiit. quam si secundis rebus nostris*

stris petissemus, sicut cœpta celerius, ita infirmiore vinculo  
 contracta esset. tunc enim, ut qui ex equo nos venisse in ami-  
 citiam meminissemus, amici forsitan pariter ac nunc, subjecti  
 atque obnoxii vobis minùs essemus. nunc, misericordiâ vestrà  
 conciliati, auxilioque in dubiis rebus defensi, beneficium quo-  
 que acceptum colamus, oportet; ne ingrati atque omni ope di-  
 vinâ humanâque indigni videamur. Neque, Hercule, quod  
 Samnites priores amici sociique vobis facti sunt, ad id valere  
 arbitror, ne nos in amicitiam accipiamur: sed ut vetustate  
 et gradu honoris nos præstant. neque enim fœdere Samnitium,  
 ne qua nova jungeretis fœdera, cautum est. Fuit quidem a-  
 pud vos semper satis justa causa amicitie, velle eum vobis a-  
 micum esse, qui vos appeteret. Campani, etsi fortuna præ-  
 sens magnificè loqui prohibet, non urbis amplitudine, non agri  
 fertilitate, ulli populo præterquam vobis cedentes, haud parva  
 (ut arbitror) accessio bonis rebus vestris, in amicitiam venimus  
 vestram. Æquis Volscisque, æternis hostibus bujus urbis, quan-  
 documque se moverint, ab tergo erimus: et, quod vos pro sa-  
 lute nostra priores feceritis, id nos pro imperio vestro et glo-  
 ria semper faciemus. Subactis iis gentibus, quæ inter nos vos-  
 que sunt, quod propediem futurum spondet et virtus et for-  
 tuna vestra, continens imperium usque ad nos habebitis. A-  
 cerbum ac miserum est, quod fateri nos fortuna nostra cogit.  
 Eò ventum est, Patres conscripti, ut aut amicorum, aut ini-  
 micorum Campani simus. Si defenditis, vestri: si deseritis,  
 Samnitium erimus. Capuam-ergo et Campaniam omnem ve-  
 stris an Samnitium viribus ascendere malitis, deliberate. O-  
 mnibus quidem, Romani, vestram misericordiam, vestrumque  
 auxilium æquum est patere; iis tamen maximè, qui, eam im-  
 plorantibus aliis auxilium dum supra vires suas præstant, o-  
 mnes ipsi in banc necessitatem venerunt. quanquam pugnavi-  
 mus verbo pro Sidicinis, re pro nobis, quum videremus finiti-  
 mum populum nefario latrocinio Samnitium peti; et, ubi  
 consagrassent Sidicini, ad nos trajecturum illud incendium esse.  
 Nec enim nunc, quia dolent injuriam acceptam Samnites, sed  
 quia gaudent oblatam sibi esse causam, oppugnatum nos veni-  
 unt.

unt. An, si ultio ira hæc, & non occasio cupiditatis explenda esset, parum fuit, quòd semel in Sidicino agro, iterum in Campania ipsa legiones nostras cecidere? Quæ est ista tam infesta ira, quam per duas acies fusus sanguis explere non potuerit? Adde huc populationem agrorum, pradas hominum atque pecudum actas, incendia villarum ac ruinas, omnia ferro ignique vastata. Hisce ira expleri non potuit? Sed cupiditas explenda est. ea ad oppugnandam Capuam rapit. aut delere urbem pulcherrimam, aut ipsi possidere volunt. Sed vos potius, Romani, beneficia vestro occupate eam, quàm illos habere per maleficium sinatis. Non loquor apud recusantem iusta bella populum; sed tamen, si ostenderitis auxilia vestra, ne bella quidem arbitror vobis opus fore. Usque ad nos contemptus Samnitium pervenit, supra non ascendit. Itaque umbrâ vestri auxilii, Romani, regi possumus: quicquid deinde habuerimus, quicquid ipsi fuerimus, vestrum id omne existimaturi. Vobis arabitur ager Campanus, vobis Capua urbs frequentabitur: conditorum, parentum, Deorum immortalium numero nobis eritis. Nulla colonia vestra erit, quæ nos obsequio erga vos fideque superet. Annuite, Patres conscripti, nutum numenque vestrum invictum Campanis, & jubete sperare, incolamem Capuam futuram. Quâ frequentâ omnium generum multitudinis prosequente creditis nos illinc profectos? quàm omnia votorum lacrimarumque plena reliquisse? in qua nunc expectatione senatum populumque Campanum, conjuges liberosque nostros esse? Stare omnem multitudinem ad portas, viam hinc ferentem prospectantes, certum habeo, quid illis nos, Patres conscripti, sollicitis ac pendentibus animi renunciare jubeatis. Alterum responsum salutem, victoriam, lucem, ac libertatem; alterum ominari horreo, quæ ferat. Proinde ut aut de uestris futuris sociis atque amicis, aut nusquam ullis futuris nobis consulite.

XXXI. Summotis deinde legatis, quum consultus senatus esset, etsi magnæ parti urbs maxima opulentissimaque Italiæ, uberrimus ager marique propinquus ad varietates annonæ horreum populi Romani fore videbatur;

debatur; tamen tantâ utilitate fides antiquior fuit, responditque ita ex auctoritate senatûs consul: *Auxilio vos, Campani, dignos censet senatus: sed ita vobiscum amicitiam institui par est, ne qua vetustior amicitia ac societas violetur. Samnites nobiscum fœdere juncti sunt. itaque arma, Deos prius, quàm homines, violatura, adversus Samnites vobis negamus. Legatos, sicut fas jusque est, ad socios atque amicos precatum mittemus, ne qua vobis vis fiat. Ad ea princeps legationis (sic enim domo mandatum attulerant) Quandoquidem, inquit, nostra tueri adversus vim atque injuriam justâ vi non vultis; vestra. certè defendetis. Itaque populum Campanum, urbemque Capuam, agros, delatbra Deam, divina humanaque omnia in vestram, Patres conscripti, populique Romani ditionem dedimus; quicquid deinde patiemur, dediticij vestri passuri. Sub hæc dicta omnes, manus ad consules tendentes, pleni lacrimarum in vestibulo curiæ proeubuerant. Commoti Patres vice fortunarum humanarum, si ille præpotens opibus populis, luxuriâ superbiæque clarus, à quo paulo antè auxilium finitimi petissent, adeo infractos gereret animos, ut se ipse suæque omnia potestatis alienæ faceret: tum jam fides agi visa, deditos non prodi, nec facturum æqua Samnitum populum censabant, si agrum urbemque, per deditionem factam populi Romani, oppugnarent. Legatos itaque exemplo mitti ad Samnites placuit. datâ mandata, ut preces Campanorum, responsum senatûs. amicitia Samnitium memor, deditionem postremo factam, Samnitibus exponerent. Peterant pro societate amicitiaque, ut dediticij suis parcerent: neque in eum agrum, qui populi Romani factus esset, hostilia arma inferrent. Si leniter agendo parum proficerent, denunciarent Samnitibus populi Romani senatûsque verbis, ut Capuâ urbem Campanoque agro abstinerent. Hæc legatis agentibus in concilio Samnitium adeo est ferociter responsum, ut non solum gesturos se esse dicerent id bellum, sed magistratus eorum è curiâ egressi, stantibus legatis, præfectos*

fectos cohortium vocarent; iisque clarâ voce imperarent, ut prædatum in agrum Campanum extemplo proficiscerentur.

XXXII. Hac legatione Romam relatâ, positis omnium aliarum rerum curis, Patres, fecialibus ad res repetendas missis, belloque, quia non redderentur, solenni more indicto, decreverunt, ut primo quoque tempore de ea re ad populum ferretur: jussuque populi consules ambo cum duobus ab urbe exercitibus profecti, Valerius in Campaniam, Cornelius in Samnium, ille ad montem Gaurum, hic ad Saticulam castra ponunt. Priori Valerio Samnitium legiones (eò namque omnem belli molem inclinaturam censebant) occurrunt. simul in Campanos stimulabat ira, tam promptos nunc ad ferenda, nunc ad arcessenda adversus se auxilia. Ut verò castra Romana viderunt, ferociter pro se quisque signum duces poscere, affirmare, eadem fortunâ Romanum Campano laturum opem, quâ Campanus Sidicino tulerit. Valerius, levibus certaminibus, tentandi hostis causâ, haud ita multos moratus dies, signum pugnae proposuit, paucis suos adhortatus: *Ne novum bellum eos novisque hostis terretet. quicquid ab urbe longius proferrent arma, magis magisque in imbelles gentes eos prodire. Ne Sidicinorum Campanorumque cladibus Samnitium aestimarent virtutem. qualescunque inter se certaverint, necesse fuisse alteram partem vinci. Campanos quidem haud dubiè magis nimio luxu fluentibus redus mollitiâque suis, quam vi hostium, victos esse. Quid autem esse duo prospera in tot seculis bella Samnitium adversus tot decora populi Romani, qui triumphos penè plures quam annos ab urbe condita, numeret? qui omnia circa se, Sabinos, Etruriam, Latinos, Hernicos, Aequos, Volscos, Auruncos, domita armis habeat? qui Gallos, tot praeliis casos, postremò in mare ac naves fugâ compulerit? Quam gloriâ belli ac virtutis suâ quemque fretos ire in aciem debere, tum etiam intueri, cujus ductu auspicioque inveniunda pugna sit, stridè qui audiendus duntaxat magnificus*



cus adhortator sit, verbis tantum ferox, operum militarium expertus; an qui & ipse tela tractare; procedere ante signa, versari media in mole pugna sciat? Facta mea, non dicta, vos, milites, inquit, sequi volo; nec disciplinam modò, sed exemplum etiam, à me petere. Non factionibus modò nec per coitiones usitatas nobilibus, sed hac dextrâ, mihi tres consulatus summamque laudem peperit. Fuit, quum hoc dici poterat: Patricius enim eras, & à liberatoribus patriæ ortus: & eodem anno familia ista consulatum, quo urbs hac consulem, habuit. Nunc jam nobis Patribus, vobisque plebeiis promiscuus consulatus patet; nec generis, ut antè, sed virtutis est præmium. proinde summum quodque spectate, milites, decus. Non, si mihi novum hoc Corvi cognomen Diis auctoribus homines dedistis, Publicolarum vetustum familia nostra cognomen memoriâ excessit. Semper ego plebem Romanam militia domique, privatus, in magistratibus parvis magnisque, æquè tribunus ac consul, eodem tenore per omnes deinceps consulatus, colo atque colui. nunc, quod instat, Diis bene juvantibus, novum atque integrum de Samnitibus triumphum mecum petite.

XXXIII. Non aliàs militi familiarior dux fuit, omnia inter infimos militum haud gravatè munia obeundo. In ludo præterea militari, quum velocitatis viriumque inter se æquales certamina incunt, comiter facilis vincere ac vinci vultu eodem; nec quenquam aspernari parem, qui se offerret; factis benignus pro re, dictis haud minùs libertatis alienæ, quàm suæ dignitatis, memor: & quo nihil popularius est, quibus artibus petterat magistratus, iisdem gerobat. Itaque universus exercitus, incredibili alacritate adhortationem præsecutus ducis, castris egreditur. Prælium, ut quod maximè unquam, pari spe, utrinque æquis viribus, cum fiducia sui, sine contemptu hostium, commissum est. Samnitibus ferociam augebant novæ res gestæ & paucos ante dies geminata victoria: Romanis contra quadringentorum annorum decora, & conditæ urbi æqualis

qualis victoria. Utrisque tamen novus hostis curam addebat. pugna indicio fuit, quos gesserint animos. namque ita conflixerunt, ut aliquandiu in neutram partem inclinarent acies. Tum consul, trepidationem injiciendam ratus, quando vi pelli non poterant, equitibus immixtis turbare prima signa hostium conatur. quos ubi nequicquam tumultuantes in spatio exiguo volvere turmas vidit, nec posse aperire in hostes viam, re-  
 vectus ad antesignanos legionum, quum desiluisset ex equo, *Nostrum*, inquit, *peditum illud, milites, est opus. agitedum, ut me videritis, quacunque incessero in aciem hostium, ferro viam facientem, sic pro se quisque obvios sternite. Illa omnia, quæ nunc erectæ micant hastæ, patefacta strage vastâ cernetis.* Hæc dicta dederat, quum equites consulis jussu discurrunt in cornua, legionibus in mediam aciem aperiunt viam. Primus omnium consul invadit hostem; &, cum quo fortè contulit gradum, obtruncat. hoc spectaculo accensi dextrâ levâque, ante se quisque, memorandum prælium cient. Stant obnisi Samnites; quanquam plura accipiunt, quàm inferunt, vulnera. Aliquamdiu jam pugnatum erat: atrox cædes circa signa Samnitium, fuga ab nulladum parte erat. adeo morte solâ vinci destinaverant animis. Itaque Romani, quum & fluere jam lassitudine vires sentirent, & dici haud multum superesset, accensi irâ concitant se in hostem. Tum primum referri pedem atque inclinari rem in fugam apparuit; tum capi, occidi Samnis. nec superfuissent multi, ni nox victoriam magis, quàm prælium, diremisset. Et Romani fatebantur, nunquam cum pertinaciore hoste conflictum: & Samnites, quum quæreretur, quænam prima causa tam obstinatos movisset in fugam, *oculos sibi Romanorum ardere visos*, aiebant, *vesanosque vultus & furentia ora: inde plus, quàm ex alia ulla re, terroris ortum.* quem terrorem non pugnae solum eventu, sed nocturnâ profectioe, confessi sunt. Postero die vacuis hostium castris Romanus positur:

titur: quò se omnis Campanorum multitudo gratulabunda effudit.

XXXIV. Ceterùm hoc gaudium magnà propè clade in Samnio fœdatum est. nam ab Saticula profectus Cornelius consul exercitum incautè in saltum, cavâ valle pervium, circâque infessum ab hoste, induxit: nec priùs, quàm recipi tutò signa non poterant, imminentem capiti hostem vidit. Dum id moræ Samnitibus est, quoad totum in vallem infimam demitterent agmen, P. Decius tribunus militum conspicit unum editum in saltu collem, imminentem hostium castris, aditu arduum impedito agmini, expeditis haud difficilem. Itaque consuli territo animi, *Videsne tu, inquit, A. Corneli, cacumen illud supra hostem? Arx illa est spes salutisque nostræ, si eam, quam caci reliquere Samnites, impigre capimus. ne tu mihi plus, quàm uniùs legionis principes hastatosque, dederis. cum quibus ubi evasero in summum, perge hinc omni liber metu, teque & exercitum serva. neque enim moveri hostis, subiectus nobis ad omnes ictus, sine sua pernicië poterit. Nos deinde aut fortuna populi Romani, aut nostra virtus expedit.* Collaudatus ab consule, accepto præsidio, vadit occultus per saltum; nec priùs ab hoste est visus, quàm loco, quem petebat, appropinquavit. Inde admiratione paventibus cunctis, quum omnium in se vertisset oculos, & spatium consuli dedit ab subducendum agmen in æquiozem locum, & ipse in summo constitit vertice. Samnites, dum huc illuc signa vertunt, utriusque rei amissâ occasione, neque insequi consulem, nisi per eandem vallem, in qua paulo antè subiectum eum telis suis habuerant, possunt; nec erigere agmen in captum super se ab Decio tumultum. Sed quum ira in hos magis, qui fortunam gerendæ rei eripuerant, tum propinquitæ loci atque ipsa paucitas incitat: & nunc circumdare undique collem armatis volunt, ut à consule Decium intercludant; nunc viam patefacere, ut degressos in vallem adorianentur. incertos quid

quid agerent, nox oppressit. Decium primum spes tenuit, cum subeuntibus in adversum collem ex superiore loco se pugnaturum: deinde admiratio incescit, quod nec pugnam inirent, nec, si ab eo consilio iniquitate loci deterrentur, opere se valloque circumdarent. Tum centurionibus ad se vocatis, *Quanam illa infestitia belli ac pigritia est? aut quonam modo isti ex Sidicinis Campanisque victoriam pepererunt? huc atque illuc signa moveri, ac modò in unum conferri, modò educi videtis. opus quidem incipit nemo, quum jam circumdati vallo potuerimus esse. tum verò nos similes istorum simus, si diutius hic moremur, quàm commodum sit. Agitedam, ite mecum; ut, dum lucis aliquid superest, quibus locis prasidia ponant, quâ pateat hinc exitus, exploremus.* Hæc omnia sagulo gregali amictus, centurionibus item manipularium militum habitu ductis, ne ducem circumfrire hostes notarent, perlustravit.

XXXV. Vigiliis deinde dispositis, ceteris omnibus tesseram dari jubet: ubi *secunda vigilia buccinâ datum signum esset, armati cum silentio ad se convenirent.* quod ubi, sicut edictum erat, taciti convenerunt, *Hoc silentium, milites, inquit, omisso militari assensu, in me audiendo servandum est. ubi sententiam meam vobis peregero, tum, quibus eadem placebunt, in dextram partem taciti transibitis: quæ pars major erit, eo stabitur consilio. nunc, quæ mente agitem, audite. Non fugâ delatos, nec inertia relictos hic vos circumvenit hostis. virtute cepistis locum; virtute hinc, oportet, evadatis. Veniendo huc exercitum egregium populi Romani servastis; erumpendo hinc, vosmet ipsos servate. digni estis, qui pauci pluribus opem tuleritis, ipsi nullius auxilio e-gueritis. Cum eo hoste res est, qui besterna die delendi omnis exercitus fortunâ per socordiam usus non sit; hunc tam opportunum collem imminentem capiti suo non antè viderit, quàm captum à nobis; nos tam paucos tot ipsi millibus hominum nec ascensu arcuerint; nec tenentes locum, quum diei tantum superesset, vallo circumdederint. quem videntem ac vigilantem sic eluseritis, sopitum, oportet, fallatis; immo necesse est.* In

eo enim loco res sunt nostræ, ut vobis ego magis necessitatis vestræ index, quàm consilii auctor, sim. neque enim maneat, an abeat binc, deliberari potest; quum, præter arma & animos armorum memores, nihil vobis fortuna reliqui fecerit, fameque & siti moriendum sit, si plus, quàm viros ac Romanos decet, ferrum timeamus. Ergo una est salus erumpere hinc atque abire. id aut interdiu aut nocte faciamus, oportet. Ecce autem aliud minùs dubium. quippe si lux expectetur, quæ spes est, non vallo perpetuo fossæque nos septurum hostem? qui nunc corporibus suis subiectis undique cinxerit, ut videtis, collem. Atqui, si nox opportuna est eruptioni, sicut est, hæc profectò noctis aptissima hora est. Signo secundæ vigiliæ convenistis, quod tempus mortales somno altissimo premit. per corpora sopita vadetis; vel silentio incautos fallentes, vel sentientibus clamore subito pavorem injecturi. Me modò sequimini, quem secuti estis. ego eandem, quæ duxit huc, sequar fortunam. Quibus hæc salutaria videntur, agitedum, in dextram partem pedibus transite.

XXXVI. Omnes transierunt, vadentemque per intermissa custodiis loca Decium secuti sunt. Jam evaserant media castra, quum superscandens vigilum strata somno corpora miles offenso scuto præbuit sonitum. quo excitatus vigil quum proximum movisset, erectique alios concitarent, ignari cives an hostes essent, præsidium erumperet, an consul castra cepisset: Decius, quum non fallerent, clamorem tollere jussis militibus, torpidos somno insuper pavore exanimat; quo præpediti, nec arma impigre capere, nec obistere, nec insequi poterant. Inter trepidationem tumultumque Samnitium, præsidium Romanum, obviis custodibus cæsis, ad castra consulis pervadit. Aliquantum supererat noctis, jamque in tuto videbantur esse; quum Decius, *Macti virtute, inquit, milites Romani, este. vestrum iter ac reditum omnia secula laudibus ferent. Sed ad conspiciendam tantam virtutem luce ac die opus est. nec vos digni estis, quos cum tanta gloria in castra reduces silentium ac nox tegat.*  
hic

*hic lucem quieti opperiamur.* Dictis obtemperatum. atque ubi primum illuxit, præmisso nuncio ad consulem in castra, ingenti gaudio concitantur : & tesserâ datâ, incolumes reverti, qui sua corpora pro salute omnium haud dubio periculo objecissent, pro se quisque obviam effusi laudant, gratulantur, singulos universosque servatores suos vocant : Diis laudes gratesque agunt, Decium in cælum ferunt. Hic Decii castrensis triumphus fuit, incedentis per media castra cum armato præsidio, conjectis in eum omnium oculis, & omni honore tribunum consuli æquantibus. Ubi ad prætorium ventum est, consul classico ad concionem convocât : orsusque meritas Decii laudes, interfante ipso Decio, distulit concionem : qui auctor omnia posthabendi, dum occasio in manibus esset, perpulit consulem, ut hostes, & nocturno pavore attonitos, & circa collem castellatim dissipatos, aggrederetur. credere etiam aliquos, ad se sequendum emissos, per saltum vagari. Jussæ legiones arma capere : egressæque castris, quum per exploratores notior jam saltus esset, viâ patientiore ad hostem ducuntur. quem incautum improvisò adortæ, quum palati passim Samnitium milites, plerique inermes, nec coire in unum, nec arma capere, nec recipere intra vallum se possent, paventem primum in castra compellunt : deinde castra ipsa, turbatis stationibus, capiunt. Perfertur circa collem clamor ; fugatque ex suis quemque præsidis. ita magna pars absenti hosti cessit. quos intra vallum egerat pavor, (fuere autem ad triginta millia) omnes cæsi ; castra direpta.

XXXVII. Ita rebus gestis, consul, advocatâ concione, P. Decii non cœptas solum antè, sed cumulas novâ virtute laudes peragit : & præter militaria alia dona, aureâ coronâ eum & centum bubus, eximioque uno albo opimo auratis cornibus, donat. Milites, qui in præsidio simul fuerant, duplici frumento in perpetuum, in præsentia singulis bubus binisque privis tun-

T

nicis

micis donati. Secundum consulis donationem legiones  
gramineam coronam obsidionalem, clamore donum ap-  
probantes, Decio imponunt. altera corona, ejusdem  
honoris index, à presidio suo imposita est. His deco-  
ratus insignibus bovem eximium Marti immolavit;  
centum boves militibus dono dedit, qui secum in ex-  
peditione fuerant. hisdem militibus legiones libras far-  
ris & sextarios vini contulerunt: omniaque ea ingenti  
alacritate per clamorem militarem, indicem omnium  
assensu, gerebantur. Tertia pugna ad Sueffulam com-  
missa est: quâ fugatus à M. Valerio Samnitium exer-  
citus, omni robore juventutis domo aperto, certamine  
ultimo fortunam experiri statuit. Ab Sueffula nuncii  
trepidî Capuam, inde equites citati ad Valerium con-  
sulem, opem oratum, veniunt. Confestim signa mo-  
ta: relictisque impedimentis castrorum valido presi-  
dio, raptim agitur agmen: nec procul ab hoste locum  
perexiguum (ut quibus, præter equos, ceterorum ju-  
mentorum calorumque turba abesset) castris cepit. Sa-  
mnitium exercitus, velut haud ulla mora pugnae futu-  
ra esset, aciem instruit: deinde, postquam nemo obvi-  
us ibat, infectis signis ad castra hostium succedit. ibi  
ut militem in vallo vidit, missique ab omni parte ex-  
ploratum, quàm in exiguum orbem contracta castra  
essent, paucitatem inde hostium colligentes, retulerunt;  
fremere omnis acies, complendas esse fossas scinden-  
damque vallum, & in castra irrumpendum. transa-  
ctumque eâ temeritate bellum foret, ni duces continu-  
issent impetum militum. Ceterum, quia multitudo  
sua commacatibus gravis, & prius sedendo ad Sueffu-  
lam, & tum certaminis morâ, haud procul ab rerum  
omnium inopia esset; placuit, dum inclusus paveret  
hostis, frumentatum per agros militem duci. interim  
& Romano, qui expeditus, quantum humeris inter ar-  
ma gerî posset frumenti, secum attulisset, defutura o-  
mnia. Consul palatos per agros quum vidisset hostes  
ratio-

stationes infrequentes relictas, paucis milites adhortatus, ad castra oppugnanda ducit. quæ quum primo clamore atque impetu cepisset, pluribus hostium in tentoriis suis, quàm in portis valloque, caesis, signa captiva in unum locum conferri iussit; relictisque duabus legionibus custodiæ & præsidii causâ, gravi edicto monitis, ut, donec ipse revertisset, prædâ abstinere; profectus agmine instructo, quum præmissus eques velut indagine dissipatos Samnites ageret, cædem ingentem fecit. nam neque quo signo coirent inter se, neque, utrùm castra peterent, an longiorem intenderent fugam, territis constare poterat. Tantumque fugæ ac formidinis fuit, ut ad quadraginta millia scutorum, nequaquam tot caesis, & signa militaria cum iis, quæ in castris capta erant, ad centum septuaginta ad consullem deferrentur. Tum in castra hostium reditum: ibique omnis præda militi data.

XXXVIII. Hujus certaminis fortuna & Faliscos, quum in induciis essent, foedus petere ab senatu cœgit; & Latinos, jam exercitibus comparatis, ab Romano in Pelignum vertit bellum. Neque ita rei gestæ fama Italiæ se finibus tenuit: sed Karthaginienfes quoque legatos gratulatum Romam misere cum coronæ aureæ dono, quæ in Capitolio in Jovis cella poneretur. fuit pondo viginti quinque. Consules ambo de Samnitibus triumphârunt, sequente Decio insigni cum laude donisque: quum incondito militari joco haud minùs tribunî celebre nomen, quàm consulum, esset. Campanorum deinde Sueffanorumque auditæ legationes: precantibusque datum, ut præsidium eò in hiberna mitteretur, quo Samnitium excursiones arcerentur. Jam tum minimè salubris militari disciplinæ Capua instrumentum omnium voluptatum delentos militum animos avertit à memoria patriæ: inibanturque consilia in hibernis eodem scelere adimendæ Campanis Capuæ, per quod illi eam antiquis cultoribus ademissent: neque



*immeritò suam ipforum exemplum in eos versurum. Cur autem potius Campani agrum Italia uberrimum, dignam agro urbem, qui nec se nec sua tutari possint, quàm victor exercitus haberet, qui suo sudore ac sanguine inde Samnites depulisset? An æquum esse, dediticios suos illâ fertilitate atque amœnitate perfrui; se militando fessos, in pestilenti atque arido circa urbem solo luctari, aut in urbe insidentem tabem crescentis in dies fœnoris pati? Hæc agitata occultis conjurationibus, nec dum vulgata in omnes consilia, invenit novus consul C. Marcius Rutilus, cui Campania sorte provincia evenerat, Q. Servilio collegâ ad urbem relicto. Itaque quum omnia ea, sicut gesta erant, per tribunos comperta haberet, & ætate & usu doctus (quippe qui jam quartum consul esset, dictatorque & censor fuisset) optimum ratus, differendo spem, quandoque vellent, consilii exsequendi, militarem impetum frustrari; rumorem dissipat, in iisdem oppidis & anno post præsidia hibernatura. divisa enim erant per Campaniæ urbes, manaverantque à Capua consilia in exercitum omnem. Eo laxamento cogitationibus dato, quievit in præsentia seditio.*

XXXIX. Consul, educto in æstiva milite, dum quietos Samnites habebat, exercitum purgare missionibus turbulentorum hominum instituit, aliis emerita dicendo stipendia esse, alios graves jam ætate, aut viribus parum validos. quidam in comœatus mittebantur, singuli primò, deinde & cohortes quædam, quia procul ab domo ac rebus suis hibernassent. Per speciem etiam militarium usuum, quum alii aliò mitterentur, magna pars ablegati. quam multitudinem consul alter Romæ prætorque, alias ex aliis fingendo moras, retinebat. Et primò quidem, ignari ludificationis, minime inviti domos revisebant. postquam neque reverti ad signa primos, nec ferme alium, quàm qui in Campania hibernassent, præcipueque ex iis seditionis auctores mitti viderunt; primùm admiratio, deinde haud dubius

dubius timor incescit animos, consilia sua emanasse : *jam questiones, jam indicia, jam occulta singulorum supplicia, impotensque & crudele consulum ac Patrum in se regnum passuros.* Hæc, qui in castris erant, occultis sermonibus ferunt, nervos conjurationis ejectos arte consulis cernentes. Cohors una, quum haud procul Anxure esset, ad Lautulas saltu angusto inter mare ac montes confedit, ad excipiendos, quos consul aliis atque aliis (ut antè dictum est) causis mittebat. Jam valida admodum numero manus erat ; nec quicquam ad justî exercitûs formam, præter ducem, deerat. incompediti itaque prædantes in agrum Albanum perveniunt, & sub jugo Albæ Longæ castra vallo cingunt. Perfecto inde opere, reliquum diei de imperatore sumendo sententiis decertant, nulli ex præsentibus satis fidentes. *Quem autem ab Roma posse exciri ? quem Patrum aut plebis esse, qui aut se tanto periculo sciens offerat, aut cui ex injuria insanientis exercitûs causa rectè committatur ?* Postero die, quum eadem deliberatio teneret, ex prædatoribus vagis quidam compertum attulerunt, T. Quinctium in Tusculano agrum colere, urbis honorumque immemorem. Patriciæ hic vir gentis erat : cui quum militiæ, magna cum gloria actæ, finem pes alter ex vulnere claudus fecisset, ruri agere vitam procul ambitione ac foro constituit. Nomine audito, extemplo agnovere virum : &, quod bene verteret, acciri jusserunt. Sed parum spei erat, voluntate quicquam facturum. vim adhiberi ac metum placuit. Itaque silentio noctis quum testum villæ, qui ad id missi erant, intrassent ; somno gravem Quinctium oppressum, nihil medium, aut imperium atque honorem, aut, ubi resistaret, mortem, ni sequeretur, denunciantes, in castra pertraxerunt. Imperator extemplo adveniens appellatus : insigniaque honoris exterrito subitæ rei miraculo deferunt, & ad urbem ducere jubent. Suo magis inde impetu, quàm consilio ducis, convulsis signis, infesto agmine ad lapidem octa-

vum viæ, quæ nunc Appia est, perveniunt: issentque confectum ad urbem, ni venire contra exercitum dictatoremque adversus se M. Valerium Corvum dictum audissent, & magistrum equitum L. Æmilium Mamercinum.

XL. Ubi primum in conspectum ventum est, arma signaque agnovere; extemplo omnibus memoria patriæ iras permulsi. nondum erant tam fortes ad sanguinem civilem, nec, præter externa, noverant bella: ultimaque rabies secessio ab suis habebatur. itaque jam duces, jam milites utrinque, congressus querere ad colloquia. Quintius, quem armorum etiam pro patria fatietas teneret, nedum adversus patriam; Corvus, omnes caritate cives, præcipue milites, & ante alios suum exercitum, complexus, ad colloquium processit. Cognito ei extemplo haud minor ab adversariis verecundia, quam ab suis silentium, datum: *Deos*, inquit, *immortales, milites, vestros publicos, meosque, ab urbe proficiscens ita adoravi, veniamque supplex poposci, ut mihi de vobis concordia parte gloriam, non victoriam, darent. Satis fuit eritque, unde belli decus pariat: hinc pax petenda est. Quod Deos immortales inter nuncupanda vota expoposci, ejus me compotem voti vos facere potestis; si meminisse vultis, non vos in Samnio, nec in Volscis, sed in Romano solo castra habere: si illos colles, quos cernitis, patria vestra esse, si hunc exercitum civium vestrorum: si me consulem vestrum, cujus ductu auspicioque priore anno bis legiones Samnitium fudistis, bis castra vi cepistis. Ego sum M. Valerius Corvus, milites, cujus vos nobilitatem beneficiis erga vos, non injuriis, sensistis; nullius superba in vos legis, nullius crudelis senatusconsulti auctor; in omnibus meis imperiis in me severior, quam in vos. Ac si cui genus, si cui sua virtus, si cui etiam majestas, si cui honores subdere spiritus potuerunt; iis eram natus, id specimen mei dederam, eâ ætate consulatum adeptus eram, ut potuerim, tres & viginti annos natus, consul Patribus quoque ferox esse, non solam ple-*  
bi.

di. *Quod meum factum dictumve consulis gravius, quam tribuni, audistis? eodem tenore duo insequentes consulatus gessi; eodem hac imperiosa dictatura geretur: ut neque in hos meos & patria mea milites mitior, quam in vos, horreo dicere, hostes. Ergo vos prius in me strinxeritis ferrum, quam in vos ego. istinc signa canent, istinc clamor prius incipiet atque impetus, si dimicandum est. Inducite in animum, quod non induxerunt patres avique vestri; non illi, qui in Sacrum montem secesserunt; non hi, qui postea Aventinum insederunt. Expectate, dum vobis singulis, ut olim Coriolanae, matres conjugisque crinibus passis obvia ab urbe veniant. Tunc Volsorum legiones, quia Romanum habebant ducem, quiescant: vos, Romanus exercitus, ne destiteritis impio bello? T. Quinti, quocumque istic loco, seu volens, seu invitus, constitisti, si dimicandum erit, tum tu in novissimos te recipito: fugeris etiam honestius, tergumque civi dederis, quam pugnaveris contra patriam. Nunc ad pacificandum bene atque honeste inter primos stabis, & colloqui hujus salutaris interpret fueris. Postulate aqua, & ferte: quanquam vel iniquus standum est potius, quam impius inter nos conferamus manus. T. Quintius plenus lacrimarum, ad suos versus, Me quoque, inquit, milites, si quis usus mei est, meliorem pacis, quam belli, habetis ducem. Non enim illa modò Volsus aut Samnis, sed Romanus, verba fecit; vester consul, vester imperator, milites: cujus auspicia pro vobis experti nolite adversus vos velle experiri. Qui pugnarent vobiscum infestius, & alios duces senatus habuit: qui maximè vobis, suis militibus, parceret, cui plurimum vos imperatori vestro crederetis, eum elegit. Pacem, etiam qui vincere possunt, volunt. quid nos velle oportet? quin, omissis irâ & spe, fallacibus auctoribus, nos ipsos nostraque omnia cognita permittimus fidei.*

XLI. Approbantibus clamore cunctis, T. Quintius, ante signa progressus, in potestate dictatoris militum fore dixit: oravit, ut causam miserorum civium susciperet: susceptamque eadem fide, quâ rempublicam administrare solitus esset, tueretur. *Sibi se privatim tibi*

*bil cavere: nolle alibi, quàm in innocentia, spem habere. Militibus cavendum, quod apud Patres semel plebi, iterum legionibus cautum sit, ne fraudi secessio esset.* Quintio colaudato, ceteris bonum animum habere iussis, dictator, equo citato ad urbem reiectus, auctoribus Patribus, tulit ad populum in luco Petelino, ne cui militum fraudi secessio esset. Oravit etiam bonâ veniâ Quirites, ne quis eam rem joco seriôve cuiquam exprobraret. Lex quoque sacrata militaris lata est, ne cuius militis scripti nomen, nisi ipso volente, deleteretur. additumque legi, ne quis, ubi tribunus militum fuisset, postea ordinum ductor esset. Id propter P. Salonium postulatum est ab conjuratis; qui alternis propè annis & tribunus militum, & primus centurio erat, quem nunc primi pili appellant. Huic insensî milites erant, quòd semper adversatus novis consiliis fuisset, & ne particeps eorum esset, qui ab Lautulis fugissent. Itaque quum hoc unum propter Salonium ab senatu non impetraretur; tum Salonijs, obtestatus Patres conscriptos, ne suum honorem pluris, quàm concordiam civitatis, aestimarent, perpulit, ut id quoque ferretur. Æquè impotens postulatum fuit, ut de stipendio equitum (merebant autem triplex eâ tempestate) æra demerentur, quòd adversati conjurationi fuissent.

XLII. Præter hæc invenio apud quosdam, L. Genucium, tribunum plebis, tulisse ad populum, ne sœnerare liceret: item aliis plebiscitis cautum, ne quis eundem magistratum intra decem annos caperet; ne duos magistratus uno anno gereret; utique liceret consules ambos plebeios creari. quæ si omnia concessa sunt plebi, apparet, haud parvas vires defectionem habuisse. Aliis annalibus proditum est, neque dictatorem Valerium dictum, sed per consules omnem rem actam: neque, antequam Romam veniretur, sed Romæ, eam multitudinem conjuratorum ad arma consternatam esse; nec in T. Quintii villam, sed in ædes  
C. Manlii

C. Manlii, nocte impetum factum, cumque à conjuratis comprehensum, ut dux fieret: inde ad quartum lapidem profectus loco munito consedissee. nec ab ducibus mentionem concordie ortam; sed repente, quum in aciem armati exercitus processissent, salutationem factam: & permixtos dexteras jungere, ac complecti inter se lacrimantes milites coepisse, coactosque consules, quum viderent aversos à dimicatione militum animos, retulisse ad Patres de concordia reconcilianda. adeo nihil, præterquam seditionem fuisse, eamque compositam, inter antiquos rerum auctores constat. Et hujus fama seditionis, & susceptum cum Samnitibus grave bellum, aliquot populos ab Romana societate avertit: &, præter Latinorum infidum jam diu fœdus, Privernates etiam Norbam atque Setiam, finitimas colonias Romanas, incursione subita depopulati sunt.

## LIBER VIII.

## E P I T O M E.

III, &c. **L**ATINI cum Campanis defecerunt, &, missis legatis ad senatum, conditionem tulerunt, ut, si pacem habere vellent, alterum ex Latinis consulem facerent. VI. Quâ legatione perlata, prætor eorum Annius de Capitolio ita prolapsus est, ut exanimaretur. VII. T. Manlius consul filium, quod contra edictum adversus Latinos, quamvis prospere, pugnasset, securi percussit. IX. Laborantibus in acie Romanis, P. Decius, tunc consul cum Manlio, devovit se pro exercitu: &, concitato equo quum in medios hostes intulisset, interfectus morte suâ Romanis victoriam restituit. XI. Latini in deditionem venerunt. XII. T. Manlio in urbem reverso nemo ex juventute obviam processit. XV.

F. 5.

Minus

*Mimacia virgo Vestalis incesti damnata est. XVI. Ausonibus victis, in oppidum ex iis captum Cales colonia deducta est. XXII. Item Fregella colonia deducta sunt. XVIII. Veneficium complurium matronarum deprehensum est: quarum plurima statim epatis medicamentibus perierunt. Lex de beneficio tunc primam constituta est. XIX, XX, XXI. Privernatibus, quum rebellassent, victis civitas data est. XXV. Paleopolitani, bello & obsidione victi, in deditionem venerunt. XXVI. Q. Publilio, qui eos obsederat, primo & imperium prolatum, & pro consule decretus triumphus. XXVIII. Plebs nexu liberata est propter L. Papirii creditoris libidinem, qui C. Publilio debitori suo stuprum inferre viduatur. XXX, &c. Quum L. Papirius dictator reversus in urbem ab exercitu esset propter auspiciis repetenda, Q. Fabius magister equitum, occasione rei bene gerenda invitatus, contra edictum ejus prospere adversus Samnites pugnavit. Ob eam causam quum dictator de magistro equitum supplicium sumpturus videretur, XXXIII. Fabius Romam profugit: XXXIV, XXXV. & quum causam parum proficeret, populi precibus donatus est. XXXVI, &c. Res praterea contra Samnites prospere gestas continet.*

I. **J**AM consules erant C. Plautius secundum, L. Æmilius Mamercinus; quum Setini Norbanique Romam, nuntii defectionis Privernatium, cum querimoniis acceptæ cladis venerunt. Volscorum item exercitum, duce Antiati populo, consedisse ad Satricum, allatum est. utrumque bellum Plautio sorte evenit. Prius ad Privernum profectus extemplo acie conflixit. Naud magno certamine devicti hostes: oppidum captum redditumque Privernatibus, præsidio valido imposito: agri partes duæ ademptæ. Inde victor exercitus Satricum contra Antiates ductus. Ibi magnâ utrinque cæde atrox prælium fuit: & quum tempestas eos, neutro inclinatâ spe, dimicantes diremisset, Romani, nihil eo certamine tam ambiguo fessi, in posterum

Alterum diem proelium parant. Volscis, recensentibus quos viros in acie amississent, haudquaquam idem animum ad iterandum periculum fuit. nocte pro victis Antium agmine trepido, sanctis ac parte impedimentorum relictâ, abierunt. Armorum magna vis tum inter castra corpora hostium, tum in castris inventa est. *Ea Livia matri dare se, consul dixit: finesque hostium usque ad oram maritimam est depopulatus. Alteri consuli Æmilio, ingressio Sabellum agrum, non castra Samnitium, non legiones usquam oppositæ. ferro ignique vastantem agros legati Samnitium pacem orantes adeunt, à quo rejecti ad senatum, potestate factâ dicendi, positis ferocibus animis, pacem sibi ab Romanis, bellicque jura adversus Sidicinos petierunt. qua se eo justius petere, quod & in amicitiam populi Romani seculis suis rebus, non adversis, ut Campani, venissent: & adversus Sidicinos sumerent arma, suos semper hostes, populi Romani nunquam amicos. qui nec, ut Samnites, in pace amicitiam, nec, ut Campani, auxilium in bello petissent, nec in fide populi Romani, nec in ditione essent.*

II. Quum de postulatis Samnitium Ti. Æmilius prætor senatum consulisset, reddendumque his foedus Patres censuissent, prætor Samnitibus respondit: *Nec, quo minus perpetua cum eis amicitia esset, per populum Romanum stetisse: nec contradici, quin, quoniam ipsos belli culpa sua contracti tedium ceperit, amicitia de integro reconcilietur. Quod ad Sidicinos attineat, nihil intercedi, quo minus Samniti populo pacis bellicque liberum arbitrium sit. Fœdere isto, quum domum revertissent, extemplo inde exercitus Romanus deductus, annuo stipendio & trium mensium frumento accepto; quod pepigerat consul, ut tempus induciis daret, quoad legati redissent. Samnites, copiis iisdem, quibus usi adversus Romanum bellum fuerant, contra Sidicinos profecti, haud in dubia spe erant maturè urbis hostium potiundæ. Tum ab Sidicinis deditio prius ad Romanos cœpta fieri est: de-*



in, postquam Patres ut feram eam ultimâque tandem necessitate expressam aspernabantur, ad Latinos jam suâ sponte in arma motos facta est. ne Campani quidem (adeo injuriæ Samnitium, quàm beneficii Romanorum, memoria præsentior erat) his se armis abstinere. Ex his tot populis unus ingens exercitus, duce Latino fines Samnitium ingressus, plus populationibus, quàm præliis, cladium fecit. &, quanquam superiores certaminibus Latini erant, haud inviti, ne sæpius dimicandum foret, agro hostium excessere. Id spatium Samnitibus datum est Romam legatos mittendi. qui quum adissent senatum, conquesti eadem se foederatos pati, quæ hostes essent passi, precibus infimis petiere, *ut satis ducerent Romani victoriam, quam Samnitibus ex Campano Sidicinoque hoste eripuissent : ne vinci etiam se ab ignavissimis populis sinerent. Latinos Campanosque, si sub ditio- ne populi Romani essent, pro imperio arcerent Samniti agro ; sin imperium abnuerent, armis coercerent.* Adversus hæc responsum anceps datum, quia fateri pigebat, in potestate sua Latinos jam non esse, timebantque, ne arguendo abalienarent : *Campanorum aliam conditionem esse, qui non fœdere, sed per deditionem, in fidem venissent : itaque Campanos, seu velint, seu nolint, quieturos. in fœdere Latino nihil esse, quo bellare, cum quibus ipsi velint, prohibeantur.*

III. Quod responsum sicut dubios Samnites, quidnam facturum Romanum censerent, dimisit, ita Campanos metu abalienavit ; Latinos, velut nihil jam non concedentibus Romanis, ferociores fecit. Itaque, per speciem adversus Samnites belli parandi crebra concilia indicentes, omnibus consultationibus inter se principes occultè Romanum coquebant bellum. huic quoque adversus servatores suos bello Campanus aderat. Sed quanquam omnia de industria celabantur, priusque, quàm moverentur Romani, tolli ab tergo Samnitum hostem volebant ; tamen per quosdam, privatis hospitiiis

hospitiis necessitudinibusque conjunctos, indicia conjurationis ejus Romam emanarunt. jussisque ante tempus consulibus abdicare se magistratu, quo maturius novi consules adversus tantam molem belli crearentur, religio incescit, ab eis, quorum imminutum imperium esset, comitia haberi. Itaque interregnum initum. duo interreges fuerunt, M. Valerius ac M. Fabius. Creati consules, T. Manlius Torquatus tertium, P. Decius Mus. Eo anno Alexandrum, Epiri regem, in Italiam classem appulisse constat. quod bellum, si prima satis prospera fuissent, haud dubie ad Romanos pervenisset. Eadem ætas rerum Magni Alexandri est: quem, sorore hujus ortum, in alio tractu orbis, invictum bellis juvenem, fortuna morbo exstinxit. Ceterum Romani, etsi defectio sociorum nominisque Latini haud dubia erat; tamen, tanquam de Samnitibus, non de se, curam agerent, decem principes Latinorum Romam evocaverunt, quibus imperarent, quæ vellent. Prætores tum duos Latium habebat, L. Annium Setinum & L. Numicium Circejemsem, ambo ex coloniis Romanis: per quos, præter Signiam Velitrasque, & ipsas colonias Romanas, Volsci etiam exciti ad arma erant. eos nominatim evocari placuit. Haud cuiquam dubium erat, super qua re accirentur. itaque, concilio prius habito, prætores, quàm Romam proficiscerentur, evocatos se ab senatu docent Romano, &, quæ actum iri secum credant, quidnam ad ea responderi placeat, referunt.

IV. Quum aliud alii censerent, tum Annius: *Quamquam ipse ego retuli, quid responderi placeret, tamen magis ad summam rerumstrarum pertinere arbitror, quid agendum nobis, quàm quid loquendum sit. facile erit, explicatis consiliis, accommodare rebus verba. Nam, si etiam nunc sub umbra fœderis equi servitutem pati possumus, quid abest, quin, proditis Sidicinis, non Romanorum solum, sed Samnitium quoque dicto pareamus, respondeamusque Romanis, nos,*  
ubi

ubi inuenerat, positurus arma? Sin autem tandem libertatis desiderium remordet animus, si fœdus est, si societas æquatio juris est, si consanguinitas nos Romanorum esse, quod olim praecebat, nunc gloriari licet, si socialis illis exercitus is est, quo adiuncto duplicent vires suas, quem fecerunt ab se consules bellis propriis ponendis sumendisque nolint; cur non omnia æquantur? cur non alter ab Latinis consul datur? ubi pars vœcium, ibi & imperii pars est? Est quidem nobis hoc per se laud nimis amplum, quippe concedentibus, Romam caput Latium esse. sed, ut amplum videri posset, diuturnâ patientiâ facimus. Atqui, si quando unquam consociandi imperii, usurpanda libertatis tempus optâstis, en hoc tempus adest, & virtute vestrâ, & Deûm benignitate vobis datum. Tentâstis patientiam negando militem. quis dubitat exarsisse eos, quum plus ducentorum annorum morem solveremus? pertulerunt tamen hunc dolorem. Bellum nostro nomine cum Pelignis gessimus. quâ ne nostrorum quidem finium nobis per nos tuendorum jus antea dabant, nihil intercesserunt. Sidicinos in fidem receptos, Campanos ab se ad nos descisse, exercitus nos parare adversus Samnites fœderatos suos audierunt, nec moverunt se ab urbe. Unde hæc illis tanta modestiâ, nisi à conscientia virium & nostrarum & suarum? Idoneos auctores habeo, querentibus de nobis Samnitibus ita responsum ab senatu Romano esse, ut facile appareret, ne ipsos quidem jam postulare, ut Latium sub Romano imperio sit. Usurpate modò postulando eo, quod illi vobis taciti concedunt. Si quem hoc metus dicere prohibet, en ego ipse, audiente non populo Romano modò senatuque, sed Jove ipso, qui Capitolium incolit, profiteor manditum; ut, si nos in fœdere ac societate esse velint, consulem alterum ab nobis senatûsque partem accipiant. Hæc fœrociter non suadenti solum, sed pollicenti, clamore & assensu omnes permiserunt, ut ageret diceretque, quæ & republica nominis Latini fideque sua viderentur.

V. Ubi est Romam ventum, in Capitolio eis senatus datus est. Ibi quum T. Manlius consul egisset cum eis ex auctoritate Patrum, ne Samnitibus fœderatis bellum.

rum inferrent; Annius, tanquam victor armis Capitolium cepisset, non legatus, jure gentium tutus, loqueretur, *Tempus erat*, inquit, *T. Manli*, vosque Patres conscripti, tandem jam vos nobiscum nihil pro imperio agere, quam florentissimum Deum benignitate nunc Latium armis virisque, Samnitibus bello victis, Sidicinis Campanisque sociis, nunc etiam Volscis adjunctis, videretis; colonias quoque vestras Latinum Romano prætulisse imperium. Sed quoniam vos, regno impotenti finem ut imponatis, non inducitis in animum; nos, quamquam armis possumus asserere Latium in libertatem, consanguinitati tamen hoc dabimus, ut conditiones pacis feramus aquas utrisque, quoniam vires quoque æquare Diis immortalibus placuit. Consulem alterum Romæ, alterum ex Latio creari oportet: senatus partem equam ex utraque gente esse: unum populum, unam rempublicam fieri: & ut imperii eadem sedes sit, idemque omnibus nomen, quoniam ab alterutra parte concedi necesse est; quod utrisque bene vertat, sit hæc sanè patria potior, & Romani omnes vocemur. Fortè ita accidit, ut parem ferocitæ hujus & Romani consulem T. Manlium haberent: qui adeo non tenuit iram, ut, si tanta dementia Patres conscriptos cepisset, ut ab Setino homine leges acciperent, gladio cinctum in senatum venturum se esse, palam diceret, & quemcunque in curia Latinum vidisset, suâ manu interempturum. & conversus ad simulachrum Jovis, *Audi, Jupiter, hæc scekra*, inquit, *audite jus fasque*. Peregrinos consules & peregrinum senatum in tuo, Jupiter, augurato templo, captus atque ipse oppressus, visurus es? Hæcine fœdera Tullus Romanus rex cum Albanis, patribus vestris, Latini, hæc L. Tarquinius vobiscum postea fecit? Non venit in mentem pugna apud Regillum lacum? adeo & cladium veterum vestrarum & beneficiorum nostrorum erga vos oblitus estis?

VI. Quum consulis vocem subsecuta Patrum indignatio esset, proditur memoriæ, adversus crebram implorationem Deum, quos testes fœderum sæpius invocabant

cabant consules, vocem Annii, spernentis numina Jovis Romani, auditam. certè, quum commotus irâ se ab vestibulo templi citato gradu proriperet, lapsus per gradus, capite graviter offenso, impactus imo ita est saxo, ut sopiretur. Exanimatum auctores quoniam non omnes sunt, mihi quoque in incerto relictum sit : sicut inter fœderum ruptorum testationem ingenti fragore cœli procellam effusam. nam & vera esse, & aptè ad repræsentandam iram Deum ficta possunt. Torquatus, missus ab senatu ad dimittendos legatos, quum jacentem Annium vidisset, exclamat, ita ut populo Patribusque audita vox pariter sit, *Bene habet. Diis pium movere bellum. Est cœlestes numen ! es magne Jupiter ! baud frustra te patrem Deum hominumque hac sede sacravimus. Quid cessatis, Quirites, vosque, Patres conscripti, arma capere Diis ducibus ? Sic stratas legiones Latinorum dabo, quemadmodum legatum jacentem videtis.* Assensu populi excepta vox consulis tantum ardoris animis fecit, ut legatos proficiscentes cura magistratuum magis, quàm jussu consulis prosequerentur, quàm jus gentium, ab ira impetuque hominum tegeret. Consensit & senatus bellum : consulesque, duobus scriptis exercitibus per Marfos Pelignosque profecti, adjuncto Samnitium exercitu, ad Capuam, quò jam Latini sociique convenerant, castra locant. Ibi in quiete utrique consuli eadem dicitur visa species viri majoris, quàm pro humano habitu, augustiorisque, dicentis : *Ex una acie imperatorem, ex altera exercitum Diis manibus matrique Terræ deberi : utrius exercitus imperator. legiones hostium, superque eas se devovisset, ejus. populi partisque victoriam fore.* Hos ubi nocturnos visus inter se consules contulerunt ; placuit averruncandæ Deum iræ victimas cædi : simul ut, si extis eadem, quæ somno visa fuerant, portenderentur, alteruter consulum fata impleveret. Ubi responsa aruspicum insidenti jam animo tacitæ religioni congruerunt ; tum, adhibitis legatis, tribunisque, & imperiis Deum.

Deum propalam expositis, ne mors voluntaria consulis exercitum in acie terreret, comparant inter se, ut, ab utra parte cedere Romanus exercitus cepisset, inde se consul devoveret pro populo Romano Quiritibusque. Agitatum etiam in consilio est, ut, si quando unquam severo ullum imperio bellum administratum esset, tunc uti disciplina militaris ad priscos redigetur mores. Curam acuebat, quod adversus Latinos bellandum erat, lingua, moribus, armorum genere, institutis ante omnia militaribus congruentes: milites militibus, centurionibus centuriones, tribuni tribunis compares collegæque, iisdem prædiis, sæpe iisdem manipulis permixti fuerant. per hæc ne quo errore milites caperentur, edicunt consules, ne quis extra ordinem in hostem pugnaret.

VII, Fortè inter ceteros turmarum præfectos, qui exploratum in omnes partes dimissi erant, T. Manlius consulis filius super castra hostium cum suis turmalibus evasit, ita ut vix teli jactu ab statione proxima abesset. ibi Tusculani erant equites. præerat Geminus Metius, vir tum genere inter suos, tum factis, clarus. Is ubi Romanos equites, insignemque inter eos præcedentem consulis filium (nam omnes inter se, utique illustres viri, noti erant) cognovit, *Unâne*, ait, *turmâ Romani cum Latinis sociisque bellum gesturi estis? quid interea consules, quid duo exercitus consulares agent? Aderunt in tempore*, Manlius inquit, *et cum illis aderit Jupiter ipse, fœderum à vobis violatorum testis, qui plus potest, polletque. Si ad Regillum lacum ad satietatem vestram pugnavimus, hic quoque efficiemus profectû, ne nimis acies vobis et collata signa nobiscum cordi sint.* Ad ea Geminus, paululum ab suis equo provectus, *Visne igitur, dum dies ista venit, quâ magno conatu exercitus moveatis, interea tu ipse congredi mecum, ut nostro duorum jam hinc eventu cernatur, quantum eques Latinus Romano præstet? Movet ferocem animum juvenis seu ira, seu detrectandi certaminis pudor, seu*  
inex-

inexsuperabilis vis fati. oblitus itaque imperiū patriæ, consulumque edicti, præceps ad id certamen agitur, quo, vinceret, an vinceretur, haud multum interesset. equitibus ceteris velut ad spectaculum summotis, spatio, quod vacui interjacebat campi, adversos concitant equos: & quum infestis cuspidibus concurrissent, Manlii cuspis super galeam hostis, Metii trans cervicem equi elapsa est. Circumactis deinde equis, quum prior ad iterandum ictum Manlius confurrexisset; spiculum inter aures equi fixit. ad cujus vulneris sensum quum equus, prioribus pedibus erectis, magnā vi caput quateret, excussit equitem: quem cuspe parmaque innisum, attollentem se ab gravi casu, Manlius ab jugulo, ita ut per costas ferrum emereret, terræ affixit. spoliisque lectis ad suos reiectus, cum ovante gaudio turma in castra, atque inde ad prætorium ad patrem tendit, ignarus fati futurique, laus an poena merita esset, *Ut me omnes, inquit, pater, tuo sanguine ortum verē ferrent, provocatus equestria hæc spolia capta ex hoste caesperto.* Quod ubi audivit consul, extemplo, filium aversatus, concionem classico advocari jussit. quæ ubi frequens convenit, *Quandoque, inquit, tu, T. Manli, neque imperium consulare, neque majestatem patriam veritus, adversus edictum nostrum extra ordinem in hostem pugnaisti, & quantum in te fuit, disciplinam militarem, quæ stetit ad hanc diem Romana res, solvisti; meque in eam necessitatem adduxisti, ut aut reipublica mihi, aut mei meorumque obliviscendum sit; nos potius nostro delicto plectemur, quam respublica tanto suo damno nostra peccata luat. triste exemplum, sed in posterum salubre juventuti, erimus. Me quidem quum ingenita caritas liberum, tum specimen istius virtutis, deceptum vanā imagine decoris, in te movet. Sed quum aut morte tuā sancienda sint consulum imperia, aut impunitate in perpetuum abroganda; ne te quidem, si quid in te nostri sanguinis est, recusare censeam, quin disciplinam militarem, culpā tuā prolapsam, poenā restituas.* I, licitor, deliga ad palum.

Exania

Exanimati omnes tam atroci imperio, nec aliter quam in se quisque descriptam cernentes securim, metu magis, quam modestiâ, quievêre. Itaque, velut emerſo ab admiratione animo, quum ſilentio deſixi ſtetiffent; repente, poſtquam cervice caſâ fuſus eſt cruor, tum libero conqueſtu coortæ voces ſunt, ut neque lamentis, neque execrationibus parceretur: ſpoliisq; conſectum juvenis corpus, quantum militaribus ſtudiis ſunus ullum concelebrari poteſt, ſtructo extra vallum rogo cremaretur: Manlianaque imperia non in præſentia, modò horrenda, ſed exempli etiam triftis in poſterum eſſent.

VIII. Fecit tamen atrocitas pœnæ obedientiorem duci militem: &, præterquam quòd cuſtodiz vigilizque & ordo ſtationum intentioris ubique curæ erant, in ultimo etiam certamine, quum deſcenſum in aciem eſt, ea ſeveritas profuit. Fuit autem civili maximè bello pugna ſimilis. adeo nihil apud Latinos diſſonum ad Romana re, præter animos, erat. Clypeis antea Romani uſi ſunt: deinde, poſtquam ſtipendiarii facti ſunt, ſcuta pro clypeis fecere: &, quod antea phalanges ſimiles Macedonicis, hoc poſtea manipulatim ſtructa acies cœpit eſſe. Poſtremò in plures ordines inſtruebantur. ordo ſexagenos milites, duos centuriones, vexillarium unum habebat. prima acies haſtati erant, manipuli quindecim, diſtantes inter ſe modicum ſpatium: manipulus leves videnos milites, aliam turbam ſcutatorum habebat. leves autem, qui haſtam tantum gaſaque gererent, vocabantur. Hæc prima frons in acie ſtorem juvenum pubeſcentium ad militiam habebat. Robuſtior inde ætas totidem manipulorum, quibus principibus eſt nomen, hos ſequebantur, ſcutati omnes, inſignibus maximè armis. hoc triginta manipulorum agmen antepilanos appellabant, quia ſub ſignis jam aliâ quindecim ordines locabantur: ex quibus ordo unusquſque tres partes habebat. earum unamquamque pri-



mum pilum vocabant. Tribus ex vexillis constabat. vexillum centum octoginta sex homines erant. Primum vexillum triarios ducebat, veteranum militem spectatæ virtutis: secundum rotarios, minus roboris ætate factisque: tertium accensos, minimæ fiduciæ manum. eo & in postremam aciem rejiciebantur. Ubi his ordinibus exercitus instructus esset, hastati omnium primi pugnam inibant. si hastati profligare hostem non possent, pede presso eos retrocedentes in intervalla ordinum principes recipiebant. tum principum pugna erat; hastati sequebantur. triarii sub vexillis confidebant, sinistro crure porrecto, scuta innixa humeris, hastas subrectâ cuspide in terra fixas, haud secus quàm vallo septa inhorreret acies, tenentes. Si apud principes quoque haud satis prospere esset pugnatum, à prima acie ad triarios sensim referebantur. inde *rem ad triarios redisse*, quum laboratur, proverbio increbruit. triarii confurgentes, ubi in intervalla ordinum suorum principes & hastatos recepissent, extemplo compressis ordinibus velut claudebant vias: unoque continenti agmine, jam nullâ spe post relictâ, in hostem incedebant: id erat formidolosissimum hosti, quum, velut victos infecuti, novam repentè aciem exurgentem auctam numero cernebant. Scribebantur autem quatuor ferè legiones quinis millibus peditum, equitibus in singulas legiones trecenis. alterum tantum ex Latino delectu adjiciebatur, qui eâ tempestate hostes erant Romanis, eodemque ordine instruxerant aciem: nec vexilla cum vexillis tantum, universi hastati cum hastatis, principes cum principibus; sed centurio quoque cum centurione, si ordines turbati non essent, concurrendum sibi esse sciebant. Duo primipili ex utraque acie inter triarios erant: Romanus corpore haudquam satis validus, ceterum strenuus vir peritusque militiæ: Latinus viribus ingens bellatorque primus; notissimi inter se, quia pares semper ordines duxerant.

Romano,

Romano, haud satis fidenti viribus, jam Romæ permissum erat ab consulibus, ut subcenturionem sibi, quem vellet, legeret, qui tutaretur eum ab uno destinato hoste. isque juvenis, in acie oblatus, ex centurione Latino victoriam tulit. Pugnatum est haud procul radicibus Vesuvii montis, quâ via ad Veferim ferebat.

IX. Romani consules prius, quàm educerent in aciem, immolaverunt. Decio caput jocinoris à familiari parte cæsum aruspex dicitur ostendisse; alioqui acceptam Diis hostiam esse: Manlium egregiè litasse. *Atqui bene habet, inquit Decius, si ab collega litatum est.* Instruētis, sicut antè dictum est, ordinibus, processere in aciem. Manlius dextro, Decius lævo cornu præerat. primò utrinque æquis viribus, eodem ardore animorum gerebatur res: deinde ab lævo cornu hastati Romani, non ferentes impressionem Latinorum, se ad principes recepere. In hac trepidatione Decius consul M. Valerium magnâ voce inclamat: *Deorum, inquit, ope, Valeri, opus est. agedum, pontifex publicus populi Romani, præi verba, quibus me pro legionibus devoveam.* Pontifex cum togam prætextam sumere jussit, & velato capite, manu subter togam ad mentum exertâ, super telum subjectum pedibus stantem sic dicere. *Jane, Jupiter, Mars pater, Quirine, Bellona, Lares, Divi Novensiles, Dii indigetes, Divi, quorum est potestas nostrorum hostiumque, Diique manes, vos precor, veneror, veniam peto feroque, uti populo Romano Quiritium vim victoriamque prosperetis; hostesque populi Romani Quiritium terrore, formidine, morteque afficiatis. Sicut verbis nuncupavi, ita pro republica Quiritium, exercitu, legionibus, auxiliis populi Romani Quiritium, legiones auxiliaque hostium mecum Diis manibus Tellurique devoveo.* Hæc ita precatus, liētores ire ad T. Manlium jubet, maturêque collegæ se devotum pro exercitu nunciare. Ipse, incinctus cinctu Gabino, armatus in equum insiluit, ac se in medios hostes immisit.

misit. Conspectus ab utraque acie aliquanto augustior humano visu, sicut cœlo missus piaculum omnis Deorum iræ, qui pestem ab suis averſam in hostes ferret; ita omnis terror pavorque cum illo latus signa primò Latinorum turbavit; deinde in totam penitus aciem pervasit. Evidentiſſimum id fuit, quòd, quacun- que equo inſectus eſt, ibi haud ſecus quàm peſtiferò fidere iſti, pavebant: ubi verò corruit obrutus telis, inde jam haud dubiè conſternatæ cohortes Latinorum fugam ac vaſtita- tem latè fecerunt. Simul & Romani, exſolutis religione animis, velut tum primum ſigno dato coorti, pugnam integram ediderunt. nam & rorarii procurrebant inter antepilanos, addiderantque vires haſtatis ac principibus: & triarii, genu dextro inniſi, nutum conſulis ad conſurgendum exſpectabant.

X. Procedente deinde certamine, quum aliis partibus multitudo ſuperaret Latinorum, Manlius conſul, audito eventu collegæ, quum, ut jus ſaſque erat, lacrimis non minùs quàm laudibus debitis proſecutus tam memorabilem mortem eſſet; pauliſper addubitavit, an conſurgendi jam triariis tempus eſſet: deinde, melius ratus integros eos ad ultimum diſcrimen ſervari, accenſos ab noviffima acie ante ſigna procedere jubet. Qui ubi ſubiere, extemplo Latini, tanquam idem adverſarii ſceiſſent, triarios ſuos excitaverunt: qui aliquandiu pugna atroci quum & ſemet ipſi fatigàſſent, & haſtas aut præfregiſſent, aut hebetàſſent, pellerent vi tamen hoſtem, debellatum jam rati, per- ventumque ad extremam aciem; tum conſul triariis, *Conſurgite nunc, inquit, integri adverſus feſſos, memores patriæ parentumque & conjugum ac liberorum; memores conſulis pro veſtra viſtoria morte occumbentis.* Ubi triarii conſurrexerunt integri, refulgentibus armis, nova ex improviſo exorta acies, receptis in intervalla ordinum antepilanis, clamore ſublato principia Latinorum perturbant. haſtiſque ora ſedantes, primo robore viro-  
rum

rum caſo, per alios manipulos, velut inermes, propè  
 intacti evaſere; tantàque cæde perrupere cuneos, ut  
 vix quartam partem relinquerent hoſtium. Samnites  
 quoque, ſub radicibus montis procul inſtructi, præbu-  
 ere terrorem Latinis. Ceterùm inter omnes cives ſo-  
 cioſque præcipua laus ejus belli penes conſules fuit;  
 quorum alter omnes minas periculaque ab Diis ſuperis  
 inferiſque in ſe unum vertit: alter eà virtute coque  
 conſilio in prælio fuit, ut facilè convenerit inter Ro-  
 manos Latinoſque, qui ejus pugnæ memoriam po-  
 ſteris tradiderunt, utrius partis T. Manlius dux fuiſ-  
 ſet, ejus futuram haud dubiè fuiſſe victoriam. Latini  
 ex fuga ſe Minturnas contulerunt. caſtra ſecundùm  
 prælium capta, multique mortales ibi vivi oppreſſi,  
 maximè Campani. Decii corpus ne eo die invenire-  
 tur, nox quærentes oppreſſit. poſtero die inventum  
 inter maximam hoſtium ſtragem, coopertum telis; fu-  
 nuſque ei par morti, celebrante collegà, factum eſt.  
 Illud adjiciendum videtur, licere conſuli dictatorique  
 & prætori, quum legiones hoſtium devoveat, non uti-  
 que ſe, ſed quem velit ex legione Romana ſcripta  
 civem, devovere: ſi is homo, qui devotus eſt, moritur,  
*proè factum videri: ni moritur, tum ſignum ſeptem pedes  
 altum, aut majus, in terram deſodi, & piaculum hoſtià cedi.*  
*Ubi illud ſignum deſoſſum erit, eò magiſtratùm Romanum e-  
 ſcendere fas non eſſe. ſin autem ſeſe devovere volet, ſi-  
 cuſi Decius devovit; ni moritur, neque ſuum, neque publi-  
 cum divinum purè faciet, qui ſeſe devoverit. Vulcano arma  
 ſive cui alii Divo vovere volet, ſive hoſtià, ſive quo alio  
 volet, juſ eſt. xelo, ſuper quad ſtans conſul precatuſ eſt, ho-  
 ſtem potiri, fas non eſt: ſi potiatuſ, Marti ſuo vetaurilibuſ  
 piaculum fieri.*

XI. Hæc (etſi omniſ divini humanique moriſ me-  
 moria abolevit, nova peregrinaque omnia priſciſ ac  
 patriiſ præferendo) haud ab re duxi, verbis quoque  
 ipſiſ, ut tradita nuncupataque ſunt, referre. Romanis  
 poſt

post praelium demum factum Samnites venisse subsidio, exspectato eventu pugnae, apud quosdam auctores invenio. Latinis quoque ab Lavinio auxilium, dum deliberando terunt tempus, victis demum ferri coeptum. & quum jam portis prima signa & pars agminis esset egressa, nuncio allato de clade Latinorum, quum contrariis signis retro in urbem rediretur, praetorem eorum nomine Milonium dixisse ferunt, *pro paulula via magnam mercedem Romanis esse solvendam*. Qui Latinorum pugnae superfuerant, multis itineribus dissipati, quum se in unum conglobassent, Vescia urbs eis receptaculum fuit. Ibi in conciliis Numisius imperator eorum, affirmando *communem verè Martem belli utramque aciem pari cade prostravisse, victoriaeque nomen tantum penes Romanos esse, ceteram pro victis fortunam & illos gerere*: funesta duo confidum pratoria, alteram parricidio filii, alterum consulis devoti cade; trucidatum exercitum omnem; caesos hastatos principesque; stragem & ante signa & post signa factam; triarios postremò rem restituisse. *Latinorum etsi pariter accisa copia sint, tamen supplemento vel Latium propius esse, vel Volscos, quàm Romam*. Itaque, si videatur eis, se, ex Latinis & ex Volscis populis juventute properè excitâ, rediturum infesto exercitu Capuam esse; Romanosque, nihil tum minùs quàm praelium exspectantes, necopinato adventu percussurum. Fallacibus literis circa Latium nomenque Volscum missis, quia, qui non interfuerant pugnae, ad credendum temerè faciliores erant, tumultuarius undique exercitus raptim conscriptus convenit. Huic agmini Torquatus consul ad Trifanum (inter Sinuessam Minturnasque is locus est) occurrit. priùs, quàm castris locus caperetur, farcinis utrinque in acervum coniectis, pugnatum debellatumque est. adeo enim accisae res sunt, ut consuli, victorem exercitum ad depopulandos agros eorum ducenti, dederent se omnes Latini, deditionemque eam Campani sequerentur. Latium Capuaque agrò mulctati. Latinus ager, Privernati

nati addito agro, & Falernus, qui populi Campani fuerat, usque ad Vulturum flumen, plebi Romanæ dividitur. bina in Latino jugera, ita ut dodrantem ex Priver-nati complerent, data; terna in Falerno, quadrantibus etiam pro longinquitate adjectis. Extra pœnam fuere Latinorum Laurentes Campanorumque equites, quia non desciverant. Cum Laurentibus renovari fœdus jussum. renovaturque ex eo quotannis post diem decimum Latinarum. Equitibus Campanis civitas data: monumentoque ut esset, æneam tabulam in æde Castoris Romanæ fixerunt. vestigal quoque eis Campanus populus jussus pendere in singulos quotannis (fuere autem mille & sexcenti) denarios nummos quadringenos quinquagenos.

XII. Ita bello gesto, præmiis pœnæque pro cujusque merito pœssolutis, T. Manlius Romam rediit: cui venienti seniores tantum obviâ exisse constat; juventutem, & tunc, & omni vitâ deinde, averfatam eum exsecratamque. Antiates in agrum Ostiensem, Ardeatem, Solonium incursiones fecerunt. Manlius consul, quia ipse per valetudinem id bellum exsequi nequiebat, dictatorem L. Papirium Crassum, qui tum fortè erat prætor, dixit: ab eo magister equitum L. Papirius Cursor dictus. Nihil memorabile adversus Antiates ab dictatore gestum est, quum aliquot menses stativa in agro Antiati habuisset. Anno insigni victoriâ de tot ac tam potentibus populis, ad hoc consulum alterius nobili morte, alterius sicut truci, ita claro ad memoriam, imperio, successere consules Ti. Æmilius Mamercinus & Q. Publilius Philo; neque in similem materiam rerum, & ipsi aut suarum rerum, aut partium in republica magis, quàm patriæ, memores. Latinos, ob iram agri amissi rebellantes, in campis Fencianis suderunt, castrisque exuerunt. Ibi Publilius, cujus ductu auspicioque res gestæ erant, in deditionem accipiente Latinos populos, quorum ibi juvenus caesa erat, Æmilius ad Pedum exercitum duxit. Pedanos tuebatur Tibura, Prænestinus, Veliternusque populus;

U.

venc.

venerant & ab Lanuvio Antioque auxilia. Ubi quum præliis quidem superior Romanus esset, ad urbem ipsam Pedum castraque sociorum populorum, quæ urbi adjuncta erant, integer labor restaret; bello infecto repente omisso, consul, quia collegæ decretum triumphum audivit, ipse quoque triumphi ante victoriam flagitator Romam rediit. Quà cupiditate offensis Patribus, negantibusque, nisi Pedito capto aut dedito, triumphum, hinc alienatus ab senatu Æmilius seditiosis tribunatibus similem deinde consulatum gessit. Nam neque, quoad fuit consul, criminari apud populum Patres destitit, collegæ haudquaquam adversante, quia & ipse de plebe erat: (materiam autem præbebat criminibus ager in Latino Falernoque agro malignè plebei divisus) &, postquam senatus, finire imperium consulibus cupiens, dictatorem adversus rebellantes Latinos dici jussit, Æmilius, cujus tum fasces erant, collegam dictatorem dixit: ab eo magister equitum Junius Brutus dictus. Dictatura popularis, & orationibus in Patres criminosis, fuit, & quòd tres leges secundissimas plebei, adversas nobilitati, tulit: unam, ut plebiscita omnes Quirites tenerent: alteram, ut legum, quæ comitiis centuriatis ferrentur, ante initum suffragium Patres auctores fierent: tertiam, ut alter utique ex plebe, quum eò ventum sit, ut utrumque plebeium consulem fieri liceret, censor crearetur. Plus eo annodomi acceptum cladis ab consulibus ac dictatore, quam ex victoria eorum bellicisque rebus foris augmentum imperium, Patres credebant.

XIII. Anno insequenti, L. Furio Camillo, C. Mænio consulibus, quo insignitiùs omiſsa res Æmilio, superioris anni consuli, exprobraretur, Pedum armis virisque & omni vi expugnandum & delendum senatus fremit: coactique novi consules omnibus eam rem præverti, proficiscuntur. Jam Latio is status erat rerum, ut neque bellum neque pacem pati possent. ad bellum opes decrant: pacem ob agri adempti dolorem asperna-

aspernabantur. Mediis consiliis standum videbatur, ut oppidis se tenerent; ne laceffitus Romanus causam belli haberet; & si cuius oppidi obsidio nunciata esset, undique ex omnibus populis auxilium obsessis ferretur. Neque tamen, nisi admodum à paucis populis, Pedanè adjuti sunt. Tiburtes Prænestinique, quorum ager propior erat, Pedum pervenere. Aricinos Lanuvínosque & Veliternos, Antiatibus Volscis se conjungentes, ad Asturæ flumen Mænius, improvisò adortus, fudit. Camillus ad Pedum cum Tiburtibus, maximè valido exercitu, majore mole, quanquam æquè prospero eventu, pugnat. Tumultum maximè repentina interprælium eruptio oppidanorum fecit: in quos parte exercitûs conversâ, Camillus non compulit solum eos intra mœnia, sed eodem etiam die, quum ipsos auxiliaque eorum perculisset, oppidum scalis cepit. Placuit inde, jam majore conatu animoque ab unius expugnatione urbis ad perdomandum Latium victorem circumducere exercitum. nec quievere antè, quàm, expugnando aut in deditionem accipiendo singulas urbes, Latium omne subegere. Præfidiis inde dispositis per recepta oppida, Romam ad destinatum omnium consensu triumphum decessere. additus triumpho honos, ut statux equestres eis, rara illà ætate res, in foro ponerentur. Priùs, quàm comitiis in insequentem annum consules rogarent, Camillus de Latinis populis ad senatum retulit, atque ita disseruit: *Patres conscripti, quod bello armisque in Latio agendum fuit, id jam Deum benignitate ac virtute militum ad finem venit. cæsi ad Pedum Asturamque sunt exercitus hostium: oppida Latina omnia, & Antiùm ex Volscis, aut vi capta, aut recepta in deditionem, præfidiis tenentur vestris. Reliqua consultatio est, quoniam rebellando sæpius nos sollicitant, quonam modo perpetuâ pace quietos obtineamus. Dii immortales ita vos potentes hujus consilii fecerunt, ut, sit Latium deinde, an non sit, in vestra manu posuerint. Itaque pacem vobis, quod ad Latinos attinet,*



*parare in perpetuum, vel sciendo, vel ignoscendo, potestis. Vultis crudeliter consulere in deditos victosque? licet delere omne Latium, vastas inde solitudines facere, unde sociali egregio exercitu per multa bella magnaque saepe usi estis. Vultis exemplo majorum augere rem Romanam, victos in civitatem accipiendo? materia crescendi per summam gloriam suppeditat. certe id firmissimum longè imperium est, quo obedientes gaudent. Sed maturato opus est, quicquid statuere placet. tot populos inter spem metumque suspensos animi habetis: & vestram itaque de eis curam quàm primam abjolvere, & illorum animas, dum expectatione stupent, seu pœnâ, seu beneficio, praecipuari oportet. nostrum fuit efficere, ut omnium rerum vobis ad consulendum potestas esset. vestrum est decernere, quod optimum vobis rei publicae sit.*

XIV. Principes senatûs relationem consulis de summa rerum laudare; sed, quum aliorum causa alia esset, ita expediri posse consilium, dicere, ut pro merito cujusque statueretur, si de singulis nominatim referrent populis. Relatum igitur de singulis decretumque. Lanuvinis civitas data sacraque sua reddita cum eo, ut ædes luosque Sospitæ Junonis communis Lanuvinis municipibus cum populo Romano esset. Aricini Nomentanique & Pedani eodem jure, quo Lanuvini, in civitatem accepti. Tusculanis servata civitas, quam habebant; crimenque rebellionis à publica fraude in paucos auctores versum. In Veliternos, veteres cives Romanos, quòd toties rebellassent, graviter sævitum: & muri dejecti, & senatus inde abductus, jusque trans Tiberim habitare: ut ejus, qui cis Tiberim deprehensus esset, usque ad mille pondo clarigatio esset; nec prius, quàm ære perfoluto, is, qui cepisset, extra vincula captum haberet. In agrum senatorum coloni missi: quibus adscriptis, speciem antiquæ frequentiæ Velitræ receperunt. Et Antium nova colonia missa cum eo, ut Antiatibus permetteretur, si & ipsi adscribi coloni vellent. naves inde longæ abactæ, interdictumque mari

mari Antiati populo est, & civitas data. Tiburtes Prænestinique agro mulctati, neque ob recens tantum rebellionis, commune eum aliis Latinis, crimen; sed quòd, tædio imperii Romani, cum Gallis, gente efferrata, arma quondam consociassent. Ceteris Latinis populis connubia commerciaque & concilia inter se ademerunt. Campanis, equitum honoris causâ, quia cum Latinis rebellare noluisent, Fundanisque & Formianis, quòd per fines eorum tuta pacataque semper fuisset via, civitas sine suffragio data. Eumanos Sueffulosque ejusdem juris conditionisque, cujus Capuam, esse placuit. Naves Antiatum partim in navalia Romæ subductæ, partim incensæ, rostrisque earum suggestum, in foro exstructum, adornari placuit. Rostraque id templum appellatum.

XV. C. Sulpicio Longo, P. Ælio Pæto consulibus, quum omnia non opes magis Romanæ, quàm beneficiis parta gratia bonâ pace obtineret, inter Sidicinos Auruncosque bellum ortum. Aurunci, à T. Manlio consule in deditionem accepti, nihil deinde moverante eo petendi auxilii ab Romanis causa justior fuit. Sed prius, quàm consules ab urbe (jusserat enim senatus defendi Auruncos) exercitum educerent, fama afferretur; Auruncos metu oppidum deseruisse, profugosque cum conjugibus ac liberis Sueffam communisse, quæ nunc Aurunca appellata; mœnia antiqua eorum urbemque ab Sidicinis deletam. Ob ea insensus consulibus senatus, quorum cunctatione proditi socii essent, dictatorem dici jussit. dictus C. Claudius Regillensis, magistrum equitum C. Claudium Hortatorem dixit. Religio inde injecta de dictatore: &, quum augures vitio creatum videri dixissent, dictator magisterque equitum se magistratu abdicarunt. Eo anno Minucia Vestalis, suspecta primò propter mundiorem justo cultum, insimulata deinde apud pontifices ab indice servata; quum decreto eorum jussa esset sacris abstinere,

famillamque in potestate habere; facto iudicio, viva sub terram ad portam Collinam dextrâ viâ stratâ defossa Scelerato campo. credo, ab incesto id ei loco nota factum. Eodem anno Q. Publilius Philo prætor primum de plebe, adversante Sulpicio consule, qui negabat rationem ejus se habiturum, est factus; senatu, quum in summis imperiis id non obtinuisset, minus in prætura tendente.

XVI. Insequens annus, L. Papirio Crasso, K. Duilio consulibus, Aufonum magis novo, quam magne bello fuit insignis. ea gens Cales urbem incolebat. Sidicinis finitimis arma conjunxerat: unoque prælio laud sanè memorabili duorum populorum exercitus fusus, propinquitatem urbium & ad fugam pronior, & in fuga ipsa tutior fuit. nec tamen omnia ejus belli curæ Patribus, quia toties jam Sidicini aut ipsi moverant bellum, aut moventibus auxilium tulerant, aut causa armorum fuerant. Itaque omni ope anisi sunt, ut maximum eâ tempestate imperatorem M. Valerium Corvum consulem quartum facerent. collega additus Corvo M. Atilius Regulus. &, ne fortè casu erraretur, petiit ab consulibus, ut extra sortem Corvi ea provincia esset. Exercitu victore à superioribus consulibus accepto, ad Cales, unde bellum ortum erat, profectus, quum hostes, ab superioris etiam certaminis memoria pavidos, clamore atque impetu primo fudisset; moenia ipsa oppugnare est aggressus. & militum quidem is erat ardor, ut jam inde cum scalis succedere ad muros vellent, evasurosque contenderent. Corvus, quia id arduum factum erat, labore militum potius, quam periculo, peragere inceptum voluit. itaque aggerem & vineas egit, turreſque muro admovit: quarum usum fortè oblata opportunitas prævertit. namque M. Fabius, captivus Romanus, quum, per negligentiam custodum festo die vinculis ruptis, per murum inter opera Romanorum, religatâ ad pinnam muri recte suspensus,

manibus

manibus se demississet; perpulit imperatorem, ut vino epulisque sopitos hostes aggredieretur. nec majore certamine capti cum urbe Aufones sunt, quam acie fusi erant. Præda capta ingens est. præsidioque imposito Calibus reductæ Romam legiones. Consul ex senatusconsulto triumphavit: &, ne Atilius expertus gloriæ esset, jussi ambo consules adversus Sidicinos ducere exercitum. Dictatorem antè ex senatusconsulto comiti-  
orum habendorum causâ dixerunt L. Æmilium Mamer-  
mercinum. is magistrum equitum Q. Publilium Philo-  
nem dixit. Dictatore comitia habente, consules cre-  
ati sunt T. Veturius, Sp. Postumius. Etsi belli pars  
cum Sidicinis restabat; tamen, ut beneficio præveni-  
rent desiderium plebis, de colonia deducenda Cales re-  
tulerunt: factoque senatusconsulto, ut duo millia quin-  
genti homines eo scriberentur, triumviros colonie de-  
ducendæ agroque dividendo creaverunt K. Duilium,  
P. Quinctium, M. Fabium.

XVII. Novi deinde consules, à veteribus exercitum  
accepto, ingressi hostium fines, populando usque ad  
moenia atque urbem pervenerunt. Ibi, quia, ingenti  
exercitu comparato, Sidicini & ipsi pro extrema spe  
dimicitari enisè videbantur, & Samnium fama erat  
conciri ad bellum; dictator ab consulibus ex auctori-  
tate senatus dictus P. Cornelius Rufinus; magister e-  
quitum M. Antonius. Religio deinde incescit, vitio  
eos creatos: magistratuque se abdicaverunt. &, quia  
pestilentia infecta est, velut omnibus eo vitio conta-  
ctis auspiciis, res ad interregnum rediit. ab interregno  
inito per quintum domum interregem M. Valerium  
Corvum creati consules A. Cornelius iterum & Cn.  
Domitius. Tranquillis rebus, fama Gallici belli pro  
tumultu valuit, ut dictatorem dici placeret. Dictus  
M. Papirius Crassus, & magister equitum P. Valerius  
Publicola. à quibus quum delectus intentius, quam ad-  
versus finitima bella, haberetur, exploratores missi at-  
tulerunt,

tulerunt, quieta omnia apud Gallos esse. Samnium quoque jam alterum annum turbari novis consiliis suspectum erat. eo ex agro Sidicino exercitus Romanus non est deductus. Ceterum Samnites bellum Alexandri Epirensis in Lucanos traxit, qui duo populi adversus regem, exscensionem à Pæsto facientem, signis collatis pugnaverunt. eo certamine superior Alexander, incertum quâ fide culturus, si perinde cetera processissent, pacem cum Romanis fecit. Eodem anno census actus, novique cives censi: tribus propter eos additæ Mæcia & Scaptia: censores addiderunt Q. Publilius Philo, Sp. Postumius. Romani facti Acerrani, lege ab L. Papirio prætorè latâ, quâ civitas sine suffragio data. Hæc eo anno domi militiæque gesta.

XVIII. Fœdus insequens annus seu intemperie cœli, seu humanâ fraude fuit, M. Claudio Marcello, C. Valerio consulibus. Flaccum Potitamque variè in analibus cognomen consulis invenio: ceterum, in eo, parvi refert, quid veri sit. illud pervelim (nec omnes auctores sunt) proditum falsò esse, veneniâ absumptos, quorum mors infamem annum pestilentia fecerit. sicut proditur tamen res, ne cui auctorum fidem abrogaverim, exponenda est. Quum primores civitatis similibus morbis, eodemque ferme omnes eventu, morerentur; ancilla quædam ad Q. Fabium Maximum ædilem curulem, indicaturam se causam publicæ pestis, professâ est, si ab eo fides sibi data esset, haud futurum noxæ indicium. Fabius confestim rem ad consules, consules ad senatum referunt: consensuque ordinis fides indici data. Tum patet factum, muliebri fraude civitatem premi, matronasque ea venena coquere; & si sequi extemplo velint, manifestò deprehendi posse. Secuti indicem, & coquentes quasdam medicamenta, & recondita alia, invenerunt. quibus in forum delatis, & ad viginti matronis, apud quas deprehensa erant, per viatorem accitis, duæ ex eis, Cornelia ac Sergia, patriciæ

patriciæ utraque gentis, quum ea medicamenta salubria esse contenderent, ab confutante indice bibere iussæ, ut se falsum commentam arguerent; spatio ad colloquendum sumpto, quum, summoto populo, in conspectu omnium rem ad ceteras retulissent; haud abnuentibus & illis bibere, epoto medicamento, suamet ipsæ fraude omnes interierunt. comprehensæ exemplo earum comites magnum numerum matronarum indicaverunt: ex quibus ad centum septuaginta damnatæ. Neque de veneficiis ante eam diem Romæ quæsitum est. Prodigii ea res loco habita; captisque magis mentibus, quàm consceleratis, similis visa. itaque, memoriâ ex annalibus repetitâ, in secessionibus quondam plebis clavum ab dictatore fixum, alienatas, ue discordiâ mentes hominum eo piaculo compotes fui fecisse, dictatorem clavi figendi causâ creari placuit. creatus Cn. Quinctilius magistrum equitum L. Valerium dixit: qui, fixo clavo, magistratu se abdicaverunt.

XIX. Creati consules L. Papirius Crassus iterum, L. Plautius Venno. cujus principio anni legati ex Volscis Fabraterni, & Lucani, Romam venerunt, orantes, ut in fidem reciperentur. si à Samnitiis armis defensi essent, se sub imperio populi Romani fideliter atque obedienter futuros. Missum tum ab senatu legati, denunciatumque Samnitibus, ut eorum populorum finibus vim abstinerent: valuitque ea legatio, non tam quia pacem volebant Samnites, quàm quia nondum parati erant ad bellum. Eodem anno Prævernas bellum initum: cujus socii Fundani, dux etiam fuit Fundanus, Vitruvius Vaccus; vir non domi solum, sed etiam Romæ, clarus. ædes fuere in Palatio ejus, quæ Vacci prætæ, diruto ædificio publicatoque sole, appellata. Adversus hunc, vastantem effusè Sétinum Norbanumque & Coranum agrum, L. Papirius profectus, haud procul castris ejus confedit. Vitruvio nec, ut vallo se teneret adversus validiorem hostem, sana constare

U 5;

mens,

ment, nec, ut longius à castris dimicaret, animus suppetere. vix totà extra portam castrorum explicatà acie, fugam magis retro, quàm prælium aut hostem, spectante milite, sine consilio, sine audacia depugnat : & ut levi momento nec ambiguit est victus; ita, brevitate ipsi loci faciliq; receptu in tam propinqua castra, haud agrè militem à multa cæde est tutatus : nec ferè quisquam in ipso certamine, pauci in turba fugæ extremæ, quum in castra ruerent, cæsi ; primisque tenebris Privernum inde petittum agmine trepido, ut muris potius, quàm vallo, sese tutarentur. A Priverno Plautius alter consul, pervasitatis passim agris prædâque abactâ, in agrum Fundanum exercitum inducit. Ingredienti fines senatus Fundanorum occurrit ; negant, se pro Vitruvia festinâque ejus secutis precatum venisse, sed pro Fundano populo ; quem extra culpam belli esse, ipsum Vitruvium judicasse, quum receptaculum fugæ Privernum habuerit, non patriam Fundas. Priverni igitur hostes populi Romani querendos persequendosque esse, qui simul à Fundanis ac Romanis, utriusque patrie immemores, defecerint. Fundanis pacem esse, et animos Romanos, et gratam memoriam acceptæ civitatis. Orare se consulem, ut bellum ab invexio populo abstineat : agros, urbem, corpora ipsorum, conjugumque, ac liberarum suorum, in potestate populi Romani esse, futuræque. Collaudatis Fundanis, consul, literisque Romam missis, in officio Fundanos esse, ad Privernum flexit iter. Prius animadversum in eos, qui capita conjurationis fuerant, à consule scribit Claudius : ad trecentos quinquaginta ex conjuratis victos Romam missos ; eamque deditionem ab senatu non acceptam : quod egentium atque humilium penâ defungi velle Fundanum populum consuevit.

XX. Privernum duobus consularibus exercitibus quum obsideretur, alter consul comitiarum causâ Romam revocatus. Carceres eo anno in circo primum statuti. Nondum persuasos curâ Privernatis belli tumultus,

multos Galliſi fama atrox invaſit, haud ſerme unquam neglecta Patribus. Extemplo igitur conſules novi, L. Aemilius Mamercinus & C. Plautius, eo ipſo die, Kalendis Quintilibus, quo magiſtratum inierunt, comparare inter ſe provincias juſſi; & Mamercinus, cui Gallicum bellum evenerat, ſcribere exercitum ſine ulla vacationis venia. quia opificum quoque vulgus & ſclularii, minimè militiæ idoneum genus, exciti dicuntur: Vejoſque iagena exercitus contractus, ut inde obviam Gallis iretur. longius diſcedi, ne alio itinere hoſtis falleret ad urbem incedens, non placuit. Paucos deinde poſt dies, ſatis exploratâ temporis ejus quiete, à Gallia Privernum omnis converſa viſ. Duplex inde fama eſt: alii vi captam urbem, Vitruviumque vivum in poteſtatem veniſſe: alii, priuſquam ultima adhiberetur viſ, ipſos ſe in deditiorem conſulis caduceum præferentes permiſſiſſe, auctores ſunt, Vitruviumque ab ſuis traditum. Senatus, de Vitruvio Privernatibusque conſultus, conſulem Plautium, dirutis Priverni muris, præſidioque valide impoſito, ad triumphum arceſſit; Vitruvium in carcerem aſſervari juſſit, quoad conſul rediſſet; tum verberatum necari. ædes ejus, quæ eſſent in Palatio, diruendas, bona Semoni Sanco cenſuerunt conſecranda: quodque aris ex ois redactum eſt, ex eo ænei orbes facti, poſiti in ſacello Sanci verſus ædem Quirini. de ſenatu Privernate ita decretum, ut, qui ſenator Priverni poſt defectionem ab Romanis manſiſſet, trans Tiberim lege eadem, quâ Veliterni, habitaret. His ita decretis, uſque ad triumphum Plautii ſilentium de Privernatibus fuit: poſt triumphum conſul, necato Vitruvio ſociiſque ejus noxæ, apud ſatiatos jam ſupplicii nocentium tutam mentionem de Privernatibus ratus; *Quoniam auctores deſectionis, inquit, meritis penas & ab Diis immortalibus & à vobis habent, Patres conſcripti, quid placet de innoxia multitudine fieri? Equidem, eſſi mea partes exquirenda magis*



*sententia, quàm danda sunt; tamen, quàm videam, Privernates vicinos Samnitibus esse, unde nunc nobis incertissima pax est; quàm minimum irarum inter nos illosque relinqui velim.*

XXI. Quum ipsa per se res anceps esset, prout cujusque ingenium erat, atrocius mitiusve suadentibus; tum incertiora omnia unus ex Privernatibus legatis fecit, magis conditionis, in qua natus esset, quàm præsentis necessitatis, memor: qui, interrogatus à quodam tristioris sententiæ auctore, *quàm penam meritis Privernates censeret? eam*, inquit, *quàm merentur, qui se libertate dignos censent.* cujus quum feroci responso infestiores factos videret consul eos, qui antè Privernatium causam impugnabant; ut ipse benignâ interrogatione mitius responsum eliceret, *Quid, si penam*, inquit, *remittimus vobis, qualem nos pacem vobiscum habituros speremus? Si bonam dederitis*, inquit, *& fidam, & perpetuam: si malam, baud diuturnam.* Tum verò minari, nec id ambiguit, Privernatem quidam, & illis vocibus ad rebellandum incitari pacatos populos. pars melior senatûs ad meliora responsum trahere, & dicere, *Viri, & liberi, vocem auditam. an credi posse, ullum populum, aut hominem denique, in ea conditione, cujus eum poeniteat, diutius, quàm necesse sit, mansurum? Ibi pacem esse fidam, ubi voluntarii pacati sint: neque eo loco, ubi servitutem esse velint, fidem sperandam esse.* In hanc sententiam maximè consul ipse inclinavit animos, identidem ad principes sententiarum consulares, uti exaudiri posset à pluribus, dicendo, *Eos demum, qui nihil, præterquam de libertate, cogitent, dignos esse, qui Romani fiant.* Itaque & in senatu causam obtinere, & ex auctoritate Patrum latum ad populum est, ut Privernatibus civitas daretur. Eodem anno Anxur trecenti in coloniam missi sunt: bina jugera agri acceperunt.

XXII. Secutus est annus nullâ re belli domive insignis, P. Plautio Proculo, P. Cornelio Scapulâ consuli-bus; præterquam quòd Fregellas (Sidicinorum is ager, deinde

deinde Volscorum fuerat) colonia deducta; & populo visceratio data à M. Flavio in funere matris. Erant, qui, per speciem honorandæ parentis, meritam mercedem populo solutam interpretarentur; quod eum, die dicta ab ædilibus, crimine stupratæ matrisfamilie absolvisset. Data visceratio in præteritam judicii gratiam, honoris etiam ei causa fuit: tribunatumque plebei, proximis comitiis, absens petentibus præfertur. Palæpolis fuit haud procul inde, ubi nunc Neapolis sita est. duabus urbibus populus idem habitabat. Cumis erant oriundi. Cumani ab Chalcide Euboica originem trahunt. Classe, quâ adveſti ab domo fuerant, multum in ora maris ejus, quod accolunt, potuere. Primò in insulas Ænariam & Pitheculas egressi, deinde in continentem ausi sedes transferre. Hæc civitas, quum suis viribus, tum Samnitium infidâ adversus Romanos societate freta, sive pestilentie, quæ Romanam urbem adorta nunciabatur, fidens, multa hostilia adversus Romanos, agrum Campanum Falernumque incolentes, fecit. Igitur, L. Cornelio Lentulo, Q. Publilio Philone iterum consulibus, fecialibus Palæpolim ad res repetendas missis, quum relatum esset à Græcis, gente linguâ magis strenuâ, quàm factis, ferox responsum; ex auctoritate Patrum populus Palæpolitianis bellum fieri jussit. Inter consules provinciis comparatis, bello Græci persequendi Publilio evenerunt; Cornelius altero exercitu Samnitibus, si quâ se moverent, oppositus. Fama autem erat, defectioni Campanorum imminentes admoturos castra, ibi optimum visum Cornelio stativa habere.

XXIII. Ab utroque consule, exiguam spem pacis cum Samnitibus esse, certior fit senatus. Publilius, duo millia Nolanorum militum & quatuor Samnitium, magis Nolanis cogentibus, quàm voluntate Græcorum, recepta Palæpolim, miserat: Cornelius, delectum indictum à magistratibus, universum Samnium erectum, ac vicinos populos, Privernatem, Funda-

Fundanumque, & Formianum, haud ambigue sollicitari. Ob hæc quum legatos mitti placuisset prius ad Samnites, quàm bellum fieret; responsum redditur ab Samnitibus ferox. Ulro iaculabant injurias Romanorum: neque eo negligentius ea, quæ ipsis obijcerentur, purgabant. *Hand ullo publico consilio auxiliorve juvare Græcos: nec Fundanum Formianumve à se sollicitatos, quippe minime penitere se virium suarum, si bellum placeat. Ceterum non posse dissimulare, agere pati civitatem Samnitium, quod Fregellas, ex Volscis captas dirutasque ab se, restituerit Romanus populus, coloniamque in Samnitium agros impulerit, quam coloni eorum Fregellas appellant. Eam se contumeliam injuriamque, ni sibi ab iis, qui fecerint, damnetur, ipsos omni vi depulsuros esse. Quum Romanus legatus ad disceptandum eos ad communes socios atque amicos vocaret: Quid perplexè agimus? inquit. Nostra certamina, Romani, non verba legatorum, nec hominum quisquam disceptator, sed campus Campanus, in quo concurrendum est, & arma, & communis Mars belli decernet. Præinde inter Capuam Suessulumque castra castris conferamus: &, Samnis Romanusque imperio Italiam regat, decernamus. Legati Romanorum quum se, non quò hostis vocasset, sed quò imperatores sui duxissent, ituros esse respondissent; jam Publilius, inter Palæpolim Neapolimque loco opportune capto, diremerat hostibus societatem auxilii mutui; quâ, ut quisque locus premeretur, inter se usi fuerant. Itaque quum & comitiôrum dies instaret, &, Publilius, imminenti hostium muris, avocari ab spectandæ in dies urbis, haud è republica esset; actum cum tribunis est, ad populum ferrent, ut, quum Publius Philo consulatu abisset, pro consule rem gereret, quoad debellatum cum Græcis esset. L. Cornelio (quia ne cum quidem in Samnium jam ingressum revocari ab impetu belli placebat) literæ missæ, ut dictatorem comitiôrum causâ diceret: dixit M. Claudium Marcellum. ab eo magister equitum dictus Sp. Postumius.*

Nec

Nec tamen ab dictatore comitia sunt habita, quia, vitione creatus esset, in disquisitionem venit. consulti augures, vitiosum videri dictatorem, pronuntiaverunt. Eam rem tribuni suspectam infamemque criminando fecerunt. *Nam neque facile fuisse id vitium nasci, quum consul oriens nocte silentio diceret dictatorem: neque ab consule cuiquam publice privatimve de ea re scriptum esse: nec ququam mortaliū exstare, qui se vidisse aut audisse quid diceret, quod auspiciū dirimeret: neque augures divinare Roma sedentes potuisse, quid in castris consuli vitii obvenisset. Cui non apparere, quod plebeius dictator sit, id vitium auguribus visum?* Hæc aliaque ab tribunis nequicquam iactata. Tandem ad interregnum res redit: dilatisque alia atque alia de causa comitiis, quartusdecimus demum inter rex L. Æmilius consules creat C. Postelium, L. Papirium Mugillanum. Cursorem in aliis annalibus invenio.

XXIV. Eodem anno Alexandriam in Ægypto proditum conditam; Alexandrumque, Epiri regem, ab exfule Lucano interfectum, fortes Dodonæ Jovis eventum affirmasse. Aceito ab Tarentinis in Italiam datu dictio erat, *caveret Acherusiam aquam Pandosiamque urbem: ibi fatis ejus terminum dari.* Eoque ociūs transmisit in Italiam, ut quàm maximè procul abesset urbe Pandosia in Epiro & Acheronte amni, quem ex Molosside fluentem in stagna inferna accipit Thesprotius sinus. Ceterum (ut serme fugiendo in media fata ruitur) quum sæpe Brutias Lucanasque legiones fudisset; Heraclæam Tarentinorum coloniam, Consentiam ex Lucanis, Sipontumque, Bruttiorum Terinam, alias inde Messapiorum ac Lucanorum cepisset urbes, & trecentas familias illustres in Epirum, quas obsidum numero haberet, misisset; haud procul Pandosia urbe imminente Lucanis ac Brutiis finibus tris tumulos, aliquantum inter se distantes, insedit; ex quibus incursiones in omnem partem agri hostilis faceret. & ducentos forencæ Lucanorum. exfulea circa se pro fidis habebat, ut pleraque

pleraque ejus generis ingenia sunt, cum fortuna mutabilem gerentes fidem. Imbres continui, campis omnibus inundantes, quum interclusissent trifariam exercitum à mutuo inter se auxilio, duo præsidia, quæ sine rege erant, improvise hostium adventu opprimuntur: deletisque eis, ad ipsius obsidionem omnes conversi. Inde ab Lucanis exsulibus ad suos nuntii missi sunt: pactoque reditu promissum est, regem, aut vivum, aut mortuum, in potestatem duros. Ceterum cum delectis ipse, egregium facinus ausus, per medios erumpit hostes, & ducem Lucanorum cominus congressum obtruncat: contrahensque suos ex fuga palatos, pervenit ad amnem, ruinis recentibus pontis, quem vis aquæ abstulerat, indicantem iter. quem quum incerto vado transiret agmen, fessus metu ac labore miles, increpans nomen abominandum fluminis, *Jure Acheras vocaris*, inquit. quod ubi ad aures accedit regis; adjecit extemplo animum fati suis; substititque dubius, an transiret. Tum Sotimus minister ex regis pueris, *quid in tanto discrimine periculi cunctaretur* interrogans, indicat Lucanos insidiis querere locum. Quos ubi respexit rex procul grege facto venientes, stringit gladium, & per medium amnem transmittit equum. Jamque in vadum egressum eminens veruto Lucanus exsul transfigit. lapsum inde cum inhaerente telo corpus exanime detulit amnis in hostium præsidia. Ibi sæda laceratio corporis facta. namque, præciso medio, partem Consentiam misere: pars ipsis retenta ad ludibrium. quæ quum jaculis saxisque procul incesceretur, mulier una, ultra humanarum irarum fidem sævienti turbæ immixta, ut parumper sustinerent precata, flens ait, *virum sibi liberisque captos apud hostes esse: sperare, corpore regio, utcumque mulcato se suos redempturam*. Is finis lacerationi fuit. sepultumque Consentia, quod membrorum reliquum fuit, curâ mulieris unius: ossaque Metapontum ad hostes remissa; inde Epirum deventa ad Cleopatram uxorem.

rem fororemque Olympiadem : quarum mater Magnæ Alexandri altera, soror altera fuit. Hæc de Alexandri Epirensis tristi eventû, quanquam Romano bello fortuna cum abstinuit, tamen, quia in Italia bella gessit, paucis dixisse satis sit.

XXV. Eodem anno lectisternium Romæ, quintò post conditam urbem, iisdem, quibus antè, placandis habitum est Diis. Novi deinde consules jussu populi quum misissent, qui indicerent Samnitibus bellum; & ipsi majore conatu, quàm adversus Græcos, cuncta parabant; & alia nova nihil tum animo tale agitantibus acceperunt auxilia. Lucani atque Apuli, quibus gentibus nihil ad eam diem cum Romano populo fuerat, in fidem venerunt, arma virosque ad bellum pollicentes. fœdere ergo in amicitiam accepti. Eodem tempore etiam in Samnio res prospere gesta. tria oppida in potestatem venerunt, Allifæ, Callifæ, Ruffrium: aliisque ager primo adventu consulum longè latèque est pervastatus. Hoc bello tam prospere commisso, alteri quoque bello, quò Græci obsidebantur, jam finis aderat. nam, præterquam quòd, interseptis munimentis hostium, pars parti abscissa erat, fœdiora aliquanto intra muros iis, quibus hostis territabat, patiebantur: & velut capti à suismet ipsis præfidiis, indigna jam liberis quoque ac conjugibus, & quæ captarum urbium extrema sunt, patiebantur. Itaque quum, & à Tarento & à Samnitibus, fama esset, nova auxilia ventura, Samnitium plus, quàm vellent, intra mœnia esse rebantur: Tarentinorum juventutem, Græci Græcos, haud minùs per quos Samniti Nolanoque, quàm ut Romanis hostibus resisterent, expectabant. Postremò levissimum malorum deditio ad Romanos visa. Charilaus & Nymphius, principes civitatis, communicato inter se consilio, partes ad rem agendam divisere, ut alter ad imperatorem Romanorum transfugeret, alter subsisteret ad præbendam opportunam consilio urbem.

Charilaus

Charilaus fuit, qui ad Publilium Philonem venit : & quod bonum, faustum, felix Palapolitanis populoque Romano esset, tradere se, ait, mœnia statuisse. Eo facto utrum ab se prodita, an servata, patria videatur, in fide Romana positum esse. sibi privatim nec pacisci quicquam, nec petere : publice petere, quàm pacisci, magis, ut, si successisset inceptum, cogitaret populus Romanus, potius eum quanto studio periculoque reditum in amicitiam suam esset, quàm quâ stultitiâ & temeritate de officio decessum. Collaudatus ab imperatore tria millia militum ad occupandam eam partem urbis, quam Samnites infidebant, accepit : præsidio ei L. Quinctius tribunus militum præpositus.

XXVI. Eodem tempore & Nymphius prætorem Samnitium arte aggressus perpulerat, ut, quoniam omnis Romanus exercitus aut circa Palæpolim aut in Samnio esset, sineret se classe circumvehi ad Romæ agrum, non oram modò maris, sed ipsi urbi propinqua loca depopulaturum. Sed, ut falleret, nocte proficiscendum esse, extemploque have deducendas, quod quo maturius fieret, omnis juventus Samnitium, præter necessarium urbis præsidium, ad litus missa. ubi dum Nymphius in tenebris & multitudine semet ipsa impediens, sed quòd aliis alia imperia turbans, terit tempus; Charilaus, ex composito ab sociis in urbem receptus, quum summa urbis Romano milite impleret, tolli clamorem iussit : ad quem Græci, signo accepto à principibus, quiescere. Nolani per averfam partem urbis viâ Nola ferente effugiant. Samnitibus exclusis ab urbe, ut expeditior in præsentia fuga, ita foedior, postquam periculo evaserunt, visa : quippe qui incirmes, nullâ rerum suarum non relictâ inter hostes, ludibrium non externis modò, sed etiam popularibus, spoliati atque egentes domos rediere. Haud ignarus opinionis alterius, quâ hæc proditio ab Samnitibus facta traditur, quum auctoribus hoc dedi, quibus dignius credi est, tum foedus Neapolitanum (eò enim deinde summa rei Græcorum

corum venit) similius vero facit, ipsos in amicitiam redisse. Publilio triumphus decretus; quod satis credebatur, obsidione domitos hostes in fidem venisse. Duo singularia hæc ei viro primùm contigere; prerogatio imperii non antè in ullo facta, & actio honore triumphus.

XXVII. Aliud subinde bellum cum alterius oræ Græcis exortum. namque Tarentini, quum rem Palæpolitanam vanâ spe auxilii aliquandiu sustinuissem, postquam Romanos urbe potitos accipere, velut destituti, ac non qui ipsi destituissem, increpare Palæpolitānos: irā atque invidiā in Romanos furere; eo etiam, quod Lucanos & Apulos (nam utraque eo anno societas cœpta est) in fidem populi Romani venisse allatum est: *quippe propemodum per-ventum ad se esse: jamque in eo rem fore, ut Romani aut hostes, aut domini habendi sint. Discrimen profectò rerum suarum in bello Samnitium eventusque ejus verti. eam solam gentem restare, nec eam ipsam satis validam, quando Lucanus defecerit. quem revocari adhuc, impellique ad abolendam societatem Romanam posse, si qua ars ferendis discordiis adhibeatur.* Hæc consilia quum apud cupidos rerum novandarum valuissem; ex juventute quidam Lucanorum pretio asciti, clari magis inter populares, quàm honesti, inter se mulcati ipsi virgis, quum corpora nuda intulissent in civium cœtum, vociferati sũnt, se, quod castra Romana ingredi ausi essent, à consule virgis cæsos, ac propè securi percussos esse. Deformis suapte naturā res quum speciem injuriæ magis, quàm doli, præ se ferret, concitati homines cogunt clamore suo magistratus senatum vocare: & alii, circumstantes concilium, bellum in Romanos poscunt: alii ad concitandam in arma multitudinem agrestium discurrent: tumultuque etiam sanos consternante animos, decernitur, ut societas eum Samnitibus renovaretur; legatique ad eam rem mittuntur. Repentina res quia quā causam nullam, tam ne fidem quidem



quidem habebat, coacti à Samnitibus & obsides dare, & præsidia in loca munita accipere, cæci fraude & irâ nihil recusârunt. Dilucere deinde brevi fraus cœpit, postquam criminum falsorum auctores Tarentum commigravere : sed, amissâ omni de se potestate, nihil ultrâ, quàm ut pœniteret frustra, restabat.

XXVIII. Eo anno plebi Romanæ vchut aliud initium libertatis factum est, quod necti desierunt : mutatum autem jus ob unius sœneratoris simul libidinem, simul crudelitatem insignem. L. Papirius is fuit : cui quum se C. Publilius ob æs alienum paternum nexum dedisset; quæ ætas formaque misericordiam elicere poterat, ad libidinem & contumeliam animum accenderunt : &, florem ætatis ejus fructum adventicium crediti ratus, primò perlicere adolescentem sermone incesto est conatus : dein, postquam aspernabantur flagitium aures, minis territare, atque identidem admonere fortunæ : postremò, quum ingenuitatis magis, quàm præsentis conditionis, memorem videret, nudari jubet, verberaque asferri. Quibus laceratus juvenis, quum se in publicum prœripuisset, libidinem crudelitatemque conquerens sœneratoris ; ingens vis hominum, quum ætatis miseratione atque indignitate injuriæ accensa, tum suæ conditionis liberumque suorum respectu in forum ; atque inde, agmine facto, ad curiam concurrît. & quum consules, tumultu repentino coacti, senatum vocarent, introeuntibus in curiam Patribus laceratum juvenis tergum, procumbentes ad singulorum pedes, ostentabant. Victum eo die ob impotentem injuriam unius ingens vinculum fidei : jussique consules ferre ad populum, ne quis, nisi qui noxam meruisset, donec pœnam lueret, in compedibus aut in nervo teneretur : pecuniæ creditæ bona debitoris, non corpus, obnoxium esset. Ita nexi soluti ; cautumque in posterum, ne necterentur.

XXIX. Eodem anno, quum satis per se ipsum Samnitium

mnitium bellum & defectio repens Lucanorum, auctoresque defectionis Tarentini sollicitos haberent Patres, accessit, ut & Vestinus populus Samnitibus sese conjungeret. quæ res sicut eo anno sermonibus magis passim hominum jactata, quam in publico ullo concilio est; ita insequentis anni consulibus, L. Furio Camillo iterum, Junio Bruto Scævæ, nulla prior potiorque visa est, de qua ad senatum referrent. &, quanquam nova res erat, tamen tanta cura Patres incessit, ut pariter eam susceptam neglectamque timerent: ne aut impunitas eorum lasciviâ superbiâque, aut bello pœnæ expetitæ metu propinquo atque irâ concirent finitimos populos. Et erat genus omne abunde bello Samnitibus par, Marsi Pelignique & Marrucini: quos, si Vestinus attingeretur, omnes habendos hostes. Vicit tamen pars, quæ in præsentia videri potuit majoris animi, quam consilii: sed eventus docuit, fortes fortunam juvare. Bellum ex auctoritate Patrum populus adversus Vestinos jussit. Provincia ea Bruto, Samnium Camillo forte evenit. Exercitus utroque ducti, & curâ tuendorum finium hostes prohibiti conjungere arma. Ceterum alterum consulem L. Furium, cui major moles rerum imposita erat, morbo gravi implicitum fortuna bello subtraxit: jussusque dictatorem dicere rei gerendæ causâ, longè clarissimum bello eâ tempestate dixit L. Papirium Cursorem; à quo Q. Fabius Maximus Rullianus magister equitum est dictus: par nobile rebus in eo magistratu gestis, discordiâ tamen, quâ propè ad ultimum dimicationis ventum est, nobilius. Ab altero consule in Vestinis multiplex bellum, nec usquam vario eventu, gestum est. nam & pervastavit agros, &, populando atque urendo testa hostium fataque, in aciem invitus extraxit: & ita prælio uno accidit Vestinorum res, haudquaquam tamen incruento milite suo, ut non in castra solum refugerent hostes, sed, jam ne vallo quidem ac fossis freti, dila-

berentur

berentur in oppida, situ urbium mœnibusque se defensori. Postremo oppida quoque vi expugnare adortus, primò Cutinam ingenti ardore militum aut vulnerum irâ, quòd haud ferè quisquam integer prælio excefferat, scalis cepit: deinde Cingiliam. utriusque urbis prædam militibus, quòd eos neque portæ, neque muri hostium arcuerant, concessit.

XXX. In Samnium incertis itum auspiciis est: cuius rei vitium non in belli eventum, quod prospere gestum est, sed in rabiem atque iras imperatorum vertit. namque Papirius dictator, à pullario monitus, quum ad auspicium repetendum Romam profisceretur, magistro equitum denunciavit, ut sese loco teneret, neu, absente se, cum hoste manum confereret. Fabius quum post profecionem dictatoris per exploratores compèrisset, perinde omnia soluta apud hostes, ac si nemo Romanus in Samnio esset; seu ferox adolescens indignitate accensus, quòd omnia in dictatore viderentur reposita esse; seu occasione bene gerendæ rei inductus; exercitu instructo paratoque profectus ad Imbrinium, (ita vocant locum) acie cum Samnitibus conflavit. ea fortuna pugnae fuit, ut nihil relictum sit, quo, si adfuisset dictator, res melius geri potuerit: non dux militi, non miles duci defuit. Eques etiam, auctore L. Corninio tribuno militum, qui aliquoties impetu capto percurrere non poterat hostium agmen, detraxit frenos equis; atque ita concitatos calcaribus permisit, ut sustinere eos nulla vis posset. per arma, per viros latè stragem dedere. Secutus pedes impetum equitum, turbatis hostibus intulit signa. Viginti millia hostium caesa eo die traduntur. Auctores habeo, bis cum hoste signa collata, dictatore absente, his rem egregiè gestam. Apud antiquissimos scriptores una hæc pugna invenitur: in quibusdam annalibus tota res prætermissa est. Magister equitum, ut ex tanta cæde, multis potius spoliis, congesta in ingentem accervam hostilia

hostilia arma subdito igne concremavit: seu votum id Deorum cuiuspiam fuit; seu credere libet Fabio auctori, eo factum, ne suæ gloriæ fructum dictator caperet, nomenque ibi scriberet, aut spolia in triumpho ferret. Literæ quoque de re prospere gesta ad senatum, non ad dictatorem, missæ, argumentum fuere minimè cum eo communicantis laudes. Ita certè dictator id factum accepit, ut, lætis aliis victoriæ partâ, præ se ferret iram tristitiamque. Misso itaque repente senatu, se ex curia proripuit: tum verò, non Samnitium magis legiones, quàm majestatem dictatoriam & disciplinam militarem, à magistro equitum victam & eversam dictitans, si illi impune spectum imperium fuisset. Itaque plenus minarum iraque, profectus in castra, quum maximis itineribus esset, non tamen prævenire famam adventus sui potuit. Præcucurrerant enim ab urbe, qui nunciarent, dictatorem avidum pœnæ venire, alternis penè verbis T. Manlii factum laudantem.

XXXI. Fabius, concione extemplo advocatâ, obtestatus milites est, ut, quâ virtute rempublicam ab infestissimis hostibus defendissent, eadem se, cujus ductu auspicioque vicissent, ab impotenti crudelitate dictatoris tutarentur. Venire amentem invidiâ, iratum virtuti alienæ felicitatiq; favere, quòd, se absente, respublica egregiè gesta esset: malle, si mutare fortunam posset, apud Samnites, quàm Romanos, victoriam esse. Imperiam dictitare spectum, tanquam non eodem monte pugnari videret, quâ pugnatum doleat: & tunc invidiâ impediri victoriam aliamque voluisse, cupidissimisque arma adductam fuisse militibus, ut, se absente, moveri possent: & nunc id favere, id agere pati, quòd si ne L. Papirius, non inermes, non manci milites fuerint, quòd se Q. Fabius magistrum equitum duxerit, ac non accessum dictatoris. Quid illum facturum fuisse, si, quòd belli casus ferunt, Marsque communis, adversa pugna evenisset; qui sibi, devictis hostibus, republicâ hanc gesta, ita ut non ab illo unico

amico dace melius geri potuerit, supplicium magistro equitum minetur? Neque illum magistro equitum infestiores, quam tribunis militum, quam centurionibus, quam militibus esse. si possit, in omnes savituum fuisse: quia id nequeat, in unum favire. Etiam invidiam, tanquam ignem, summa petere; in caput consilii, in ducem incurrere. si se simul cum gloria rei gesta exstinxisset, tunc victorem, velut in capto exercitu dominantem, quicquid licuerit in magistro equitum, in militibus ansurum. Proinde adessent in sua causa omnium libertati. Si consensum exercitus eundem, qui in prælio fuerit, in tuenda victoria videat, & salutem unius omnibus cura esse; inclinaturum ad clementiorem sententiam animum. Postremo se vitam fortunamque suas illorum fidei virtutique permittere.

XXXII. Clamor è tota concione ortus, uti bonum animum haberet; neminem illi vim allaturum, salvis legionibus Romanis. Haud multo post dictator advenit: classicoque extemplo ad concionem advocavit. Tum, silentio facto, præco Q. Fabium magistrum equitum citavit. qui simul ex inferiore loco ad tribunal accessit, tum dictator, *Quero, inquit, de te, Q. Fabi, quum summum imperium dictatoris sit, pareantque ei consules, regia potestas, prætores iisdem auspiciis, quibus consules, creati; æquum censeas, necne, magistrum equitum dicto audientem esse?* Itemque illud interrogo, quum me incertis auspiciis profectum ab domo scirem, utrum mihi turbatis religionibus respublica in discrimen committenda fuerit, an auspicia repetenda, ne quid dubiis Diis agerem? Simul illud, qua dictatori religio impedimento ad rem gerendam fuerit, num eâ magister equitum solutus ac liber potuerit esse? Sed quid ego hæc interrogo? quum, si ego tacitus abissem, tamen tibi ad voluntatis interpretationem mea dirigenda tua sententia fuerit. Quin tu respondes, vetuerimne, te quicquam rei, me absente, agere? vetuerimne, signa cum hostibus conferre? quo tu imperio meo spreto, incertis auspiciis, turbatis religionibus, adversus morem militarem, disciplinamque majorum & numen Deorum, ausus es cum hoste configere. Ad hæc,

*hec, quæ interrogatus es, responde. extra ea, cave, vocem mittas. Accede, lictor.* Adversus quæ singula quum respondere haud facile esset, & nunc quereretur, eundem accusatorem capitis sui ac judicem esse; modò, vitam sibi eripi citiùs, quàm gloriam rerum gestarum, posse, vociferaretur; purgaretque se in vicem, atque ultro accusaret: tunc Papirius, redintegratà irà, spoliari magistrum equitum, ac virgas & secures expediri jussit. Fabius, fidem militum implorans, lacerantibus vestem lictoribus, ad triarios, tumultum jam in concione miscentes, sese recepit. Inde clamor in totam concionem est perlatus: alibi preces, alibi minæ audiebantur. qui proximi fortè tribunal steterant, quia subjecti oculis imperatoris noscitari poterant, orabant, ut parceret magistro equitum, neu cum eo exercitum damnavet. Extrema concio & circa Fabium globus increpabant inclementem dictatorem: nec procul seditione aberant. ne tribunal quidem satis quietum erat. Legati circumstantes sellam orabant, ut rem in posterum diem differret, & iræ suæ spatium, & consilio tempus daret: *Satis castigatam adolescentiam Fabii esse: satis deformatam victoriam: ne ad extremum finem supplicii tenderet: neu unico, juveni, neu patri ejus, clarissimo viro, neu Fabia genti eam injungeret ignominiam.* Quum parum precibus, parum causà proficerent, intueri savientem concionem jubebant. ita irritatis militum animis subdere ignem ac materiam seditioni, non esse atatis, non prudentia ejus. neminem id Q. Fabio, pœnam deprecanti suam, vitio versurum, sed dictatori, si occacatus irâ infestam multitudinem in se pravo certamine movisset. Postremò, ne id se gratia dare Q. Fabii crederet, se jusjurandum dare paratos esse, non videri è republica, in Q. Fabium eo tempore animadverti.

XXXIII. His vocibus quum in se magis incitarent dictatorem, quàm in magistrum equitum placarent, jussi de tribunali descendere legati: & silentio nequicquam per præconem tentato, quum, præ strepitu ac

X

tumultu,

tumultu, nec ipsius dictatoris, nec apparitorum ejus vox audiretur; nox, velut in prælio, certamini finem fecit. Magister equitum, jussus postero die adesse, quum omnes affirmarent, infestius Papirium exarsurum, agitatum contentione ipsâ exacerbatumque, clam ex castris Romam profugit: & patre auctore M. Fabio, qui ter jam consul dictatorque fuerat, vocato ex templo senatu, quum maximè conquereretur apud Patres vim atque injuriam dictatoris, repente strepitus ante curiam licitorum submoventium auditur: & ipse insensus aderat, postquam comperit profectum ex castris, cum expedito equitatu secutus. Iterata deinde contentio: & preendi Fabium Papirius jussit. Ubi quum, deprecantibus primoribus Patrum atque universo senatu, perstaret in incepto immitis animus; tum pater M. Fabius, *Quandoquidem, inquit, apud te nec auctoritas senatus, nec ætas mea, cui orbitatem paras, nec virtus nobilitasque magistri equitum, à te ipso nominati, valet, nec preces, quæ sæpe hostem mitigavere, quæ Deorum iras placant; tribunos plebis appello, & provocho ad populum. eumque tibi, fugienti exercitus tui, fugienti senatus judicium, judicem fero, qui certè unus plus, quàm tua dictatura, potest polletque. Videro, cessurusne provocationi sis, cui rex Romanus Tullus Hostilius cessit. Ex curia in concionem itur.* quò cum paucis dictator, cum omni agmine principum magister equitum quum descendisset; deduci eum de rostris Papirius in partem inferiorem jussit. Secutus pater, *Bene agis, inquit, quum eò nos deduci jussisti, unde & privati vocem mittere possemus. Ibi primò non tam perpetuæ orationes, quàm altercatio, exaudiebantur. Vicit deinde strepitum vox & indignatio Fabii senis, increpantis superbiam crudelitatemque Papirii: Se quoque dictatorem Roma fuisse, nec à se quenquam, ne plebis quidem hominem, non centurionem, non militem, violatum; Papirium, tanquam ex hostium ducibus, sic ex Romano imperatore victoriam & triumphum petere. Quantum interesset*  
inter

inter moderationem antiquorum, & novam superbiam crudelitatemque. Dictatorem Quinctium Cincinnatum in L. Minucium consulem, ex obsidione à se ereptum, non ultrà servasse, quàm ut legatum eum ad exercitum pro consule relinqueret. M. Furium Camillum in L. Furio, qui, contemptâ suâ senectute & auctoritate, fœdissimo cum eventu pugnasset, non solum in præsentia moderatum iræ esse, ne quid de collega secus populo aut senatui scriberet; sed, quum revertisset, potissimum ex tribunis consularibus habuisse, quem ex collegis, optione ab senatu datâ, socium sibi imperii delegerit. Nam populi quidem, penes quem potestas omnium rerum esset, ne iram quidem unquam atrociorē fuisse in eos, qui temeritate atque incitiâ exercitus amisissent, quàm ut pecuniâ eos mulctaret. capite anquisitum ob rem bello male gestam de imperatore nullo ad eam diem esse. Nunc ducibus populi Romani, quæ ne victis quidem bello fas fuerit, virgas & secures victoribus, & justissimos meritis triumphos intentari. Quid enim tandem passurum fuisse filium suum, si exercitum amisisset; si fusus, fugatus, castris exutus fuisset? quod ultrà iram violentiamque ejus excessivam fuisse, quàm ut verberaret necaretque? Quàm conveniens esse, propter Q. Fabium civitatem in letitia, victoria, supplicationibus, ac gratulationibus esse: eum, propter quem Deum delubra pateant, aræ sacrificiis fument, honore, donis cumulentur, nudatum virgis lacerari in conspectu populi Romani; intuentem Capitolium atque arcem, Deosque ab se duobus præliis baud frustra advocatos? Quo id animo exercitum, qui ejus ductu auspiciisque vicisset, laturum? quem luctum in castris Romanis, quam letitiam inter hostes fore? Hæc, simul jurgans, querens, Deum hominumque fidem obtestans, & complexus filium, plurimis cum lacrimis agebat.

XXXIV. Stabat cum eo senatus majestas, favor populi, tribunicium auxilium, memoria absentis exercitus. Ex parte altera, imperium invictum populi Romani, & disciplina rei militaris, & dictatoris edictum pro numine semper observatum, & Manliana imperia, & postba-



bita filii caritas publica utilitati, jactabantur. Hoc etiam L. Brutum, conditorem Romanae libertatis, antea in duobus liberis fecisse. nunc patres comes, & senes faciles de alieno imperio spreto, tanquam rei parvae, disciplina militaris eversa juventuti gratiam facere. Se tamen perstaturum in incepto: nec ei, qui adversus dictum suum, turbatis religionibus ac dubiis auspiciis, pugnasset, quicquam ex justa poena remissurum. Majestas imperii perpetua ne esset, non esse in sua potestate. L. Papirium nihil de ejus jure deminuturum. optare, ne potestas tribunicia, inviolata ipsa, violet intercessionem suam Romanum imperium, neu populus in se potissimum dictatorem & jus dictaturae exstinguat. Quod si fecisset, non L. Papirium, sed tribunos, sed pravam populi judicium, ne quicquam posteros accusaturos: quum, polluta semel militari disciplina, non miles centurionis, non centurio tribuni, non tribunus legati, non legatus consulis, non magister equitum dictatoris pareat imperio; nemo hominum, nemo Deorum reverentiam habeat; non edicta imperatorum, non auspicia observentur; sine comitatu vagi milites in pacato, in hostico errent, immemores sacramenti, licentia sola se, ubi velint, exauctorent; infrequentia deserantur signa; neque conveniatur ad edictum, nec discernatur, interdum nocte, a quo iniquo loco, jussu injussu imperatoris pugnent; & non signa, non ordines servant; latrocinii modo ceca & fortuita, pro solenni & sacra militia sit. Horum criminum vos reos in omnia secula offerre, tribuni plebi: vestra obnoxia capita pro licentia Q. Fabii objicite.

XXXV. Stupentes tribunos & suam jam vicem magis anxios, quam ejus, cui auxilium ab se petebatur, liberavit onere consensus populi Romani, ad preces & obsecrationem versus, ut sibi poenam magistri equitum dictator remitteret. Tribuni quoque, inclinatam rem in preces subsecuti, orare dictatorem insistant, ut veniam errori humano, veniam adolescentiae Q. Fabii daret: satis eum poenarum dedisse. Jam ipse adolescens, jam pater M. Fabius contentionis obliti, procumbere

cumbere ad genua, & iram deprecari dictatoris. Tum dictator, silentio facto, *Bene habet*, inquit, *Quirites*. *vicit disciplina militaris, vicit imperii majestas, qua in discrimine fuerunt, an ulla post hanc diem essent.* Non noxa eximitur *Q. Fabius*, qui contra edictum imperatoris pugnavit; sed, noxae damnatus, donatur populo Romano; donatur tribunicia potestati, precarium non justum auxilium ferenti. *Vive, Q. Fabi*, felicior hoc consensu civitatis ad tuendum te, quam, quod paulo ante exultabas, victoriâ. *vive*, id facinus ausus, cujus tibi ne parens quidem, si eodem loco fuisset, quo fuit *L. Papirius*, veniam dedisset. *Mecum*, ut voles, reverteris in gratiam: populo Romapo, cui vitam debes, nihil majus praestiteris, quam si hic tibi dies satis documenti dederit, ut bello ac pace pati legitima imperia possis. Quum se nihil morari magistrum equitum pronuntiasset, degressum eum templo lætus senatus, lætior populus, circumfusi, ac gratulantes hinc magistro equitum, hinc dictatori, prosecuti sunt: firmatumque imperium militare haud minùs periculo *Q. Fabii*, quam supplicio miserabili adolescentis *Manlii*, videbatur. Fortè ita eo anno evenit, ut, quotiescunque dictator ab exercitu recessit, hostes in Samnio moverentur. ceterùm in oculis exemplum erat *Q. Fabius M. Valerio* legato, qui castris præerat, ne quam vim hostium magis, quam trucem dictatoris iram, timeret. Itaque, frumentatores quum, circumventi ex insidiis, cæsi loco iniquo essent, creditum vulgò est, subveniri eis ab legato potuisse, ni tristia edicta exhorruisset. ea quoque ira alienavit à dictatore militum animos, jam antè insensos, quòd implacabilis *Q. Fabio* fuisset; &, quod suis precibus negasset, ejus populo Romano veniam dedisset.

XXXVI. Postquam dictator, præposito in urbe *L. Papirio Crasso* magistro equitum, *Q. Fabio* vetito quicquam pro magistratu agere, in castra rediit; neque civibus satis lætus adventus ejus fuit, nec hostibus quicquam attulit terroris. namque postero die, seu

X. 3.

ignari

ignari venisse dictatorem, seu, adesset an abesset, parvi facientes, instructa acie ad castra accesserunt. Ceterum tantum momenti in uno viro L. Papirio fuit, ut, si ducis consilia favor subsecutus militum foret, debellari eo die cum Samnitibus potuisse, pro haud dubio habitum sit: ita instruxit aciem loco ac subsidiis, ita omni arte bellicâ firmavit. cessatum à milite, ac de industria, ut obtrectaretur laudibus ducis, impedita victória est. Plures Samnitium cecidere: plures Romani vulnerati sunt. Sensit peritus dux, quæ res victoriæ obstaret: temperandum ingenium suum esse, & severitatem miscendam comitati. Itaque, adhibitis legatis, ipse circum saucios milites inferens in tentoria caput, singulos, ut sese haberent, rogans, curam eorum nominatim legatis, tribunisque, & præfectis demandabat: rem per se popularem ita dexter egit, ut, medendis corporibus, animi multo prius militum imperatori reconciliarentur; nec quicquam ad salubritatem efficacius fuerit, quam quod grato animo ea cura accepta est. Refecto exercitu, cum hoste congressus haud dubiâ spe suâ militumque, ita fudit fugavitque Samnites, ut ille ultimus eis dies conferendi signa cum dictatore fuerit. Incessit deinde, quâ duxit prædæ spes, victor exercitus; perlustravitque hostium agros, nulla arma, nullam vim, nec apertam, nec insidiis, expertus. Addebat alacritatem, quod dictator prædam omnem edixerat militibus: nec ira magis publica, quam privatum compendium, in hostem acuebat. His claudibus subacti Samnites pacem à dictatore petiere: cum quo pacti, ut singula vestimenta militibus, & annuum stipendium darent; quum ire ad senatum jussi essent, secuturos se dictatorem responderunt, unius ejus fidei virtutisque causam suam commendantes. ita deductus ex Samnitibus exercitus.

XXXVII. Dictator triumphans urbem est ingressus: &, quum se dictaturâ abdicare vellet, jussu Patrum,

trum, priusquam abdicaret, consules creavit C. Sulpicium Longum iterum, Q. Æmilium Cerretanum. Samnites, infectâ pace, quia de conditionibus agebatur, inducias annuas ab urbe retulerunt. nec earum ipsarum sancta fides fuit: adeo, postquam Papirium abisse magistratu nunciatum est, arrecti ad bellandum animi sunt. C. Sulpicio, Q. Æmilio (Aulium quidam annales habent) consulibus, ad defectionem Samnitium Apulum novum bellum accessit. Utróque exercitus missi. Sulpicio Samnites, Apuli Æmilio sorte venerunt. Sunt, qui non ipsis Apulis bellum illatum, sed socios ejus gentis populos ab Samnitium vi atque injuriis defensos scribant. Ceterum fortuna Samnitium, vix à se ipsis eo tempore propulsantium bellum, propius ut sit vero, facit, non Apulis ab Samnitibus arma illata, sed cum utraque simul gente bellum Romanis fuisse. nec tamen res ulla memorabilis acta: ager Apulus Samniumque evastatum: hostes nec hic, nec illic inventi. Romæ nocturnus terror ita ex somno trepidam repente civitatem excivit, ut Capitolium atque arx, mœniaque & portæ, plena armatorum fuerint. & quum concursatum conclamatumque ad arma omnibus locis esset, primâ luce nec auctor, nec causa terroris comparuit. Eodem anno de Tusculanis Flaviâ rogatione populi fuit judicium. M. Flavius tribunus plebis tulit ad populum, ut in Tusculanos animadverteretur; quorum eorum ope ac consilio Veliterni Privernatesque populo Romano bellum fecissent. Populus Tusculanus cum conjugibus ac liberis Romam venit. ea multitudo, veste mutata, & specie reorum, tribus circuit, genibus se omnium advolvens. plus itaque misericordia ad poenæ veniam impetrandam, quàm causa ad crimen purgandum valuit. Tribus omnes, præter Polliam, antiquarunt legem. Polliæ sententiâ fuit, puberes verberatos necari, conjuges liberosque sub corona lege belli venire: memoriamque

que ejus iræ Tusculanis in pœnæ tam atrocis auctores mansisse ad patrum ætatem constat, nec quenquam ferme ex Pollia tribu candidatum Papiriam ferre solitum.

XXXVIII. Insequenti anno, Q. Fabio, L. Fulvio consulibus, A. Cornelius Arvina dictator & M. Fabius Ambustus magister equitum, metu gravioris in Samnio bellî (conducta enim pretio à finitimis juventus dicebatur) intentiore delectu habito, egregium exercitum adversus Samnites duxerunt. Castra in hostico incuriosè ita posita, tanquam procul abesset hostis: quum subitò advenere Samnitium legiones tantâ ferocità, ut vallum usque ad stationem Romanam inferrent. Nox jam appetebat: id prohibuit munimenta adoriri, nec dissimulabant, ortâ luce postero die facturos. Dictator, ubi propiorem spe dimicationem vidit, ne militum virtuti damno locus esset, ignibus crebris relictis, qui conspectum hostium frustrarentur, silentio legiones educit: nec tamen fallere propter propinquitatem castrorum potuit. Eques extemplo infecutus ita institit agmini, ut, donec luce sceret, prælio abstineret. ne pedestres quidem copiarum ante lucem castris egressæ. Eques, luce demum ausus incurfare in hostem, carpendo novissimos, premendoque iniquis ad transitum locis, agmen detinuit. interim pedes equitem affecutus; & totis jam copiis Samnis urgebat. Tum dictator, postquam sine magno incommodo progredi non poterat, eum ipsum, in quo constiterat, locum castris dimetari jussit. Id verò, circumfuso undique equitatu, ut vallum peteretur, opusque inciperet, fieri non poterat. Itaque, ubi neque eundi, neque manendi copiam esse videt, instruit aciem, impedimentis ex agmine remotis, instruunt contra & hostes, & animis & viribus pares. auxerat id maximè animos, quòd, ignari loco iniquo, non hosti, cessum, velut fugientes ac terribiles ipsi secuti fuerant. Id aliquandiu.

liquando æquavit pugnam, jam pridem defuncto Samnite clamorem Romani exercitus pati. At, hercule, illo die ab hora dici tertia ad octavam ita anceps dicitur certamen stetit, ut neque clamor, ut primo semel concursu est sublatus, iteratus sit; neque signa promota loco, retrove recepta; neque recursum ab ulla sit parte. In suo quisque gradu obnixi, urgentes scutis, sine respiratione ac respectu pugnabant. fremitus æqualis, tenorque idem pugnae in defatigationem ultimam aut noctem spectabat. Jam viris vires, jam ferro sua vis, jam consilia ducibus deerant: quum subito Samnitium equites, quum, turmâ unâ longius propositâ, accepissent, impedimenta Romanorum procul ab armatis sine præsidio, sine munimento stare, aviditate prædæ impetum faciunt. Quod ubi dictatori trepidus nuncius attulit; *Sine modò, inquit, sese prædâ præpediant.* Alii deinde super alios, diripi passim ferrique fortunas militum, vociferabantur. Tum magistro equitum accito, *Vides tu, inquit, M. Fabi, ab hostium equite omissam pugnam? haerent impediti impedimentis nostris. Aggredere, quod inter prædandam omni multitudinè evenit, dissipatos: raros equis insidentes, raros, quibus ferrum in manu sit, invenies: equosque dum prædâ onerant, cæde inermes, cruentamque illis prædam redde. Mibi legiones peditumque pugna cura erunt: penes te equestre sit decus.*

XXXIX. Equitum acies, qualis quæ esse instructissima potest, investa in dissipatos impeditosque hostes, cæde omnia replet. inter sarcinas omissas repenti, obiacentes pedibus fugientium consternatorumque equorum, neque pugnae, neque fugæ satis potentes, cæduntur. Tum, deletò propè equitatu hostium, M. Fabius, circumductis paululum alis, ab tergo pedestrem aciem adoritur. clamor inde novus accidens & Samnitium terruit animos; & dictator, ubi resistentes hostium antesignanos, turbataque signa, & fluctuantem aciem vidit, tum appellare, tum adhortari milites, tribunos princi-

principesque ordinum nominatim ad iterandam secum pugnam vocare. Novato clamore, signa inferuntur : & quicquid progrediebantur, magis magisque turbatos hostes cernebant. Eques ipse jam primus erat in conspectu : & Cornelius, respiciens ad manipulos militum, quod manu, quod voce poterat, monstrabat, vexilla se suorum parmasque cernere equitum. Quod ubi auditum simulque visum est, adeo repente laboris, per diem penè totum tolerati, vulnerumque obliti sunt, ut haud secus, quàm si tum integri è castris signum pugnae accepissent, concitaverint se in hostem. nec ultra Samnis tolerare terrorem equitum, peditumque vim potuit : partim in medio cæsi, partim in fugam dissipati sunt. Pedes restantes ac circumventos cecidit : ab equite fugientium strages est facta ; inter quos & ipse imperator cecidit. Hoc demum prælium Samnitium res ita infregit, ut omnibus conciliis fremerent, *minimè id quidem mirum esse, si impio bello, & contra fœdus suscepto, infestioribus meritò Diis quàm hominibus, nihil prospere agerent. expiandum id bellum magnâ mercede, luendumque esse. Id referre tantam, utrum supplicia noxia paucorum, an omnium innoxia, praebeant sanguine* : audebantque jam quidam nominare auctores armorum. Unum maximè nomen per consensum clamantium Brutuli Papii exaudiebatur. vir nobilis potensque erat, haud dubiè proximarum induciarum ruptor. De eo coacti referre prætores decretum fecerunt, *Ut Brutulus Papius Romanis dederetur, & cum eo præda omnis Romana, captivique ut Romam mitterentur ; quæque res per feciales ex fœdere repetita essent, secundùm jus fasque restituerentur.* Feciales Romam, ut censuerunt, missi, & corpus Brutuli exanime : ipse morte voluntariâ ignominia se ac supplicio subtraxit. Placuit cum corpore bona quoque ejus dedi. nihil tamen earum rerum, præter captivos, ac si qua cognita ex præda sunt, acceptum est : ceterarum rerum irrita fuit deditio. dictator ex senatuscon-

tusconsulto triumphavit. Hoc bellum à consulibus bel-  
latum, quidam auctores sunt, eosque de Samnitibus  
triumphasse: Fabium etiam in Apuliam processisse, at-  
que inde magnas prædas egisse.

XL. Nec discrepat, quin dictator eo anno A. Cor-  
nelius fuerit. id ambigitur, belline gerendi causâ crea-  
tus sit; an ut esset, qui ludis Romanis, quia L. Plau-  
tius prætor gravi morbo fortè implicitus erat, signum  
mittendis quadrigis daret; functusque eo haud sanè  
memorandi imperii ministerio, se dictaturâ abdicaret.  
nec facile est, aut rem rei, aut auctorem auctori præ-  
ferre. Vitiatam memoriam funebribus laudibus reor,  
falsisque imaginum titulis, dum familia ad se quæque  
famam rerum gestarum honorumque fallente mendacio  
trahunt. Inde certè & singulorum gesta, & publica  
monumenta rerum confusa. nec quisquam æqualis tem-  
poribus illis scriptor exstat, quo satis certo auctore ste-  
tur.

*Finis tomi primi.*







P. 400. cap. 2.

Phin. H. R. Pomeroy. L. 1850  
cap. 8 pag. 280 ed. Ripont.

pag. 250

classe - dormitabat divus  
antiquitus classi dormitabat. ex  
alium armatum quem abat  
ap. Lucan. ovid. Plautum  
Virg. claphusque louis, hui ac les ce stare de

Lib. ii  
Hortina classe id. lib. vii

classe procurator extra pomae  
nium : caeritum armatum videre  
ap. Fabium Pictorem.

A. Gellius N. d. l. x. 16

plura ap. Manag. Faber epit. int. p. 47

pag. 255 Quid de conem matronis?  
comp. pag. 300 -

— 280 Regentes tadi anna ambi  
tionis Regem creare

— 283 Labor & voluptas


— 332. Brennus - no victus!

— 393 Ludi Scenici - versus Papennini  
Hythionis - Stellana -

400 gradus hispanicus

• linguam ab indus extorere -

Vid. A. Gellius Stroict id. l. x. c  
Form. l. x. p. 16 l. x. c



JAN 29 1912

